

West Virginia University Libraries



3 0802 100975126 4





1114 M460

R114

M460

V.2

1757

DO NOT CIRCULATE



RECEIVED

APR 16 1955

**WEST VIRGINIA UNIVERSITY
MEDICAL SCHOOL LIBRARY**

APR 15 1894

APR 15 1894

THE UNIVERSITY OF VIRGINIA
MEDICAL SCHOOL LIBRARY

Mead, Richard, 1675-1754.


RICHARDI MEAD,

Colleg. Medicor. Lond. & Edinburg. Socii, Reg.
Societat. Sodalit, & Medici Regii.

OPERA OMNIA TOM. SECUNDUS.

C O N T I N E N S

*De IMPERIO SOLIS ET LUNAE in
Corpora humana, & Morbis inde o-
riundis. ORATIO Anniversaria HAR-
VEJANA in Theatro Regii Medicorum
Londinensium Collegii habita. DISSER-
TATIO DE NUMMIS quibusdam SMYR-
NAES in Medicorum honorem percussis.
MONITA ET PRAECEPTA MEDI-
CA. MEDICA SACRA, sive de Morbis
Insignioribus, qui in Bibliis memoran-
tur, Commentarius.*



P A R I S I I S,
Apud GUIELMUM CAVELIER,
Via San-Jacobæ, ad Insigne Liliæ Aurei.
M D C C L V I I.

1757

HEALTH
SCIENCES

Old Book
R114
M460
U.2

RIC. MEAD M. D.

*Coll. Med. Londinens. & Regiæ Societ.
Socii Med. Regis;*

DE IMPERIO
SOLIS ET LUNÆ
IN CORPORA HUMANA,
ET MORBIS
INDÈ ORIUNDIS.

ULTIMA EDITIO.

Digitized by the Internet Archive
in 2011 with funding from
LYRASIS Members and Sloan Foundation

ADMONITIO

A D

LECTORES.

POSQUAM Libellum hunc ante annos plùs quàm quadraginta à me scriptum, & in lucem editum, amicorum quorundam hortatu iterùm publicare in animum induxeram; id mihi negotii dari, ut novam ei impenderem curam, & accessionibus quibusdam augerem, planè intellexi. Inter relegendum itaque nonnulla, quæ ad mathematica spectant, dilucidius exposui; alia verò quæ in Medicinâ faciendâ usui esse possunt, pluribus exemplis confirmavi. Quàm late autèm hæc pateant in Arte salutari, ex variis Morborum generibus, quorum progressus ac status diversos à Solis Lunæque periodis pendere ostendimus, satis manifestò appa-

414 ADMONITIO AD LECTORES.


*rebit. Cùm fieri igitur potest , ut , qui
calculis geometricis parùm moventur ,
exemplis tamen adeò numerosis fidem
adhibeant , nolim hic Platonikum illud
usurpare ,*

ΟΥΔΕΙΣ ΑΓΕΩΜΕΤΡΗΤΟΣ ΕΙΣΙΤΩ

Dabam Londini , ipsis Kal. Jul.

A. D. MDCCXLVI.





P R Æ F A T I O.

CUM varium ab omni ævo fuerit pro diversis inter se Philosophorum decretis Medicinæ studium; mirari subiit aliquoties, post feliciter jam ante aliquot annos promotam causarum naturalium indagacionem, non ea accessisse salutari Artî incrementa, quæ à rectiùs institutâ ratiocinatione sperare fas erat. Quantum profecerint in rerum cognitione sapientiæ consulti ab adjunctis disquisitioni de naturâ geometricis rationibus, Auctoribus inprimis celeberrimis Galileo, Keplero, Torricellio, & Neutono, nemo in his Sacris vel mediocriter versatus ignorat. At conjecturis tamen adhuc scattet Medicina, & vix dùm scientiæ nomen meretur. Id nùm Artis ipsius indoli debeatur, quæ certa principia respuat; an potius Medicis vitio vertendum sit, qui obliquum tramitem insistentes, laboris tædio in rectam viam redire noluerint; aliàs fortassis dabitur disputandi occasio.

Interim, ut manifestum fiat, quamùm proſit medentibus, tùm in cauſis, tùm in remediis morborum inveniendis, geometriæ ſtudio, difficillimam quæſtionem, *De quæſtione ægitudinum circuitibus*, explicare inſtitui; quæ quidẽ talis eſt, ut ſolâ hujus diſciplinæ ope inveſtigari queat.

Coactus idcirco ſum in hâc diſputatione paulò accuratiores inire numerorum rationes, quàm quas requirere videtur res Medica. Lectorem igitur *Newtonianæ* aliquantulum doctum deſidero; aut qui ea ſaltem intelligat, quæ ad ſenſum ſummi Philoſophi *De Ætibus Maris* in *Actis* noſtris *Philophicis* luculenter expoſuit Vir omnibus bonis litteris eruditiffimus, Edmundus Halleius. Negligant autem per me licet, qui nullo mathematicarum diſciplinarum ſtudio tenentur, hanc operis noſtri partem. Nullam ego ex calculis algebraicis gloriolam aucupabor unquam, qui ſentio, quàm mihi ſit ad hæc animi exercitationes mediocre nimis ingenium. Et erunt, ut opinor, in his ſchedulis hiſtoriæ aliquot & monita, quæ etiam illis, qui omnia ratiocinia in Arte noſtrâ contemnunt, ſolam experientiam ducem ſecuti, uſum aliquem in medendo præbeant;

præbeant; qui quidè̃m nostri omnis qualiscunq̃e laboris finis est.

Latè̃ patet iste, in quo decurrimus; campus; neque uno tantum modo innumeris, inter quos miseri vitam trahimus, doloribus opitulamur. Tum experimentis, tum ratione, constat Medicina; & qui huic minimè̃ fidit, eò saltè̃m certiori spe salutem promittit ægrotantibus, quo illis instructior ad artem se accingat. At utrumque sanè̃ auxilium desiderat res Medica; ut, quibus supersunt exempla, hos non deficiat scientia, quæ illa variis casibus accommodare docet.

Quamquàm enim sobriis fortasse & frugi hominibus, quales fuisse primos mortales accepimus, adversus infirmæ valetudinis incommoda satis foret præsidii in perpaucis remediis, quæ casus ostenderat, & comprobârat usus; successu tamen temporis, postquàm corpora vitiant desidia & luxuria, aliâ sæpè atque aliâ curatione opus erat; cum quætere jam necesse esset, non tantum quid morbum fecisset, sed & quænam ratio communem ipsius naturam atque indolem in hoc aut illo immutasset. Hinc *mederi oportere*, dixit Hippocrates, & *communia* & *propria intuentem* (a): quoniam, ut rectè̃

(a) Epidem. Lib. I.

Celsus, *Inveniuntur in quibus aliter; atque in cæteris, idem eveniat; & causæ quoque æstimatio sæpè morbum solvit* (a).

Neque aliâ sanè de causâ Medicinæ professionem per quingentos ferè annos, à Trojano nimirum ad Peloponnesiacum bellum, *in nocte densissimâ latuisse*, ut memoriæ prodidit Plinius (b); verisimile videtur, quam quod, cùm nova jam non rarò inciderent morborum genera, neque pares huic operi esse possent, qui solo usu Medici evaserant, sibi vindicârunt sapientiæ cultores artem salutarem, quæ sine naturæ rerum cognitione trunca & debilis deprehendebatur. Hinc de eodem illo intervallo refert Celsus, habitam esse sapientiæ partem medendi scientiam, ut & morborum curatio, & rerum naturæ contemplatio sub iisdem Auctoribus nata sit (c).

Et est quidè in rem nostram quam maximè hîc indicare, Geometras reverà insignes fuisse illos Philosophos, qui prima posuerunt antiquitùs Artis nostræ fundamenta. Excelluit enim inter omnes sapientiæ magistros illis temporibus Pythagoras, qui tantam acquisivit laudem à Medicinæ peritiâ, ut circumferret vulgò

(a) In Præfat.

(b) Lib. XXIX. in Proœm.

(c) Loco citato.

famâ, peragrasse ipsum civitates non docendi, sed medendi causâ (a). At eximii simul erant hujus viri in mathematicis disciplinis progressus. Id testantur duo inprimis nobilia ipsius reperta: alterum, *De quadrato lateris in opθoyωντῳ triangulo recto angulo subjecti quadratis laterum eundem continentium æquali*; alterum, *De areâ Parabolæ*, quam demonstrasse primum ipsum Auctor est Proclus (b). Et ob prius quidẽm problema hecatomben illum immolasse, Apollodori arithmetici auctoritate freti, Athenæus (c) & Diogenes Laertius (d) testantur. Utrius tamen causâ sacrificaverit, eodem Apollodori carmine adducto, in dubio relinquit Plutarchus (e).

Audivit hunc in Italicâ scholâ Empedocles, divino ingenio vir, qui abdita naturæ penetralia, rimatus illa præstitit in arte nostrâ, quæ frustrâ quis ab empiricâ medicinâ sperasset. Inciderat enim in Agrigentum, natalem urbem, gravis pestilentia; cujus ille mox causam compariens, *occlusis montium quorundam faucibus*,

(a) Ælian. Var. Hist. Lib. IV. Cap. 17.

(b) Lib. IV. ad primum Euclid.

(c) Lib. X pag. 418.

(d) In vitâ Pythagor. Lib. VIII. segm. 12.

(e) Quod ne vivere jucundè quisquam possit, qui se-
ctam sequatur Epicuri.

*per quas spirantes insalubres venti impôr-
târant contagionem, avertit malum (a). Pari
beneficio & Selinuntios affecit, quos eum
circumjacentis fluvii vitio & putore invaserat
lues, duos ille vicinos amnes in hunc deriva-
ri jussit; quo pacto, concitato flumine, &
purgato alveo, dulcescebant paulatim aquæ,
& grassari desit pestis (b). Ideò inprimis
memoratu dignæ sunt hæc historiæ, quo-
niam nullis cedere remediis contagiosos
morbos, ad iram deorum vulgò relatos,
credidit antiquitas; in utroque vero ca-
su auxilium indicavit mechanica scientia,
& à consimilibus causis non rarò hujus-
modi calamitatès inferri innumeræ Auc-
torum observationes fidem faciunt.*

Præceptorem, ut quidem crediderunt,
ipsius Hippocratis Democritum geome-
triæ pariter & medicinæ studium com-
mendavit. Nam inter alia *De Contactu cir-
culi & spheræ, De Geometriâ, De lineis
ratione carentibus*; ut etiam *De naturâ ho-
minis, De humoribus, & de pestibus scripsisse
dicitur. (c)*

Per hos quidè, & horum similes, vi-
ros increvit hæc professio ad Hippocratis
usque tempora; qui, ut Celsus ait, *primus*

(a) Idem, De Curiositate, & Lib. contra Coloten.

(b) Vide Diog. Laert. Lib. VIII. segm. 70.

(c) Idem in Vita Democrit. Lib. IX. segm. 46 & 47.

ab studio sapientiæ disciplinam hanc separavit (a). Is enim, cum vulgi superstitionem, Empiricorum audaciam & simulationem inanemque Sophistarum ostentationem, artis processibus maximè obstare deprehenderet; ad illum finem scripta sua referebat, ut hisce impedimentis & difficultatibus obviam iret. Et religionibus quidè vanis obsistere docet in aureolo, *De Morbo Sacro*, libello; ubi multus est in patefaciendis illorum hominum fraudibus ac fallaciis, qui pietatis erga deos specie & obtentu inscitiam suam velabant, incantamentis & lustrationibus morbos depellere profitentes, quos medicamentis non poterant. In libris *De Arte*, *De Decoro*, & *De Præceptionibus*, tam contra istos, qui artem esse negantes Medicinam experimenta tantum spectabant; quàm eos, qui perverso more hanc colebant, prolixè & acutè disputat. Et animadvertere quidè lubet, quoniam in partes trahi video à quibusdam, invitum licet, divinum senem, mechanicum ubique ratiocinandi genus in hisce tractatibus à Medicinæ parente probari & commendari. *Laudo*, inquit, *ratiocinationem*, modò *ex iis, quæ sensus comprehendunt, aut expe-*

(a) In Præfatione.

rimenta ostendunt, nascatur, & ritè ex his, quæ comparent, conclusiones colligat. Quod si non legitimâ inductione procedat, verùm ex opinionum commentis proficiatur, molestias & difficultates graves adfert (a). Illustrantur etiã atque confirmantur hæc ab iis, quæ de prisca Medicinâ differens inculcat ipse. Postquàm enim simillimos esse plerosque Medicos imperitorum navium gubernatorum pronuntiavit, quorum, dùm tranquillo mari & secundis ventis vehuntur, non deprehenditur artis inscitia; at si fortè gravior cælum contraxerit tempestas, constat mox illorum culpâ factum esse naufragium: cognoscendas in primis esse docet rerum facultates, non fingendo aut excogitando, sed vires, quas in corpus nostrum habent & exercent, inveniando, in quo tùm humorum affectiones, tùm partium figuras perpendere oportet; quarum nimirùm quædam ex ampliore sinu in angustum apicem coeunt, quædam expansæ sunt, aliæ teretes & cylindræ, aliæ densæ, aliæ denique raræ & laxæ. Hæc est illa Sapiëntia, quæ cum studio Medicinæ conjungenda est; quâque, ut ait, instructus diis par evadit artifex (b). Sed ego fusiùs ista non exponam. Ex dictis manifestum est, σοφιστὰς, appellare Artis Magistrum istos, qui fictis super causis ar-

(a) Lib. de Præcepto.

(b) Lib. de Decoro.

gumentantur; at ἐργῶ ἰντροῦς habere illos, qui ex perspectis naturæ legibus, & cognitiâ corporis animalis fabricâ, ratiocinantur. Quod in illorum gratiam moneo, qui, quasi nihil intersit inter commentitias Philosophorum ὑποθέσεις, & certas Geometrarum conclusiones, utilissimam disciplinam despiciunt, & coram indoctâ plebe irrident. Næ illi crassâ, ne dicam invitâ Minervâ, Philosophiam pariter ac Medicinam colunt, non attendentes quàm longè discrepent ab illorum opinionibus horum rationes. Qui hypothesin enîm condit, verisimilia sequitur, & id inprimis agit, ut eventibus & phænomenis solvendis paria sint & respondeant præscripta; contra autem mechanica θεωρία ex demonstrationibus constat, quas aut ex Corporum figuris colligit geometriam edoctus, aut ex cognitis jam & manifestò compertis motûs legibus necessariâ inductione, pertexit.

Exemplis res fiet illustrior. Concinnavit *De Corporum gravitate suspensiones & conjecturas* Cartesius, nec quidquam inde in naturæ rerum cognitione profecit; at hujus leges, nullâ habitâ causæ ratione, geometricè persecutus magnus noster Newtonus ipsam mundi fabricam contemplationi nostræ subjecit. *Morborum soporiferorum*

ideam commentus est Willisius, unde discimus superfuisse auctori verba, defuisse naturæ illorum scientiam; horum verò ipsorum Historiam & symptomata ad mechanicas rationes exigens Bellini, cum ad notitiam, tum ad curationem etiã gravium malorum patefecit viam. Sed de his hæcenus.

Cum meum autem super opellâ hac edendâ consilium cum amicissimo A. Pitcarnio, ad Reipublicæ salutem & Artis incrementum nato Medico, per litteras communicassẽ, laudavit ille institutum; & pro eâ, quâ est humanitate, ex thesauro suo instructissimo Historias de quorundam Morborum recursibus perlibenter mihi suppeditavit. Has, non levia Libelli nostri ornamenta, idoneis quasque locis exposui, gavisus viri in hisce studiis principis testimonio sententiam nostram confirmasse; eoque magis, quoniam æquum erat tam alienis, quàm propriis observationibus, novæ theoriæ fidem adferre. Neque id sanè hîc tacendum duxi, quod rerum Conditoris Opt. Max. sapientiam haud parùm illustret nostra dissertatio, & ipsius bonitatem miro artificio junc-tam patefaciat; qui cum omnibus viventibus summâ curâ prospexerit, hoc bruta

inter & ratione prædita animantia fecit
discrimen , ut cùm fruerentur illa com-
munibus naturæ beneficiis , nobis ultra
liceret horum rationes & usus explorare ,
ac Dædalæ molis divinum opificium con-
templari. Curationem denique memora-
torum casuum ideò perstrinxi breviter ;
quoniam , quæ mihi in plerisque morbis
notatione maximè digna in dies occur-
rant , si neque animus , neque otium , ad
scribendum desit , in publicum aliquandò ,
emittere constitui. Tu interim , Lector ,
his fruire & vale.

Londini A. D. M. DCC. IV.



CAPITUM ARGUMENTA.

CAPUT PRIMUM.

Quo Solis Lunæque cursum pro variis suis stationibus variè corpora nostra afficere, motusque fluidorum turbare, demonstratur.

CAPUT SECUNDUM.

Quo Morborum genera, eorumque symptomata, quæ ex causis memoratis ducunt originem, exponuntur.

CAPUT TERTIUM.

Quo, quantum momenti ad Medicinam rectè faciendam hujusmodi observationes adferant, ostenditur.

COROLLARIUM.

Quo ratiocinandi hoc genus rerum naturâ confirmari probatur.



DE IMPERIO
SOLIS AC LUNÆ
IN CORPORA HUMANA,
ET MORBIS
INDE ORIUNDIS.

CAPUT PRIMUM

*Quo Solis Lunæque cursum pro variis suis
stationibus variè corpora nostra afficere,
motusque fluidorum turbare, demonstratur.*



ORBORUM complurium accessio-
nes & circuitus à Lunæ viribus pendere
ab omni ævo crediderunt Antiqui. Imò
quosdam esse, qui Soli astrorum poten-
tiæ originem suam debeant, testimoniis suis com-
probantur; historiarum enim morborum, qui per
populum grassantur, primi Scriptores sunt toti ferè
in corporum cælestium motibus & viribus enume-

randis. Idcirco Theſſalum filium monet Hippocrates, *ut arithmetica & geometria operam det* (a); quoniam multum poſſunt in *agritudinibus ortus & occaſus ſiderum* (b). At verò cum temporis decurſu Philoſophorum decretis accommodari cœpiſſet Medicina, nec tamen ex his ulli compagis animalis cum aſtris conſenſum explicare aggredierentur; neglectâ paulatim verâ obſervandi normâ, non alia cæleſtibus hiſce cauſis tribuebatur efficientia, quam quæ à manifeſtâ aëris ambientis diſpoſitione peti poſſet; niſi fortè excipere velimus quâſdam quaſi veritatis ſcintillas, quas vanis ſuis commentis obſcuratas etiamnum jaçtat Aſtologorum vulgus.

Itaque ut certi aliquid in re perdifficili & reconditâ conſtare poſſit, primùm Solis Lunæque curſum, præter mutationes quas anni tempora & tempeſtates hinc oriundæ inducunt, pro variis eorum ſtationibus variè corpora noſtra afficere, & fluidorum turbare motus, oſtendere; deinde, quoniam morbi, quæve in morbis ſymptomata, hinc trahant originem, inquirere; quantum denique ad medicinam rectè faciendam conferant hujusmodi ratiocinia, exponere conabimur.

Perpetua eſt Auctorum, qui hiſtoriam ventorum conſcripſerunt, obſervatio, ſtatus cæli maximè ventofos incidere in æquinoctium vernum aut autumnale. Notum eſt etiâ pacatum alioquin aëra ventorum vi plus minùs agitari plerumque meridie, & mediâ nocte; hoc eſt, Sole ad meridianum cæli ſaſtigium, aut ſubter cæli ima & meridiano contraria, accedente. Idem pariter contingere liquet, cum intumeſcit maximè maris æſtus, hoc eſt, Lu-

(a) Epiſt. ad Theſſalum.

(b) De acre, aquis & locis.

nâ summum cæli verticem ; aut huic oppositum locum, tenente. Servant idcirco hæc tempora, quibus agricultura, aut res nautica curæ est. Novam denique plenamque Lunam cæli tempestates plerunque, ventis coortis, commutare nemini non compertum est. Evolvat, qui de his certior fieri cupit, J. Goad *Astrometeorologiam* (a). Hæc omnia cum rato & perpetuo naturæ ordine eveniant, mirum est Philosophos nondum illorum rationes accuratius explorasse. Quanquàm enim verissimum sit variam esse admodum, & à causis pendere diversis ventorum originem ; nihilominus tamen constans adeò & certus stasis temporibus eorum recursus unam aliquam necessario, quæ constanter & eodem modo agat, habet à naturâ causam.

Jamdiu compertum est aëra terram nostram ambientem esse fluidum subtile, grave tamen, simulque elasticâ virtute præditum, cujus inferiora à superioribus premuntur ; vis autem cujusque partis undique in orbem æqualiter se diffundit. Hinc fit, ut, si externa quælibet causa gravitatem hujus elementi in quovis loco minuat, ea simul efficiat, ut ruat confestim in eam sedem ab omni parte circumfusus æther, usque dum restitatur in toto ambiente æquilibrium ; quod in omnibus corporibus fluidis locum obtinere necesse est. Hujusmodi quivis impetus ventum faciet, qui nihil est aliud, nisi concitator aëris motus versùs certam aliquam mundi plagam. Inquirendum igitur erit, num suppetat generalis quæpiam causa, quæ pressionem aëris enumeratis modo temporibus immutet ; hæc enim, quæcunque sit, ventos,

(a) Edit. Londini, MDCXC.

& si qua alia hinc pendent phænomena, per certa illa intervalla recurrere faciet.

Æstus maris reciproci, cum mirò quo fluunt ordine, tum insigni quam animantibus ferunt utilitate, nunquàm non invitârunt ad sui contemplationem iilorum ingenia, qui studio naturæ tenebatur. At frustra tamèn tentârunt omnes nobile hoc divini rerum Conditoris artificium, usque dùm altius petita *principia*, & rebus ipsis consona; patefecit orbi magnus noster Newtonus. Horum demùm ope discimus à conjunctis, aut separatis, Solis Lunæque viribus, quarum tamen effecta incertæ locorum aliorumque casuum rationes augent & minuunt, oriri omnes æstuum varietates. Cumque memoratæ jam aëris mutationes iisdem eveniant temporibus, quibus contingunt maris fluxus, sintque pariter aquæ Oceani & ambiens nos æther corpora fluida, iisdem legibus motûs magnâ ex parte subjecta, liquet hic locum habere illud summi Philosophi effatum, quo monet effectuum naturalium ejusdem generis easdem assignandas esse causas, quatenûs fieri potest (a).

Quodnam inter hæc discrimen faciat nota illa aëris virtus, quâ caret aqua, mox dicam. Sepositâ igitur tantisper hujus consideratione, certum est, sicuti intumescit mare, sic bis semper vicenis quinisque horis attolli debere ad insignem altitudinem nos ambientem aëra, attractione Lunæ ad meridianum cæli fastigium accedentis, ità ut pro sphærali figurâ *spheroidem*, quam vocant, adsumat, cujus longissima diametros producta per Lunam transeat; eandem paritèr necessario sequi ætheris intumescentiam, quoties Sol ad loci cujus-

(a) Newton. Princip. pag. 387.

vis meridianum aut suprâ aut infrâ horizontem pervenit ; Lunamque hac potentiâ Solem eâ proportionem, quam habent $4 \frac{1}{2}$ ad 1. proximè, superare. Fit autem intumescencia hæc maxima, quando Luna nova vel plena est, à conjunctis nimirum utriusque astris viribus ; minima, quando ea dimidia est, quatenus nempe, in diversas partes trahentibus eo tempore sideribus, sola virium, quibus alterum alteri præpoller, differentia effectum pariat ; mediocris denique, eo tempore, quod inter Lunæ *quadraturas*, ut appellant, & novam plenamque Lunam medium est. Perigæum item & Apogæum Lunæ vim hanc auget vel minuit. Porro distantia Solis à terrâ minor tempore hyberno quam æstivo efficit, ut æstus æris maximi & minimi sæpius præcedant quam sequantur æquinoctium vernum, autumnale verò sæpius sequantur. In locis autem ubi Luna ab æquatore declinat, æstus fiunt alternis vicibus majores & minores, ob diurnum telluris circâ polos æquatoris motum.

Non alio fundamento nititur tota hæc ratio: natio, quam Newtoni doctrinâ *De astibus maris* ad ærem utcumque accommodatâ. Neque sanè difficile erit ex jam dictis intelligere, quâ necessitate statis iis temporibus recurrant, memorata modo ventorum phænomena. Sequitur igitur ut ostendam, quantum attollantur Oceani aquæ, quibusque de causis superet harum fluxus lunaris ætheris intumescencia ; quo clariùs, quanti illa momenti sit ad turbandos machinæ australis motus, percipiatur.

Demonstravit Newtonus vim Solis ad mare movendum eam habere rationem ad vim gravita-

432 IMPERIUM SOLIS AC LUNÆ
 tis, quam habet 1. ad 12868200 (a). Esto hæc;
 $G : S :: 1 : n.$ unde $S = \frac{G}{n}$ Vires

pariter Lunæ, quibus attollitur mare, esse ad
 gravitatem in proportionem 1. ad 2871400. Sit
 hæc,

$L : G :: 1 : s.$ unde $L = \frac{G}{s}$. Cumque

vis Centrifuga partium terræ à diurno motu orta
 sit ad vim gravitatis, ut 1. ad 289. Esto hæc,

$C : G :: 1 : e.$ unde $C = \frac{G}{e}$. Hinc

$$\begin{array}{ccccccc} & & G & & G & & G & & 1 & & 1 & & 1 \\ S & + & L : C :: & - & + & - : & - :: & - & + & - : & - \\ & & n & & s & & e & & n & & s & & e \end{array}$$

$∴ 1 : \frac{sn}{e} :: 1 : 8123.$ Docuit

$$s + n \times e$$

nos idem Philosophus vim centrifugam sub æqua-
 tore aquas attollere, ultra quam circa polos intumescunt ad pedes 85472 (b). Unde, cum ea vis,
 quæ est ut 8123. elementum hoc ad ped. 85200.
 intumescere faciat, junctæ Solis Lunæque vires;
 quæ sunt ut 1. idem ad pedes 10 $\frac{1}{2}$ attollent, nam
 $\frac{85472}{8123} = 10 \frac{1}{2}$ quam proximè.

Proinde jam notum est eo majori impetu ferri
 referrique maris æstus, quo promptiùs & faciliùs
 virtuti trahenti obsequi possunt aquæ. At verò
 cùm positum sit, rationes ineunte Edm. Halleio,
 sagacissimo Geometra, æris regionem ad 44. usque

(a) Princip. Lib. III. Prop. 36 & 37.

(b) Princip. Lib. III. Prop. 37.

milliaria

milliaria diffundi, aquarum porro Oceani medio-
crem altitudinem esse dimidii milliaris; liquet
spatium à sphæra aëreâ occupatum centenis circi-
ter vicibus Oceani molem, etiam si globus terræ
aquis undique operiretur, superare. Hinc major
erit in ampliori orbe circumacti liquidi ætheris agi-
tatio. Obstant præterea accedenti & recedenti
mari, hic scopuli, illic yada, & inæquales lito-
rum sinus. At surgentem in altum aëra nihil repri-
mit, cujus ea est tenuitas, & præ aquâ mira flui-
ditas, ut minimâ vi facillimè quaquaversus impel-
latur & excurrat.

His accedit, quòd ea lex in Corporibus, quæ
attrahuntur, locum obtinet, ut vires attractionis
sint in ratione quadratorum distantiarum suarum
reciproca, undè validius multò erit; ob majorem
hujus elementi viciniam, in aëra, quàm in aquas,
Solis Lunæque Imperium. Quid, quòd majoris
quoque momenti est in æthere virtutis elasticæ
consideratio? Cujus hæc est conditio & natura, ut
sit pro ratione pressionis, quæ ei incumbit; hinc
diminuto, quòd incumbit, pondere, immane
quantùm se in altum explicabit subjectus aër. Ve-
rum est profectò hæc ita paulatim minui & de-
crescere, ut ultra certum à terrâ terminum sit
momenti nulliùs; ideò tamen vel levis hujus-
modi mutatio parit hic effectum maximum, quo-
niam ab illâ fit, ut velociùs facultatem trahentem
sequatur circumfusa globo volubilis materia.

Ista quidè omnia & ejusdem generis alia effi-
ciunt, ut ab eadem vi lunari ætheri, quàm aquis,
longè majores æstus inferantur. Neque patitur hu-
jus instituti ratio, ut operosis calculis, quantùm ad
hanc rem conferant singula, & quo momento

agant, accuratius exequar. Ad propositum factis est, cum universas esse, tum certis interval-
lis reverti, dictas aëreæ regionis motiones ostendisse.

Hæc cum ita se habeant, facile est ex æstibus maris, reciprocantis simul ætheris impetum conjecturâ assequi. Ab intumescentiâ ad decem pedes cum dimidió, quantâ vi appellant ad littora detumefcentes aquæ, videmus. Turbines itaque ventorum conciter necesse est altius longè, ultra miliare forsan, levatus aër; nisi fortè præstò sint aliæ, quæ his obstant, causæ. Neque sanè dubitare par est, quin eodem rerum Opificis Optimi Maximi consilio eveniant hi utriusque elementi fluxus refluxusque; qui motibus his reciprocis tum aquas Oceani stagnationis & corruptionis vitiis, quibus animantibus omnibus noxiæ evaderent, immunes præstat; tum fluidi ætherei purum & salubrem statum, sine quo nulla nobis constare possent vitæ officia, in dies conservat & recreat. Hujus artificii usum experimur quotidie; modum verò, quod sciam, monstravit hætenus nemo. At non aliud tamen magis spectare debebant ii, qui in apricis & apertis locis citissimè convalescere ægritudinibus confectos, in humidis contrâ & conclusis vel sanissimos facilè morbi corripì, observârunt.

Unum tantùm occurrit, quòd nostris hisce ratiociniis opponi fortassis possit argumentum. Dicat enim aliquis, si hæc phænomena à causis jam memoratis ducant originem, cum ejus sint naturæ, ut aëris pondus imminuant, debere necessario, novâ præsertim plenâque Lunâ, argentum vivum in barometro ad certum terminum

subsidere ; quod tamen non ita evenire comperiunt ephemeridum barometricarum conditores. Idque in primis miratus est Ramazzinus, verisimile ratus, *quod sicuti in Oceano hisce temporibus majores aestus, quam ceteris diebus lunaris mensis, Nautæ conspiciunt, ob dominatum, quem supra mare creditur habere lunare sidus; ita quoque in atmospherâ notabiliter aliqua alteratio in gravitate apparere debeat. Sed reverà, inquit, nihil effectus dignum adnotare licuit; nam in noviluniis & pleniluniis cunctorum mensium nullum ferè discrimen in mercurii altitudine, respectu præcedentium & subsequentium dierum, compertum est; sicuti neque silente Lunâ quicquam memoratu dignum observatum (a).*

Ut ergo scrupulus iste eximatur, operæ pretium erit veram variè librati in fistulâ Torricellianâ hydrargyri causam investigare, quam non semper affecti sunt rerum barometricarum scriptores. In primis igitur certum est aëris incumbentis pressione attolli ponderosum hunc liquorem; vini verò istam elementi esse pro ratione ipsius gravitatis; quæ cum eò major sit, quò plus aëris erit in cylindro, qui hydrargyro directè impendeat; quicquid molem hanc augeat aut minuat, elevari simul aut deprimet sustentatum liquorem. Hinc fit, ut venti maximè hîc efficiant variationes, utpotè qui distrahunt & laxant, aut impellunt & in cumulum quasi cogunt æthereum hunc cylindrum. Unde inter circulos tropicos ubi lenis perpetuo versùs eandem plagam aura spirat, observante Halleio, nullæ ferè in barometro fiunt

(a) Ephemerid, Baromet. Mutin. an. 1694. p. 19.

mutationes (a); in locis verò borealibus insigniores quàm in australibus contingunt, quoniam in illis frequentiores sunt ventorum turbines; iisque temporibus, quæ sunt ventis maximè opportuna, in horas ferè mutatur altitudo hydrargyri, uti de æquinoctiis observavit Ramazzinus. *Circà hac enim, ut ait, insignes variationes insuperavit, ac præcipuè in æquinoctio autumnali; eadem die ad plures lineas modo adscendente; modo descendente mercurio; qui in Solstitiis eandem altitudinem, quam diebus precedentibus habebat, prorsus servavit (b).* Quæ cum ita sint, fieri non potest; quantumvis in altum assurgat æther, ut ubivis locorum novà plenâque Lunâ subsidat semper in barometro hydrargyrum; cum manifestum sit eam esse ventorum conditionem, ut, qui hîc divellunt & dissipant, illîc cogant & condensent imminentem terræ aëra.

Hisce sic expositis, non alienum erit solutionem subungere difficilis quæstionis, de quâ magna inter summos etiàm Philosophos fuit dissensio. Nimirum quid sit, ut cum aqua plûs quam octies centenis vicibus aërem gravitate superet; hic tamen aquosis vaporibus repletus minùs semper attollat in barometro hydrargyrum; ita ut in tubulo subsidencia ejus jam instantem pluviam significet? Ratio autèm ejus rei ex hisce, ut opinor, causis præcipuè petenda est. Aqua omni virtute elasticâ ita caret, ut nullâ vi in minorem molem comprimi possit; interîm tamen calore, qui illam ebullire facit, in partes tam parvas dispergitur,

(a) Act. Philos. Num. 181. pag. 111.

(b) Lib. citat. pag. 20.

ut spatium occupet quatuor decies millies isto majus, quod natura habet (a). Hic vapor, plusquam sexdecies aëre nostro rarior, adeo subtilis est, ut facile particulis aëris commista teneatur, & unitate facta iis adhæreat, non alio modo, quam quo minutissimæ metallorum partes separatae in acidis quibusdam liquoribus, qui illas eroderunt, sustentantur. Notum est enim corpora, quò minores in particulas dividuntur, eò majores pro ratione molis superficies acquirere. Ad hæc æther, quem spiramus, componitur magnam partem ex corpusculis aquâ ponderosioribus, exhalatis scilicet ex varii generis materiâ, plantarum, mineralium, & animalium, quæ in terrâ nascuntur. At momenti forsan longè maximi hîc est ipsa exhalationum è terrâ in sublime latarum qualitas, quæ sunt plurimum sulphureæ. Fumos autem è sulphure ita virtuti aëris elasticæ adversari, ut illam penitus corrumpant & conficiant, multis experimentis compertum est (b). Et glebam hanc mineralem omnibus ferè corporibus inesse docuit magnus Newtonus, cujus maximâ copiâ æthera refertum esse crebra fulminum tonitruumque phænomena aperte demonstrant. Ex his igitur omnibus, ut minori potentia agat humidus quam siccus aër, efficitur. Postquam autem tenuissimus iste vapor aquosus particularum viribus, quas *attractivas* & *repulsivas* vocant Philosophi, in guttas coire incepit, hæ jam, auctâ mole, aëre graviores, pluviae formâ decidunt; & æther deinceps, quò ab his purior

(a) Vide Desaguliers Course of experimental philosophy, Vol. II. Lect. X.

(b) Vide Hale's Statical essays, Vol. 1. pag. 230. & 299.

est, eò majori facultate premit elevatque in tubo barometrico mobilitate simul & pondere præcellentem liquorem.

Sed è diverticulo in viam, & ad ventos, revertendum est; qui à variis fontibus, atque adeò inter se diversis, originem ducunt, ut, qui omnes eorum rationes ex unâ eâdemque causâ subducere cogitat, calculum cum fallere necesse sit.

lis igitur, quæ de hâc re suprâ sunt exposita, accedit constans illa fluentis aëris causa, Solis calor. Ab hoc enim uti generales illos statosque ventos, qui in mari zonæ torridæ, sive quod inter tropicos jacet, spirant, oriri monstravit Halleyus (a); ita ubique terrarum, eundem motiones ætheris variè mutare posse certissimum est. Quin etiâ scimus turbinibus subinde agitari supernos cœli tractus, cum interim aër terram proximè ambiens tranquillus est & serenus. Itêm plurimis in locis increbrescentibus ventis sublimia montium juga intercedunt. Tot tantique prohibent casus, ne eundem ubique ordinem servant, quæ lunarem actionem sequuntur, in cœlo mutationes. Quæ autem incertos nulloque ordine recurrentes ventos concitant, hæ sunt causæ præcipuæ. Primò, vapores elastici vi ignis subterranei è terræ visceribus erumpentes, & in æthere à quibuscunque causis densati, id nonnunquam efficiunt. Deinde, effluviorum è variis corporibus concursus ejusmodi, ut rarefactiones fermentationesque, quales à commistis quibusdam chemicis liquoribus vulgò eveniunt, exciter, idem præstat. Et talia aliquandò incidere phænomena

(a) Philos. Transact. Num. 183.]

docet nos fulminum meteororumque ratio. Præterea, montes incendia evomentes & terræ motus, quæ aëris fluxus ad dissitas usque regiones propagant, eandem habent potentiam. Denique, Cometarum, aliorumque siderum vires, quæ Solis Lunæque imperium variè turbant, simili facultate sunt præditæ.

Hicce igitur ita ostensis, convenit jam demonstrare, quibus de causis hi ætheris motus, qui, intumescente maris æstu, novâ plenâque Lunâ & tempore æquinoctiali contingunt, corporis animalis fabricam immutent. In quam rem hæc sunt tenenda.

Primum animantia omnia, quo spiritum suo commodo & sine labore ducant, aëre indigent ad certum modum gravi. Pondere enim suo, & vi elasticâ, in inanes pulmonis fistulas impellitur spirale fluidum. Quapropter eâ, quam diximus, ratione imminutâ his temporibus ætheris ambientis gravitate, minor solito in thoracem haurietur ipsius portio; quæ cùm minorum sit virium ad sanguinem subigendum, illiusque impetum, quo ad cordis sinistrum ventriculum fluit, promovendum, circulum suum conficiet tardius hic liquor: unde parcius erit fluidi, quod in nervos derivatur, secretio.

Deinde non gravis solum, sed & virtute elasticâ ad definitum gradum præditus esse debet, qui respirationi idoneus sit æther. Sicuti enim is in asperam arteriam, dùm trahitur spiritus, vi ponderis sui irruit; ita dùm redditur, musculorum pectoris & abdominis ope in extremos hujus fistulæ ramos pelli solet; ubi concessâ ob exemptam incumbentem pressionem se explicandi libertate,

illiduntur quaquaversus particulæ elasticæ in vicularum latera , & coarctatis hoc modo sanguinis canaliculis , motui magis aptum reddunt vitale fluidum. Idcirco , quæ hanc æris facultatem immutant , turbabunt simul compagis animalis motus causæ memoratæ. Experiuntur harum conditionum necessitatem ii , qui altissima montium cacumina ascendunt ; his enim cum insigni labore & angustia ducitur spiritus , & tantum non præcluditur , non aliâ de causâ , quam quod tenuis supra modum & purus illic occurrat æther , hoc est , minus quam par est ponderosus & elasticus , & cujus vix ea hauriri queat portio , quæ inflando pulmoni sufficiat.

Postremo inclusam continent liquores omnes in corpore animali auram quandam elasticam , quæ hanc habet naturam , ut vinculis soluta in omnes partes vires suas exerceat. Et hæc quidem motuum illorum intestinorum , quos in sanguine & cæteris fluidis vitalibus observamus , causa est. Quorum impetum , dum in canalibus suis fluunt , ær corporis superficiem ambiens reprimit. Immixta igitur hujus pressione , internus æther , pro ratione dempti de externo elemento ponderis , facultatem habet se protinus explicandi. Hinc , fermentescentibus humoribus , mutantur particularum minimarum cohesiones & nexus , & ultra modum tensi rumpuntur subinde tenuissimi canaliculi. Non aliâ ratione contingit hoc , quam quæ animantibus ope antiæ pneumaticæ ærem ex vitro , quo inclusa sunt , extrahendo eliditur spiritus. Hæc enim primùm anhelæ fiunt ; deinde , subtracto paulatim ære ; intumescit corpus ; tum collabuntur ita sub mortem pulmones minutio-

rum, ut dissecantis sensum ferè effugiant (a).

Si quis autèm curiosior scire velit, quanto pondere, & quo pressioni discrimine, in corpus nostrum agat circumfusus aër, illi hoc calculo satisfiat. Pro certo habendum est, pondus hoc æstimari posse ex vi, quâ hydrargyrum in barometro ab aëre attollitur. Superficies humani corporis molis mediocris est pedum quadratorum quindecim, sive pollicum bis mille centum & sexaginta. Cubus hydrargyri pollicis magnitudine est pondus unciarum octo. Pressio igitur aëris in singulos corporis pollices, pro ratione ponderis hydrargyri in barometro, erit hujusmodi. Columna quadrata hydrargyri unum pollicem lata in barometro fursùm ferri potest ab aëre, cùm maximè ponderosus est, ad pollices triginta; cùm levissimus, subidet ad pollices octo & viginti. Idcirco aër, cùm gravissimus est, premet singulos pollices superficiei corporis nostri pondere librarum quindecim & novem unciarum; cùm levissimus, pondere quatuordecim librarum & unciarum duarum. Hinc Corpus universum in aëre gravissimo pondus sustinet librarum circiter 33684; in levissimo, librarum, 30622. Unde evenit, ut inter pressionem diversis temporibus factam discrimen sit librarum plus minùs ter mille. Resistit quidem, & in pondus istud nititur, internus aër per corpus nostrum dispersus. Fieri tamen nequit, quin magnum sæpè momentum habeat tam insignis variatio; ubi forsàn vitio aliquo humorum, quibus commistus tenetur, hic ipse majori aut minori virtute pollebit.

(2) Vide *Esperienze dell'acad. del Cimento* p. m. 118.

Duo hîc, priusquàm ad alia deveniamus, ut moneam convenit. Unum est, quòd effectus causarum jam expositarum maximè notabilis in his erit, quorum imbecillum est corpus & offensis obnoxia valetudo. Obsistunt enim hisce influxibus illi, quibus est in humoribus imperus major, & firmioribus instructa fibris machina. Hinc mala, quæ mortalibus inde interdùm eveniunt, minimè possunt ejus esse momenti, ut imminuant laudem, quæ artificio debetur supremi rerum Arbitri, qui has ætheri motûs leges posuit. Optimo sanè Consilio prospexit Divinum Numen universalis animalibus, ita tamen, ut singulis nonnunquàm & paucis cederet in detrimentum hæc constituta ratio. Solis situm & distantiam à tellure eo modo disposita esse quis dubitat, qui rerum universitati lucis calorisque diffusionem maximè conducat? At nihilo seciùs noxii interdùm evadunt nonnullis in regionibus nimii fervores; in aliis tam acris est mediâ hieme vis frigoris, ut huic ferendæ pares esse non possint, quibus est à naturâ corpus paulò infirmius; in omnibus denique tempestatum vicissitudines morbos quandoque pariunt. Optimè tamen humano generi consultum esse ab omnibus ultrò conceditur. Prætereà, sicuti sua habent quique allati jam casus auxilia, ita tanta sunt fluxibus istis ætris opposita obstacula, & tot modis ingruentibus inde damnis occurrunt; ut hæc nullo loco sint habenda præ insignibus illorum commodis, quorum ea est conditio, ut omnibus, quotquot alit terrarum orbis, animalibus sint usui.

Alterum, quod hîc monendum duxi, est, quòd suas quique vires sortiti sunt & cæteri Pla-

netæ: qui etsi Solis Lunæque actionem non æquent, conspirant tamen variis modis ad horum potentiam in Corpora nostra augendam vel minuendam. Et tantî sanè momenti sunt hujusmodi concursus, ut extra dubium sit his quandoque acceptam referri debere subitam illam & occultam morborum vim, quæ gentibus universis ingruunt. Neque aliud certè est Hippocratis *ἄλλοι τι* (a), cujus in ægritudinibus rationem haberi jubet, quam ambientis terram acris status, ab astrorum imperio, vel aliâ quâdam insolitâ atque incognitâ causâ genitus; utî latiùs alibi diximus. (b)



CAPUT SECUNDUM.

Quo Morborum genera, eorumque symptomata, quæ ex causis memoratis ducunt originem, exponuntur.

HIS ità expositis, dispiciendum jam erit, quas præcipuè corporis nostri actiones lædant periodicæ hæ liquorum ejus in canalibus suis turgescentiæ. Neque propriâ tantùm observatione, sed ex Medicorum etiàm libris allatis exemplis nostra confirmabitur sententia. Auctori- bus enim hujusmodi historias referentibus tuto licebit fidem adhibere, cùm nullus hic sit opinionibus, quæ corrumpunt plerumque narratio-

(a) Prognostic. I.

(b) Vide Account of poisons, Essay VI. pag. 299. Editio tertia.

nes, locus; & ex casibus veritas appareat extra Philosophorum tunc temporis ratiocinia positis. Et hoc primum mihi satis constare videtur, lunaris hujus potentia vim majorem necessario esse in illum corporis nostri humorem, qui nervos irrigat, quem *spiritus animales* dicimus; quam in ipsum sanguinem, aut alios quoscunque vitales liquores. Cum enim is sit partium tenuissimarum, & (sicut alias monstravi) (a) elasticarum, virtuti causæ cujusvis externæ, facilius obtemperabit. Idcirco, ad illos præcipue morbos spectabit vis Lunæ, qui à vitiis subtilissimi hujus spiritus oriuntur.

Ex his autem, ni fallor, nullus morbo comitiali magis notabilis est; qui cum alias sit difficilis, tum hoc ipso mirabilis prorsus medentibus visus est, quod novâ imprimis plenâque Lunâ soleat recurrere. *Regit*, inquit Galenus, *Luna in epilepticiis periodos.* (b) Hinc dicti sunt interdum à Græcis Scriptoribus hoc malo laborantes *σεληνιακοι* (c); in Historia Novi Fœderis, *σεληνιαζόμενοι* (d); & ab Auctoribus quibusdam Latinis, lunatici (e). Et ipse quidem memini, cum in Nosocomio Divi Thomæ medicinam facerem, quo tempore sæviebat bellum Gallicum, multos de classe nostrâ Nautas morbo hoc correptos curæ meæ traditos fuisse; quorum plerique tirones erant & novitii, qui aut in pugnae navalis furoribus, aut tempestatibus coortis, metu perculsi, in

(a) Vide Introduction to a mechanical account of poisons, *edit. tert.*

(b) De dieb. critic. Lib. III.

(c) Alex. Trallian. Lib. I. cap. 15.

(d) Matth. cap. XVII. v. 15.

(e) Apulejus, de virtutibus herbarum, cap. 2 & 65.

hoc malum inciderant. Lunarem verò potestatem ita sentiebant, ut mihi frequentissimè liceret, ex instante novâ vel plenâ Lunâ accessuum tempora satis certò prædicere. Vidit etiam Thomas Bartholinus puellam epilepticam, habentem in facie maculas, quæ pro variâ Lunæ phasi tam colore quàm magnitudine variæ erant. Tantùm, ait ille, corporibus nostris cum cælo est commercium (a).

Proinde retulit mihi vir in Medicinâ propè singularis; Archibaldus Pitcairnius, se virum invississe triginta annorum, corporis habitûs paulò gracilioris, & temperamenti ad melancholicum accedentis; qui ante novem annos, post largum sanguinis è naribus profluvium, questus erat de subito quasi humoris alicujus à dextrâ ad summum brachium ascendentis motu, unde sensibus orbatus humi concidit; mox ad se rediens torpore tenebatur illius manûs adeò gravi, ut nullus constaret digitis motus, brachium verò dextrum, ipso invito; ad quatuor horæ minuta vi magnâ prorsum retrorsum agitabatur, deperdito intereâ linguæ usu. Recurrebat autem à primo, quo invasit, tempore hoc malum singulis annis certo ordine mensibus Martio & Septembri, hoc est, circa æquinoctium vernum & autumnale, novâ Lunâ. Hisce autem notabilis erat iste casus. Primò, sæpiùs de nocte, quàm de die, ingruit Paroxysmus. Secundò, nunquàm pedes, aut brachium sinistrum vis morbi occupavit. Tertiò, qui jam à primâ ægritudinis accessione remansit stupor, non abstulit sensus; ambulabat enim, urgente ipso, aut equo vehebatur æger. Quarto, Dilcurrente adhuc

(a) Histor. anatom. Centur. 11. Hist. 72.

per manum humore , perstitit motus digitis ; cū verò jam brachium tenuerat , amissus est motus simul cum horum sensu ; deinde dextram Capitis partem invadens violentas peperit brachii motiones , ad tria quatuorque minuta. Quinto , iis anni temporibus , quibus incessit morbus , bis aut ter nonnunquàm horæ spatio rediit torpor , interdū semel tantū intra biduum aut triduum. Sexto , deteriorem fecit hanc infirmitatem balnearum calidarum usus ; graviores enī solito erant , qui subsequēbantur paroxyismi. Postremò , labefactata est insigniter memoria circa tempus ingruentis mali.

Fœminas complures sibi notas testatur Vir idem eximius , quæ ad Lunæ motum symptomata epileptica patiebantur ; prægnantes imprimis , & quibus , cū maturiùs solito parere desierint , defecerunt ante consuetum tempus profluvia menstrua. Hæ in somnis sæpè , interdū & de die , his paroxysmis tentabantur. Duas porrò se curasse meminit puellas , quibus motus epilepticos apportabat Luna ; motus istos dico ridiculos , quos *Choream Sancti Viti* appellat vulgus. Incerti erant , & ad similitudinem saltationis ferè compositi gestus ; vox etiā , vigente maximè paroxyismo , suppressa. Hoc malum laudatis à Clarissimo Sydenhamo (a) medicamentis depellere frustra aggressi sunt , qui menstruos ipsius circuitus non animadvertēbant Medici.

Mirum prorsùs , & minimè vulgarem , deprehendi non ità pridē ipse in puellā hujus ægritudinis cum Lunā concentum. Erat illa quinque

(a) In Schedulâ monitoriâ.

circitèr annorum, & adeò graves miseram tor-
quebant convulsiones, ut conclamatum ferè non
semel jaceret corpus. Remediis tandem ægrè ces-
sit morbus. At post aliquot dies ingruerat denuò
plena Luna, servantibus sideris ejus periodos ità
constanter paroxysmis, ut maris æstibus quotidie
responderent. Suppressa semper erat vox, & ablati
sensus, adfluentibus ad littora aquis, refluenti-
bus verò, ad se rediit ægra. Animadvertit hoc
ipsius pater; habitabat enim ad ripam Tamisis,
magister navigii onerarii; quocircà fluvii cursûs
sedulò servare solebat. Tam constans autèm ac
status fuit reciprocantis mali ordo, ut de lecto
non semel surrexerit parens, ad ea quæ sui erant
muneris agenda, clamoribus filia, sensum, dis-
cussâ paroxysmi vi, recuperantis è somno suscita-
tus, & de refluxu fluminis certior factus. Mansit
per quatuordecim dies hæc morbi conditio, ad
novam nimirum Lunam; quo tempore è siccæ sca-
biei, quæ ab admoto in initio mali (ut à mihi
sæpè in hujusmodi casibus mos est) occipiti em-
plastro epispastico summum verticem obduxerat,
avulsâ crustâ subito profluxit copiosè admodum
serosus & limpidus humor. Levabat ægram diris
cruciatibus hæc eruptio; quare id magno studio
agebam, ut perstaret ad longum tempus hoc è
capite liquoris effluvium; & impositis, quæ super
crescentem carnem coërcerent, cataplasmatibus,
res ex voto successit. Cùm verò tæderet tandem
hujus curæ parentes, inducta est ulceri cicatrix;
& purgato ter quaterve, sub novam in primis
plenamque Lunam, mercurio dulci & pharmacis
consimilibus corpore, incisus est in brachio fini-
stro fonticulus, ad præcavendum aliquâ ex parte

morbi recursus ; in occipitio enim , quæ summa cervicis vertebra cum capite committitur , vulnus infligere (quod in rem puellæ sine dubio fuisset) per amicos non licuit , immunis tamen hoc pacto ab omni gravium symptomatum accessione ægra servata firmis viribus adolevit.

Jure fortassis quis credat ex causarum ignorantia , de quibus hic agitur , evenisse , ut nullæ occurrant in immensis rerum medicarum voluminibus hujusmodi historiae ; & fors demum , quum harum diligenter habebitur ratio , ut non rara extant consimilis *συμπαθίας* exempla. Interim minimè mirum est ex Veteribus quosdam ; uti Auctore Aretæo (*a*) discimus , hunc morbum ad Lunam penitus retulisse , opinantes illam hoc malignum genus sceleratis hominibus in flagitiorum pœnam immittere , & sacrum propterea ducentes.

Non autem ab re erit hic monere , illos *Maniacorum furores* , qui ad Lunæ circuitus revertuntur , conjuncta etiam secum ferre comitialis morbi symptomata ; id quod se perpetuo comperisse mihi non semel affirmavit doctissimus Vir , Eduardus Tyson ; in nosocomio mente captorum Londini Medicus , qui idcirco hoc modo ægrotantes *insanos epilepticos* appellare solet.

Congererem comitali morbo *vertiginem* dixit Galenus (*b*) unde *parvam epilepsiam* antiquitus appellatam fuisse scriptum reliquit Cælius Aurelianus (*c*). Hoc certè huic malo cum illo convenit , ut utrumque lunares plurimum servet periodos ;

(*a*) De diurn. morb. Lib. 1. c. 4.

(*b*) In Aphor. Hippocr. comment. 111. Aphor. 17.

(*c*) De Morb. chron. Lib. 2. c. 2.

idque testantur quàm plures à Pitcarnio notati casus.

Ad epilepsiam denique referendi sunt, qui *hysterici* vulgò audiunt *affectus*; quibus eò feliciùs medebitur quis, quo horum periodos diligentius animadvertit. Narrat casum Pitcarnius sibi notæ mulieris juvenis & nuptæ, obeso corpore; crineque rubræ; cui iustò parciùs fluxerunt semper menses. Illa jam à quatuor annis quæsta fuerat, de molesto compressionis in vertice sensu, descendente simul ad humeros usque gelido humore, cum gravi vertigine & strangulatione faucium; quin etiàm acrem pituitam ventriculo evo-mebat, dolore & angustia premebantur præcordia, urgebatque mane de lecto surgentem spiritûs difficultas; recurrebantque hæc mala ordine constanti novâ plenâque Lunâ.

Morbum recenset Carolus Piso in describendis ægritudinum historiis nulli secundus Auctor, illustri scæminæ, cui non sine sensu suffocationis circa novam Lunam gena sinistra cum colli parte manifestum in tumorem tollebatur (a). Et visam sibi memorat puellam; quæ toto vere circa plenilunio symptomatibus hystericiis percussa fuit tam pertinacius, ut totam Luna quadram durarent: nam cum primum diem reciproci motibus conquateretur; biduum, post æva dia sopor que altus eam detinebant, reliquum quaternarium quiritabatur, nugabatur, s. de leviter delirabat, vigilabatque. (b).

Paralytes periodicas observârunt non rarò Medici. Oppressit virum annis gravem, ut idem re-

(a) De Morbis à ferosâ Colluvie, Obs. 27.

(b) Obsery. 28.

fert, cum ingenti lassitudine somnolentia; accēdebant resolutio nervorum, stupor, oblivio, & quædam desipientia cum febre. *Reducebat has querelas per duos annos nova semper Luna, mitescentibus sensim symptomatibus, & extremis recursibus umbram duntaxat seu imaginem exhibentibus eorum; quæ primis periodis fuerant observata. (a)*

Reciprocantis membrorum tremoris insigne exemplum suggerit nobis Nicolaus Tulpus, animi candore & acri judicio commendatus Scriptor, qui integrum triennium pallidam & habitus planè pituitosi virginem exagitavit, non assiduò, sed intermissis duntaxat vicibus, durante quâlibet periodo ad horas fermè duas, cum rauco gutture & voce suppressâ. *Circuituum autem ordo (sunt ipsissima Auctoris verba) conveniebat manifestè, modò cum maris, modò cum Luna, modò cum Solis, motu; prout enim, horum variaret ratio, pro eo etiam, vel celerius, vel tardius, accedere & recedere reciprocantis tremoris circuitus (b).*

Permagni esse momenti Lunam ad concitanda illa mulierum profluvia, quibus à *menstruis*, quas servant, vicibus impositum est nomen, non ex opinione vanâ, sed sedulâ observatione compertâ re, affirmârunt Veteres. Et recurrerent sine dubio universis fœminis eâdem certâ lege hæ purgationes; nisi obstarent aliæ graviores causæ, & sideris hujus viribus intercederent varia singularum victus vitæque ratio, infinitum temperamentorum discrimen, & incerta denique plurimorum casuum vis & efficientia. Certum est in regionibus propius ad æquatorem sitis, ubi validissimam esse

(a) Observ. 16.

(b) Observ. Med. Lib. 1. c. 12.

unarem actionem superiori capite ostensum est, copiosius fluere menses; in iis contra, quæ polis sunt viciniore, cum ibi sit debilior, parcius. Id in borealibus in primis observavit Hippocrates (a), qui & hanc reddit in Scythicis mulieribus sterilitatis causam.

Hæc cum sit purgaminum muliebrium conditio, minimè mirum est, si & viris quandoque eveniant periodicæ *hemorrhagiæ*. Sicuti enim (ut brevibus rem totam expediam) major pro ratione molis sanguinis in fœminis, quàm in viris, copia in causâ est; quod certis intervallis per peculiare meatus e corporibus earum exeat, iisque maximè, quibus, imminutâ aëris ambientis pressione, facultatem se explicandi habet aura interna; ita & in maribus, iis in primis, quorum imbecillior est natura, & infirmius fibrarum robur, si quando nimia plethorâ turgescant vasa, rumpentur ea necessario, illis potissimum temporibus, quibus distensionem eorum minimâ vi reprimat æther externus.

Invisit me quondam generosus juvenis, infirmiore corporis fabricâ, cætera sanus, cui per sesquiannum redierat novâ constanter Lunâ sanguinis sputum; perstitit illud ad quatuor semper aut quinque dies, profluvio sensim imminuto; quod eò singulis recursibus sensit urgere vehementius quò majorem venarum plenitudinem fecerat victûs vitæque ratio.

Memorabilis est tùm morbi, tùm eventum etiâ ratione, qui eum comitabantur, Pitcarnii ipsius casus. Is cum in Scotiâ haud procul Edin-

(a) De aëre, locis, & aquis.

burgo ruri esset anno 1687. mense Februario, cœlo solito magis sereno & rubente Sole, in ipso Lunæ coitu subitum habuit sine causâ manifestâ sanguinis è naribus profluvium, quod præcesserat gravis insolitæ virium imbecillitatis sensus. Postridiè autem in urbem reversus comperit in baroscopio eâ ipsâ horâ, quæ nona fuit matutina, altius subsedisse hydrargyrum, quàm alias unquam descendere aut ipsi, aut amico suo Gregorio, cujus in ædibus adservabatur, visum fuerat. Mortuum etiâ eodem tempore concidisse alterum amicum Cockburnium, Philosophiæ Professore, ex repentinâ sanguinis è pulmone eruptione; & quinque aut sex alios familiaritate sibi conjunctos, qui opem ipsius quavis ægritudine afflictî implorare solebant, diversis humoris profusionibus tentatos, cum magno suo dolore intellexit.

Duo nobis in hanc rem exempla subministrant *Regiæ nostræ Societatis acta*. Alterum refert Medicus celeberrimus Gulielmus Mulgrave, quod est hujusmodi (a). Viro cuidam, ab ipsâ infantiâ ad annum utque ætatis quartum & vicesimum profluxit plenâ semper Lunâ sanguis ex pollice sinistro, primum quidè ad uncias quatuor, post annum verò sextum decimum ad semilibram. Quem fluxum cum ille, adusta ferro candente parte, inhiberet, incidit mox in graven hæmoptoen; ex quâ, sectâ sæpius venâ, idoneorum medicamentorum ope difficulter demùm & agrè evasit. Alteriûs summa hæc est (b). Caupo quidam Hi-

(a) *Philos. Transact. Num. 277.*

(b) *Num. 171.*

bernus, ab anno ætatis quadragesimo tertio usque ad quinquagesimum quintum, effusionem sanguinis ex indice digito manus dextræ, singulis ferè mensibus recurrentem, ad libras circiter quatuor habuit; quæ si quando arte restringeretur, urebat brachium acerrimus dolor. Minùs quidèm cum Lunæ motu congruebant hujus quam illius mali circuitus, ob enormiorem fortassis vitæ modum, & detrimentum, quod ægri sanitati attulit immodica emissi humoris copia. Hoc ipso tamen memoriâ in primis digna est ista narratio, quod festo Paschatis, hoc est, proximo post æquinoctium vernalis plenilunio, profluxit primò sanguis, quod anni tempus hujusmodi morbis maxime opportunum esse ex dictis suprâ manifestum est.

Istud porrò hîc perpendere oportet, quod sellæ suæ staticæ experimentis Sanctorius, princeps hujus disciplinæ auctor, edoctus comperit. Dicit enim is, *Corpora virorum sana, & moderatissimo victu utentia, singulis mensibus fieri solito ponderosiora, unius scilicet duarumque librarum pondere; & redire ad consuetum pondus circa finem mensis, ad instar mulierum; sed factâ crisi per urinam paulò copiosiora, vel turbidiora* (a). Quapropter fiet ex eâ re necessariò, ut iis valetudinis vitiis mensuris intervallis obnoxius quisque sit, quæ à repletionem ducunt originem; tùm, ut illis temporibus instet in primis ab his periculum, quibus levissimo pondere distenta vasa repellit ambiens æther; denique, ut cùm parium ferè sint virium, nova plenaque Luna, in hanc aut illam incidant

(a) Medicin. static. Sect. I. Aphor. 65.

hæc morborum genera , prout opportunius est alterutri attractioni corpus , & congruit magis cum hac aut illâ sideris periodo humorum plethora.

Cùm frequens , tùm difficilis est ille mulierum morbus , quem *fluorem album* appellant Medici. Et hunc quidè per quatuor annos novâ singulis mensibus Lunâ recurrentem , persistente semper octiduum profluvio , observavit Pitcar-nius.

Incerta est ferè , & variis subjecta casibus , *ulcerum* conditio , habent tamen & hæc aliquoties certâ lege suos humoris ætus. Eruditum juvenem memorat G. Baglivi , ingenii minimè vulgaris , cui , *cùm laboraret fistula stercoraceâ in intestino colo prope jecoris regionem , crescente Lunâ ingens stercorum humorumque copia ex ulcere prodibat , quæ paulatim eâdem decrecente minuebatur ; cujus rei itâ certam habebat experientiam egrotus , ut de Lunæ quadraturis & periodis solâ humoris per fistulam excreti observatione ritè judicaret (a)*. In memoriam autè mihi revocat hæc narratio adolescentis cujusdam infortunium , qui à venereo cum impurâ muliere coitu sensit primùm in dorso dolorem , in femoribus verò gravitatem cum imbecillitate ad motum per quatrîdium. Natum inde est in ipsâ colis glande ulcusculum , è quo profluxit pus mali odoris. Intrâ septimum diem desit sponte suâ ille fluxus ; at novâ Lunâ revertebatur denuò , persistente per menses aliquot hæc mali conditione , usque dùm idonea adhiberentur remedia , quibus tandè penitùs cessit.

Renum *dolores* per lunaria intervalla recipro-

(a) De experiment. circa sanguinem , p. m. 242.

antes animadvertet non raro, quisquis æquam horum habuerit rationem. Morbum descripsit N. Tulpus *Henrici Ainsworthi, Theologi Britannii, apud Amsteladamenses, cui supprimebatur urina, quolibet fermè plenilunio, cum insigni angustia, & evidenti totius corporis incendio, ad diem quartum. Neque excernebatur illa iterùm, nisi vel declinante Lunâ, vel sectâ brachii venâ (a). Et periodicum capillorum mictum, quolibet decimo quarto die revertentem, cum insigni urina difficultate, & tantâ perturbati corporis inquietudine, ut vix in cubili se contineret æger, simul se vidisse retulit (b).*

Casum hisce ferè contrarium memorat Thomas Bartholinus, qui cum cæteris Medicis Hafniensibus convocatus erat ad Bullichium, urbis tunc temporis Præsidem. *Laboraverat, inquit, superioribus annis diabete spuria, singulis mensibus recurrente, cum dolore post nephriticos cruciatus; quodque mirati sumus, instante plenilunio, duodecim mensuras aquæ, seu viginti quatuor libras, minxit, quanquam vix tertiam partem uniûs mensuræ biberit (c).*

Inspexi nuper sectum pueri quinquennis cadaver, cui mortem accelerarant graves nephritidis cum vomitu & alvi fluxu accessiones. Oppleri sunt tum renes, tum ureteres, materiâ calculosâ, quam varias hîc illîc cernere erat formas concretionis induisse. Primum mali fundamentum erat aqueus & limpidus humor, qui paulatim lactescens in tenues & ramosas crystallos abiit, quibus in unum coeuntibus accessit tandem lapidea

(a) *Observ. med. Lib. 11. cap. 43.*

(b) *Ibid. cap. 52.*

(c) *Acta Med. & philosoph. Hafniens. V. 1. Obs. 8.*

durities. Affirmavit mihi Groenveltius, harum rerum apprime gnarus Medicus, qui confectum his ærumnis misellum sæpius inviserat, comperisse se plenam per aliquot menses Lunam attulisse semper diros ægro cruciatus, quos elapsus plerumque per iter urinæ unus aut alter lapillus levabat.

Et quoniam in rerum mentionem incidi, libet infortunium referre adolescentulæ cujusdam mihi notæ. Erat illa annorum quatuordecim, vultu satis venusto; à pueritiâ verò id incommodi passa fuerat, ut die semper uno aut altero ante plenam Lunam pallida fieret, & demissis viribus melancholica, sponteque suâ in somnis urina proflueret largâ copiâ. Perstitit autem fluxus singulis noctibus ad quinque aut sex dies, quibus transactis, redibat iterùm faciei rubicundus color, & consueta animi alacritas. Nihil hîc valebant medicamenta omnia, quæ vi fibras astringendi pollere solent, usque dùm, factis ritè biduo aut triduo ante accessionem ægritudinis exinanitionibus, virtuti lunari occurreretur.

Menstruos sæpè habere recursus *spiritus difficultates* experienciâ didicit vir subtilis ingenii Helmontius. *Exacerbatur*, inquit, *asthmatis paroxysmus Luna stationibus & ævi tempestatibus, quas ideo præsentit & præfagit (a)*. Confirmat hoc ipsum Joannes Floyerus, Eques eruditus, qui in describendâ hujus morbi historiâ cæteris omnibus palmam præripuit. Deprehendit autem ille *quatuordecim dierum intervallo reverti plerumque hæc anxietates, & Lunæ circuitibus consentire (b)*.

(a) Asthm. & Tuss § 22.

(b) Treatise of the Asthm. pag. 17.

Insolitum & rarum lunaris facultatis effectum memorizæ prodidit, doctrinâ studioque pariter laudandus, Kerchringius. Nota ipsi erat matrona quædam Galla, quæ tempore Plenilunii facie prædita erat rotundâ, & sanè quàm formosâ; sed decrescente Luna, oculi, nasus & os in unam partem vertebantur, ità ut deformis admodum in publicum prodire non sustineret; donec, crescente iterum sidere, rediret & ipsa paulatim ad formam Plenilunii, & formæ suæ venustatem (a). Hoc si cui mirum videtur, referenti auctori fidem faciant comperta vulgo in conchyliis, & multis animantium generibus, consimilis virtutis exempla. Nam, ut cecinit olim Lucilius, sapiens Pectæ:

*Luna alit ostrea, & implet echinos,
muribus fibras,*

Et pecchi addit (b):

Et post hunc Manilius:

*Si submersa fretis, concharum & carcere clausa,
Ad Luna motum vivunt animalia corpus (c).*

Multis impedita difficultatibus, & arduæ disquisitionis, est de *Crisibus in morbis acutis* doctrina; itaque operæ pretium erit, numquid ad hanc explicandam conferat nostra disputatio, paulò diligentius investigare. Magnum habere momentum ad medicinam rectè faciendam dierum criticorum considerationem putarunt semper Veteres, & ad horum rationem distinxerunt febrium tempora. Obsoletum verò jam est hoc studium, & irridet, aut supervacaneam ducit, Medicorum vulgus omnem de hisce quæstionem; idque dua-

(a) Observationes Anatomicæ 92.

(b) Apud Aulum Gellium Lib. XX. cap. 8.

(c) Astronomic. Lib. II. v. 93.

bus potissimum de causis, quantum ego conjectari possum.

Primum enim in Orientalibus & calidis mundis plagis primæ, quæ hanc artem effecerunt, habebantur observationes; quæ cum in borealibus & frigidioribus regionibus ad usum reducerentur, nullâ habitâ locorum discriminis ratione, fefellerunt non raro Medicorum opinionem, nec ad spem respondit eventus. Deinde ex paucis remediis constabat antiquitus Medicina, neque aliam febribus adhibere curam moris erat, quam quæ tenui victu vim & ferociam morbi aliquatenus reprimeret. Naturæ enim ministros se præbebant Medici, & hanc sequentes ducem, ad varios humorum in corpore motus animum advertebant sedulo. Postquam verò in diversas curandi vias processerunt hujus atque illius sapientiæ professores æmuli, & ex opinionibus n agis, quam nativis experientiâ monitis, res agi cœpit, nullus relinquebatur iis præceptis locus, quæ à prisca medendi ratione pendebant; cum non uno modo torquerentur jam ægri, & incertum sapè esset, quinam ab ipso morbo ducerent originem dolores, quosve afferrent ingesta perverso more pharmaca.

Quo certiùs itaque constet, quibus præcipuè innixa sit fundamentis hæc Antiquorum disciplina, & ad quam normam exigere observationes suas debeat, quisquis eorum hac in parte studium æmulari exoptat; pauca quædam in medium proferenda sunt, postquam nonnulla, quæ ad hanc rem faciant, sim præfatus.

Febres igitur *epidemicas* vitio ambientis nos aëris oriri certissimum est; ideòque consentaneum

videtur, ut singulis suis temporibus à virtute lunari, quæ hunc afficit, illæ mutationes subire possint. Rem hanc illustrabunt maximè, quæ scripsit is, quem suprà laudavi, Ramazzinus in Commentariis suis lectu dignissimis, de *Constitutionibus annorum MDCXCII. MDCXCIII. & MDCXCIV. in civitate & agro Mutinensi*, Mutinæ editis. Tribus illis annis continuis sæviebat illic febris valdè pestifera, ex illarum scilicet genere, in quibus cutis maculis purpureis interstingitur. *Observatione verò*, inquit, *dignum fuit, quod post plenilunium, ac multò magis silente Lunâ, ferociebat hæc febris, quæ postea ad novum ejusdem lumen mitescebat; nec meâ tantum, sed aliorum quoque Professorum constans fuit observatio, quod non parùm contulit ad hujus febris prognosin & curationem.*

Exactissimum autem fieri Lunæ coitum cum Sol deficit: perfectissimam verò oppositionem in Lunæ defectu; notissimum est; idcirco minimè mirum erat, quod eidem scriptori ita videbatur, cujus sequentia sunt verba: *Admirandum certè fuit, quod diè 21. Januarii MDCXCIII contigit. Facta enim per noctem lunari eclipsi, major pars agrotantium obiit, & eadem horâ, quâ nimirum Luna laborabat; quin & nonnulli repentinâ morte occubère.* Appositissima etiâ ad hanc rem est narratio quædam doctissimi Ballonii, qui convenisse, ait, *Medicos aliquot Parisienses, ut de salute illustis cujusdam fœmina deliberarent. Dùm consulitur, instabat Solis defectus; abeunt ab agrâ, ut cælum contemplantur, nihil tunc imminentis mali prævidentes, imò ne suspicantes quidem; illicò verò ad illam revocantur, eo ipso temporis puncto, qua*

defecit Sol, animâ deficientem. Et mirabantur omnes eam non antè ad se rediisse, quàm astro redierat luminis sui splendor (a).

Nullus dubito, quin si ea, quæ de vi lunari dicta sunt, Medicis essent cognita, longè plura in historiis morborum epidemicorum hujusmodi exempla occurrerent, quàm hodie invenimus. Unum quod viri, cui contigit, dignitas magis notabile facit, commemorabo. Is erat Franciscus Baconus, Baro Verulamienſis, qui ingenio & industriâ admirabilis, primus apud nos ad sapientiæ studium rectam viam aperuit. Huic autèm tanto viro unâ cum egregiis mentis dotibus illam valetudinis infirmitatem tribuit natura, ut quoties Luna deficeret, animi deliquium semper pateretur; cùm ipse de tam subitæ virium privationis causâ nihil præscivisset, aut quidem cogitasset, neque unquàm ad se rediret, donec sideri lumen suum esset redditum (b).

In eclipsi autèm illâ memorabili, quâ anno MDCCXV. die Aprilis 22. Sol tribus sexagesimis horæ partibus, harumque viginti tribus sexagesimis, totus hic Londini obscurabatur, multos variis morbis oppressos se pejus habuisse comperitum fuit; quod cùm vulgò mirum videbatur, causam aperire mihi facile erat. Manè enim in speculam Regiæ Societatis cum Halleio & aliis quibusdam Astronomis ascendens, ut ea quæ tam in cælo, quàm in æthere nostro fierent, prospectarem, auroram lucidissimam cælumque maxime serenum esse percepi. Postquàm autèm Luna

(a) Epidem. Lib. pag. 48.

(b) Vide Rawley's Life of the R. H. Francis Bacon. Lord Verulam, &c.

Solis lumen nobis omninò eripuerat, dies derepentè in noctem mutata est; frigusque insolitum & humidum, quod horrorem incutiebat, tenebras adportasse sentiebamus omnes; quin & naturæ vultu quasi mœrore ac tristitiâ obducto, territæ circumvolitabant volucres, & in campis patentibus attonita stabant armenta & pecora. At verbis describi nequit, quanto gaudio perfusa apparent omnia, cum subito & tanquam ex inesperto Sol, tenebris victricibus suis radiis depulsis, nitido fulgore diem reddebat. Concurrit non sine clamoribus & plausu in vicis populus, sibi gratulans reviviscentem mundum, qui modò interitus videbatur. Mihique sanè nunquam antea licuit, neque posthac, ut opinor, licebit unquàm, spectaculo tam jucundo oculos simul ac mentem oblectare.

Ut ad febres autèm redeam, repentinæ ejusmodi in aëre mutationes, quæ corpora etiàm sanorum afficiunt, infirmis, & acuto morbo jam laborantibus, pro certo nocere res est manifestissima. De iis igitur sat dictum sit, si adjecero tantùm *Pestem*, quæ omnium est dirissima, virtutem hanc lunarem sentire etiàm deprehendi. Experientissimus sanè Auctor, Diemerbroeckius, qui morbi hujus anno MDCXXXVI. Noviomagi grassantis indolem & progressus diligentissimè descripsit, *circa novam plenamque Lunam exacerbata semper fuisse luem, eoque tempore & plurimos morbo correptos fuisse, illosque ferè omnes occubuisse*, observavit (a), plura his adjici possent; sed cùm in re satis apertâ nihil opus esse videatur, quæ de crisis adhuc dicenda restant, jam peragam.

(a) De Peste, pag. 9. Edit. Lond.

Primo igitur, habent morbi omnes *ἐπισήμιοι*; sive qui in populum sæviunt, sua quique certo ordine distributa tempora, quibus increscunt, consistunt, & ad sanitatem inclinant. Constantes adeò & perpetuæ sunt horum leges, ut, quoties à cœli statu oriuntur febres, quarum accessiones in plerisque sine intermissionibus urgent, si modò contingat has quâvis de causâ in aliis per circuitus redire, pensentur semper paroxysmorum numero cessantis morbi intervalla, ita ut parem mensurâ ægritudinem sustineant utroque modo laborantes. Id ipsum solâ experienciâ comperit in morborum historiis indagandis solertissimus Sydenhamus (a), qui hac de causâ sex menses durare quartanas autumnales animadvertit: quoniam, si rite ponatur calculus, inter omne id tempus recurrentes accessiones horas complent 336. sive dies 14; qui quidè continuarum febrium, quas eadem anni tempestas apportat, terminus est. Neque discrepat ab hac ratione Galeni observatio, ideò nimirum septenos habere circuitus exquisitam tertianam, cum legitima continua intra septimum diem desinat, *quia unum conficiunt diem singuli paroxysmi* (b): hoc est, dispar licet sit huius & illius morbi conditio, æquale tamen esse, quo corpus ab alterutro tenetur, temporis spatium. Causa autem, cur istud ita eveniat, sequens observatio ostendet.

Secundò, itaque fermentatur in hisce malis sanguis, neque defervescit, usque dùm per organa secretionis, prout his aut illis magis accom-

(a) De Morb. acut. p. m. 95.

(b) Comment. in Aphor. Hippoc. Lib. VI. Aph. 594 & de Crisib. Lib. II, c. 6.

modatus est humor, foras derivatæ fuerint plurimæ, quæ morbum creârant, particulæ.

Tertio, sicuti suis quique temporibus defæcantur, qui fermentescunt, liquores; sic definitum habet spatium, quo depuratur à fermento, vitale fluidum.

Quartò, non eodem perpetuo tenore cursum suum peragunt, quæ conjuncta secum fert hæc sanguinis effervescencia symptomata; illa verò eorum ratio est, ut certis in primis diebus adeò manifesta sui prodant indicia morbus, ut ex iis non difficile sit, felicem an infaustum exitum habitura sit ægritudo, conjecturâ augurari. Hâc perspectâ februm conditione, dies, qui morte aut sanitate morbum plerumque finiebant, *decretorios*; quibus verò spei aut periculi notæ præcipuè ostendebantur, *decretoriorum indices*, Veteres appellare solebant.

Et hætenùs quidè non erat conjecturalis hæc scientia, adjuncta verò demùm probis observationibus perversa ratiocinia magnis implicuerunt dubiis eam quæstionem. Nescivit Hippocrates istius morborum acutorum naturæ causam, quæ ægrum plerumque liberat dies septimus, quartus decimus, aut unus & vicesimus. Famâ inter alias eminebat illis temporibus Pythagoræ schola, cujus magna scientiæ pars in harmoniâ & reconditis numerorum mysteriis posita fuit; impares paribus efficaciores habebantur, summa verò tribuebatur septennario potentia. Has Philosophi opinioniones ita sequebatur divinus in medendo vir, ut recidivam timeret, si pari die desisset febris (a); & decimum quartum, aut etiâ unum & vicesi-

(a) Aphor. sect. 4. 36.

num diem exspectaret, nisi septimus morbo finem fecisset; quoniam multum potest, tum in ægitudinibus, tum in partu edendo, numerus septenarius (a). Cum autem certum esset solvi interdum febre laborantes die sexto, aut octavo, sine periculo recursus, has rationes ut vanas repudiavit Alectepiades (b); & jure dixit Celsus, in his quidem antiquos tunc celebres admodum Pythagoricos numeros fefellisse (c). Isto igitur animadvertito errore, Galenus feliciter longè in hac disquisitione processit, nec ab imparium dierum efficaciam ducere originem censuit febrium accessiones & crises; sed à Lunæ facultate, quæ terrestribus imperat, & cætera vincit sidera, non potentiam, sed vicinitatis virtute (d). Habent itaque, si ipsius auctoritatem sequi velimus, circuitus suos, quibus septem dierum intervallis accedunt, & inclinant, morbi acuti à cursu Lunæ; *quæ singulis hebdomadibus, cum nova nimirum, dimidium, vel plena est, viribus pollet maximis* (e). Ex his manifestum est Galenum causam, quæ paroxysmos febrium immutat, ritè animadvertisse; at modum, quo hæc effectum parit, non fuisse conjecturâ assecutum. Summa autem rei hæc est.

Crisis est materiæ morbum facientis per hos aut illos corporis meatus expulsio; quæ ut cum ægri salute peragatur, eatenus illa comminuenda & digerenda est, quoad permeare & transire

(a) De septimest. Partu.

(b) Vide Celsum, Lib. III. cap. 4.

(c) Ibid.

(d) De diebus decretor. Lib. III.

(e) Ibid.

possit per ora glandularum ad quas appellit. Idcirco, sicuti perfectissima sit sudoribus febris solutio, tum quod natura cæteris omnibus plus liquoris exipuant subcutaneæ glandulæ, tum quoniam per angustissimos harum tubulos non alius quam tenuis & probè concoctus humor percolari queat; ita maximo cum periculo morbum finit sanguinis fluxus, quippe qui indicat eam esse mali indolem, ut per nullas corporis vias defæcari possit sanguis, qui proindè effervescentiâ suâ canales dirumpit. Mediam autem hîc conditionem habent geniti in illis partibus abscessus, per quas crassi & tenaces expurgantur succi.

Certum est igitur, si modo in novam plenamve Lunam incidat tempus, quo aut à defervescente sanguine foràs pellitur noxius humor, aut profusionem minantur ultra modum tensi ab æstu febrili canaliculi; eò faciliorem & pleniorẽ fore morbi crisin, quod minore tum vi, corporis superficiem urgeat, & fluidorum impetum reprimat circumflus æther. Quinetiam fieri potest, ut ob variam hujus causæ rationem hodiè interdum peragatur, quam pro more & conditione ægritudinis crastinus dies apportare deberet, febris solutio; aut in posterum diem contrà differatur, qui hodiè sperandus esset morbi terminus: cum acceleretur motus naturæ à facultate Lunæ, & hujus ope nonnunquam indigeat ad amovendum aëris obstaculum solito debilior animalis machina. Idcirco sexto, quandoque, quandoque & octavo, uti observavit Hippocrates, solvetur morbus, cujus circuitum septimus in plerisque dies definit.

Convenit itaque, si lunaris virtutis in hisce casibus momentum perpendere velimus, tempus;

quo primum invasit morbus, diligenter notare; hujus deinde indolem, & quo secretionis genere salutem ægri moliri soleat natura, probè nosse, neque nimia sedulitate, præsertim sub finem ægritudinis, humorum motus turbare; laborantis denique vires æstimare atque expendere. Si quis eas in faciendâ Medicinâ leges servaverit, comperiet sine dubio, non novam solùm plenamque Lunam; sed & sideris hujusce ad meridianum cœli fastigium, aut huic oppositum locum, accessionem ad immutandum corpus animale vim asferre maximam.

Ad summam, non Philosophi solùm, & naturalis historiæ conditores, multis in rebus vim hanc lunarem observant; sed & ipsum vulgus longo usu ejus rationem habere didicit. *Nullum animal nisi astu recedente expirare*, referente Plinio (a), memoriæ olim prodidit Aristoteles. Partus & mortes hominum novâ plenâve Lunâ maximè contingere etiam mulierculis notum est. Agricolæ in arborum sationibus & culturâ, multisque aliis negotiis, Lunæ circuitibus labores suos accommodant. Tam latè terrâ marique patet lunare Imperium.

(a) Histor. Nat. Lib. II. cap. 98.



CAPUT TERTIUM.

*Quo, quantum momenti ad Medicinam rectè
faciendam hujusmodi observationes
afferant, ostenditur.*

AD usum tandem, quem nobis in medendo præbeat hæc disquisitio, transeundum est. Et is quidem non foret nullus, si ad accessionum & eventuum prædictiones in Morbis solummodo spectaret; quia hujusmodi judicia & Medico conciliant honorem, & ægrorum spem ac fiduciam confirmant. At enim majus hinc emolumentum consequamur, quandoquidem Morborum etiam curationem ab hisce ratiociniis promoveri ostendam. Et primum quidem, quod magis generale est, dicam; ut ad ea, quæ de singulis observanda restant, sternatur via.

Satis itaque constare arbitror, morbos omnes, quorum circuitus Lunæ periodis respondent, ad repletionem esse referendos. Cum enim actio lunaris per solam vasorum distensionem effectum sortiatur, liquet hanc plenitudine tantum augeri; quæ, sive moli fluidorum, sive eorundem turgescentiæ debeatur, idem valet. Ideoque in omni malo per singulos menses semel aut iterum recurrente, quod à Lunæ potestate vires acquirit, usui erit exinanitio; quæ si non medelam, at levamen saltè morbo feret. Quoniam verò in hoc remedio ægritudinis genus, modusque & tem

pus detractiois, in primis spectanda sunt; quædam de his omnibus tenenda erunt præcepta.

Oportet ergò primùm expendere, nùm in arteriis hæreat causa morbi; an liquorum vitio, qui è sanguine derivantur, in partem quamvis corporis principem transferatur. In priore casu plus missioni sanguinis; in posteriore plus medicamentis, quæ errores ejusdem emendent,tribuendum erit. Præterea, cum, experientiâ duce, materiam per vias, quas monstrat natura, tutissimè demi discamus; per quos meatus in quovis malo sponte fiant ægrotantis purgationes, diligenter animadvertere oportebit. Deinde, tempus detractiois in plerisque casibus paulò ante accessio-nem mali erit maximè opportunum; cum hoc modo non solùm venienti morbo occurratur, sed & turgescens materia faciliùs & copiosius è corpore erumpat. Sed de his melius fiet judicium, si quædam ad morborum, quos suprâ recensui, curationem spectantia breviter eodem ferè ordine priùs expediam.

Incipiam igitur à *morbo comitiali*, qui cum in adultis sit curatu difficillimus, in pueris tamen haud ægrè levamen recipit. Et quantum præter alios detractiois modos hic valeat serosi humoris è capite per emplastrum vesicatorium occipiti ad motum depletio, ex eo, quem suprâ reruli, casu manifestum est (a): qui cum fidem facit Panarolo affirmanti se, *vesicante futura coronali apposto, puerum septennem, aphonum, stolidum, & epilepsia obnoxium, sanitati restituisse* (b); tunc

(a) Pag, 39.

(b) Obs. med. Pentecost. IV. Obs. 30.

etiam Celsi consilium confirmat, suadentis in huius morbi insultibus *occipitium incidere*, & *cucurbitulas admove*re, *ferro candente in occipitio quoque*, & *infra, quâ summa vertebra cum capite committitur*, *adurere duobus locis*, *ut per ea perniciosus humor evadat* (a). Occupat enim cerebrum in plerisque his ægritudinibus malum; quod sicuti in infantibus plenitudini, & sanguinis nondum exercitiis & pulmonis actione subacti lentori; ita in ætate provectoribus copię humorum, delapsibus ab alto, aut subitis terroribus, ortum sæpissimè debet. Si quid hic adversus gravissimum valetudinis genus à medicamentis, quæ fluidorum vitium corrigunt, præsidii est: id vel à cinnabari nativâ, vel in primis à radice valerianæ sylvestris, antequam caulem edat, in pulverem tritâ, & frequenter idoneâ quantitate adhibitâ, expectare licebit. Utriusque laudabiles dotes non semel sum expertus, & de huius præsertim virtute consulendos velim, tùm laudatum modo Paparolum (b), tùm Fabium Columnam, eruditum & herbarum scientiâ nulli secundum auctorem (c). Istud verò meminisse oportet, à causis tam variis, & in temperamentis corporum adeo inter se dissimilibus, oriri hunc morbum, ut fallat sæpè in hoc, quæ in illo respondet, medicina; aliam igitur atque aliam experiri interdùm convenit, præsertim in ætate provectoribus. Habenda tamen semper est ratio temporum, quibus reverti solet malum, ut illi opportunè occurratur.

His etiam remediis cedit *vertigo*. Vomere au-

(a) Lib. III. cap. 23.¹

(b) Obs. med. Pen. 1. Obs. 33.

(c) Phytobas. pag. 129.

rēm oportet interdū ægrum, admotisque capiti aut cervici emplastris epispasticis hūmōr noxius foras est ducendus. Oculorum est hic morbus, & à tensis ultra modum extremis arteriis, uti ex theoriâ Bellinianâ manifestum est, trahit plurimū originem; unde si Lunæ circuitibus consentiat, minimè mirum videri debet.

Neque multū dispar est *affectuum hysterico-rum* cura. Verū hi sanguinis missionem raro ferunt, & alvus quoque cautè ducenda est. Utilior longè est vomitus, sub tempus præsertim ingruentis mali; sin autē jam invasit, optimè discutiant in pilulis sumpta gummi ammoniacum, virosum castoreum, sal succini, & consimilia, quæ Spiritus resciant, pharmaca. Accommodanda est tamen in plerisque his casibus vitæ consuetudini muliercularum, & animi præsertim affectionibus, medicina.

Menstruas recursūs vices idē servat quandoque *Paralysis*, quia à capite plerumque incipit hic morbus: extrā canales nimirū propulso latice seroso, qui pro varietate locorum, in quæ depluit, hujus aut illius partis nervorum resolutionem parit. Hinc fit, ut apoplexiam sæpissimè subsequatur, hic affectus, interdū utroque, interdū altero tantum, resolutio corporis latere. Si quando autē à laxis extrinsecūs nervis, aut natis intūs tumoribus, oritur hujusmodi imbecillitas, illa certos circuitus non habet. Utile hic erit post exinanitionem redundantis pituitæ, quā felicissimè plerisque in casibus absolvent alvi dejectiones, revertenti malo occurrere; idque non solum medicamentis, quæ frigidos & tenaces humores extenuant, qualia sunt radix raphani rusti-

cani, valerianæ sylvestris, semen sinapis, & si quæ sunt his similia; sed & crebrâ corporis in aquam frigidissimam demersione, si vires nimirum & ætas id sinant: non pariter enim senio confectis, ac juvenibus, prodest hæc medicina; quæ cum fibrillas relaxatas constringat, & urinam simul moveat, utroque modo isti valetudini est aptissima. Eâ de causâ Veteres, uti Auctor est Cælius Aurelianus (a), sic laborantes aut natare cogebant in mari, aut decurrentibus ab alto aquis partes infirmas aliquandiu subjicere; ob majus scilicet aquæ marinæ quàm dulcis pondus, & acrius delabentis præcipiti cursu rivi quàm stagnantis laticis frigus.

Morbum, quem *Chorem Sancti Viti*, appellat vulgus, convulsionis quandam speciem esse dicunt plerique Medici; mihi verò paralytica potius affectio videtur, à resolutione musculorum orta, qui cum artus moturi sunt, impares officio imperfectis conatibus eos concutiunt & exagitant. Leve autem plerumque id malum est, & imbecilles, eosque, quibus tenerior est à naturâ corporis habitus, infestat; puellas magis, quàm pueros & rarissimè adultos. Idcirco mihi nunquam difficile fuit frequentibus in frigidam demersionibus, & medicamentis ex chalybè paratis, illud penitus depellere.

Quod ad *fluoris menstrui* in mulieribus vitia attinet, id seriò perpendendum est; uti plurimum causam habet nimia profusio in acrimoniâ sanguinis, ita ortum sæpissimè trahere mensium retardationem ab ejusdem lentore. Rariùs autem

(a) Chronic. Lib. 11. cap. 12

ob humoris paucitatem supprimitur hic fluxus; tam mirabili artificio ad salutem singularum, & generis propagationem, pariter necessariae purgationi prospexit & consuevit Sapientissimus rerum Conditor. Quocirca, sicuti in immodico profluvio habenda est ratio temporum, quibus facillimè ferventem humorem canales suos dirumpere expositum fuit; ut, cum illa instant, misso quàm longissimè inde, ubi prorumpit, sanguine, avertatur materiæ cursus: ita, quoties menstrua non provenientia venæ incisionem desiderant, servanda est inprimis Lindani cautio, quam ab Etmullero (a) commendatam explicuit, & ingeniosè demonstravit vir doctissimus Joannes Freind (b). Porro cùm efficacissimè liquoris arteriosi effervescentiam, quâ distenduntur vasa, reprimat & compescat cortex Peruvianus; maximè juvabit, si quando larga nimis timetur effusio, paucis aliquot ante imminuentem accessionem diebus creber nobilis istius medicamenti usus.

Hæc eadem & in aliis omnibus, quæ certis intervallis recurrunt, *hamorrhagiis* tenenda sunt; petito simul ab iis pharmacis auxilio, quæ dilatatas ultra modum fibras restringunt & coercunt; inter quæ principem habere locum alumen igne liquatum, commistâ succi illius concreti, quem *sanguinem draconis* appellant, quartâ parte, experientis quamplurimis deprehendi.

Illud verò, ut hîc moneam, necesse est; tantam nimirum esse in hujusmodi casibus Lunæ fa-

(a) Tom. II. pag. 1017. edit. ult.

(b) Emmenolog. pag. 193.

culturam, ut, suppresso interdum, qui ab una parte fertur, sanguine, is ex alia, extremis canaliculis diruptis, exeat. Id accidit generoso juveni, cujus morbum supra retuli (a). Cum enim sanguinis ex pulmone singulis mensibus prorumpentis sputum represserant laudata modo medicamenta, patiebatur is dictis temporibus ejusdem ex naribus fluxum; à quo tamen, cum malo jam princeps pars esset immunis, nihil erat metuendum periculi.

Pari etiam ratione contingit hoc quadrupedibus, quæ per menstrua purgantur; etenim novæ plerumque Lunæ profluvium iis incidere observatum est. Id equabus in primis ac simiis usu venit; atque his sanè adeò constanti ordine, ut Ægyptii olim, uti restis est Orus Apollo, non solum pro Lunæ cynocephalum pinxerint, ob consensum quendam, quo ad Lunæ cum Sole coitum afficitur hoc animal, misso nimirum fœmina è genitali vase sanguine; sed & in sacris simias nutritæ, ut ex ipsis conjunctionis Solis & Lunæ tempus cognosci posset (b). Certa itaque se produnt in omnibus animantium generibus imperii lunaris indicia, modo constans & æquabilis victus ratio, sideris virtuti corpus opportunum reddat.

Hæc qui intellexerit, quâ necessitate menstruos etiam interdum servet circuitus *fluor albus*, perspiciet, præsertim si hunc humorem profundant vasa uterina; modò enim ex his, modò ex glandulis, quibus confita vagina est, erumpit tetra colluvies. In illo casu, fluentibus mensibus,

(a) Pag. 48.

(b) Hieroglyphic. Vid. Gesner. De Simiis.

supprimitur profluvium; in hoc etiã , cùm in mēstruis est mulier , perstat adhuc , & vel in utero gestantem excruciat.

Neque dispar admodũ est *ulcerum* ratio , è quibus cùm sanies jugitèr exeat , minimè mirum est , si largiorem ejus effusionem faciant jam memoratæ causæ ; illis maximè in partibus , ubi laxior & facilè cedens corporis compages vix ullã vi canaliculorum distensionì resistit. Hinc à capitis vulneribus gravissimum imminere novã plenãque Lunã periculum , est compertum.

Nephriticos dolores haud feliciùs quis lenire aggrediatur , quàm detractò primũ è venis sanguine. Neque profectò inutile erit illis , qui hisce cruciatibus tentantur , per quæ intervalla recurrant paroxysmi observare ; & quo tempore maximè periclitantur , vasorum depletionem moliri. Illud enĩ constat , compressionem angustorum in renibus meatuum à minimarum arteriolarum plenitudine malum hoc fovere , quàm augere semper novam plenamve Lunam extrã dubium est. Unde mirari subiit aliquoties , historiarum medicarum Scriptores totos esse in *præcipitandis* (ut ipsi loqui amant) in tubulos renales *arenulis* ; cùm ex incisione cadaverum didicerim , sicut antè memoratum fuit , primam concrescētis calculi materiam esse limpidissimam in carunculis , per quas distillat urina , serum ; quod in lapidem durescere posse , nemini mirum erit , qui salium fluidorum vires attrahendi , motusque in angustissimis canalibus impediti effecta cognoverit. Hinc fit , ut , dato subinde mercurio dulci , plus proficiamus in morbo hoc incipiente , quàm quibuscvis urinam moventibus medicamentis ; quod

à nobili isto Pharmaco tenuium vasorum obstructions referantur, & quæ has plerumque sequitur, falsorum humorum prohibetur cohæsiō. Quinetiam experientia quotidiana docet, his, quibus renes sunt affecti, medicamentorum, quæ urinam movent, nimis frequentem usum plurimum nocere. Quod non satis animadvertunt ii Medici, qui fallaci remedio, ab aniculâ ad bonum publicum, si diis placet, infano pretio redempto, calculosorum cum stomachum, tum renes & vesicam, lædere sustinent.

Cum his, quos *spiritus* premit difficultas, vis lunaris, tam ob minorem ætheris in pulmonem ducti portionem, quam ob majorem vasorum sanguinis dilatationem noceat; tristissimo malo omni ope, ut sanguinis missione, leni vomitione, alvi liquatione, interdum & purgatione, subvenire oportet. Cavendum est autem, maximè sub tempora impendentis ægritudinis, ab illis omnibus, quæ sanguinis impetum & fervorem concitant; urget enim in hujusmodi anxietatibus febricula; quam calidis cibis, aut medicamentis, incendere nefas est. Unde *clamoribus, iracundiâ anhelis abstinendum esse* monuit Hippocrates (a). Et *estate sapius ac savius, quam hieme, infestare asthmatis accessum* observavit Helmontius (b). Hæc de causâ præter ea quæ dixi, multum hîc valent illa remedia, quæ refrigerant simul humores, & urinam pellunt: qualia sunt acetum, in quo infusa sit scillæ radix; acidus nitri spiritus; aqua fumo sulphuris saturata, quam *gas sulphuris* vocant

(a) Epidem. Lib. vi. sect. 4.

(b) Astm. & Tuss.

Chemiæ Auctores ; & alia id genus plurima , & Floyerò jam laudato recensita.

lis denique , quæ de *crisibus in morbis acutis* superiùs sunt dicta , unum hîc operæ pretium erit adjicere. Quanquam enim sedulo cavere oportet , ne , instante morbi solutione , tumultus in humoribus creentur ; fieri tamen posse , ut necessarium sit hoc ipso tempore exinanitionem aliquam moliri , censendum est ; idque præsertim si summa forte urgeat corporis excandescencia , quæ nimîa agitatione omnia turbans secretionibus è sanguine faciendis impedimento sit futura. Ipsa igitur sanguinis missio in hoc statu adeo non nocet , ut etiàm promoveat crisin. Nec aliâ ratione id evenit , quàm quâ ingruentibus jam Variolis aut Morbillis , ubi materiâ vehementer turgent vasa , sanguinis detractio pustularum eruptionem accelerat.

Porro haud multùm diversa est *abscessuum criticorum* conditio ; qui , ut ad maturitatem perducantur , non raro , si copiâ & calore supra modum peccet sanguis , depletiones ex venis , aut per alvum , moderatas desiderant. Scire enim oportet , ideo antiquos in febribus purgationes damnassee , quod pleraque medicamenta cathartica illis temporibus essent validissima ; qualia sunt scammonium , veratrum nigrum , tithymali succus , & consimilia his acria ; quocircà clysteribus infusis alvum suppressam ducere satîs habebant. Nobis verò cùm leniora semper in promptu sint , quibusvis ferè morbi temporibus citrà metum inflammationis , si res exigat , intestina exinanire licet ; præsertim si , quod sæpè fit , hanc viam natura ipsa monstraverit.

COROLLARIUM.

*Quo ratiocinandi hoc genus rerum naturæ
confirmari probatur.*

CUM in primis hisce schedis expositum sit, qui Morborum recursus memoratis temporibus faciunt Cæli motus, eos ventis simul concitandis pares esse; horumque vim nos variam sentire, prout conspirent cum illis ad agitandum aëra aliæ atque aliæ causæ: operæ pretium erit, quantum has rationes confirmet ipsa rerum natura, breviter saltem indicare.

Incidit anno MDCCIII. die Novembris 26. paulò antè mediam noctem procella gravissima, stupentibus cunctis & attonitis insolito prorsus immani ac ventorum furore qui ultra sex horas permansit. Historiam & causas omnes mirabilis istius eventus pertexere mihi nec opera est, nec otium. Demandata est hæc Provincia viro ingeniosissimo Edm. Halleio, qui optimè præstare potest. Quantum autè ad rem nostram faciat, hîc leviter attingam.

Erat illo tempore Luna in Perigæo, instabatque simul interlunium; quorum utroque sursùm ferri æthera, & increbrescere ventos, suprà demonstratum est (a). Et hinc quidè, qui subsequèbantur maris æstus, erant immodici & maximè tumentes; altiùsque solito, plerisque saltè

(a) Pag. 8. 9.

locis, in barolcopio subsedit hydrargyrum (a). Accesserunt etiam sine dubio ex supra memoratis aliæ pariter causæ, (b) quas omnes dignoscere nobis minimè licet; ut cœli saltèm manifesta conditio, quantum ad hanc calamitatem contulerit, perpendi potest. Postquam enim in illis locis, quibus incubuit hæc fera ventorum vis, per æstatem & autumnum copiâ solito majori decidebant pluviae, mitior & calidior, quam pro more, hiems appetebat; ita ut ad finem usque Novembris liquor in thermometro, cujus gradus quartus supra octogesimum gelu indicat, infra centesimum nunquam subsederit (c). Et hinc sanè collectas fuisse in æthereâ plagâ, fursùm latis ab ardore ex humidâ terrâ anhelitibus, salium, sulphurisque atomos innumerabiles; iisque variè coeuntibus & agitatis, accessisse huc & illuc effluenti jam aëri exitialem impetum, conjectari licet. Fidem dictis faciant crebra, quibus sub tempus funesti turbinis micuit æther, fulgura, & falso sapore die insequente linguam ferientia, etiam in campis longè à mari remotis, arborum virgulta & gramina, adeo ut degustatum pabulum pecudes refugerint.

Sed hæc fusiùs persequi minimè vaçat. Illud potius adjungere libet, quod novâ vel plenâ Lunâ, etiamsi causa solitaria sit, uti mutationes illas quas diximus, corpori nostro inferre valet, ita, si solito vehementiorem aëris motum, qualis in tempestatibus fit, secum conjunctum habeat, majori adhuc

(a) Philosoph. Transact. N^o. 289.

(b) Pag. 22. 23.

(c) Philosoph. Transact. loco citato.

virtute effectum sortietur. Multos igitur memini eâdem nocte, quam dixi, capite præsertim malè affecto ægrotasse. Maximè autem memorabile est infortunium fœminæ cujusdam illustrissimæ mihi notæ, quæ derepente oculis capta vitæ solatium amisit. Cæcitas illa erat, quam *ἀμαρυσσις* Græci dixerunt, Medici verò recentiores inconcinnâ voce *guttam serenam* appellant; cujus morbi naturam, quoniam ea nondum Medicis benè perspecta est, paucis exponam.

Oritur igitur plerumque aut ex obstructione, & hinc facta distensione, minimarum arteriarum, quæ per tunicam oculi *Retinam* dictam sparguntur; aut à nervorum, qui visui inserviunt, læsione. In illo genere, quod longè frequentius est, oculorum acies pedetentim obtunditur; in hoc verò nunc tardiùs, nunc celeriùs, pro causæ ratione, interdum vel temporis momento eripitur. Multis enim modis detrimentum capiunt hi nervi, & officio suo inepti redduntur. Etenim ictu sæpiùs, aut lapsu ab alto, fracto vel quassato calvariæ osse, in angustum coëunt; in convulsionibus nunquam; humore ex cerebri membranis, effuso, comprimuntur; neque rarò repentinâ resolutione tentantur. Vidi nempe in morbo comitiali diù affectis, inciso cadavere, nervos eo loco, unde post conjunctionem separati ad oculos tendunt, aqueo latice in globum collecto depressos; & in affectibus paralyticis fibras illic planè marcidas & exsiccatas reperi.

Possem etiâ multis exemplis, ex Observationum Medicarum Scriptoribus allatis, rem hanc fusiùs illustrare; pauca verò in præsentī adduxisse satis erit. *Tumorem, glandula ad instar, nervis opti-*

cis incumbentem, & spiritus animalis transitum ad oculos impedientem, in cadavere quodam animadvertit experientissimus Felix Platerus (a). In foeminâ nervum utrumque opticum extenuatum observavit vir solers, Guernerus Rolincius (b). Nervos opticos marcescentes, & solito duplò minores, in corpore mulieris, quæ per viginti annos amaurosi laboraverat, invenit insignis Chirurgus, Joannes Scultetus (c). Virginis cujusdam infelicem casum memorant Ephemeridum medico-physicarum Germanicarum Auctores, quæ ab ictu in sinistrâ capitis parte febre cum delirio correpta, visu primùm, & brevi deinde vitâ, privata est. Dissecto autem capite, ingens limpidissima lymphæ copia in cerebri ventriculis, in primis quæ sinciput spectant, fluctuans, & nervos opticos omninò comprimens, se ostendit (d).

Hæc cum ita se habeant, ex iis, quæ supra sunt exposita, lunarem potentiam, vi turbinis accedente, præter modum adauctam, viam spiritibus animalibus, qui ad nervos oculorum meant, in tenero corpore, tanquàm præcisi essent, intercludere, & calamitatem, quam diximus, efficere potuisse manifestum est.

Permagnam usum afferre hujusmodi disquisitiones nemo dubitabit, cum dixerò me, duce hac *Scopia*, isti morbo, qui antea insanabilis vulgò habebatur, non modo rectam medendi viam invenisse, sed experimentis etiam quamplurimis deinceps comprobasse; quippe cum causarum scientia certissimum sit Medicinæ fundamentum. Ubi

(a) Observat. Lib. I.

(b) Dissertat. anatom. Lib. IV. cap. 31.

(c) Armamentar. chirurg. observ. 36.

(d) Vid. Miscell. curios. Anni MDCLXXXVI.

humalum igitur in arteriis oculorum hæret medicamentis utendum est, quæ sanguinem crassorem attenuandi, & per angustissimos ductus propellendi, vi maximâ pollent. Talia sunt præcipuè, quæ ex argento vivo Chemicorum arte parantur. Hisce autem diù insistere oportet, & plerumque quidèmcatenùs, quoad salivæ fluxus largâ copiâ per viginti vel triginta dies concitatus fuerit.

At dissimilem huic curationem, eamque pro innoxæ ratione diversam, caligo ista requirit, quæ nervorum vitio gignitur. Sæpissimè autem, ut ex dictis apparet, omne adjumentum respuit. Quis enim humore viscido gravique pressos & coarctatos, aut languore & ariditate consumptos oculorum nervos restituere, aut denique spiritibus animalibus fibrarum resolutione in itinere suo interceptis vim novam atque impetum reddere, valet? Solus certè fabricæ nostræ Divinus ipse Artifex id præstare potest. Verùm si quid hic spei reliquum sit, in recenti adhuc necdum confirmato malo admovendum erit vertici, quâ futura coronalis sagittali committitur, medicamentum causticum; donec ità eum erodat, ut membrana, quæ calvariam contegit, scalpello discindi possit, ex quo ulcere, quasi ex fonticulo, noxius humor è cerebro foràs derivetur. Paris autem hunc effluxum, immixtis pisib; vel fabis, quæ ulcus incisum glutinari non sinant, per longum tempus promoverè oportet: assumptis interea assiduè iis remediis, quæ nervorum convulsionibus & tremoribus conveniunt; cujusmodi esse radicem valerianæ sylvestris, castoreum Russicum, gummi ammoniacum, assam fœtidam, spiritus denique & sales ex animalibus vi ignis elicitos, quotidie experimur.

Sed ad turbines revertor. Contigit patrum nostrorum memoriâ immoderata quædam tempestas, huic fortasse jam dictæ non æqualis, miram tamen ejus violentiam referunt illorum temporum Annales. Sæviit illa die tertio Septembris, anno MDCLVIII, quo die etiâ è vitâ excessit Olivarius Cromwellus, *Protektor* dictus. Aëris per illius anni decursum statum & morem nullæ, quod equidè sciam, docent ephemeridès. Plenam verò Lunam sub accessum æquinoctii autumnalis hanc ventorum rabiem apportasse memoratu dignum videtur, ut mirum non sit magnis motibus opportunam tunc fuisse cæli regionem. Quomodocunque autè ea res se habuerit, id refert annotasse, magni illiûs viri morbum ex illorum genere fuisse, quos vim lunarem maximè sentire ostendimus. Memorix enim proditum est illum febre simul & animi ægritudine, infœlici præsertim rerum domesticarum suarum statu obortâ, confectum fatis cessisse. Et mœrorem quidem spiritus animales offensis ejusmodi obnoxios reddere certissimum est.

Verum ut Opusculo nostro finem tandem imponamus, pari necessitate in illis regionibus, quas crebra premunt diluvia, iis plerumque temporibus, quibus Luna maximis pollet viribus, fieri inundationes observatum est; ut non immeritò horum malorum causam præcipuam in tumentes immodicè maris æstus, & infelicitèr simul conjunctam horum aut illorum siderum attrahendi facultatem, conferendam esse conjecerit eruditus Baccius (a).

Has igitur & consimiles habent à naturâ causas

(a) Del Tevere, Lib. III. p. 228.

ventorum turbines ac tempestates. Nam ad quæstionem de divinâ potentiâ quod attinet, num Supremi Numinis irâ extra rerum ordinem hujusmodi calamitates eveniant, necne, differere non nostrum est, qui religionis vinculis animos hominum solvere nequaquàm conabimur. Quanquàm enim singulas immensæ hujus machinæ partes certis legibus constitui & moveri sciam, & eandem fabricæ dispositionem, quæ universæ moli commodissima est, paucis quandoque in locis clades ac damna inferre; suum tamen rerum Conditori Opt. Max. in omnia, quæ perfecit, jure cedendum est imperium. Et erat fortassis divinæ ration consentaneum eo artificio mundum instruere, quo noxæ interdùm & detrimenta in homines caderent, quos fulminibus, terreri, & prodigiorum tempestatumque metu in officio contineri, necesse esse intellexit.

F I N I S.



RICHARDI MEAD

*Med. Doct. Coll. Medicorum Londin. &
Reg. Societ. Socii*


ORATIO
ANNIVERSARIA
HARVEIANA,
IN THEATRO

Regii Medicorum Londinensium Collegii

HABITA,

Ad Diem xviii Octobris MDCCXXIII.

PRÆSIDI ILLUSTRISSIMO
SOCIISQUE DOCTISSIMIS
REGII MEDICORUM LONDINENS.
COLLEGII
DE ARTE MEDICA
INDIES OPTIME MERENTIBUS
ORATIONEM HANC
IN PRÆSTANTISSIMORUM HOMINUM
LAUDEM
QUI MAXIMIS SUIS BENEFICIIS
ARTEM ILLAM SUSTENTARUNT,
AMPLIFICARUNT ET ORNARUNT,
HABITAM
L. M. Q. D. D. D.
RICHARDUS MEAD.



ILLUSTRISSIME PRÆSES,
COLLEGÆ SPECTATISSIMI
AUDITORES HUMANISSIMI.



I quantam vim habent ad humanas mentes amore laudis ac gloriæ incitandas magnarum virtutum exempla, tantum ego ingenii & eloquentiæ in laudandis illis Heroibus, quorum hodie nobis commemoranda sunt beneficia, afferre possem; haudquaquàm sanè vererer, nè aut illorum meritis parùm conveniens, aut vestris auribus minùs grata, quam nunc habiturus sum, foret Oratio. At verò cùm hæc res longè aliter se habeat, & neque naturâ aptus, neque usu instructus ad dicendum, jussu vestro hoc muneris susceperim; nè importunâ artis affectatione vobis sim tædio, Historici potiùs, quàm Oratoris partes agens, honores Medicinæ recensebo; & per quos maximè Reges aut Principes, & quos apud populos, creverit salutaris hujus professionis gloria, in brevi quasi tabellâ vobis proponam. Et dùm hoc faciam, partem laudis istius haud infimam nostræ genti meritò attribui debere manifestè osten-

dam ; quo nihil aut mihi ad recitandum jucundius , aut vobis , opinor , ad audiendum acceptius , aut omnibus nobis ad prædicandum honestius esse potest.

Ab Ægyptiis autem , antiquissimis illis omnis ferè sapientiæ Magistris , incipiam ; apud quos tanto fuit in honore Ars nostra , ut nè Reges quidem ipsi illam facere infra dignitatem suam existimaverint. Osirin & Isis in primis reginam , medendi peritiâ excelluisse accepimus. Post horum tempora Medicis ex publicâ pecuniâ dabantur præmia ; & *Sacri* titulum ferebat liber , in quo descriptæ fuerunt leges , ad quas morbis acutis laborantes curare licebat (*a*).

Græci uti artes omnes subtiliùs , quam Ægyptiis excoluerunt ; ita præsertim Medicinam , quæ ex cognitis paucarum herbarum viribus , & populari experienciâ constabat , in scientiam redegerunt. Famâ celebres apud eos antiquitus fuerunt scholæ non paucæ , Rhodia cum primis , Crotoniensis , Cnidia , Cœa , & Smyrnæa. Crotoniensem illustravit Democedes , cui Darius Rex Persarum , inter captivos apud ipsum agentis , acceptum restitutæ sanitatis beneficium magnis divitiis & honoribus rependit , non sine insigni humanitatis , quâ nihil magis Medicum commendat , in Democede exemplo. Cum enim Rex Medicos Ægyptios , qui se in principio morbi imperitè tractassent , occidi jussisset ; ille culpæ hujus veniam impetravit , & gratiæ loco habuit concessam illis cum vitâ libertatem (*b*).

(*a*) Diod. Sicul. l. p. m. 74.

(*b*) Herodot. lib. 3. c. 129. &c.

Cæterarum autem omnium gloriam Coæ obscuravit scholæ felicitas, postquam ex illâ prodierat, qui primus hanc disciplinam à studio sapientiæ separavit, divinus Hippocrates. Magno nomini adiungimus omnes ! & Parentem Medicinæ veneramur ! qui non tantum sapientissimis præceptis Artem hanc formavit, sed & ipse vitæ & moribus perfectissimi Medici exemplar expressit. Tanto itaque Viro maximos honores delatos minime miramur, neque hos tantum à Cois suis, qui imagine ipsius nummos signârunt (a) sed etiam ab universâ Græciâ ; quæ communi consilio quod *venientem ab Illyriis pestilentiam prædixerat, discipulosque ad auxiliandum circa urbes dimiserat, honores illi, quos Herculi decrevit (b).* Civem porro adscripserunt Athenienses, auro coronârunt, & victum illi & posteris in Prytaneo dederunt (c), qui honos in Græciâ maximus habebatur. Athenienses enim, cultissimi Scientiarum æstimatores, hanc Artem plurimi semper fecerunt ; apud quos antiquâ lege cautum fuit. *Ne quis servus, neve qua fœmina Medicinam disceret (d).* Et tam ab iis, quàm ab aliis Græciæ civitatibus, honores & immunitates eximiæ publicitùs Medicis concedebantur (e).

Hinc maximi omni ævo apud Græcos viri Medicinam callere laudi sibi duxerunt. Pythagoras & Democritus primi omnium de virtutibus her-

(a) Vid. Numm. in Titul.

(b) Plin. N. H. l. 7. c. 37.

(c) Soran. in Vit. Hippocrat.

(d) Petit. Leg. Attic. l. 3. tit. 8.

(e) Lucian. Abdicat. p. m. 457.

barum scripsêre (*a*). Aristoteles , hæreditario quasi jure ad se pertinere hanc Artem ratus (ab Æsculapio enim genus duxit (*b*), Medicinam non didicit tantum , sed & factitavit (*c*); librosque de Plantis , de Anatomicis , & *ιατρικῶν* etiã edidit (*d*). Quin & medendi peritiã Magni Alexandri benevolentiam sibi primũ conciliavit ; quem cũ gravi morbo oppressum liberasset , hanc ab eo facultatem Rex invictissimus doceri voluit ; neque illam interdũ exercere vile , aut à summã suã dignitate alienum , judicavit (*e*). Crevit postea hæc laus in familiã Aristotelis , cujus ex filiã nepos , nomine Erasistratus , magnam consecutus est famam. Is sectam longè celeberrimam condidit , quam in Scholã Smyrnæã , jam antea memoratã , ad suam ferè ætatem , quo tempore illi præsidebat Hicesius , Strabo floruisse tradit (*f*). Tam insignis porrò fuit , qui in hac urbe Medicis habebatur honos , ut mihi sanè gratuler , qui hanc occasionem nactus , notitiam illius ex antiquitatis tenebris jam primus in lucem proferam. Honos autem , quem dico , is erat , quo communiter cum Prætoribus , summis nimirũ Urbis Magistratibus , ornabantur , ut nomen eorum Nummis imprimerentur. Prætereã quo magis ostenderent Smyrnæi , in quanto pretio esset apud eos Ars nostra , Medicorum Nomina Deorum salutarium imaginibus in Nummis adjungi volebant ;

(*a*) Plin. lib. 25. c. 2.

(*b*) Diog. Laert. in Vit.

(*c*) Ælian. Var. hist. l. 5. c. 9.

(*d*) Diog. Laert. ibid.

(*e*) Plutarch. in Vit. Alex.

(*f*) Geogr. lib. 12. sub finem.

quorum multi ex alterâ parte caput Hygiæ, ex alterâ verò Jovis Æsculapii effigiem cum perspicuis medendi artis insignibus exhibent. Neque Erasistrateos suos tantùm ita honestabant; sed nonnullis etiâ æmulæ Herophileorum scholæ, quæ iisdem ætatibus in loco procul dissito *fanum Menfis Cari* appellato, inter Laodiceam ad Lycum & Carura, magnâ cum laude florebat (a), eundem honorem tribuebant (b).

A Græcis ad Romanorum tempora devenientibus minus augusta primo intuitu, & parùm læta sese offert rerum nostrarum facies. Servos fuisse, qui primi Romæ medicinam fecerunt, vulgo creditur: & pulsos urbe exulasse Medicos, Catone Censore, scriptis prodiderunt nonnulli. Hæc, in opprobrium artis prolata, quodnam habeant fundamentum, operæ est disquirere. De servitute mox dicam: primùm autem de exilio quæstionem, calumniam rectius dixerim, paucis expediam. Nulla certè veterum Annalium fide, nullis antiquorum monumentorum indiciis nititur hoc commentum. Primus, quod sciam, in vulgus edidit vanissimus ille *De vanitate Scientiarum* Scriptor, Cornelius Agrippa (c). Ansam verò ad hoc fingendum dedit Plinius (d) qui *populum Romanum ultra sexcentiesimum annum sine Medicis degisse, & expertam tandem damnasse Medicinam*, adductis etiâ Catonis ad Marcum filium adversùs hanc artem dictariis, memoriæ mandavit. Tantùm autem valuisse aut atrocem animum, aut auctoritatem

(a) Strabo dict. loc.

(b) Vid. Dissert. ad finem adject.

(c) De Van. Scient. cap. 83.

(d) Nat. Hist. l. 29. c. 1.

Catonis , ut Medicos urbe pelleret , nusquàm legimus. Neque damnavit omnem medicinam populus ; sed in eâ , quæ manu curat , secandi urentique sævitiam (quam tamen ipsa non rarò imperat misericordia) ut novam , & aspectu terribilem improbavit.

Sed nullum faciamus hoc convicium , quod non semel antea diluerunt viri eruditi ; & qualis fuerit Medicorum Romæ degentium conditio , præsertim nùm servilis , paululùm dispiciamus. Romani Artes omnes à Græcis acceperunt , & serò quidèm , *vidi scilicet & bellicosâ civitate non magnopere liberalibus disciplinis vacante* (a). Nec grammaticam quidem , aut poëticam , ante annum quingentesimum excoluerunt (b). Primus autèm , anno supra quingentesimum tricesimo quinto , Medicus è Peloponneso Romam venit Arcagathus , cui is honor habitus est , ut *jus Quiritium ei datum sit , & taberna in compito Acilio empta ob id publicè* (c). Magna seculo sequenti fama fuit Asclepiadis Bithyni , tam dicendi quàm medendi arte insignis , quo se Medico amicoque usum fuisse L. Crassus apud Ciceronem testatur (d) ; ex cujus etiàm posteris , ut videtur , *Calpurnius Asclepiades , à divo Trajano parentibus , sibi , & fratribus septem civitates impetravit* (e). Neque diù post , cùm jam quotidie quæstus causa

(a) Sueton. Lib. de illust. Grammat. in princip.

(b) Cic. in Brut. c. 18. & Tuscul. Quæst. in princip. ubi vid. not. Davisii.

(c) Plin. N. H. l. 29. c. 1.

(d) De Orat. l. 1. c. 14.

(e) Inscript. antiq. apud Spon. Recherch. Curieus, Differt. 27.

ex Græciâ Romam adirent Medici, Julius Cæsar, in cujus manus tunc temporis summa rerum potestas devenerat, omnes hanc artem profectos civitate donavit (a). *In servos autem id beneficium fuisse collatum, vel suspicari, ut cum viro inter litteratos principe loquar, nimia est stultitia* (b). Nihil igitur servile, aut tenue quidè, artem nostram adhuc dedecorat. Sed ut planè, & sine fucò, totam rem dicam; simul cum ingenuis multis & doctis viris non pauci scientiâ & fortunæ bonis inferiores illis temporibus Romam veniebant; qui, etsi non medicamentis, sed manu curarent, Medici tamen appellabantur. Hi in divitum & magnatum clientelam se conferebant, & servi agebant, donec civitatem consequerentur; inde liberti, nomen familiæ alicujus Romanæ sibi adsciscere solebant; neque rarò, si ingenium studio litterarum excoluissent, morbis etiâ internis medebantur, & in Medicorum clinicorum censum veniebant. Tali conditione fuit Antonius Musa, cui, postquàm ejus operâ ex ancipiti morbo convaluerat Octavius Augustus, statuam, ære collato, populus Romanus posuit (c). Augustus quoque ei jus annuli aurei, & immunitatem non ipsi tantum, sed omnibus Medicinam profitentibus, in posterum tempus concessit (d).

Non igitur Ars erat servilis apud Romanos Medicina, sed liberalis, & tanto in honore, ut etiâ pars ejus chirurgica, quæ à servis, & exili forte hominibus exerceri poterat, libertatem sæpè

(a) Suet. in Vit. c. 42.

(b) Casaub. in dict. Vit. Suet. c. 4.

(c) Sueton in Vit. Aug. c. 59.

(d) Dio. H. R. l. 53. sub fin.

daret, & magnas opes. Haud exigua sanè his temporibus erant medendi facultatis præmia. Principum Medicis annua statuebatur merces. his autèm, referente Plinio, *imputavit Stertinius, quod quingentis sesterium millibus, pecuniæ nostræ plus quàm ter mille & sexcentis libris, contentus esset, cum sexcenta quæstu urbis sibi esse, numeratis domibus ostenderet (a)*. Ipse verò & frater ejus sua pecunia Neapolin operibus exornârunt, & tamen *census trecenties centena millia sesterium hæredi reliquere (b)*. Omitto plura exempla memorare, neque vobis Cassios, Calpetanos, Arruntios, Albutios, Rubrios sistam, Romana nomina, quæ professione Medicinæ & opibus claruerunt. Præterire autèm nequeo, in Nummis Rubriorum conspici anguem, deæ salutis signum, monumentum, ut videtur, familiæ sibi Medicinæ laudem vindicantis. Miror itaque in Nummis istis explicandis, neque Patinum, neque Vaillant, viros de re nummariâ optimè meritos, hanc, arti suæ adeò honorificam, inter alias ejus rei causas longiùs petitas attulisse (c). In summâ, ita non semper tenui fortunâ homines Romæ erant Medici, ut etiam Imperatorum sæpè amici essent & familiares (d).

Neque putet quisquam gratiâ tantùm singulari in hunc aut illum collocata fuisse, qualia diximus beneficia; arti habebatur honos, & universis eam profitentibus dabantur immunitates. Collegium enim, sive scholam, ut vocabatur, Medicorum in urbe fuisse, ex antiquis marmorum inscriptionibus

(a) Lib. 29. c. 1.

(b) Ibid.

(c) Vid. Patin. & Vaill. Fam. Rom.

(d) Vid. Spon. Recherch. Curieuf. Dissert. 27.

apparet (a). Quales autem legibus dabantur illis immunitates, veterum Juriconsultorum Libri nos docent. Exempla è multis pauca tantum proferam. Constantini Magni Imperatoris extat hoc rescriptum: *Medicos, & maximè Archiatros, Grammaticos, & Doctores legum, unà cum uxoribus & filiis, nec-non & rebus, quas in civitatibus suis possident, ab omni functione, & ab omnibus muneribus, vel civilibus vel publicis, immunes esse præcipimus; & neque in Provinciis hospites recipere, nec ullo fungi munere, nec ad judicium deduci, vel exhiberi, vel injuriam pati; ut si quis eos vexaverit pœnâ, arbitrio Judicis plectatur* (b). Nec novo prorsus favore his omnibus beneficiis tum primum facultas hæc salutaris honestabatur. Jam antè enim *Medicis & Philosophis, ne hospitem reciperent, à Principibus fuisse immunitatem indultam*, Imperatores Vespasianus & Hadrianus rescripserant (c). Itèm Antoninus Pius à muneribus civilibus & publicis *immunes esse Medicos* jussit (d). Deinde post hos omnes Julianus, qui, nisi nomini maculam fixisset hostile erga Christianos odium, inter sapientissimos Imperatores jure censeretur, non sine honorifico utilitatis artis nostræ testimonio, superiorum Principum decreta de Medicis, lege latâ, sancivit, eosque à curialibus muneribus liberos esse voluit (e). Sed de rebus medicis apud populum terrarum obis dominum satis, opinor, dictum fuit.

(a) Mercur. Art. Gymn. L. 1. c. 7.

(b) Leg. 6. Cod. de Profess. & Med.

(c) Leg. ult. §. ult ff. de mun. & hon.

(d) Leg. 6. §. 2. ff. de excusat.

(e) Vide Julian. Epistol.

Si Medicinæ autem tempora , & varias quasi ætates spectemus , ad Arabes jam , simul cum armis litterarum stultia agitantes , nos deducit Orationis filum. Iis enim seculis , quibus fœda barbaries cæteras ferè nationes obduxerat , penes eos permansit artis hujus scientia. Deficiunt quidem hac in parte Annales medici , & linguæ suæ difficultatibus involuta in bibliothecarum forulis latent , quæ de Medicorum historiâ gentis illius Scriptores memoriæ mandârunt , aliquandò forsan in lucem protrahenda. Speciminis autem loco ex ineditis illorum monumentis observare libet , Imperatoris Medico , annuo stipendio fuisse *quindecies centena millia drachmarum* (a) ; quæ , si ad nostram pecuniam exigantur , plus quam tricies mille librarum summam conficiunt. Ingentem sanè , & forsan vix credibilem esse hanc Principum munificentiam , quis dicet. At non tam Ministri , quam Consilarii , imò affines Regum , apud eos habebantur Medici ; & terrarum redditus , & urbium præfecturæ illis sæpè in mercedem cedebant.

Postquàm renascentibus litteris , antiqui doctrinæ fontes recludi , & in Italiâ primùm , inde & in cæteris Europæ regionibus , fervere studia Scientiarum cœperunt , apud alios & populos

(a) Osaïbea De Vitis Medicorum , mss. Arab. Drachmæ autem hic non Atticæ , sed Arabicæ , intelligi debent , quarum hæ , si Golio credamus in Lex Arab tertiâ partè illis sunt leviores. Nec longè discrepat Gravii sententia , qui , ex comparatione cum granis nostris discrimen petens , veterem Atticorum drachmam grana 67 , Arabicam verò 47 $\frac{4}{5}$ exæquare statuit. Vid. *Greaves's Discourse of the Roman Denary* p. 61. 115.

Medicina honores varios fortita est ; utque gloria aluntur Artes , ita hæc semper accepta beneficia magnis in Rempublicam utilitatibus rependit. Longum esset scholæ Salernitanæ , Bononiensis , Patavinæ , Montis-Pessulanæ , Parisiensis , & aliarum quam plurimum jura & immunitates explicare ; verum illud memorare juvat : ut nusquam honoratior , quam apud nos , extitit Medicina ; ita nullum collegium , absit verbis invidia , virorum ingenio & doctrinâ excellentium hoc nostro fuit feracius.

Amplissimus hic dicendi campus sese aperit ; sed monet me præscriptum munus , ne exiguum hoc temporis spatium , de Medicis optimè meritorem memoriæ sacrum , Medicorum præconiis effluere sinam , dicant potiùs exteri , quantum per Anglorum labores in Medicinæ studio ipsi profecerint. At quidni dicam rarâ felicitate id nobis contigisse , ut , qui hîc salutaris scientiæ lumina claruerunt , iidem dignitatis nostræ auctores & custodes beneficentissimi celebrentur ? Ecquis Linnacro , qui sub auspiciis Regis invictissimi , Henrici octavi , primus nos auctoritate instruxit , sapientio rem , & litteris cultio rem dicet quempiam ? Ecquis Caio , qui insignia potestatis ad decus & ornamentum addidit , arte præstantio rem ? An Harveio , qui potentiam opibus auxit sagaci ingenio , & naturæ scientiâ , ullum inveniemus parem ? Hi nimirum veterum Sapientium more , relietâ patriâ , terras alio sole calentes adierunt , Italiam in primis , antiquum illud Musarum sacrarium ; ubi parum illis fuit omne disciplinarum genus toto pectore haurire , & domum afferre ; adhuc majora animo conceperunt , formam nempe

Reipublicæ Medicæ, quâ in unum corpus, quasi membra, coirent Artis Possessores. Amant enim societatem scientiæ; & concordiam, tanquam communi animâ, vigent. Hinc alius post alium, veluti vicario studio, legibus & statutis sodalitium hoc communiverunt; rerum gestarum Annales condiderunt; & solenne convivium, cum gratâ bene meritum de nobis commemoratione, instituerunt. Vivite æternum, illustria nomina! Vestræ, dum stabit honos Medicinæ, manebunt laudes; stabit autem, quamdiu cura sui tanget mortales, & morbis opportuna reddet corpora in luxum & libidinem proclivis hominum natura. Sed & alios, quos habuimus ejusdem laudis æmulos, silentio premere est nefas; Caldwellum, Gultonum, Cronium, qui amplissimis honorariis Chirurgiæ & incisionis studium promoverunt; ut etiâ munificentissimum Hamæum, cui viventi ædes nostras, morienti prædiorum suorum hæreditatem debemus. Ut magnæ autem sunt apud bonos virtutis illecebræ, illis præcipuè, qua publicæ utilitati consulti-
tur; spectata hæc Medicorum liberalitas, & in commune studia sua conferentium generosus ardor, alios quoque viros, sanguine pariter ac litteris illustres, in laudis ejusdem partem attraxit. Nec sequior sexus ἀσυνβελος esse voluit, ut, quibus ob teneram formam plus est in arte nostrâ præstigi, aliquid etiâ ad ejus decus afferre viderentur. Honoratissimæ igitur fœminæ, regiâ etiâ stirpe illustres, Arabella Stuarta, & Maria Comitissa Salopiensis, sociâ beneficentiâ, ad levandos sumptus in ædibus nostris emendis factos, pecuniam largâ manu donaverunt.

His adjungam nobilissimum virorum par, Joan-

nem Lumleium Baronem, & Henricum Durnovariæ Marchionem; quorum ille cum Caldwello, quem dixi, junxit munificentiam; hic in tanto nos habuit amore, ut non modò Bibliothecam dederit; optimis libris instructissimam; sed & inter nos cense-ri, comitiis nostris interesse, & rem Medicam sedulo procurare voluerit. Omne sanè felici! cum & nunc nobis gratulemur Optimatem, honoris insignibus illustrissimum, & hos tamen animi magnitudine vincentem, tabulis nostris suo nomine decus & splendorem addidisse.

Non ultrà pergam magnorum Virorum laudes, quas nec hominis diserrissimi vox æquare posset, ingenii culpâ imminuere. Humanitatis profecto & scientiæ exempla, quæ vos, Collegæ ornatissimi, assidue ostenditis, memoriam illorum quâvis oratione longè meliùs consecrabunt. Etenim dùm illorum vestigia premitis, quotidianum illis instauratis laudis monumentum, & prudentis consilii, ac benè collocatæ operæ testimonium perhibetis perpetuum. Quis Præsidem illustrissimum, strenuè ac prudenter auctoritatem nostram tuentem, suspicit; & Linacri sapientiam haud statim sibi repræsentat? Quis censoribus imperitorum artis perniciosam audaciam coercentibus, & nè qua in pharmacis nostris conficiendis fraus fiat providentibus, gratiam habet; vel Quæstoris in æratio administrando fidem & frugalitatem laudat; vel omnes vos denique sine malis artibus saluti civium prospicientes, & pro meritis divitiis & honoribus auctos veneratur: nec eorum, qui primi hujus disciplinæ fundamenta posuerunt, atque hoc domicilium scientiæ condiderunt, benefacta simul honoratè prædicat somnisque laudibus in cælum extollit? Maestri igitur este

sapientiâ, Viri Clarissimi, cœptam viam p̄rgite. Hâc enim ratione laudis æquè ac vitæ lampada filiis tradetis ; atque hi iterùm nepotibus ; qui, Majorum exempla sequentes, Collegii hujus jura, decus, & dignitatem, in omne ævum duratura (ita voveo & auguror) suis etiàm posteris sacra tecta conservabunt.

D I X I.



DISSERTATIO


DE


NUMMIS QUIBUSDAM

A SMYRNAEIS

IN MEDICORUM HONOREM

PERCUSSIS.





LECTORI S.

CUM inter multos ac varios honores, quos Medicis olim tributos fuisse in Oratione meâ ostendi, singularis cujusdam, quem à Smyrnæis acceperunt, ut nomina illorum in Nummis ponerentur, mentionem fecerim; quo res ista magis foret perspicua, Nummos aliquot ejusmodi è multis aliis, quos apud me conseruo, ære incisos, cum singulorum explicatione hîc adjicere volui. Ex Medicorum enim nominibus, tantis laudibus apud Veteres, celebratis; deorumque salutarium imaginibus, symbolis artis suæ instructis, quæ in his Nummis conspiciuntur, Smyrnæos, què medicæ artis Professorum famæ ac dignitati consulerent; eos percussisse, omnes, opinor, æqui rerum æstimatorum mecum agnoscent.

Fatendum est sanè Magistratum nomina tam in Smyrnæorum, quàm in aliarum Græciæ civitatum Nummis haud paucis comparere; unde viri eruditi, & rei num-

mariae scientissimi, si qui forte *id* genus Nummi, de quibus hîc agimus, in manus eorum devenerint, Magistratibus statim adscribentes, inter alios ejusdem (ut ipsi censuerunt) classis in seriniis hætenus collocarunt. Attamen si rem paulò accuratiùs intueamur, Nummos, in quibus Magistratuum nomina leguntur, alia Numina, aut aliis saltèm insignibus, cum re medicâ nihil commune habentibus, ornata exhibere percipiemus. Primus autèm, quod sciam, Seguinus Nummi alicujus Smyrnæi ectypum protulit, cui ulla omninò cum nostris similitudo esse videatur. Is quidèm inter alios Smyrnæorum Nummos unum edidit, in cujus alterâ parte caput *Hygiæ* nostræ persimile adspicitur, quod ipse tamen *Apollinis* esse statuit; in alterâ imago sedens, sed velata, & brachiis transversis, nec reliqua adsunt symbola; ni forsan in lineamentorum ductu, quæ temporis injuriâ evanida fuissent & confusa, sculptor hallucinatus fuisse existimetur. Imaginem autèm *Prytanis*, hoc est summi apud Smyrnæos Magistratûs, *sedentis* esse autumat (a). Neque ab illustrissimo Spanhemio, neque à Vaillant, in iis quæ ad opera illius scripserunt, hic diversum aliquid affer-

(a) Seguin. Select. Numm. ant. p. 33.

tur; unde eos nihil certius habuisse, quod de Nummo isto proponerent manifestò constat. Alter quoque Nummus ab eodem Seguino adducitur, qui hinc *Matris Deorum Sipylenæ*, quæ Smyrnæ colebatur, caput; illinc stantis *Isidis* simulacrum repræsentat (a): de quo in *Notis ad Dissertationem* plura dicendi locus dabitur (b).

Vir igitur reverendus, EDMUNDUS CHISHULL, S. T. B. cujus eximia antiquitatis, omnisque adeò elegantioris doctrinæ cognitio ex egregiis illius, tum in *Nummum* ΣΚΑΠΙ *inscriptum*, tum etiàm in *Sigeam inscriptionem Commentariis*, orbi erudito diù jam innotuit, hos Nummos primus feliciter explicavit, & quasi postliminio recuperatos Medicis restituit. Smyrnæ enim largior eorum provenit messis, postquàm terra circa Æsulapii templum cœpta est dimoveri. Quâ occasione etiàm erutum fuit, & luci redditum, caput marmoreum, in quo inscribitur, ΜΑΡΚΟΣ ΜΟΔΙΟΣ ΙΑΤΡΟΣ ΜΕΘΟΔΙΚΟΣ; item Nummus *Aristotelis* nomen exhibens; ut etiàm *Hermogenis* Medici, qui septuaginta septem volumina ediderat, inscriptio. Dùm Smyrnæ itaquè commoratus est,

(a) Ibid. p. 32.

(b) Vid. Differt. p. 522. n° 38.

plures hujusmodi Nummos comparavit ; quos attentiori curâ expendens , ex nominibus & figuris inter se collatis ad rem medicam pertinere citò deprehendit. Cùm in patriam autem reversus fuit , sermone de Medicinæ antiquitatibus forte inter nos incoëpto , pro eâ necessitudine , quæ diù mihi cum eo fuerat , mentem suam de his Nummis mihi statim aperuit , nec id tantum , sed Nummos ipsos , unâ cum quibusdam in illos observationibus , se dono mihi promisit missurum ; quod & haud ita pridem amicissimè præstitit. Illius igitur beneficio nova hæc ad rei Nummariæ scientiam accessio prorsus debetur. Cujus etiâ de republicâ litteraria optimè merendi studio & industriâ , si vivat modò & valeat , magnum *Græcarum Antiquitatum , aliorumque veteris ævi monumentorum Corpus* , nondum publici juris factum ; *doctissimis* etiâ *commentariis* , tantoque thesauro dignis , *locupletatum* , Antiquitatis studiosis expectare licebit. Vale.

R. M.



DISSERTATIO

DE

NUMMIS QUIBUSDAM

A SMYRNÆIS

IN MEDICORUM HONOREM

PERCUSSIS.



DE M Medicæ Arti, quod & aliis disciplinis liberalibus, olim usu venisse, ut Professores ejus in sectas diversas à diversis, quibus profecti sint, scholis distinguerentur, ex antiquis Scriptoribus manifestò constat. Sectæ autem Herophileorum & Erasistrateorum, quæ ab auctoribus suis Herophilo & Erasistrato nomen acceperunt, per sæcula aliquot eximiâ laude celebrabantur. Hujus rei testis nobis locupletissimus est Strabo, cujus verba hîc adscribam. μεταξὺ τῆς Λαοδ. νείας καὶ τῶν παρυρῶν ἱερὸν ἐστὶ, μνηὸς Κάρη καλέουσι, τιμῶμενον ἀξιοτάτως συνεθηκε δὲ καὶ ἡμᾶς διασκαλεῖον Ἡροφίλειον ἰατρῶν μέγα ὑπὸ Ζεῦξιδος, καὶ μετὰ ταῦτα Αλεξάνδρῳ τῷ Φιλαληδῶς

καὶ αὖτε ἐπὶ τῶν ἀναγραφῶν αὐτῶν ἐν Σμύρῃ τὸ
 τῶν Εὐσεβίου ἐπὶ Ἰουλιανῶν ἀπομνημονεύματι τὴν
 συμβαίνει (α). Hæc doctissimus geographorum
 Scriptor. Cum alteram autem ex his scholis ad suam
 aetatem, quo tempore Augustus Cæsar Imperium
 tenuit; alteram verò ad illam, *quæ proximè antecessit*,
 permanisse dicat: si a sectarum auctoribus
Herophilo & Erasistrato, qui sub initiis Antiochi
 Soteris, Syriæ Regis, floruerunt, temporis spa-
 tium computemus, annos circiter ducentos & se-
 xaginta completi invenientur. Cæterum in hono-
 rem Medicorum, qui alterutri harum sectarum se
 addixissent, Nummos, de quibus tractaturi sumus,
 percussos fuisse nomina illis impressa evincunt. Ete-
 nim tum *Zeuxidem*, tum *Hicesium*, a Strabone hîc
 memoratos, exhibent. Idem quoque de aliis vete-
 rum Scriptorum auctoritate, qui eos laudant, in
 singulorum explicatione postea demonstrabitur.

Primum autem duplicem Nummorum seriem,
 æneis tabulis incisam, proferemus; quarum altera
 Medicorum nomina, altera varia Deorum saluta-
 rium simulacra repræsentat. Prior sigillatim expli-
 cabitur; posterior quatenus lucis aliquid illa altera,
 ad cujus illustrationem adjungitur, ex eâ scenerari
 possit. Nummi autem in utrâque serie sequenti ra-
 tione ordinantur.

Medici in priori serie adducti.

XEUXIS.

N. I. 1, II. III.

HICESIUS.

N. II. 1, II.

APOLLOPHANES.

N. III. 1, II.

(a) Geogr. I. 12. sub finem.

IATRODORUS.	}	N. IV. I, II, III, IV.
IASON IASONIS.		
ATHENAGORAS.	}	N. V. I, II, III.
SARAPION.		
PASICRATES.	}	N. VI. , I.
METRODORUS PASICRATIS.		
HERMOGENES TRICCÆ.		

Deorum salutarium in posteriori serie simulacra.

1. ÆSCULAPIUS sedens, ΣΜΤΡΝΑΙΩΝ nullo alio nomine adscripto.
2. ALTER priori similis, errore monetarii, ΣΜΤΡΝΑΙΩΝ.
3. ÆSCULAPII caput laureatum, in familiâ Aciliâ Latinâ.
4. SALUTIS caput laureatum, in eâdem familiâ.
5. SALUS, in familiâ Juniâ. *Vaillant.*
6. SALUS AUGUSTA, Coloniae incertae in Nummo Liviae.
7. SAL. AUG. Coloniae Novae Carthaginis, in Nummo Caligulae.
8. SALUS, in familiâ Claudiâ. *Vaillant.*
9. Tessera salutaris, inscripta ΑΣΚΛΗΠΙΟΣ ΚΑ ΤΙΕΙΑ, cum capite ÆSCULAPII laureato.
10. Tessera salutaris, cum eâdem inscriptione, & capite HYGIÆ laureato.
11. Caput APOLLINIS MEDICI radiatum, cum HYGIA sedente, & TELESPHORO stante, Hierapoleos Phrygiam inter & Lydiam.
12. APOLLO SALUTARIS stans, in Nummo Treboniani Galli.

13. *ÆSCULAPIUS* & *HYGIA* stantes, cum *TELESPHORO* intermedio, *BAITHAMEN*, in Nummo *Getæ*. *Internum Gr. Vaill.*
14. *ÆSCULAPIUS* sedens, & *HYGIA* stans, col. *Neapoleos Samaritanæ*, in Nummo *Philippi senioris*. *Vaill.*
15. *ÆSCULAPIUS* serpentis specie *Romam* ad-
vectus, in familiâ *Rubriâ Latinâ*. *Vaillant.*
16. Caput *ÆSCULAPII* sine coronâ, adjuncto
serpente, col. *Babbæ*, in *Neronis Nummo*.
Apud Vaillant.
17. *APOLLO CONSERVATOR* stans, in Num-
mo *Claudii Gothici*.
18. Idem, cum inscriptione *SALUS AUG.* in
Nummo *Gallieni*.
19. *SALUS* stans, cum serpente tripodi circum-
voluto, in Nummo *Hostiliani*.
20. *ISIS* cum attributis, & inscriptione *SALUS*
AUG. in Nummo *Claudii Gothici*.

Qui hos *Smyrnæorum Nummos*, in priori serie collocatos, animo paulò attentiori consideraverit, ad rem medicam pertinere ut credat, tam à nominibus adscriptis, quàm istis, quas exhibent, figuris, facile, opinor, inducetur; quod quò clariùs appareat, ad singulorum explicationem jam progrediemur.

N. I.

XEUXIS

I. Nummus æreus moduli tertio majoris, *Smyrnæ* eo tempore percussus, quo ludi annui illic ederentur, *sacri Æsculapici* vocati; de quibus, quàm multis post annis, in *Genethliaco Apellæ* apud *Aristidem* fit mentio,

In adversâ Nummi areâ : *Caput muliebre laureatum.*

In adversâ : ΣΥΡΝΑΙΩΝ ΖΕΥΣΙΣ *Æsculapius sedens.*

Caput istud muliebre videtur esse deæ *Hygiæ*, *Æsculapii* filiæ, ad instar deæ *Salutis* in familiis Latinis *Aciliâ*, *Claudiâ*que (a), coronâ laureâ redimitum.

Defunt quidem in hoc nostro capite, quæ in istis duobus reperiuntur, inauris & monile; sed pro diverso colentium ingenio diversus persæpè fuit ejusdem Numinis ornatus. Ut igitur *Venus* aliquandò ab ipsâ *Venere*, ità & *Salus* à *Salute* discrepabat. *Veneri* enim in familiâ *Juliâ*, n. 11. & 25. apud *Vaill.* & in *Æmiliâ* n. 13. & 14, nec inauris adest nec monile; *Saluti* in familiâ *Juniâ* nec inauris nec corona (b). Romanis verò *Imperatricibus*, *Salutis Augustæ* imaginem præ se ferentibus, nulla sunt hujuscemodi ornamenta (c). Simulacra interim deorum salutarium, pro diversitate locorum diversis modis efficta, non injucundum erit in Tabulâ secundâ & tertiâ contemplari.

Sunt autem, qui hoc caput *Apollinis* esse statuunt. Neque est, cur *Apollinem* abnuamus; *Apollinem* nempè Ἰατρὸν, hoc est *Medicum*, vel *Salutarem*, quem unâ cum *Æsculapio* jurari voluit

(a) Vid. Tab. 11. n. 3. 4. Tab. 111. n. 8. Coronatos illic aspice *Æsculapium* & *Salutem*; itemque in duabus testis salutaribus, Tab. 111. 9, 10. *Æsculapium* & *Hygiam* è Museo inclyti apud *Essexienses Baronetti*, *Roberty Abdy*.

(b) Vid. Tab. 11. num. 5.

(c) Vid. Tab. 11. num. 6. Tab. 111. num. 7. & *Thef. Brand.* vol. 3. pag. 617.

Hippocrates (a) ; & de quo decantatur illud Ovidianum , Met. l. 1.

Inventum Medicina meum est.

Quinetiâ huc faciunt certamina , quorum in inscriptione Ancyranâ mentio , *ΙΕΡΩΝ* nempe *ΑΓΩΝΩΝ ΤΩΝ ΜΕΓΑΛΟΑΣΚΛΗΠΕΙΩΝ ΤΕ ΚΑΙ ΠΥΘΙΩΝ* (b) , si talia fortè certamina Pythia , Æsculapicis conjuncta , Smyrnæ quoque edita putentur. Hæc enim pulchram certè occasionem præbere poterant , hinc caput Apollinis , illinc simulacrum Æsculapii , in eodem Nummo percutiendi.

Sed ut , quod res est , planè dicamus ; huic de Apolline sententiæ obstat effigies ista muliebris , quæ nequaquàm Apollini competit. Neque , si vetustas rectè intelligatur , persona unquam Apollinis muliebris fuit (c) ; quanquàm non rarò tractanti lyram , & talarem pallam induto , habitus ei muliebris , ut Dianæ virilis , tribuantur. Hæc enim qui descripsêre , Ovidius & Tibullus (d) , marem

(a) *Ὁμῶνι Απόλλωνα ἡγήσιν, ἔ Ασκληπιόν, καὶ Ὑγίαν, καὶ Πανδρείαν.* Hipp. jusjurand.

(b) Vid. inscriptionem Ancyræ adhuc extantem , post Doufam & Cossonium à Tournefortio feliciter exscriptam , atque à Montfauconio editam , Palæograph. lib. 2. c. 6.

(c) Bacchum quidem *ἄρρενα καὶ ὄφῃλον* Otrphica dixere carmina , eumque natura *δίδμιν* Aristides alique tradidere ; at Apollinem semper marem nemo non Poëtarum celebravit.

(d) Vide eos ad hanc ipsam rem adductos à doctissimo J. C. Schot. in Homerici Apotheosæ explicatione Gallicana , pag. 62 , 63. Cui tamen minimè assentiendum , Domitianum sub Apolline semper juvene muliebrem esse contententi , & Caëllum sic citanti , Epigr. 64. De Atys : *Ego mulier , ego adolescens , &c.* cum auctor sine dubio scripserit : *Ego puber , ego adolescens , &c.* Vide eum pag. 54 , & 65.

nihilominus

nihilominus Apollinem manifestò prodidêre. Quorum alter sic incipit, Met. l. xi.

Ille caput flavum lauro Parnasside vinctus.

Alter verò, l. iii. eleg. 4.

Hic juvenis castâ redimitus tempora lauro.

Adde ex Propertio, l. ii. eleg. 23.

Pythius in longâ carmina veste canit.

Talis sedet Apollo in lucernis aliquot fictilibus (a); tali habitu stat in Troadensium & Antiochenorum monumentis (b); *Actii* etiâ, & *Augusti*, & *Palatini* nomine, in imperatoria aliquot Numismata traductus. At caput Apollinis muliebri ipsi sibi videntur finxisse Antiquarii, aut Apollinem semper juvenem pro Apolline muliebri, aut caput aliquod ignotum pro Apollineo venditantes (c). Sed & isti de Apolline Medico sententiæ obstabit corona laurea; obstabit, inquàm vel in his Nummis, Medicorum nomine inscriptis. Corona enim laurea propria quidè Apollinis, sed Vatis, sive

(a) Thef. Brand. Begeri, Vol. 3. post pag. 442.

(b) Vide Troadem & Antiochiam inter colonias Vaillant, in Caracallâ & Philippo seniore; maremque illuc Apollinem, quanquàm muliebri habitu indutum, ut in Augusti, Antonini Pii, & Commodi Nummis recognosce.

(c) Censuram hoc nomine meruere Ursinus & Vaillant, in familiis Claudiâ & Volteiâ. Illud scilicet Callimachi non rectè adverterunt.

Καὶ περ αἰὲ καλῶς, καὶ αἰὲ νύϑ' ἔσσι Φοῖβον

Θηλείαις ὅδ' ὅσσον ἐπ. χρόος ἦλθε παριῖς.

Ut neque illud Phurnuti, De Naturâ Deorum, cap. De Apolline: Ἀπόλλων ἀνδρῶν ἀνεπλάστῃ — βῆται δ' ἡλικίαν ἔχει — καλῶς γὰρ ὁφθῆναι. Nihil igitur in Apolline muliebri somniaverunt Veteres, nisi figuratè solummodò, ob eximiam ejus pulchritudinem & perpetuam juventam.

KK

Musagetæ, fuit; quo, si Plutarcho fides, *nunquam utebantur Medici* (a). At Apollini Medico, vel, quod idem, Soli & Pæani (b) aut nulla omnino corona, aut radiata gestabatur. Stat igitur Apollo nunc *Salutaris*, nunc *Conservator* dictus, non laureâ, sed strophio revinctus, in Treboniani, Claudii Gothici, & Gallieni Nummis (c). Idemque radiatam gerit coronam sub titulo ΑΔΙΑΒΗΝΟΥ, hoc est, *magnificè illustris*, in Numismate Hierapolitano, diis ibi salutaribus, Hygiæ & Telesphoro, sociatus (d).

Cæterum fatendum est, non malè Æsculapio etiâ Musicum Apollinem in Nummis aliquandò potuisse sociari. Nam, ut testatur Plato in Jone: *Epidaurii in ludis Æsculapicis rhapsodorum, & cujusvis generis musices, certamina isti suo Numini posuere*. Idemque videntur fecisse Colophonii, quorum Nummi in Antiquariorum scriniis servantur hinc nostro similem Æsculapium, illinc stantem suum Apollinem, & lyrâ insignem ostentantes.

His ita positis, viderit eruditus Lector, nûm caput hoc Apollini, an deæ Hygiæ sit potius tribuendum; Hygiæ, inquam, in urbe Smyrnâ (e), ut in

(a) Τῆς ἰατρικῆς ἀσκητικῆς ἐχούσας ἴσμεν ἡγεμόνα, καὶ Ἀπόλλωνι Παιῶνι χρωμένους πάντας, Μουσικῇ μὲν. Symposiac. lib. 9. quæst. 14

(b) Eadem opinio (Apollinis) *Sospitalis & Medici dei* in nostris quoque sacris fovetur. Namque *Virgines Vestales ita indigitant*: APOLLO. MEDICE. APOLLO. PÆAN. Macrobi. Saturnal. lib. 1. c. 17.

(c) Conferantur Nummi Tab. III. 12, 17, 18.

(d) Vid. ejusdem Tab. Numm. 11. desumptum è Thesauro Britannico Haymano, Vol. 2. pag. 112. occurrentem etiâ apud Trifanum, Patinum & Harduinum.

(e) Quod de aliis multis urbibus Pausanias, id quoque

Epidauro, Titana, Pergamo, socium cum Æsculapio cultum & commune templum sortitæ. Deveniendum igitur ad alteram Nummi aream, in quâ inscribitur.

ΣΜΥΡΝΑΙΩΝ ΞΕΥΞΙΣ. *Xenxis* (vel *Zeuxis*, ut ferè in editis libris scribitur) *Herophileus* sicut à Strabone docemur (a), magnæ istius prope Laodiceam scholæ magister (b), Erotiano, ut *Exegeticorum auctor*, laudatur; hîc verò ut Æsculapii sacerdos (c), & forte ut Smyrnæ urbis medi-

de urbe Smyrnâ clarè docuit Aristides, Orat. sacr. 3 & 4. ibi nempè in templo Æsculapii, sacrata fuisse sacella & simulacra tum ipsi Æsculapio, tum diis etiàm σωτηρίας Hygyæ & Telephoro. In tertiâ Orat. ità scribit: ἐπεὶ δ' ἑλθὼν εἰς τὸ ἱερόν (Templum intellige Æsculapii) γίγνομαι περιῶν κατὰ τὸν Τέλεσφόρον, ἐπέρχεται ὁ νεώτερος Ἀσκληπιάδης. — Καὶ παρελθὼν εἰς Ὑγιάν — κομίζει τὸ χεῖμα εὐσθίας παυσὸν ἴσον. In quartâ verò: Ἔστιν ὁ τρίπυς ὑπὸ δεξιᾷ τῆς δεξιᾶς εἰκόνας χρυσοῦς ἔχων τρεῖς, μίαν Ἀσκληπιῶ, τὴν δὲ Ὑγιάν, τὴν δὲ Τέλεσφόρον. Hæc tria Numina salutaria, Æsculapium nempe, Hygiam & Telephorum in Bagenorum Nummo Tab. III. n. 13. ab *Caio* eorum pontifice publicata contemplare, Lector; Æsculapium & Hygiam n. 14. Hygiam verò & Telephorum n. 11.

(a) Verba sunt Strabonis lib. 12. superiùs citata: Διὸς Ἀσκληπιῶν Ἡροφίλειον ἰατρὸν μέγα ὑπὸ Ζεύξεος.

(b) Vide eum in voce κακμάσα; Ζεύξης μὲν ἔν ἐν τῷ δευτέρῳ τῶν ἐξηγητικῶν, iterumque inferiùs paulò, τῆς περὶ τὸν Ζεύξιν non sine honore nominat Sed & consulendus de *Zeuxide* Galenus

(c) Sacerdotum Æsculapii dignitas apud Smyrναeos sæpè in sacris Aristidis Orationibus mentionem merita est, ut etiam in Inscriptione Smyrnenfi, inter Marmor. Oxon. n. 46. Τ. ΚΑ. Ο' ΑΛΕΞΙΟΥ ΑΙΚΙΝΝΙΑΝΟΥ ΕΡΕΩΣ ΑΣΚΛΗΠΕΙΟΥ. Huic, credo, sacerdoti, celebratis ludis sacris Æsculapicis, permessa fuit annua potestas Nummos huc spectantes proprio suo nomine signatos emittendi. Porro, ut ex Aristide intelligimus, in Orat. sacr. prim. erat quo-

cus (a) inscribitur. Adest enim in eadem areâ *simulacrum Æsculapii sedentis*, apud Smyrnæos Jovis

que apud Smyrnæos Ασκληπιακὸς ἱατρεὺς. Quo titulo nescio quid melius indigitari possit, quàm *Medicus sacerdos Æsculapii*. Nisi quis malit Ασκληπιακὸν τοῦ ἱατροῦ fuisse ludorum Æsculapicorum Medicum, cujus erat Athletarum corpora ad certamen præparare, & mutilata post certamen medicari. Tales apud Gruterum occurrunt in inscriptionibus Latinis ludorum magnorum, factionum item Venetæ & Russatæ Medici, pag. CCCXXXIV, CCCXXXV, CCCXXXIX. Notum est etiam in Nummis Asiaticis adscribi sacerdotis nomen cujusvis Numinis simulacro; ut in isto Bagenorum, cum Æsculapio, Hygiâ & Thelesphoro, ΕΠΙ ΓΑΙΟΥ ΑΡΧΙΕΡΕΩΣ, Tab. III. n. 13. item in alio Samiorum circa Mercurii effigiem, ΕΠΙ ΛΥΣΑΝΔΡΟΥ ΙΕΡΕ — Tournefort. Itin. Epist. X. & in Philadelpheno, qui hinc caput Dianæ exhibet, illinc Apollinem sedentem, adscriptis vocibus ΕΡΜΙΩΝΟΣ ΕΡΜΟΓΕΝΟΥΣ ΑΡΧΙΕΡΕΥΣ; Thesaur Brit. vol. II. p. 157. Ubi, nè quis putet pontificatum fuisse summum urbis Magistratum, vetat inscriptio Philadelphena nondum vulgata: Α. ΕΡΜΙΩΝΟΣ ΞΥΣΤΑΓΧΗΝ ΙΕΡΕΑ. ΤΗΣ ΑΡΤΕΜΙΔΟΣ — ΑΡΙΧΕΡΑΣΑΜΕΝΟΝ. ΕΝΔΟΣΕΩΣ — ΑΡΕΑΝΤΑ, ΤΗΝ, ΠΡΩΤΗΝ ΑΡΧΗΝ. ΕΠΙ ΛΑΝΩΣ. Falluntur igitur, qui conspecto in his Nummis personæ nomine, confectum illud magistratus esse putant. Cum iis, quæ hîc diximus, conferri etiam possunt, quæ intra not. 25, 26. de initiatione quâdam & sacerdotio Medicorum, ex Aristide & Cassiodoro afferemus. Sed præter sacerdotium, alios quoque in suis urbibus honores obibant insigniores Medici. Unde Ephesii in inscriptione medicâ collaudant Asclepiadis filium ΗΙΣΙΣΤΗΚΟΝ & ΑΛΕΞΑΒΑΣΤΗΝ. ΑΡΧΙΑΤΟΝ, ΔΙΑΓΕΝΟΥΣ. ΝΕΟΠΟΙΟΝ — ΒΟΥΛΕΥΤΗΝ. &c. &c.

(a) Et hæc quoque, æquè ac sacerdotium Æsculapii, eminuit apud Smyrnæos dignitas. Unde in Smyrnenfi marmore inscriptum est honoris ergò: ΕΥΛΕΜΕΡΟΥ ΑΤΡΟΥ ΣΥΝΙΣΤΗΣ &c: pro quo, ΙΕΡΟΥ inter Oxoniensia marmora, p. 301, & Sponii Miscell. pag. 351. mendosè legitur. Vid. Memoriam Cossonianam pag. 156. De Medicis verò urbium & archiatis, ad dignitatem istam à loci or-

Æsculapii (b), titulo sacra-*ti*, *caput strophio* re-

dine promovendis, consulatur Cod. Justin. tit. *De Profess-*
oribus & Medicis.

(a) Smyrnæi *Æsculapium* suum rerum omnium poten-
tem somniantes *Jovis* titulo insignivêre. Ασκληπιὸς δυνάμεις
μεγαλὰι τε καὶ πολλαί, πολλοὶ δὲ ἄπασαι — καὶ Διὸς Ασ-
κληπιὸς πρὸς ἑκ' αἰῶναις οἱ τῆδε ἱερύσαντες. Aristides, *Hymno* ad
Æsculapium, & sæpius in *Orationibus* sacris. *Parem* & *Se-*
rapidis potentiam plerique crediderunt, teste *Tacito*, lib.
4. cap. 84. Unde extat in *Gazâ Mediceâ Nummus* Z E Y Σ
Σ Α Ρ Α Π Ι Σ inscriptus. Smyrnæis vicini *Colophonii* tu-
telarem suum *Apollinem* in adversâ *Nummi* areâ, & in
aversâ *Jovem* quoque *Æsculapium* (ut paulò suprâ observa-
vimus) adjecto sacerdotis nomine, percusserunt. Cujus ge-
neris esse *Nummorum* istum licet conjicere, qui inter eos ex
Fulvii Ursini bibliothecâ publicatos, *Pythei* nomine inscribi-
tur. Errasse igitur in *Nummi* illius explicatione videtur *Fa-*
ber, qui sedentem imaginem ipsius esse *Pythei* existimet; quem
& *Poëtam Colophonium* fuisse statuit. Neque minus, opi-
nor, fallitur, cùm figuram in adversâ *Nummi* parte *ly-*
ram tenentem, non *Apollinem*, sed *Musam* esse censeat.
Cæterùm cùm alter *Nummus* in *Galliæ Regis* *Thesau-*
ro (ut refert *Gronovius*) voces habeat inscriptas: ΣΜΥΡΝΑΙΩΝ
ΠΥΘΕΟΣ: *Pytheus* hic utriusque civitatis sacerdotio cu-
mulatus, nec malè forsàn ad nostram etiàm *Smyrnen-*
sium *Medicorum* classẽ referri posse credatur. Etenim non inu-
sitatum fuisse pluribus civitatibus insignes viros adscribi, in-
ter aliâ ejus rei documenta tres *Attali Sophistæ* *Nummi* of-
tendunt, in quibus inscriptio illa legitur: ΑΤΤΑΛΟΣ ΣΟ-
ΦΙΣΤΗΣ ΤΑΙΣ ΠΑΤΡΙΣΙ ΣΜΥΡ. ΛΛΛ. Vid. illustris. *Span-*
hem. de *Vestâ*, &c. apud *Seguin.* p. 341. De *Pytheo* au-
tẽm consulere licet *Gronov.* *Thes. Ant. Gr.* vol. 111.
plag. dddd.

Sedere *Jovi* proprium, ideòque & *Jovi* *Æsculapio*, ut
in nostro, & *Neapolitanorum* *Nummo* Tab. 111. n. 14.
stantem autem *Æsculapium* *Pergameni* aliique multi co-
luere. At *Smyrnæus* *Epidaurio* magis accessit, de quo *Pau-*
sanias in *Corinth.* καὶ ἐνταῦθα ἐπὶ τῷ βασιλεῖω κρατῶν.

vincti (a), palliati (b), smilam, hoc est, gladiolum chirurgicum, manus sinistrae habentis (c), dextram verò labia versùs admoventis, eoquē arcana scientiæ medicæ (d), & juratum ab ejus candidatis silentium significantis (e). Eminent à dextro

(a) Caput strophio revinciri frequentissimum in Jovis sedente, sed neque rarum erat in aliis quoque Numinibus ornamentum. Vid. suprâ not. (c) p. 514.

(b) Is fuit Æsculapii habitus, luculenter illud testantur Tertulliano, De Pallio cap. 4. *Ipsum hoc pallium morosius, inquit, compositum, & crepidæ Græcarum Æsculapio adulantur.*

(c) Οὗ ἐγχειρίδιον ἔχει ὑπὸ μάλῃς, de Æsculapio inquit Aristides, Orat. sacr. 4. *Εγχειρίδιο* autem hoc *smilam* voco, auctore eodem Aristide, cui apparuit Serapis, compar Æsculapio Numen, *σμίλλῳ τι ἔχων ὥσπερ καὶ θῆται ἐν τῷ σχηματί.* Est verò *smila* sive *smilium*, gladiolus *ιατρικὸς γαστρῶδης*, quem & *ἱπποκράτης* vocat Hippocrates; & *ἰετροειδὲς*, sive τῷ *Φιετροειδῶ* opponit, libro de Morbis secundo. Vide Galeni Exposit. Hippocraticarum *λεξιῶν*, in voce *Μαχαιρίδι* *σηθροειδῆ*. Latum hujusmodi gladiolum Medici Herophilei & Erasistratei in manu Æsculapii sacravere, eo potissimum indicio tanquàm anatomices cum inventorem recolentes, & infirmorum per sectiones sanatorem. Tertiam enim in Æsculapio potentiam Pindarus hoc modo cecinit: *Τὰς δὲ τομαῖς ἔστησεν Ὀρῶδης.* Pyth. 3. Atque ob hanc causam DEO ÆSCULAPIO ENCHIRIDIUM ARGENT. dedicatum cernimus. Inscript. Gruter. LXX. 8.

(d) Arcana suæ scientiæ habuere Medicinæ filii, iisdemque sacro sub silentio initiabantur, Pergamī præcipuè: sub tutelâ Æsculapii Asiatici, quem eo nomine *Μυσταγωγόν* appellat Aristides, mirumque in modum extollit jus illud, *εἰς Ασκληπιῶν τε συμφροσῆσαι, καὶ τελειῶσαι, τὰ πρῶτα ἱερὰ ὑπὸ τῷ καλίστῳ καὶ τελειότατῳ δαδυχῶ καὶ μυσταγωγῶ.* Orat. de concordia Urbium.

(e) Institutum olim ab Hippocrate jusjurandum, *ἀ δ' ἄν ἐν θεοῖς περὶ ἡ ἰδῶ, ἢ ἀκούσω, σιγήσομαι*, ad fera usque tempora perduravit. Ità enim in Epistolâ secundâ ad Nepotianum Hieronymus; *Hippocrates adjurat discipulos, ἀντι-*

*latere baculi protensi apex (a), & ante pectus as-
trum (b).*

2. NUMMUS æreus moduli tertii. In adversâ
preâ: *Caput turritum Matris Deorum Sipylenæ (c),*

quàm doceat; & in verba sua jurare compellit; & extorquet
sacramento silentium. Cassiodorus quoque in formulâ Co-
mitis Archiatrorum, lib. 6. cap. XIX. In ipsis hujus artis
institiis quædam sacerdotiî genere sacramenta nos consecrant.
Hæc igitur sacramenta, digito ad os adnato, cultoribus
suis innuit Æsculapius, quod & apud Ægyptios fecit Har-
pocrates, apud Latinos dea Angerona.

(a) Baculus iste, quanquàm solito aliquantò longior,
proprium tamen est gestamen Æsculapii, ut in antiquis
apud Choulum & Chauffeum simulacris. Quod vero ser-
pente destituatur, id habet cum simulachro dei Epidaurii
commune. Contrâ autem, ut baculus sine serpente, itâ
serpens sine baculo Æsculapio nonnunquàm adjungitur.
Vid. Tab. III. n. 16. Quod & deæ Salutis fuit insigne di-
versimodè depictum, Ibid. n. 11. 13. 19. & Tab. II. n. 4.

(b) Hujusmodi astro solem non improprie designari
demonstrant Elagabali Nummi, & sacra Mithræ monu-
menta; ad solem verò Æsculapium, i. e. *ἰατροὺ δούταμιν*,
referri notum est in Gentilium Theologiâ. Sic igitur Pro-
clus in Timæum, lib. 1. pag. 49. *Ἀσκληπιὸν εἰς ἡλίου θεῖον*.
Fuerunt etiâ qui Æsculapium pro ipso solis numine ha-
buerunt. Unde quærit non immeritò Eusebius, Præp. Evang.
lib. 3. cap. 2. *Πῶς δὲ ἡλίας ὁ, (Ἀσκληπιὸς) καὶ αὐτὸς τῶ ἡλίου
ὕδατος πάλιν ἀποφανθεῖν*; Vide gemmam huc spectantem, in quâ
imago Æsculapii, hinc lunulâ astro, solis symbolo, deli-
neatur, apud Beger. Thef. Brand. vol. 1. pag. 17.

(c) Eam urbs utraque juravit in Smyræorum & Ma-
gnetum fœdere, v. 60, 61, 71. *ΟΜΝΥΩ ΔΙΑ ΓΗΝ —
ΚΑΙ ΔΗΜΗΤΡΑ ΤΗΝ ΣΙΠΥΛΗΝΗΝ* h. e.
Juro Jovem, Tellurem & Matrem Sipylenam. Ubi in Marm.
Oxon. malè vertitur; *Juro per terram &c.* Quibus verbis
etiâ deceptus videtur illustris. Spanhemius, cum eâ ad-
ducit, ut civitates istas per *Terram ante alios deos deasque*
jurasse ostendat. De Vestâ & Prytanibus Græc. ap. Seguin.
p. 362. Nam *διὰ* præpositio in jurando genitivo casui ad-

tutelarîs Smyrnæorum Numinis (a).

In aversâ : ΣΜΥΚΝΑΙΩΝ ΖΕΥΞΙΣ. Idem ille, qui in priore Nummō *Zeuxis*; hic quoque ut deæ *Isidis*, sanitatis præsidis, sacerdos, idque ob pompam Iſiacam cum ludis Æſculapicis conjunctam. Conſpicitur enim in eâdem areâ *ſimulacrum Reginae Iſidis* (b), ſocium cum Magnâ Matre honorem (c), eandem ac Æſculapius potentiam, (d), & cele-

jungitur, ut apud Demoſth. διὰ πῶρος οὐνούειν. Templum ejus nobiliſſimum, Μητρώον Smyrnæis dictum, Ariſtidi verò τῆς κάλλιστος — τῆς εὐλαχίας θεῆς τῶ πόλιν, ſitum erat in plano urbis prope portum & gymnaſium, templumque in eo Jovis Æſculapii. Vid. eum, Orat. Smyrn. politic. & de Concord. urb.

(a) Hoc eſt, quod volui: Ariſtides in Prænotatis iſtis : τῆς εὐλαχίας θεῆς τῶ πόλιν. Unde etiâ inter deos, quos S. C. & conſtitutionibus Principum hæredes inſtitui conſeſſum fuit, enumerari invenimus, Apollinem Didymæum, Dianam Epheſiam, Matrem Deorum Sipylenſem, quæ Smyrnæ colitur. Ex corp. Ulp. tit. 22. §. 6.

(b) Quo jure poſt Oſirin, & quantâ cum laude regnaverit Iſis, docet Diodorus, lib. 1. Hic igitur regiam ejus dignitatem oſtentat ſceptrum, manu dextrâ elevatum. Ejus numen unicum (teſte ſe ipſâ apud Apuleium, Af. aur. lib. XI.) *multiformi ſpecie, ritu vario, nomine multijugo totus venerabatur orbis*. At Æthiopes, Ariique, priſcâque doctrinâ pollentes Ægyptii appellabant vero nomine Reginam Iſidem.

(c) Multa hoc teſtantur Antiquorum monumenta, præcipuè in inſcriptione Gruterianâ XXVII. MATRI DEÛM ET IſIDI commune ſanum. Porro unum utriuſque Numen, ſociatis in eodem ſimulacro ſymbolis, colebatur Romæ, in circo maximo, inſigne capite turrîto, leonem in ſublîmi agitans, & ſiſtrum manu attollens. Vid. Numm. Neronis & Trajani apud Onuph. Panvin. De lud. circenſ. l. 1. c. 3.

(d) Eundem quidem, ac Æſculapius honorem habuit Iſis, ſed & antiquiorem. Nam, teſte Diodoro, lib. I. Φαειν

brem id urbe Smyrnâ celtum fortitæ (a). Stat illa habitu stolata, caput calathæ ornata (b), dextrâ manu sceptrum attollens, laevâ cippo innixa; eademque victoriam alatam sustinens, quæ & ipsi coronam porrigit, talem scilicet Reginam Isidem recognoscens, qualis in inscriptionibus celebratur, i. e. DOMINAM VICTRICEM, & TRIUMPHALEM. Grut. LXCXIII, 14. LXXXIV, 2. Adstat ad pedem cippi, avis manifestius in aliis Nummis consimilibus anseris speciem præbens (c).

Διγύπτιοι τὴν Ἰσιν φάρμακον τε πολλῶν πρὸς ἰγίειαν εὐρέτην γεγενῆσθαι — διὸ καὶ νῦν τυχεύουσι ἀθανασίας ἐπὶ ταῖς θεραπαίαις τῶν ἀνθρώπων μάλιστα χαίρουσιν — εὐρεῖν δ' αὐτὴν καὶ τὸ τῆς ἀθανασίας φάρμακον — τὸν δὲ Ὄρος μεθερμηνευόμενος φασὶν Ἀπόλλωνα ὑπάρχειν, καὶ τὴν τῆ ἰατρικὴν καὶ μαρτυρικὴν ὑπὸ τῆς μητρὸς Ἰσίδος διδασκῶντα, διὰ τῶν χρησμῶν καὶ θεραπειῶν ἐνεργεῖν τὸ τῶν ἀνθρώπων γένος — τὴν τε ἰδίαν ἐπιδικησάντων ἐπιφάνειαν, καὶ τὸ πρὸς δεομένους τῶν ἀνθρώπων ἐνεργητικὸν — οὐδὲν πρὸς ταύτην τὴν θεὸν καταφεύγουσιν. Hinc nata Isidis Salutaris, non minùs quàm Fructifera, & Theophoræ religio; templa Isidis per universam Græciam templis Æsculapii conjunctissima; inscriptiones Romanæ ISIDI SALUTARI; Nummi denique (qualis est Claudii Gothici, Tab. III. 20. cum epigraphe, SALUS AUG.) Isida cum symbolis ostendentes.

(a) Memorat quidèḿ Aristides τῆς Ἰσίδος τῆς ἐν τῇ Σμυρνῇ ἱεῖα, Orat. sacrâ primâ, Et in tertiâ ait: Εἰθεύκειν τῇ Ἰσίδι καὶ τῷ Σαράσιδι ἐν τῇ τῆς Ἰσίδος ἱερῇ, λίγω τε τοῦ ἐν Σμόρνῃ γενομένου. ἐξίοντι δέ μοι τὰ προφύλακα προσερέψουσιν χῆνες δύο τῶν ἱερῶν.

(b) Horum utrumque Hygiæ nostræ & Isidi ex æquo competit, ut videre est in Nummis Tab. III. n. 11, 13, 20.

(c) Anseres in Isidis templo, gratior ei victima futuræ

3. NUMMUS æreus moduli tertio minoris. In a lversâ areâ : *Caput idem muliebri laureatum*, ac in primo Zeuxidis Nummo.

IN aversâ ΣΜΥΡΝΑΙΩΝ ΕΕΥΕΤΙΣ. Idem ille Zeuxis hic etiâ , ut deæ *Isidis* sacerdos. Adsunt enim in eâdem areâ sacra illa *Isiaca*, ab Antistibus in pompâ *Isidis* attolli & gestari solita ; *palma* nempè *ramus*, & ex cavo ære *manus sinistra deformata*, *porrecta palmulâ* (a) æquitatis in *Iside* Thesmophorâ , sive legum præside , indicium (b).

At si quis fortè fuerit , qui manum hanc sinistram cestui similiorem putet , & Nummum eâ ratione ad pugilatum referri malit ; id ipsum equi-

pascebantur. Testatur hoc apud illustriss. Spanhemium, pag. 307. minister *Isiacus* benè anseribus oneratus ; & Artemidorus , ab eodem adductus , in *Oneirocriticis*, l. 4. c. 85 ; præter *Χῆς ὡς τῆς ἰεῖας* Aristidis nostri , jam sub notâ (c) p. 513. observatos.

(a) Itâ scilicet Apuleius in *Aur. as. lib. XI.* pompam *Isidis* percurrentes : *Ibat tertius* (*Isidis* antistes) *attollens palmam auro subtiliter foliatam*, nec non *Mercurialem* etiâ *caduceum*. *Quartus æquitatis ostendebat indicium*, *deformatam manum sinistram*, *porrectâ palmulâ* ; quæ *genuinâ pigrâ*, *nullâ calliditate*, *nullâ solertiâ prædita videbatur*, *æquitati magis aptior*, quàm *dextera*. Cui quidem plenè succinit Macrobius , *manus sinistræ mysterium non solum ad æquitatis*, sed etiâ ad *salutis officia* pertrahens , *quod ad noxam sit pigror*, & *salutem ea manus promptior largiatur*. *Saturnal. lib. I. cap. XVII.*

(b) Pari ratione & Nummum aureum priori nostro in multis simillimum , *Smyrnæi* deæ *Isidi* Thesmophoræ percussere ; hinc matris *Sipylenæ* capite , illinc stantis *Isidis* figura ; & epigraphæ ΠΡΗΤΑΝΕΙΣ insignium. Quid enim ? ad *Prytanes* spectabat juris & æquitatis administrationi sub *Iside* legum præside prospicere. Hanc tamen stantis *Isidis* figuram Seguinus ad *Smyrnam Amazonem*, Spanhemius ad *Vestam* detorsere. Quod quidem citrà omnem doc-

dēm ab Æsculapii & Hygiæ mysteriis nullo modo alienum iudicamus. Etenim dormienti cuidam pugili Smyrnæo (a) Æsculapius arcana quedam pugilatûs præmonstrasse dicitur, quibus ille instructus celebrem quendam adversarium prostravit, palmamque, ut par erat, præmium victoriæ retulit. Vid. Aristid. in Δαλιδᾶ πρὸς Ἀσκληπιόν.

N. II.

HICESIUS.

I. NUMMUS æreus moduli tertio majoris. In adversâ areâ: *Caput idem muliebre laureatum*, ac in primo *Zeuxidis* Nummo.

IN AVERSÂ: ΜΥΡΝΑΙΩΝ ΙΚΕΣΙΟΣ. *Hicesius scholæ Medicorum Erasistrateæ in Smyrnâ urbe magister fuit*, ut è Strabone suprâ ostendimus (b); Plinio non parvæ auctoritatis habitus, l. XXVII. c. 4. ab Athenæo quoque sæpiusculè (c), & Terulliano De Animâ c. 25. laudatus; ut sacerdos Æsculapii hîc inscriptus. Adest enim, ut in primo *Zeuxidos* Herophilei Nummo, *simulacrum Æsculapii* simili planè typo; nisi quod ante simulacrum non conspicitur *astrum*, neque extat ponè humerum *bacillus*; quæ non modò in *Zeuxidis*,

tissimorum virorum culpam admissum censeo; cum nempe eorum Nummo non adessent certiora illa deæ Iſidis indicia; in manu dextrâ sceptrum, ad pedes anser. Vide Spanhemii de hoc Nummo, & de Vestâ, &c. Diatriben; Diodorum verò Siculum de Iſide Theſmophorâ lib. I. 39.

(a) Ἐφ' οὗτοῦ inquit Aristides, h. e. è civitate nostrâ, non ut alias, nostro tempore.

(b) Vid. pag. 509.

(c) Occasione libri ab Hicesio scripti, περὶ ὕλης. h. e. De Alimentorum materiâ.

sed etiã in *Iatrodori*, & *Athenagoræ* Nummis comparent. Desunt autẽm, ut in *Hicesii*, sic in illis quoque *Iasonis*, *Pasiscratis*, *Metrodori*, & *Hermogenis*. At in iis, *Apollophanis*, & *Sarapionis* nomine insignitis, *bacillus* quidẽm, sed non *astrum*, adspicitur. Ea nimirũ apud Veteres fuit diversitas in symbolis eidẽ Numini attributis. De quã re nonnihil suprà observavimus (a). At quid si dicamus, *Herophileos*, *Æsculapio* suo *astrum*, ut sectæ indicium, *Erasistrateos* non itẽm adfinxisse? Mihi sanẽ, quantum ex Nummis hætenũs inspectis observare potui, verò haud dissimile videtur. Nihil autẽm certi de hac re in præsentia statuo; sed potiũs ut conjecturam deliciarum hujusmodi studiosis propono, dũ amplior Nummorum copia magis exploratum aliquid, ansamque decernendi præbeat.

2. NUMMUS æreus moduli tertii (b). In adversã areã: *Caput turritum Matris Deorum Sipylena*, ut in secundo *Zeuxidis*.

IN aversã: ΣΜΥΡΝΑΙΩΝ ΙΚΕΣΙΟΣ. Idem ille *Hicesius* Medicus, hic quoque ut sacerdos *Isidis*; cum eadem, ac in parili Nummo *Zeuxidiano*, *stantis Isidis* figura.

N. III.

APOLLOPHANES.

1. NUMMUS æreus moduli tertii. In adversã areã: *Caput idem muliebre laureatum* ac in primo *Zeuxidis* & *Hicesii* Nummo.

In aversã: ΣΜΥΡΝΑΙΩΝ ΑΠΟΛΛΟΦΑΝΗΣ ΕΡΟΒΙΤΗΝΟ. *Sedet* etiã hic *Æsculapius*, ut in iis *Zeuxidis* &

(a) Vid. pag 312.

(b) Ex Museo honoratissimi Comitæ de *Winchelsea*.

Hicesii. Apollophanes autem genere Selencensis, Antiochi magni Medicus fuit, ut discimus à Polybio, l. V. Qui & *eximie regi dilectum fuisse* scribit, idque non artis tantum causâ, ut videtur, sed etiam sapientiæ & in rebus arduis consilii prudentis. Etenim cum Antiochus consultandum amicis proposuit, ecquâ potissimum viâ impressio in Syriam esset tentanda, rejectis aliorum sententiis, eâ Apollonophanis omnibus prælata fuit. Floruit Apollonophanes ann. ante Christum CCXX. Cui Nummum hunc tribuerem. Quod ut faciam, eò etiam magis adducor, quia *Apollophanes*, ut *seftator Erasistrati*, à Cælio Aureliano memoratur, Acut. Morb. l. II. c. 3. *Apollophanem* quoque ut *Medicam* laudat Celsus, l. V. c. 18. ut *scriptorem* Plinius, l. XXII. c. 21. In voce autem imperfecta ΕΡΟΒΙΓΗΝΟ.. latet, opinor, patris nomen. Alter fuit *Apollophanes Arcas*, & is quoque *Æsculapii Numini addictus*, teste Pausan. in Corinth. c. 26.

2. NUMMUS æreus moduli tertii. In adversâ areâ: *Caput turritum Matris Sipylenæ.*

In aversâ: ΣΤΥΡΝΑΙΩΝ ΑΠΟΛΛΟΦΑΝΗΣ. *Isidis stantis imago*, ut in secundo *Zeuxidis & Hicesii* Nummo.

N. IV.

IATRODÖRUS. IASON IASONIS.

QUATUOR Nummi ærei, quorum tres priores tribus *Zeuxidianis* omninò similes. In aversâ parte inscripti: ΣΤΥΡΝΑΙΩΝ ΙΑΤΡΟΔΟΡΟΣ, adaptato scilicet ad Medicinæ professionem *Iatro-* *dori* nomine.

IDEM & in quarto Nummo observare licet ; sic inscripto : ΣΜΥΡΝΑΙΩΝ ΙΑΣΩΝ ΙΑΣΟΝΟΣ ; hoc est , *Iason Iasonis filius*. In eâdem enim familiâ vigeat ut plurimum Medicina , filiis & filiorum filiis a patribus per manus tradita. Quo nomine Asclepiadarum , h. e. *Medicorum gens* , non immeritò laudatur ab Aristide , ποιηταίμενοι nempè τοὺς παῖδας συνεργούς τε καὶ διαδοχὰς τῆς σφειτήρας ἐπισήμους — καὶ ἐν Μαχάρονος ἀρχαίμενοι καὶ Ποδαλειρίῃ — τὴν τε πρῶτον διασωσάμενοι τέχνην , ὥστερ ἄλλοι συμβολοὺν τῷ γένει. Orat. in Asclepiadas. E nostris igitur Medicis alii sibi titulum assumunt à locis Æsculapio dicatis , *Tricca* puta , aut *Titana* ; alii verò à patribus , Medicinæ studio celebratis , ut hic *Iason Iasonis* , itèm *Metrodorus Pasicratis* , de quo mox : nè plures jam commemoremus. Hinc & apud Latinos, teste Plinio, l. XXIX. c. 1. tùm aliæ quædam familiæ , tùm & *Rubria* Medicinæ professione erat celebris. Quod & Nummus in eâ familiâ testatur apud *Vaillant* , exhibens Æsculapii ab Epidauro sub draconis formâ advectionem (a) ; qualis ab Ovidio in Metam. XV. celebratur , ab Arnobio autèm lib. VII. non minore ingenio refutatur. *Iasonem* , Menecratis Nysæi filium , Posidonii Philosophi è filiâ nepotem , discipulum ; & in scholâ Rhodensi successorē , memorat Suidas in voce Ιάσων. Quem etiàm *vitas illustrium Virorum* , *Philosophorum successiones* , aliaque scripsisse dicit. Posidonium autèm istum , Stoicum , ac Ciceronis præceptorem Rhodi fuisse , in hujus vitâ tradit Plutarchus. Veruntamen nùm *Iason* ille Menecratis Medicinæ etiàm operam de-

(a) Vid. Tab. III. n. 15.

derit , nostrique *Iasonis* pater fuerit , necne ; aliis , quibus plus sit otii , disquirendum relinquimus.

N. V.

A T H E N A G O R A S.

TRES alii ex ære , *Zeuxidianis* pariles , inscripti ΣΜΥΡΝΑΙΩΝ ΑΘΗΝΑΓΟΡΑΣ : adjecto *ad pedem cippi prope stantis Isidis figuram* , eoque jam planius delineato , *ansere*. Smyrnæ enim in templo Isidis ea avis deæ sacra pascebatur ; & ægrotans toties Aristides , sanitatis recuperandæ ergo , geminos ei anseres immolabat , uti supra ostendimus , p. 521. Quisnam fuerit hic *Athenagoras* , aut quo tempore vixerit , nondum comperimus. Sed cum iidem planè honores , qui *Zeuxidi* & *Iatrodoro* , in tribus ei Nummis tribuantur ; ut inter Isidis & Æsculapii sacerdotes , ita quoque in Medicorum illum numero habere nullo modo dubitavimus.

N. VI.

SARAPION , PASICRATES , METRODORUS PASICRATIS , HERMOGENES TRICCÆ.

QUATUOR alii ejusdem generis Nummi ærei , in quibus idem ac in prioribus *caput laureatum* , & in areâ opposita Æsculapius *sedens* conspicitur.

I. PRIMUS inscribitur : ΣΜΥΡΝΑΙΩΝ ΣΑΡΑΠΙΩΝ , *Sarapion* hic idem esse potest qui apud Celsum in proœmio *Serapion* appellatur. E scholâ *Erasistrati* illum primo prodiisse , ex Cælii Aureliani verbis conjectari licet , qui de *tormento* loquens , eum

similia Erasistrato ordinasse dicit. Acut. Morb. l. III. c. 17. Neque his contradicere existimanda sunt, quæ Celsus loco jam dicto tradit: *Serapion primus omnium nihil rationalem disciplinam pertinere ad Medicinam professus, in usu & experimentis eam posuit* (a). Nihil enim prohibebat, quo minus & Erasistrateorum & Herophileorum placitis ἐμπειρικὴ etiam admisceretur. Sed & in aliquam multis fortè *Serapion* ab Erasistrato discessit; ut ab *Herophilo* magister *Herophileæ* scholæ *Alexander*, Φιλαλήδης inde cognominatus.

2. SEQUITUR ΣΜΥΡΝΑΙΩΝ ΠΑΣΙΚΡΑΤΗΣ, *Pasistrates*; Menodori Erasistratei frater, ipse quoque fuit *Erasistrateus*; quod demonstrant duo in eadem Nummi areâ adjecta monogrammata, unum urbis *Smyrne*, alterum scholæ *Erasistrateæ*. Legitur autem apud Athenæum, l. II. c. 18. Μηνόδωρος ὁ Ερασισάτειρος, ἰκεστὶς φίλος. Et in inscriptione Ancyranâ: ΚΑΠΙΤΩΝΙ ΠΑΣΙΚΡΑΤΟΙΣ ΠΑΣΙΚΡΑΤΗΣ ΚΑΙ ΜΟΝΟΔΩΡΟΣ ΥΙΟΙ ΑΥΤΟΥ, *Pasicratem* etiam *De re chirurgicâ* auctorem memorat Oribasius, lib. De Machinament.

3. HUIUS tertius affinis, ΣΜΥΡΝΑΙΩΝ ΜΗΤΡΟΔΩΡΟΣ ΠΑΣΙΚΡΑΤΟΥΣ: hoc est, *Métrodorus Pasicratis filius*. Unde innotescit in familiâ *Pasicratæ* professorum successio.

4. AGMEN claudit ΣΜΥΡΝΑΙΩΝ ΕΡΜΟΓΕΝΗΣ ΤΡΙΚΚΑΣ. *Hermogenes* autem, *Tricca*

(a) Haud ignoro sanè, quæ scribit Galenus, Introduct. c. 4. τῆς ἐμπειρικῆς προέσχεας φίλοι καὶ οἱ πρῶτος αὐτὴν ἀπολεμονόμενος ἀπὸ τῆς λογικῆς αἰρέσεως, τὰς ἀσθενείας λαβὼν παρὰ Ἡροφίλου, ἧς καὶ ἀκυστικῆς ἐγένετο — Μετὰ Φιλίππον ἐγένετο Σεραπίων Ἀλεξανδρεὺς. At Celso hic, ut multo antiquiori, fides potiori jure debetur.

nomine

nomine adscripto, natalitia sua in eâ urbe notari voluit; ideo fortè, quia urbs Tricca non solum Æsculapio sacra, sed & eidem natalis fuit. Sic enim Oraculum ab ipso Æsculapio editum:

Τρίκκῃς ἐξ ἱερῆς ἤκω θεός, ὃν πότε μήτηρ
δοίβῳ ὀπενταςῆσα κύει δοφίης βασιλῆα,
ἰδρὴν ἰητροείης Ἀσκληπιόν. Euseb. Præpar.

evang. I. III. c. 14.

Tricca igitur urbs Thessaliæ, & vicina ei Ithome, tanquam patria & ditio Asclepiadarum, hoc est Æsculapii filiorum, Podalirii & Machaonis, ab Homero in Catalogo celebrantur, II. β. v. 729.

Οἱ δὲ εἶχον Τρίκκην, καὶ ἰδῶμην κλωμαχέεσσαν,
σῶν αὖθ' ἡγείσθη Ἀσκληπιοῦ δῖο παῖδε.

Hermogenem autem Medicum Erasistrateum laudat Galenus, Item Hermogenis Medici, Charidemi filii, meminit inscriptio lapidis Sherardiani, qui Smyrnæ prope lacum *Alco bonar* dictum, ubi gymnasium olim fuerat, & templum Æsculapii reperiabatur.

ΕΡΜΟΓΕΝΗΣ ΧΑΡΙΔΗΜΟΥ ΙΗΤΡΕΙΗΝ ΑΝΑΓΡΑΨΑΣ
ΕΠΤΑ ΕΠΙ ΕΒΔΟΜΗΚΟΝΤΕΤΕΣΙΝ ΚΑΙ ΙΣΑΙΣ ΕΠΙ
ΒΥΒΛΟΙΣ

ΣΥΝΕΓΡΑΨΕ ΔΕ ΒΥΒΛΙΑ-ΙΑΤΡΙΚΑ ΜΕΝ ΟΒ
ΙΣΤΟΡΙΚΑ ΔΕ ΠΕΡΙ ΖΜΥΡΝΗΣ-ΑΒ
ΠΕΡΙ ΤΗΣ ΟΜΗΡΟΥ ΣΟΦΙΑΣ-ΑΚΑΙ ΠΑΤΡΙΔΟΣ-Α
ΑΣΙΑΣ ΚΤΙΣΕΩΝ-ΑΒ-ΕΥΡΩΠΗΣ ΚΤΙΣΕΩΝ-ΑΒ ΓΔ-
ΝΗΣΕΩΝ-Α

ΑΣΙΑΣ ΣΤΑΔΙΑΣΜΩΝ - Α - ΚΑΙ ΕΥΡΩΠΗΣ - Α
ΣΤΡΑΤΗΓΗΜΑΤΩΝ - ΑΒ-

ΠΙΝΑΞ ΡΩΜΑΙΩΝ ΚΑΙ ΖΜΥΡΝΑΙΩΝ ΔΙΑΔΟΧΗ
ΚΑΤΑ ΧΡΟΝΟΥΣ (a)

Nostrium igitur *Hermogenem* eum esse ; qui ut *septuaginta septem librorum auctor*, in hoc lapide celebratur, eo magis verisimile videtur, quia patrem quoque *Charidemum Erasistrateum* fuisse testatur Cæl. Aurelianus, Acut. Morb. l. III. c. 15. ubi *Caridemus* scribitur.

ALI non pauci in Nummis planè paribus pari modo inscripti reperiuntur, quos æra hæc Smyrnæa non inhonoratos posteritati tradunt. Quos autem præ manibus habemus, præter alios aliis memoratos, aut in eruditorum scriniis reconditos, sunt, qui sequuntur. *Artemidorus Sidenis*, quem Cælius Aurelianus, ut *Erasistrati sectatorem*, haud semel commemorat. Etiam *Hippias Artemidori*. Item *Moschus Moschi*; & de *Moschi* quidem *malagmate* apud Celsum legimus, l. V. c. 18. *Diogenes* etiam, idem, ut conjicere licet, cujus *purgatorii pituitam ducentis* meminit Aëtius, Tetrab. I. Serm. 3. c. 109.

(a) Ne quis forsàn erraret in numero librorum, quos inscriptio memorat, computando, totam hic Latine conversam subijcere visum est.

Hermogenes Medicus, Charidemi filius, annos Undecies septem, libros totidemque peregit.

Conscripsit autem libros — medicos quidem — LXXII.

Historicos verò — de Smyrnâ — tom. I, II

De Homeri sapientiâ — tom. I — & de patria — I.

Structurarum Asiæ — tom. I, II — structurarum Europæ — I, II, III, IV — Insularum — I.

Asiæ stadiasmorum — tom. I — & Europæ — I.

Stratagematum — tom. I, II.

Tabula Romanorum & Smyrnæorum successione temporum.

Item *Hermocles Pythei* : ejusdem forsàn *Pythei* filius, de quo suprà mentionem fecimus, p. 518 *Apollonius* quoque (*Mus*, ut fas est credere) *Straboni* lib. XIV. *Heraphileus*, *Heraclidæ* condiscipulus; & ejusdem sectæ *Demetrius*, ut scribit Cæl. Aurelianus, *Acut. Morb* l. III. c. 7. Etiàm *Charicles*, nomen *Medici* apud Galenum. Nec non *Apollodorus*, cujus nominis plures *Medici* à Plinio memorantur. Præterea *Potamon* & *Meneclæ*, non inueta *Smyrnæorum* nomina, ut in fœdere illorum cum *Magneribus* videre est, *Marm. Oxon.* pag. 6. & 17. His accedunt *Aristomenes*, *Arridaus*, *Callistratus*, *Conon*, & *Pyrrhus*. Denique tres alii, quorum singuli *astro* adornantur, *Metrodorus* alter, *Eucles*, & *Leontiscus*. Horum aliqua fortasse nomina veterum *Medicorum* libros excutientibus occurrent; cæteris silentio præteritis, quia nullo nobili invento apud suos claruère.

EXTINCTIS denique scholis, quæ *Smyrnæ* urbi *Medicos*, *Æsculapio* sacerdotes præbuère, successit alius rudior multò *Nummus Æsculapicus*, mutato aliquantulum simulacro, nec expresso sacerdotis nomine; quem quidèm ad priores illos elucidandos adhiberi curavimus, *Tab. II. n. 1, 2.* Is nobis ante oculos palàm videtur sistere ipsissimum illum, quem *Tertullianus* depinxit, *Æsculapium*; hoc est, cum *pallio morosius composito*, & *crepidis Græcarum*. Caput etiàm non jam *strophio*, ut nonnulli ex jam descriptis *Nummis*; sed, ut alii ex iisdem, quodam quasi *pileo* obtectum monstrat. Et *pileatum* quidem *Æsculapium* jam olim protulit *Baldus Angelus Abbatius* in *Opusculo De Viperâ*, *Urbini edito*,

Ll ij

ann. 1589; recentius verò clarissimus Vaillant in Coloniae Corinthiorum Nummo, valetudinario isti L. Aelio Caesari dicato. Hujusmodi autem seu *pilei*, seu *coronae* (alterutrum enim non improprie dixeris) tum nomen ipsum, tum similitudo, ad hæc usque tempora pervenit. *Κίρος* enim Messeniaca, i. e. Asclepiadarum lingua vocabatur, teste in Laconicis Pausania, cap. ult. Hinc Celticum *coif*, Italicum *ciffia*, Græcum hodiernum *κωφία*. Et ut pars ejus anterior in laudato Aelii Caesaris Nummo; ita posterior in Goari Eulichologio Græco, pag. 157. conspicienda extat. Hanc simulacri mutationem, aliorumque in Aesculapii templo innovationem, non obscure innuit Aristides, studiosus ejus, si quis alius, & devotus cultor. Εδόκουν, inquit, ἐν προπυλαίοις εἶναι τῷ Ἀσκληπιοῦ, καὶ προέχοντος λόγου μύσθηναι, ὅσα δὲ καὶ περὶ τὸ ἱερὸν τυγχάνοι κεκινεμένα — καὶ ὁρῶ ἀγαλλμα ἕτερον ἀντὶ τῆς παλαιᾶς, κατησείας. Orat. sacr. prim.

Hæc, ni fallor, in præsentia sufficient ad hos Nummos Medicis vindicandos. Si quis autem objiciat, jus illud nomen suum in Nummis inscribendi, ut sacerdotes potius, quam, Medicos eos habuisse: ut is secum reputet volumus, tum Isidem, tum Aesculapium, divinos suos honores medicæ arti primùm debuisse. Itaque cum templis, sacrisque ritibus illos, tanquam Numina, Smyrnæi adornaverint, Medicosque potissimum ἱερείας, seu potius ἀρχιερείας (quibus Nummos hujusmodi percutiendi potestas concessa videtur) ipsis eligere voluerint; artis causâ, quam cum diis istis communem habuerunt, decus utrumque in eos collatum fuisse meritò judicari potest. Ne-

que enim summi sacerdotii dignitas perpetua, sed annua tantum fuisse videtur. Certè de summo *Syriæ Dea*, h. e. *Matris Deorum*, sacerdote id disertim testatur Lucianus. Ἀρχιερεὺς, inquit, ἄλλος ἑκάστου ἔτους ἐπιγίγνεται. Atque hinc opinor, facile apparebit, quemadmodum omnes Medici, quibus Nummos adscripsimus, munus hoc gerere potuissent; cum ex alterutrâ scholarum, quas memorat Strabo, profecti, famâ nominis postea quidam ad illud fuissent accessiti, licet alias forsàn longè à Smyrnâ urbe artem suam exercerent.

F I N I S.

*FIGURARUM QUARUM
nulla in operum decursu explicatio
reperitur, Expositio.*

TABULA TERTIA,
SCOLOPENDRA.

FIG. 1^a. *aa* Unci venenati forcipis.

FIG. 2^a. Unus ex ambobus uncis, naturali amplior, in quo delineatur apertura *b*.

FIG. 3^a. SCORPIUS.

aa Unci.

b Cauda in aculeum desinens.

FIG. 4^a. Aculeus naturali amplior, ut una demonstraretur ex fissuris, per quas venenum defluit.

FIG. 5^a. TARANTULA.

aa Forceps vulneri infligendo destinatus.

bb Antennæ.

TABULA QUARTA.

FIG. 1^a. Pars superior Lichenis folii evoluti.

aa Peltæ, seu feminales Capsulæ, ad foliorum extrema.

FIG. 2^a. Pars inferior ejusdem folii cum Peltis.

FIG. 3^a. Fig. Folii quale jacet humi non expansum.

FINIS.

LIBRI MEDICI.

- A** N A T O M I E du Corps de l'Homme en abrégé, ou Description courte de toutes ses parties, par Mr. Noguez, fig. *in-12.* Paris, 1723, 3. l. 10. s.
- Arbuthnot (Jo.) Essai sur la nature & le choix des Alimens, suivant les différentes constitutions, où l'on explique les différens effets, & les avantages de la Nature Animale & Végétale, avec les Régles sur la Diète; traduit de l'Anglois, *in-12.* Paris, 1741. 2 liv. 5 s.
- Astruc De Morbis Venereis Libri IX. in quibus differitur tum de Origine, Propagatione & Contagione horumce Affectuum in genere, tum de singulorum Natura Aetiology & Therapeia, cum brevi Analyfi & Epicrisi Operum plerorumque quæ de eodem Argumento scripta sunt. Editio altera auctior, in quâ additæ sunt duæ Dissertationes novæ, *in-4º.* 2 vol. Parisiis, 1740. 18 liv.
- *Ejusd.* Traité des Maladies Vénériennes, où après avoir expliqué l'origine, la propagation & communication de ces Maladies en général, on décrit la nature, les causes & la curation de chacune en particulier, traduit du Latin de Mr. Astruc, Médecin Consultant du Roi, seconde Edition augmentée, 4 vol. *in-12.* Paris, 1734. 10 l.
- *Ejusd.* Lettres contre les Chirurgiens, au nombre de cinq, *in-4º.* 3 liv. 15 s.
- Barker (Jan.) Essai sur la conformité de la Médecine des Anciens & des Modernes, entre la Pratique d'Hippocrate, Gallien, Sydenham & Boerhaave, dans les Maladies aiguës, trad. de l'Anglois par Schomberg, *in-12.* Amsterdam, 1742.
- Boerhaave (Her.) Aphorismi de cognoscendis & curandis Morbis in usum Doctrinæ domesticæ digesti, *in 12.* Accessit Libellus de Materie Medica & Remediorum formulis, quæ serviunt Aphorismis, *in-12.* Paris. 1720. & 1728. 3 liv 10 s.
- *Idem.* Paris. 1747. Nova Editio, 4 liv.
- *Ejusd.* Oratio habita in Auditorio Magno 24 Septembris anni 1711. cum tertiæ suæ Stationis anni Labores auspicaretur, tertia Editio, *in-4º.* Lugd. Bat. 1730.
- *Ejusd.* Sermo Academicus de Comparando Certo in Physicis, *in-4º.* Lugd. Bat. 1715.

- *Ejusd.* Institutiones Medicæ in usus annuæ Exercitationibus domesticos digestæ ; Editio nova auctior , *in-12.* Parisiis , 1747 . 3 liv. 10 s.
- *Ejusd.* Consultationes Medicæ , five Sylloge Epistolarum , cum Reipsonsis , *in-12.* Parisi. Editio nova , priori Parisiensi cæteris ante hanc datis perfectiori , auctior , Parisiis , 1750 . 2 liv. 10 s.
- *Ejusd.* Prælectiones publicæ de Morbis Oculorum , nova Editio , Parisiis , 1747 fig. 2 liv. 10 s.
- *Ejusd.* De Viribus Medicamentorum Editio novissima altera vice dedit , accuratiùs adhuc recensuit , novisque Annotationibus & Additamentis locupletiore fecit Bened. Boudon , *in-12.* Parisi. 1740 . 3 liv. 10 s.
- *Ejusd.* Methodus discendi Artem Medicam , in duas partes divisa , quarum Prima agit de Studio Præliminari ; Secunda de Partibus Medicinæ , & Auctores optimi ad hæc studia necessarii , cum optimis Editionibus , *in-12.* Londini , 1744 . 3 liv. 10 s.
- *Ejusd.* Elementa Chemiæ , quæ Anniversario labore docuit in publicis privatisque Scholis ; Editio altera Leydensi correctior , cui accesserunt Auctoris Opuscula omnia , *in-4°.* 2 vol. cum fig. Parisiis , 1734 . 21 liv.
- Cheynæi (Geor.) Tractatus de °Infirmorum Sanitate tuenda , vitæque producenda , cum ejusdem Tractatu de Naturâ Fibræ ; Accessit huic editioni Cliftoni Winteringham Commentarium Nofo-logicum , *in-12.* Parisi. 1742 . 3 l.
- Chomel. (J. B.) Abrégé de l'Histoire des Plantes Usuelles dans lequel on donne leurs noms différens , tant françois , que latins , 5e Edition , 3 vol. *in-12.* Paris , 1739 . 6 l.
- Le Clerc (Dan.) Appareil commode en faveur des jeunes Chirurgiens , *in-12.* fig. Paris , 1700 . 3 liv.
- Codex Medicamentarius , seu Pharmacopeia Parisiensis ex mandato Facultatis Medicinæ Parisiensis in lucem edita , *in-4°.* Parisiis 1748 . 9 liv.
- Deventer. Observations sur le Manuel des Accouchemens , avec des Observations sur les points les plus importans , par Mr. Bruyer d'Ableincourt , *in-4°.* fig. Paris , 1740 . 9 liv.
- Freind (Jo.) Emmenologia in quâ Fluxus Muliebris Menstrui Phænomena , Periodi , Vitia , cum Medendi Methodo ad rationes mechanicas exiguntur , cui accedunt Prælectiones Chymicæ , nova Edit. *in-12.* Parisi. 1727 . 2 l. 10 s.

Medici Herophilei aut
Smyrnxæorum

Erasistratei in Nummis
Signati.





Æ



Æ




Nummi Iarii ad Esculapium, Hygiam, Telesphorum et Apollinem medicum spectantes.





Philippi Sen.

Treboniani



Claudio


Gothici.

Hoschiani

E.

Gallieni Aug.

Claudio Gothici



M O N I T A
E T
P R A E C E P T A
M E D I C A.

A U C T O R E


RICHARDO MEAD,


*Collegii Medici Lond. & Edinburg. Socio,
Reg. Societat. Sodali, & Medico Regio.*

Ἀσκεῖν ὡς τὰ νουσήματα δύο· ὠφελεῖν, ἢ
μὴ βλάπτειν. Hippoc. Epidem. I.




P A R I S I I S,
Apud G. CAVELIER.
M D C C L V I I





PRAEFATIO.

EM neque inutilem, neque ab officio & vitae Meae instituto alienam, Me facturum existimaui; si praecipua adversus ple-rosque morbos auxilia, quae aut longa experientia didici, aut legitima ratiocinatione excogitavi, in publicum ederem. Artis autem praecepta & viam medendi potius, quam morborum definitiones aut descriptiones tradere; & medicamenta usu comprobata, non conjecturas ingenio fictas, proponere statuo. Et quoniam consilium non est de universa medicinâ commentarios scribere, usitatum in libris Medicorum ordinem non servabo; horis enim subsecivis ex *Adversariis* Meis ea, quae usui fore opinabar, transcripsi; in mentem simul, quantum potui, revocans quaecunque in singulis morbis profuisse, aut nocuisse memineram. *Sic enim orta est medicina, subinde aliorum salute, aliorum interitu, pernicioſa discernens a salutaribus (a).* Quapropter neque de ipsa scientiae medicae constitutione, ut ita dicam, verba facturum sum; nec quantum illa vel *rationalis*, vel *empirica* sit, disceptaturus. Operae potius erit, quae in utramque partem disputant Medici, qui aut

af-

(a) *Celsus in Praefat.*

P R A E F A T I O.

artem rationalem, aut usum tantum sibi vindi-
dicant, apud Celsum legere, qui sententiam
suam super tota hac re dilucide & sapienter
exposuit (a). Nullam autem ex his, quae ope-
ra saepe tumultuaria feci, gloriolam aucupor.
Animadvertit enim jam olim medicinae pater
Hippocrates, *majorem conquestionem, quam ho-
norem, sortitam esse artem nostram* (b). Ita ni-
mirum fert hominum natura, in aliorum re-
prehensionibus nimia plerumque & prodiga, in
laudationibus vero parca & avara. At haec
forfan de medicina querela levis videatur; gra-
vior autem illa, quam alibi affert; *Videre Me-
dicum terribilia, contrectare acerba, & ex alie-
nis calamitatibus proprias sibi capere molestias.*
Quid autem humanius, vel homine etiam
Christiano dignius, proferri potest; quam alio-
rum malis commoveri, perinde ac si sua es-
sent (c).

POSTULABAT quidem instituti hujus ratio,
ut aliorum Medicorum errores interdum mon-
strarem; id autem ea semper aequitate feci,
qua ipse Meos emendari velim. Conjecturis
saepe ars nostra nititur; neque id sperandum,
ut perpetuo quis collinēet. Quocirca nec Me
puduit, quae quandoque ipse sive ignorantia,
sive

(a) In Praefat.

(b) "Εγωγε δορέω πλείονα μεμψιμοιρίαν, καὶ τιμὴν κεκτη-
ῶσθαι τὴν τέχνην. In Epist. ad Democritum.

(c) Ὁ μὲν ἅπαρ ἰητράς ὀρεῖ τα δεινά, διγγάνει τε ἀηδῶν,
καὶ ἐπ' ἀλλοτρίοις ξυμφορῶσιν ἰδίας καεπᾶται λυπας. Lib. De
floribus.

P R A E F A T I O.

sive negligentia, perperam fecerim, monere & agnoscere. *Convenit enim, ut ait Celsus, simplex veri erroris confessio, praecipueque in eo ministerio, quod utilitatis causa posteris traditur (a).* Illud autem facile percipiet lector, Me non sensa tantum, sed & ipsissima verba Celsi, ut res tulit, imitando exprimere voluisse; quod utinam sane facere Mihi saepius licuisset. Quo enim auctore potius uterer, quam eo, qui ex Graecis tam Medicis quam Chirurgis praecipua, quae ad artem nostram pertinent, in linguam Latinam elegantissime transtulit? Denique monendum est, medicamentorum compositiones, quibus utor, nisi aliter significatum fuerit, illas Me intelligere, quae in novissima *Pharmacopœia Londinensi* exhibentur. Utcunque sit, gratum & acceptum habeant a Me cives nostri hoc quaecunque legatum, bono suo destinatum; & valeant.

(a) *Lib. VIII. cap. 4.*



C A P I T U M
A R G U M E N T A.

CAP.	PAG.
INTRODUCTIO. <i>De corpore humano</i>	I
I. <i>De febribus</i>	IO
SECT. I. <i>De febribus generatim</i>	IO
SECT. II. <i>De febris solutionibus</i>	II
SECT. III. <i>De febribus continuis</i>	12
SECT. IV. <i>De febre cum exanthematibus conjuncta</i>	14
<i>Febris miliaris</i>	14
SECT. V. <i>Febris petechialis</i>	17
SECT. VI. <i>Erysipelas</i>	19
SECT. VII. <i>De febribus singularibus</i>	21
<i>Pleuritis</i>	21
SECT. VIII. <i>De febribus intermittentibus</i>	22
SECT. IX. <i>De febribus vulgaribus, sive publice grassantibus</i>	26
SECT. X. <i>De febribus lentis, sive hecticis</i>	28
II. <i>De morbis capitis</i>	34
SECT. I. <i>Apoplexia</i>	34
SECT. II. <i>Paralysis</i>	37
<i>Chorea Sancti Viti</i>	39
SECT. III. <i>Epilepsia & Vertigo</i>	39
<i>Tetanus</i>	40
III.	

Capitum argumenta.

CAP.	PAG.
III. <i>De infania</i>	41
IV. <i>De angina</i>	56
V. <i>De morbis pectoris</i>	60
<i>De asthma</i>	60
VI. <i>De morbis cordis</i>	64
VII. <i>De morbis ventriculi & intestinorum</i>	67
SECT. I. <i>Alvi fluxus</i>	68
<i>Dysenteria</i>	68
SECT. II. <i>De ileo</i>	70
SECT. III. <i>De lumbricis</i>	72
VIII. <i>De hydropo</i>	76
IX. <i>De jecinoris morbis</i>	96
SECT. I. <i>Icterus</i>	96
SECT. II. <i>Diabetes</i>	100
IX. <i>De morbis renum & vesicae</i>	103
X. <i>De morbis oculorum</i>	110
SECT. I. <i>De gutta serena</i>	111
SECT. II. <i>De suffusione sive cataracta</i>	114
SECT. III. <i>De albugine oculi</i>	116
<i>Odorum vires</i>	117
XI. <i>De podagra</i>	120
XII. <i>De doloribus articulorum</i>	125
XIII. <i>De morbis cutis</i>	128
<i>De scabie</i>	128
XIV. <i>De strumis</i>	131
XV.	

Capitum argumenta

CAP.	PAG.
XV. <i>De scorbuto</i>	145
XVI. <i>De malo hypochondriaco</i>	141
XVII. <i>De animi affectibus</i>	144
XVIII. <i>De morbis mulierum</i>	149
SECT. I. <i>Menstruorum suppressio</i>	149
SECT. II. <i>Immodicus mensium fluxus</i>	150
SECT. III. <i>Fluores albi mulierum</i>	151
SECT. IV. <i>De morbo hysterico</i>	153
SECT. V. <i>De partu difficili</i>	154
XIX. <i>De morbis venereis</i>	155
XX. <i>De morbis, qui aliis superveniunt, aut in alios mutantur</i>	158
CONCLUSIO. <i>De vitae regimine</i>	161

MONITA



MONITA ET PRAECEPTA

M E D I C A.

INTRODUCTIO.



De corpore humano.



RIUSQUAM morbos, quibus corpus nostrum est obnoxium, explicare aggredior, operae pretium erit de illo, quale sit in statu integro & sano, quaedam breviter praefari.

Si quis igitur veram corporis humani imaginem sibi fingere velit, is machinam quandam hydraulicam summo artificio constructam, in qua sint innumeri canales humoribus diversi generis ferendis apti & accommodati, animo concipere debet. Horum praecipuus est sanguis, ex quo liquores derivantur, variis vitae nostrae usibus & officiis inservientes; in pri-
A
mis

mis autem ille, quem *spiritus animales* vocant, qui in cerebro generati, & vi insigniter elastica praediti, motus omnis ac sensus sunt instrumenta; quorum neutrum efficere possent, nisi materiae accommodae inhaerent. Idcirco fibras duplicis generis, cum carneas tum nervosas, actuosi hujus principii receptacula, formavit Divinus rerum Conditor; quarum utraeque partim membranis corporis intertextae sunt, partim in funiculos colligatae membris adhaerent, ad horum motiones ossium adjuvamento peragendas.

ADMIRANDA autem ista compages primum motorem adhuc desiderat, cum sese movere nequeat. Mens igitur ut dux & moderatrix praeficitur, quae motus omnis & sensus in corpore est effectrix. Illa enim, sive in capite, tanquam in arce sua, habitat; sive *ejus locus nullus est, sed per totum corpus sparsa discurret*, quod a Xenocrate, Platonis discipulo, disputatum est (a); dominatur in nobis, & res administrat. Motus autem nostri, pariter ac sensus, tam interni sunt, quam externi: illi non tantum partes vitales, quales sunt cor, pulmones, & ventriculus cum intestinis, subjectas sibi tenent; sed & membranas quascunque nervosas.

CAETERUM insigne quoddam discrimen vulgo ponunt auctores Medici inter motus, quibus aguntur vitalia; & eos, qui caeteras partes agitant: illos, postquam a prima nati-
vitate

(a) Vid. *Lactant. De opificio Dei, cap. 16.*

vitae semel coeperint, perstare, & etiam nobis non volentibus, necessario permanere; hos vero ad mentis arbitrium, prout res incidunt, fieri autumantes. At hoc male judicant, eo decepti, quod naturales illas actiones, licet nobis parum conscis, per omnem vitam continenter persistere vident, nec quantum sentimus interrumpi: cum tamen, si ea res recte perpendatur, liquido patebit non alia ratione vitales istos motus ab animo minime regi videri; quam quod illis nunquam non assuefacti tam prompte & sine attentione eos perficimus, ut volentes etiam cohibere & impedire, quo minus inceptum munus exequi pergant, haud facile possimus. Tale quid experimur, quoties ad solis radios, vel aliud quiddam, quod oculos perstringit, connivemus etiam nolentes; & tamen, mente sic jubente, illas motiones fieri nemo dubitat. Possem id multis aliis documentis probare & illustrare, sed nimis longum esset; malim igitur lectori commendare tractatum a doctissimo medico Porterfieldio editum, qui hanc rem satis dilucide extra dubium posuit (a).

NULLIS autem in casibus magis elucet talis animi virtus, quam in iis praesertim febribus, quae *pestilentes* dicuntur. In his enim observare licet, mentem festinanter fabricae laboranti succurrere, contra hostem pugnare, & spirituum animalium ope, nobis id non sentien-

(a) Vid. *Medicinal Essays*, published at Edinburgh, Vol. III. Essay 12. & Vol. IV. Essay 14.

tientibus, novos in corpore motus excitare; quibus venenum, quod humoribus insedit, per omnes meatus foras expellatur. Hinc morbum naturae certamen, propriam salutem propugnantis, Medici sapientiores definierunt.

ET isto quidem modo universae machinae periclitanti prospicitur. Sed & parti alicui singulari aliquando consulere oportet, neque tum deest officio suo animus. Etenim si in locum quemvis fortuito inciderit vitium, ne is onere nimio gravetur & doleat, a Natura provisum est, ut sanguini & humoribus per canales vicinos detur transitus. Id autem fit mirabili ista corporis dispositione, qua liquorum tabuli sibi impliciti atque intertexti quaquaversum sparguntur; ita ut non tantum ex venis in venas, sed ex arteriis etiam exilibus in alias, transeat sanguis. Idcirco illic praecipue comparet hoc artificium, ubi obstructionum maximus est metus; ut in capite, abdomine, & longis illis ductuum, qui ad genitalia pertingunt, anfractibus videmus.

ATQUE eo quidem magis necessaria est talis fabricae nostrae constructio; quod, etiam si non interveniat morbus, ipsae interdum corporis actiones & consuetudine per has vias liberius, quam illas, humores circumferri possulant. Hinc iidem sanguinis canales in aliis atque aliis hominibus, ut usus exegerit, largiores aut angustiores fiunt, prout plus minusve a perpetuis fluidorum motionibus dilatentur. Ita vinolentis arteriae in capite, libidinosis in genitalibus plus turgent, quam
in

in sobriis, & rebus venereis minus deditis.

Possem his & illud adjicere, quod vix fieri potest, quin ipsa partium animalium textura, licet vitae nostrae convenientissima sit, in casibus tamen nonnullis aliqua ferat incommoda; haud aliter sane, ac in universa mundi compage necessario in locis quibusdam fulmina, ventorum turbines, terrarum inundationes, pestes, & consimiles calamitates nonnunquam eveniunt. Ut his autem malis occurrat atque obstitit, prout rerum fert natura, Supremus orbis Conditor; ita & illis, quae parvus noster patitur mundus, idonea adjumenta opposuit.

In eo autem diu laborarunt Geometrae, ut machinam effingerent, quae in motu suo indefinenter persisteret, quam *nobile perpetuum* appellant; sed votis semper excidentes operam luserunt. In istiusmodi enim operibus unoquoque temporis puncto aliquid de vi motus effetrice perit, cedente nimirum, sensimque necessario ab ipsis partium fricationibus imminuta, virtute movente; unde perpetuo renovari opus est. Ob hanc igitur causam solius est Omnipotentis rerum Conditoris tale machinamentum perficere; qui corpus nostrum fabricam ejusmodi esse voluit, potentias quasque ita disponens, ut esset harum quasi orbis, quo semper ac simul munus suum exequentes sese mutuo reficerent.

Ex his manifestum est non per partes, sed totam simul formari compagem animalem;

eum fieri nequeat, ut motionum circulus peragatur, quarum aliae ab aliis pendent, nisi adsint omnia illarum instrumenta. Nam, ut exempli causa dicam, qua ratione cor poterit se contrahere, ut sanguinem propellat, sine spirituum animalium adjumento, qui nec ipsi sine cerebro confici possunt? Par ratio est aliarum partium principalium. Quae igitur microscopiorum ope animalcula in femine masculino innatantia conspiciuntur, sunt revera homunculi, qui in uterum muliebrem recepti, tanquam in nido foventur & crescunt, justo tempore excludendi. Rectissime ergo dixit olim Hippocrates: *Nullum quidem corporis est principium, sed omnes partes aequae principium & finis sunt* (a).

HACTENUS dictis unicum illud adjiciam, ejus esse naturae machinam omnem animale, ut partium eam constituentium quaedam sit quasi infinitas; ita ut ultra quam nos sensibus, etiam microscopiorum, ut vocant, ope adjutis, assequi possimus, in fila tenuissima abeant. Si secus esset, neque in corpus universum distribueretur alimentum, neque vitae officia peragi possent.

IN summa igitur, motiones humorum ad normam peractae, simul cum apto partium solidarum statu, sanitatem constituunt; harum autem aberrationes sunt morbi, quae cum innumerae sint, & altera saepe alteram progignat,

(a) Ἀρχὴ καὶ ἐσχάτη εἰς τὸ σῶμα, ἀλλὰ πάντα ὁμοῦς ἀρχὴ καὶ τελευτή. Lib. De locis in homine.

gnat, miraculum fere videtur, si corpus animale ad longaevitatem unquam perducı possit. Atque hinc profecto, quam late pateat medicinae usus, quantumque illa aliis omnibus artibus praecellat, perspicuum est.

MACHINAM autem hanc, quae unica motum perpetuum habet, pro varia viventium ratione ad longius aut brevius tempus duraturam finxit Geometra ter Optimus Maximus. Nam perpetuo in vita durare, quale nos gerimus, corpus omnino nequit; cujus rei causam haud difficile est explicare. Fibrae enim membranosae canalium, qui sanguinem vehunt, quas virtute elastica ad liquorem inclusum protudendum praeditas esse diximus, rigidae fiunt & duriores; unde usibus suis ineptae evadunt, & humorum secretiones in singulas partes sensim diminuuntur. Porro, quod ad vitam summe necessarium est, inutilem vaporem per angustissimos cutis meatus in senio haud satis perspirare, cadaverum eorum, qui aetate sunt confecti, incisiones demonstrant; quae interiores arteriarum partes ossea materia hic illic obductas, adeo ut resiliendi vim fere amiserint, interdum ostendunt. Quin & ora ductuum naturalium, ad cartilaginis duritiem confirmata, in hujusmodi casibus saepe reperiuntur.

Duo proferam, quae ad hanc rem pertinent, illustria exempla, quorum alterum supeditant nostri *Annales*. Pauper quidam agricola, nomine *Thomas Parr*, in agro saluberrimo *Salopiensi* natus est, ubi ad annum usque

centesimum & trigesimum opere rustico se strenue exercuit; deinde oculis captus, *Londinum* tandem adductus est, ubi aliquamdiu commoratus, postquam centum & quinquaginta duos annos cum novem mensibus vixerat, anno MDCXXXV. decessit. Mortui corpus cultri sui anatomici honore dignatus est immortalis ille sanguinis circuitus detector, Gulielmus Harveius; qui caetera quidem omnia sana, cerebrum vero *firmissimum & ad tactum solidissimum* observavit (a). Ita liquorum canales in illa parte longa dies induraverat.

ALTERUM, quod dixi, exemplum in *Actis* nostris *Philosophicis* memoratur. Narratio est de sene quodam decrepito Rhaeto, metalli fossore, qui cum centum & novem annos cum tribus mensibus compleverat, anno MDCCXXIII. obiit, a doctissimo medico, Johanne Jacobo Scheuchzero Tigurino, huc transmissa. In secto ejus cadavere *lien*is exterior membrana *maculis nivei candoris*, primo intuitu *variolarum pustulas* referentibus, *obsessa* reperiebatur; quae cartilagineae prorsus erant duritiei, & ultra superficiem reliquae membranae aliquantulum elevatae: *sterni prominentiae* cum ipsis *costis* continuae, & plane *osseae* erant: tendo ille, quo cordi inseruntur arteriae, vel osseus plane, vel saltem cartilagineus: *valvulae semilunares*, praecipue arteriae aortae, plane cartilagineae: dura autem cere-


(a) Vid. *Anatomiam Thomae Parri, ad finem Libri Johannis Betti, De ortu & natura sanguinis, adjunctam.*

cerebri meninx triplo fere solito crassior, & coriacea deprehendebatur (a).

SED ad machinae hujus vitia, quae motus illius turbant & pervertunt, jam $\sigma\upsilon\nu$ Θεῶν progrediendum est.

(a) *Philosophical Transactions, Numb. 376.*





CAPUT I.

De febris.

SECTIO I.

De febris generatim.

FEBRIS omnis, licet variae sint ejus species, conjunctum habet sanguinis & humorum calorem praeter naturam. Is vires corporis, actionesque vitales laedit. Idcirco morbum, quasi infensum hostem, inito quodam certamine, oppugnat Natura; quae si victrix evadat, per quascunque potest vias id, quod nocet, expellit. Hoc morbi solutionem vocant Medici. Quid autem per vocem *naturae* hic intelligi debeat, uti etiam nonnulla, quae ad febrium distinctionem pertinent, alias exposui (a); simulque indicavi, quo sensu Medici, & in primis Sydenhamus, dixerint; *Morbum nihil esse aliud quam naturae conamen, materiae morbosae exterminationem in aegri salutem omni ope molientis* (b). Quaedam igitur de febris solutionibus in antecessum dicam.

S E C-

(a) Vid. Lib. De variolis Cap. II.

(b) Observat. medicae circa morbor. acutor. historiam, in principio.

S E C T I O I I.

De febris solutionibus.

Cum nulla febris sine insigni aliqua exinatione, aut sponte naturae, aut arte facta, sanetur; prospicere debet Medicus, quam via materiae morbidae expulsionem Natura moliri videatur, & hanc omnibus modis adjuvare. Illa vero saepissime per plures simul corporis meatus peragitur, & altera alteri plus minus obstat; ita fluxus alvi sudores reprimunt, & contra. Hinc attendere oportet, qualis humoris emissio plurimum profutura sit, & hanc ita promovere, ut alia quaecunque quam minimum interrumpatur; non enim omnibus eadem convenit, tum propter diversum laborantis temperamentum, tum ob varium morbi genus: quanquam & per omnes exitus expurgatio interdum sit necessaria; ut in febribus, quae malignae dicuntur, usu comperimus.

OMNIUM autem maxime optabilem morbi solutionem efficiunt sudores: secundum illos alvi & urinae fluxus: pessima est haemorrhagia, five ex naribus, five ex alia quavis parte proveniat; ostendit enim ita vitiatum esse sanguinem, ut nulla idonea humoris separatio ex illo fieri possit.

IN febribus denique nonnullis suppurationes in glandulis factae, modo sub exitum morbi eveniant, & perfectae sint, corpus in integrum

grum restituunt. In his igitur id agendum est, ut per cataplasmata aut emplastra, nonnunquam & cucurbitulas tumori accommodatas, materia morbi primum maturescat; deinde vero, nisi sponte proruperit, scalpello aut medicamento caustico emittatur.

RECTE interim plerumque praecipitur, ut ne ullis tunc temporis exinanitionibus exauriantur vires. At nihilominus ita res interdum fert, ut modica saltem sanguinis missione opus sit; nimirum si forte materia ultra modum turgeat, & nimius urgeat calor: hoc enim prudenter facto, abscessus ad maturitatem perducitur, ideo quod natura a turbulento rerum statu semper abhorret.

SECTION III.

De febribus continuis.

NULLI morbo magis convenit utile illud praeceptum, *Principiis obsta*, quam febribus. Inter initia enim juvare plerumque facile est; at cum malum jam invaluit, difficilius aegrotanti succurritur. Praeceptum enim occasio est (a); & frustra saepe ea medicina est, occupato jam morbi corpore fractisque viribus, quae in principio a periculo expedire hominem potuisset. Neque tamen fato suo permittendus est, qui auxi-

(a) 'Οκαιρὸς δέσους, Hippocr. Aphor. 1.

auxilium fero petit; quandoquidem morbos, antiquissimis temporibus ad iram divinam relatos (a), ars nostra, quae Dei ipsius donum est; etiam cum res jam desperatae videntur, non raro depellat. Circumspicere igitur oportet Medicum, neque officio suo unquam deesse.

Et primo quidem, quoniam praestantissimum in febribus omnibus incipientibus remedium est sanguinis detractio; si culpa quavis illa praetermissa fuerit per aliquot dies, num adhuc ea fieri debeat, dispiciendum erit.

Si intolerabilis igitur in quacunque parte corporis dolor urget, si spiritus aegre trahitur, vel si delirium accessit, sanguis pro ratione virium mittendus erit; aut scalpello, si illae satis constent; aut per cucurbitulas, si fuerint imbecilliores; aut denique per hirudines, si infirmissimae videantur. Atque haec, si consistente jam morbo fieri possunt, multo magis in principio locum habent. Et hirudines quidem, ut illud in transcurso moneam, premente delirio, saepe insigniter juvant. Nonnunquam etiam in furibundis pulmonis aliquas portiones, ex agno recens mactato calentes, capiti impositas furores compescuisse comperi, exsudante nimirum e capite inutili humore.

Quo manifestius autem percipiantur ea, quae de hoc morbo proponenda habeo, praecipua ejus genera summatim exponam; quae ad aegri gubernationem, victum, similiaque perti-

(a) Vid. *Celsum in Praefat.*

pertinent, ex auctoribus, Celso in primis, & Lommio ejus aemulo, qui haec dedita opera tractarunt, haurienda relinquens.

S E C T I O I V.

De feбри cum exanthematibus conjuncta.

PROPRIAM animadversionem desiderant febres, quae exanthemata secum ferunt. Ad variolas autem & morbillos, quin & ad pestem, quae spectant; ea jam olim a nobis in libris singularibus sunt exposita. Aliarum praecipua est

Febris miliaris.

HAC nulla faciem magis variam ostendit. Pustulae nimirum asperae per totum corpus, citius aut tardius, prorumpunt; nunc rubrae, nunc albae, interdum illae his commistae; nunc minores, nunc elatiores, male olentes; suspiria, & praecordiorum anxietates, frequentissime premunt: accedunt non raro delirium, nervorumque distensiones. In longum trahit morbus; quod si forte, non satis perfecta solutione, citius desinat, malo corporis habitu saepe plectitur aeger. Exanthemata rubra minus periculum afferunt, quam alba; illaque, quo vividiora perstant, eo sunt tutiora. Ex hisce liquet, ab humorum vitio magis quam aëris, adjuncta spirituum animalium

lium labe, febrem hanc oriri; quam non uno & eodem modo, sed cura alia atque alia, depellere oportet.

Cujuscunque autem generis fuerint pustulae, sanguis in principio, modo vires sinant, mittendus est: sin corpus sudoribus diffuat, aut detractioe abstinendum, aut ea in diem unum aut alterum, vel in tempus opportunius, differenda est. Longe vero melius ferunt sanguinis immutationem exanthemata rubra, quam albida; cumque in utrisque vesicatoria ex usu sint, magis sunt in his necessaria, & tum cervici, tum capiti, membrisque omnibus, temporis intervallis, imponi debent. Illud autem animadvertere oportet, quo minori copia missus fuerit sanguis, eo tutius ut plurimum finiri morbum; deficientibus enim extremis diebus viribus, pustulae retrocedunt, & aeger moritur.

MATERIAE expulsiōem adjuvare oportet medicamentis, quae vim habent humores e sanguine propellendi. Horum convenientissimum erit *pulvis bezoardicus*, vel *pulvis contrayervae compositus*, aut *confectio cardiaca*; adjuncto, si inflammatio urgeat, *nitro*: quod quidem in omnibus fere febribus malignis, cardiacis dictis remediis, saltem in principio, admiscere utile erit. Interdum etiam convenit, inclinato jam morbo, balneo tepido lavari, quo pustularum reliquiae foras exeant.

SIN autem vesiculae tantum exiguae, pelliculae, quae vix cerni possunt, & innumerae, consistente morbo, aut sub ejus finem,
in

in cuticula se ostenderint; non nimis diu inter-
nis ejus generis remediis insistere oportet, nisi
forte etiam valentiora aegri vires longa vale-
tudine exhaustae requirant. Vim enim febrem
solvendi non habent humidae istiusmodi sum-
mae cutis asperitudines, at difficilem & lon-
gam plerumque aegritudinem indicant: idcir-
co, nondum intermisso vesicatoriorum usu,
per alias vias, maxime autem per intestina,
expurgandus erit morbi fomes; quae *rhabarba-
ro*, vel *manna*, adjecto *sale Glauberi*, commo-
de laxabuntur.

ILLUD in hoc morbo interdum usu venit,
ut non uno solutionis genere, sed alio atque
alio finiatur; est & ubi pluribus simul, quod
& in aliis, ut dixi, quae malignae dicuntur,
febris saepissime contingit. Ita nonnun-
quam, ejecta eodem tempore per alias vias
morbi materia, aphthae palatum atque os to-
tum occupant, & ad uvam faucesque descen-
dunt. Hae cum singultu plerumque incipiunt;
& si albae cum humore copioso prorumpant,
multumque salivae exspuatur, non magnum pe-
riculum sed salutem potius ostendunt, mor-
bumque solvunt; sin contra nigrae exorian-
tur, & aegre materia exeat, id plerumque pe-
stiferum est, strangulatis nimirum faucibus vi-
pituitae obsessis. In his omnibus gargariza-
tiones fieri debent *decocto hordei*, addito *syrup-
o mororum*, aut alio consimili; vel etiam *de-
cocto pectorali* dicto. Neque enim reprimen-
tia quocunque modo adhibenda sunt.

MIRABITUR fortasse quis Sydenhamum,
tum

tum ad ipsam hanc febrem, tum ad ulcuscula ista, *corticis Peruviani* usum praecipere; quem sibi semper bene cessisse dicit (a). Id autem non temere fecit sagax ille medicus: haud raro enim intermittit ista febris, non apparentibus aphthis; saepius vero, his decedentibus, desinit. In utroque casu insigne hoc antidotum quam maxime prodest. Summus autem ille vir morborum vulgarium recursus Hippocratis exemplo observare solitus, quos pro vario caeli more iisdem anni temporibus variare plerumque comperit, primus apud nos febrem hanc descripsit; quam anno MDCLXXXIV. postquam frigore gravissimo longoque saevierat hiems, mense Febuario anni insequentis ortam fuisse animadvertit. Hinc credere par est gelu nimio constrictas summi corporis fibras, indeque humores, imminuta perspiratione, aciores factos illam genuisse.

S E C T I O V.

Febris petechialis.

PETECHIAE, unde haec nomen habet febris, sunt maculae latae, rubrae, pulicum morsibus similes, non ultra cutim summam eminentes. Maximum autem vitae periculum ostendunt, cum, ut interdum fit, lividae vel nigrae

(a) Vid. *Schedulam ejus monitoriam.*

nigrae evadunt ; hae enim revera sunt gangraenulae , ideoque quo plures numero comparent , eo gravior subest metus.

ERRANT plerumque in hoc casu Medici, statim in principio medicamentis , quae sanguinem & humores calefaciunt , sudores movendo. Tutius longe est , ut modo proposui , *pulvere bezoardico* , vel potius *contrayervae composito* , adjecto *nitro* , serpentem gangraenam prohibere ; aut *confectione cardiaca* , *aqua alexeterea simplici* soluta , adjecto *aceto vini* , naturam adjuvare : *spiritum* etiam *vitrioli dulcem* potulentis instillare ; *vino Rhenano* vires reficere ; denique *hordei decoctum* , adjecto *succo limoniorum* , potui dare , convenientissimum erit. Omnes autem istiusmodi liquores affatim bibendi sunt. Ad sudores etiam movendos *calcem antimonii* , adjuncto *pulvere bezoardico* , per intervalla exhibere interdum ex usu erit ; *calcem* vero non nimis lotam esse volo. Illud tamen opus est monere ; quod non raro fit , praesertim sub morbi finem , ut oppressae aegri vires medicamenta calidiora , cordi utilia , desiderent ; qualia sunt *radix serpentariae Virginianae* , *contrayervae* , *valerianae sylvestris* , *crocus* , & similia. Horum autem infusiones ex aqua ipsis pulveribus erunt longe commodiores , praesertim si *aceti destillati* portio aliqua admisceatur.

S E C T I O V I.

Erysipelas.

NON levem attentionem requirit illa febris, quae secum Erysipelas conjunctum habet. In hac enim non tantum dolor, fitis, & inquietudo vexant; sed & pustulae in variis corporis partibus in gangraenam interdum abeunt.

SANGUIS igitur copia satis larga quam primum mittendus erit, deinde potionibus catharticis alvus iterum atque iterum movenda. Hae autem, quales febribus conveniunt, lenes esse debent; infusiones nimirum *sennae*, adjuncta *manna*. Neque sane alius quivis morbus acutus facilius iteratam purgationem fert, praesertim ubi cum tumore inflammatio caput obsidet; serpit enim in horas humor, & partes vicinas trahit.

ATTAMEN periculosum est fomentis calidis ad materiam peccantem discutiendam uti; multoque magis unguentis, vel linimentis frigidis, eam reprimere. Sin autem quacunque in parte cutis gangraena vitiata sit, decocto *herbarum amararum*, adjecto *spiritu vini camphorato*, pars fovenda erit; deinde cataplasma ex *farina avenacea*, in *cerevisia*, quae *fortis* dicitur, cocta, dum calet, imponi, &, quoties opus sit, renovari debet.

ET ut id quidem semel admoneam; non in

morbis tantum acutis, sed chronicis etiam multis, in quibus pustulae cum suppuratione oriuntur, tutius & salubrius est, nisi malum in cute tantummodo haereat, leniter propellere, aut saltem aliquamdiu sincere ut erumpant (quantum scilicet molestiam hanc ferre possit aeger) quam repellere, aut per alias vias foras expurgare. Habent enim humores vitiosi suam quique indolem, cumque per modum crisis plerumque prorumpant, quantumvis minui possint; vix tamen cum bonis aegri rebus per alios meatus, quam quos Natura monstrat, e corpore prorsus exeunt.

INTERNA remedia non alia, quam quae in *exanthematibus* modo proposita fuere, hic usui erunt.

FINEM de febribus malignis differendi faciam, postquam de duobus tribusve remediis praeter ea, quae supra memoravi, aliquid dixerō. Observatu autem dignum est, illa omnia maxima sudores movendi virtute pollere.

CAMPHORAM in primis laudant multi. Et quidem, ut de aliis auctoribus nihil dicam, extat apud Riverium, Medicum experientissimum, narratio una & altera de insigni ab illa praestito juvamine (a). Notandum est autem non solam, sed medicamentis refrigerantibus conjunctam (id quod in *febribus petechialibus* faciendum monui, ubi calida remedia exhibentur) profuisse; maximo enim calore illa praedita est. Ideoque commodissimum erit forma

(a) Vid. *Observation. Medic. Centur. II. Observat. 18.*

ma hujusmodi adsumi: Drachma ejus una, cum paulo *spiritus vinosi* trita, *sacchari purissimi* unciae dimidiae perfecte admisceatur; tum *aceti calefacti* libra una sensim affundatur. Hoc modo remedium illud, quod alioquin ad nauseam concitandam aptum est, ventriculo gratius fit, & morbo etiam accommodatius.

EADEM ratione etiam *spiritus Mindereri* in febribus putridis quibuscunque usus est eximii (a).

MOSCHI denique vires, urgentibus praefertim convulsionibus, non semel expertus sum. Dedi autem, iteratis vicibus devorandum, bolum ex *hujus, confectiois cardiacaе, & cinnabaris antimonii*, singulorum scrupulo semis, confectum.

S E C T I O V I I .

De febribus singularibus.

QUAE cum partium aliquarum inflammatione conjunguntur febres, partibus illis congruentem curationem desiderant. Exemplo erit

Pleuritis.

IN hac enim detracto primum, quantum opus est, sanguine; ad tussim levandam, *olei*
ex

(a) *Pbarmacop. Edinburg.*

ex seminibus lini recens expressi potiones; ad refrigerandum, *nitrum*; ad sanguinem in canaliculis suis hærentem solvendum, *sanguis hirci sylvestris*, *saliaque volatilia*; denique ad foras extrahendum peccantem humorem, emplastrum vesicatorium lateri affecto impositum, insigniter profunt. Et externi quidem hujus remedii commodum, quod a sagacissimo Mayernio primum edoctus fui (a), multis jam annis compertum habeo. Sub finem autem morbi, remittente jam inflammatione, alvum laxare oportet.

ILLUD autem non est prætermittendum; fieri nimirum interdum, ut in hoc morbo, & magis etiam in peripneumonia, inflammata primum, inde & pleurae adhærente, extima pulmonis membrana, eveniat obseffus purulentus, quem *empyema* vocant. Hoc in casu, si foras se ostenderit humor, imponendum est medicamentum causticum, quo emittatur. Ulcus autem per totam vitam apertum servare oportet. Vidi enim cum, eo sanato, & materiae purulentæ effluxu prohibito, brevi moreretur aeger.

S E C T I O V I I I.

De febribus intermittentibus.

FEBREM intermittentem non satis tuto cor-

(a) De morbis internis Syntagma primum, Cap. v. De pleuritide.

tice Peruviano discuti posse, nisi primum eliciatur vomitus, & alvi etiam dejectiones ciantur, haud ignotum est; at huic remedio lenè aliquod catharticum adjungi novum fortasse videbitur. Minui enim, quinimo frustra esse, hujus pharmaci vires vulgo putant Medici nostri; nisi interea, dum id assumitur, venter sit adstrictus. Longa autem Me docuit experientia necesse plane esse, exiguam portionem *rhobarbari* remedio huic admiscere; ea scilicet ratione, ut alvus bis saltem quotidie dejiciat. Neque unquam virtutem illius hoc modo fractam, sed feliciter potius auctam fuisse, animadverti. Licet enim ea, quae valentius irritant, sanguinem & humores perturbando irrita reddant omnia: moderata tamen purgatione id consequimur, ut ingesta quaecunque, sive medicamenta sive cibos, facilius concoquat ventriculus; & ex his, quod tenue & corpori est utile, in venas emittat.

CONSILIUM cepi *corticem* hunc febribus accommodatissimum sic exhibendi, postquam annis abhinc fere viginti febres intermittentes, quae tunc per populum solito saevius grassabantur, in malum corporis habitum, imo & hydropem, frequenter desinere percepi; cui malo occurri posse credebam istiusmodi curatione. Nec Me spes Mea fefellit. Quod ut statim comperi, quotiescunque humoribus crassioribus gravatum corpus offenderem, eandem tenui medendi viam. At cautio tamen erat, ne ultra modum purgare pergerem. Idcirco, cum jam drachma una aut altera *rha-*

barbari assumpta fuerit, ab exinanitione desistere soleo, & celebris hujus antidoti usui per se insistere. Et praeter memorata jam commoda illud etiam observavi; quod, depulso hac medendi ratione morbo, iterati in eundem lapsus minor semper est metus.

SUPER insigni autem hoc medicamento, illud porro monendum habeo, quod non aliis, quam intermittentibus febribus congruit. In continuis enim adeo non prodest, ut multum obstit; atque in hecticis illis, quae cum exulceratione partium aliquarum internarum sunt conjunctae, perniciosum est; licet circuitus suos hac frequenter habeant, & intermittentis aut quotidianae, aut tertianae, speciem praebeant. Unde fortassis conjicere licet, in bilem solummodo hoc remedium vires suas exercere; hunc enim humorem in intermittentibus maxime peccare Mihi minime dubium videtur.

EVENIT autem non raro, ut etiam in febre revera intermittente effectum non sortia-
tur magnum hoc Dei donum; quod ob malum corporis temperamentum plerumque accidit. Dispicere igitur oportet, qua in parte sit vitium; quod in visceribus, & glandulis abdominis, ut plurimum haerere deprehenditur. Purgationibus itaque, interdum & vomitionibus, opus est; quibus interponenda sunt ea medicamenta, quae obstructions referant, & ventriculi concoctionem juvant; inter quae amara, quae simul aromatica sunt, & e ferro parata, principem locum tenent. Et hanc
fane

sane ob causam, febres quartanae aliis quibuscunque intermittentibus, curatu sunt difficiliores: in his enim inertes sunt, & ultra modum visceri, sanguis & humores omnes; ita ut duplici morbo occurrendum sit, tum malo corporis temperamento, tum etiam feбри. Idcirco, adjunctis *cortici Peruviano radice serpentariae Virginianae & chalybe*, res plerumque bene agitur. Quanquam nec illud hic observare alienum erit, Me pluries, *cortice* ipso votis non respondente, pulvere ex *floribus chamaemeli, myrrha, saleque absinthii*, adjecto paulo *aluminis*, composito, febres intermittentes depulisse.

Plus autem periculi habet illud febris intermittens genus, quam *ἡμιτεταῖον*, hoc est, *semitertianam*, Graeci appellarunt. Haec tertio quidem die revertitur, atque ex octo & quadraginta horis sex & triginta fere per accessionem occupat; interdum vero plus vel minus, neque ex toto in remissione desistit, sed tantum fit levior. Hinc recte Galenus ex quotidiana continua & tertiana intermittente illam confusam esse dixit (a).

PROPRIAM igitur animadversionem desiderat hic morbus; qui quidem ex inflammatione partium internarum, quae adjunctam habet obstructionem ab humoribus biliosis, & lymphâ nimium tenaci, exoriri videtur. Mittendus ergo erit semel aut iterum, pro ratione virium, sanguis. Alvus etiam per vices laxari debet, medicamentis vero lenissimis, qualia

(a) De different. febr. Lib. II. cap. 7.

lia sunt *sal diureticus*, *manna*, *sale cathartico Glauberi* addito, & consimilia. Neque *corticis Peruviani* usum festinare oportet; metus enim est, ne viscerum meatibus magis adhuc ab illo oppilatis, augeatur inflammatio, aut febris hectica succedat. Longe tutius erit potiones primum ex *succo limoniorum*, commisso *sale absinthii*, adjecta etiam *aqua cinnamomi simplici*, frequenter hauriendas aegroto praebere.

S E C T I O I X.

De febribus vulgaribus, sive publice grassantibus.

FEBRES vulgares ex vitio aëris nobis circumflui oriuntur. Id autem a caeli temperamentis, calore, frigore, siccitate, & humiditate, maxime fit; ubi nimirum horum quodvis aut exsuperat, aut intempestive alterum ab altero excipitur.

IN *Graecia* at *Asia* tota, ubi sibi aequalia ut plurimum sunt anni tempora, & venti a diversis plagis statim fere mensibus spirant, viris sapientibus promptum erat tempestatum varietates, commodaeque & incommodae, quae fecum ferebant, observare. Atque haec observatio artem morbos praesagiendi usu diuturno fecit; in qua medicinae parens, Hippocrates, primus excelluit.

IN nostris autem regionibus tanta est caeli
in-

inconstantia, & tot causae ventos, incertis vicibus secum pugnantes, concitant, ut nulla de his certa ratio iniri possit. Idcirco Sydenhamus noster, qui Hippocraticae doctrinae aemulus febres anniversarias, harumque pro variis tempestatum generibus diversas species describere aggressus est, didicit tandem, „ Se „ nihil promovisse in causis morborum epidemiorum expiscandis manifestas aëris qualitates notando: quippe qui animadverterit „ annos, quod manifestam aëris temperiem sibi plane consentientes, dispari admodum morborum agmine infestari; & vice versa: „ item varias esse annorum constitutiones, quae neque calori neque frigori, non sicco „ humidove, ortum suum debent; sed ab occulta potius & inexplicabili quadam alteratione in ipsis terrae visceribus pendent (a).”

Res haec, Meo saltem iudicio, ita se habet: Multum valere in morbis vulgaribus gignendis manifestas aëris qualitates extra dubium est; quibus & aliae accedunt causae, quae vim illarum multis modis nunc augendo, nunc minuendo, immutant. Hae ex terra in primis oriuntur, ubi nimirum, ut sapienter dixit Lucretius,

Putrorē humida nacta est,

Intempestivis pluviisque & solibus icta (b).

Ut terrestris autem ille putror plurimum nascitur

(a) De morbis epidem. cap. II.

(b) Lib. VI. v. 1099.

tur ex corruptis varii generis herbis, interdum etiam ex animalium cadaveribus, atque mineralibus; ita aquae, stagna praesertim & paludes, quae suas herbas, suaeque animalia alunt, eodem modo pestiferos saepe exhalant spiritus, circumfusi aëris inquinamenta. In hunc censum denique veniunt, rarius tamen in nostris plagis, maris fluminumque inundationes, terrae motus, montium eruptiones, & quaecunque aliae insignes rerum naturalium mutationes, aethera, quem spiramus, corpusculis vitae nostrae minus idoneis replere possunt. Haec enim corpora nostra afficiunt, & morbis opportuna reddunt.

S E C T I O X.

De febribus lentis, sive hecticis.

Tot habent causas, easque multum diversas, febres lentae, quae *hecticae* vulgo dicuntur; ut non idem morbus, sed alius atque alius esse videantur. Omnium autem perniciosissimae sunt, quae ex partis alicujus in corpore praecipuae, pulmonis in primis, exulceratione originem trahunt, materia nempe purulenta sanguini commista, quae motum ejus inordinate turbat.

In autem animadvertendum est, illos maxime his pulmonis exulcerationibus obnoxios esse, quos pueros aut juvenes strumae vexaverant.

Quo-

Quocirca memini olim experientiffimum Medicum, Radclivium, dicere folitum,, phthifes in noftris & frigidioribus regionibus efle pleurumque ftrumofas. Saepiffime itaque videmus in tabidis, poft mortem incifis, pulmonem tuberculis feu glandulis induratis obfitum, quae fuppurantia pus exfpuerant.

VARIOS hujus mobi gradus, eorumque invicem fucceffiones, accurate defcripferunt Medici; nonnullas tamen ex primis illius caufis fuas habere periodos haud fatis animadvertunt. Hifce autem circuitibus, quantum id fieri poffit, occurrere quam maxime proderit. Ita non paucos certis temporibus, aut fanguinis fputo, aut pituitae tenuis in pectus fluxione, interdum & bilis flavae rejectione tentari videmus. His omnibus nobile illud antidotum, *cortex Peruvianus*, adjunctis illis, quae pulmoni conveniunt, opitulabitur; ante tempus nimirum datus, quo malum recurrere folet: quod & in aliis pariter haemorrhagiis obtinet. Hoc vero medicamentum, cum jam exulceratus eft pulmo, plurimum nocet; uti mox dicetur.

In pulmonis autem ulceribus, *lactis* ufum in primis commendant Medici, ut duplici comodo in medicinam pariter ac nutrimentum cedat. Cautione tamen hic opus eft, quoniam nonnulli natura lac averfantur. Quin etiam in capitis doloribus, ac febribus acutis, factaque hinc nimia fiti; item fi praecordia tumeant, feu biliofae fint alvi defectiones, aut multum fanguinis cum iis fluxerit; pro veneno lac femper

per reputari debet (a). *Asininum* autem apud nos maxime eligitur; quod aliis licet minus nutriat, magis tamen calorem temperat, & deterget. Sed ubi illud non in promptu est, *serum lactis vaccini*, vel etiam *caprini*, praesertim si herbis suave olentibus pastae fuerint Caprae, in ejus locum commode substitui potest; ipsum vero *lac vaccinum*, quantumvis *decocto hordei*, ut moris est, diluatur, saepissime non convenit. Neque alienum erit *serum* illud, infusis herbis quibusdam, quae stomacho gratae sint, & flatus discutiant, morbo accommodatius parare. At infeliciter interdum evenit, ut, cum lactis usum maxime desiderat corpus, tanta sit intestinorum laevitas, ut illud ferre non possint. Cum in tali igitur loco res sit, illud hoc modo componendum est: *Flores rosarum rubrarum siccatarum*, *balauſtia*, *cortex malorum granatorum*, *cinnamomum*, singulorum drachma una, coquuntur in *lactis vaccini* libra una. Cum ebullire incipit, *frigida aqua* affunditur parva portione, ut restinguatur & subsidat; finitur iterum ebullire, & eodem modo restinguitur; idque toties faciendum est, donec libra una absumpta, lactis simul & aquae quod restat, librae unius mensuram adaequet. Tum colandus est liquor, quem totum, commisto *saccharo*, partitis, uti commodum erit, haustibus, aegrotus ebibet quotidie. Hac via nutritur simul corpus, & venter comprimitur; nec quic-

(a) *Hippocr. Aphor. Sect. v. 64.*

quicquam obstat aliorum ciborum vel medicamentorum, usui hujusmodi diaeta.

MOMENTI autem longe maximi est, ut incipienti diro huic morbo occurratur; cumque ab inflammatione oriatur, missio sanguinis in primis necessaria est, non semel tantum, sed vicibus iteratis. Is, si crassus & niger, aut glutinosus profluxerit, vitiosus dicitur, & utiliter effundi putatur; contra vero, si ruber sit & pelluceat, integer habetur, neque ultra detrahitur. At facilis est hac in re in errorem lapsus. Non raro enim, cum sanguis maxime effervesceat, missus e vena summo cum rubore crasso, & glutinosus est; in quo statu eo usque emitti debet, dum minus ruber minusque glutinosus evaserit, quod sine periculo fiat. Consilium autem temerarium fortasse videbitur, marcescente jam corpore, & fractis viribus, hoc auxilii genus tentare. At praestat certe anceps remedium experiri, quam nullum; & cum emolumento minuuntur vires, ubi succurritur in vitio, quod robur corporis assidue plus labefactabit. Idcirco si, exulcerato pulmone, vehemens febris urgeat, detractio, quantam sustinere potest aeger, juvabit; divisa nimirum in ea temporis spatia, quae ad corpus alendum necessaria sunt, ista medicina. Novi sane, rebus nondum plane desperatis, bene cessisse hanc medendi rationem; sin secus acciderit, eum Medicus occidisse minime cenferi debet, qui, corruptis jam visceribus, nequaquam servari potuit.

FINEM his imponam, postquam monuerim
in

in casibus nonnullis utilissimum esse balsamicis, qualia sunt *thus*, *styrax*, *succinum benzoinum*, humores acres & falsos delenire ac temperare; quae in prunas injecta vaporare debent, ut fumus eorum per tubum aptum in asperam arteriam & pulmonem recipiatur (a). Scio vix in usu esse hanc medicinam, & tanquam inutilem a plerisque negligi. Quisquis autem secum reputaverit, quam longo itinere, per canales scilicet sanguinis, res hujusmodi ad pulmonem ferantur, & quam exigua illarum pars ad locum destinatum perveniat; is sane facile videbit, si qua in illis sit virtus, hac potissimum via impertiri posse.

OB eandem quoque rationem novi fumum ex *balsamo Tolutano*, more *tabaci*, per tubum commodum in pulmones inspiratum usus fuisse eximii, praecipue in sanguinis sputo.

EXIGUIS autem his suppurationibus subjungendus videtur largior, qui hoc in viscere quandoque fit, abscessus, quae *vomica* nuncupatur. Is morbus, etsi gravis sit, & in tabem saepe desinat, haud tantum periculi affert, quam minores illae exulcerationes. Vidi enim, cum materiae purulentae usque adeo graveolentis & foetidae, ut adstantes cubiculum ferre non possent, libra una aut altera, admisto sanguine, tussi rejiceretur; & tamen lacteae diaetae & balsamicorum usu, interpositis pro re nata anodynis, in integram sanitatem aeger restitutus est.

H A E C

(a) Vid. *Christophori Benedicti Theatrum tabidorum, sub finem. Londini, MDCLVI.*

HAEC de *phthisi* dicta sunt.

DUAE autem sunt aliae *tabis* species, quae diversis modis hominem consumunt. In una corpus non alitur, & naturaliter semper aliquibus decedentibus, nullisque in locum eorum subeuntibus, summa macies oritur, quam *atrophiam* nominant. Haec liquoris, qui in nervis est, vitio saepissime debetur; & *cachexiam*, quae est altera species, conjunctam habet, aut gradatim infert. In utraque propter malum corporis habitum, alimenta corrumpuntur, & partes refectiorem non accipiunt; ideoque vitae genus recte ordinatum, & medicamenta ex *chalybe*, quae stomachum confirment, laxata subinde alvo, apprime sunt necessaria.

IN omni denique tabe exercitationibus, & frictionibus, pro virium ratione constanter uti oportet; caeli mutatio plerumque convenit; quin & interdum longa navigatio. Ex nostra regione, male affecto pulmone, aptissime *Ulyssiponem* aut amoenissimam *Neapolim* itur. Equo autem vehi, dum imbecillitas id non prohibet, vel saltem curru, lectica, aut alio modo corpus movere, nunquam non expedit.



C A P U T II.

De morbis capitis.

S E C T I O I.

Apoplexia.

CONGENERES sunt plerique capitis morbi, & a repletionē ut plurimum ortum trahunt, quorum praecipuus est Apoplexia. Haec a sanguine nimis viscido, per arterias capitis tardius fluente, & fere stagnante, interdum oritur; qui perpetuo vi cordis propulsus exiles suos canales dirumpit, & in cerebrum effusus, nervorumque motibus corporis inservientiam tubulos comprimens, humoris sui in eos illapsum prohibet. Saepius autem illam progignit, sine insigni canalium disruptione, liquor aquosus & rubicundus ex sanguine profusus; aut etiam glandularum circumjacentium exsudans succus, qui tum cerebri membranas obruit, tum ventriculos ejus opplet, & spirituum animalium iter intercludit. Illam *sanguineam*, hanc *pituitosam*, appellare licebit. Priorem autem *fortem* vocavit Hippocrates, atque insanabilem esse dixit; alteram *levem*, curatu tamen difficilem esse monuit (a). U-

trius-

(a) *Aphor. Sect. II. Aphor. 42.*

triusque generis casuum quam plurimae narrationes ex libro doctissimi Wepferi, medici *Scafhusani*, peti possunt (a). Rationes vero omnium, quae in hoc & consimilibus morbis contingunt, dilucide exposuit magnus ille rationalis medicinae auctor, Laurentius Bellini (b).

DE causis externis, quales sunt ictus, lapsus ab alto, & hinc fractum calvariae os, nihil hic dicam; quoniam illae, nisi quatenus Chirurgi manum requirunt, iisdem remediis curantur.

SANGUINEA autem detractiones sanguinis, tam e brachio, quam ex venis jugularibus, larga copia, saepiusque repetitas, pituitosa purgationes per alvum magis desiderat. Permagnum quoque auxilium est in venarum occipitalium incisione, quam proposuit vir cum arte anatomica tum doctrina medica insignis, Jo. Bapt. Morgagnius (c); quam & ipse quidem in maxime periclitantibus magnopere juvasse non semel expertus sum. Etenim cum venae istae intra cranium cum laterali utroque sinu communicent; illis incisis, pars sanguinis, quem in hos convectiones erant, avertitur, & reliqua copia nonnihil minuitur, motusque per eosdem facilius peragitur. Idcirco cucurbitulae sub ipso occipitio, & ad latera colli admo-

tae,

(a) Vid. ipsius observationes anatomicas ex cadaveribus eorum, quos sustulit apoplexia. *Amstelædami*, MDCCXXI.

(b) In libro *De morbis capitis*.

(c) *Adversar. anatom. VI. animad. 83. & 84.*

tae, cute scalpello profundis satis vulnusculis concisa, quo sanguis ubertim effluat, nunquam non ex usu sunt.

NEQUE alia ratione juvat, si quid juvare poterit, a nonnullis laudata, arteriarum in temporibus incisio; per hanc enim copia sanguinis in cranium derivandi minuitur. Et Galenus quidem tuto satis, & sine magno incommodo, arteriam etiam in ipso brachio incisam se vidisse testatur (a). At tantilla sane est portio, quae hac via demitur, ut magnum aliquod commodum inde sperari nequeat. Satius itaque fuerit, ut in *cephalaea* praecipit Aretaeus, *geminas pone aures arterias secare* (b); ex his enim major, quam ex eis in temporibus, profluet sanguinis in caput ruentis copia.

VESICATORIA etiam capiti, & membris omnibus, imponi debent. Cathartica vero, tam quae per os assumi, quam per alvum infundi solent (his enim semper opus est) acria, magnaque vi stimulandi ac pungendi intestina praedita, esse oportet; sensus enim fibrarum in nervis fere deperditur.

Lethargus & *Carus* sunt leviores Apoplexiae species.

(a) *Method. Medend. Lib. v. cap. 7.*

(b) *De morb. diuturn. curat. Lib. i. cap. 2.*

S E C T I O I I .

Paralyfis.

DESINIT ut plurimum, nisi mors intercedat, apoplexia in nervorum resolutionem, quae morbi est solutio. Haec autem plerumque alterum tantum corporis latus occupat. Quod vero observavit idem ille Morgagnius, *in opposita semper cerebri parte se, sectis apoplecticorum cadaveribus, perspexisse morbi causam*; id ipse memini Me olim in nosocomio non semel comperisse.

NULLUS jam sanguinis missionibus locus est, nec catharticis vehementioribus; calidis & modice moventibus, quale est *tinctura sacra*, alvum interdum laxare satis erit. Cumque morbus jam longus sit, pro vesicatoriis, in locis idoneis, praesertim sub occipitio, & supra scapulas, vel ferramenti cadentibus, vel medicamenti causticis, ulcera, quae *fonticulos* vocant, excitare oportet. Hippocrates inunctiones minimum octo fieri praecepit, assignatis singulis suis loculis (a).

Remediis aromaticis, quae fibras roborent, adjuncto *chalybe*, res praecipue agenda est. Quinetiam prodest torpentis aut resoluti membri summam cutem exasperare. Id optime
prae-

(a) *De morbis, Lib. II. sect. 12.*

praestat *unguentum viride*, cui adjectus fuerit *spiritus vitrioli fortis* ea proportionem, ut septima vel octava spiritus pars sit; quod ubi corpus rubere coeperit, removendum est, ejusque loco *unguentum sambucinum* illinendum. Multum juvat in aetate non nimis proVectis frigida lavatio, calidae vero immersiones omnibus paralyticis nocent. Et ipse quidem novi nonnullos, qui, cum vana Medicorum spe delusi ad thermas nostras *Bathonienses* profecti essent, ex aqua calida egressi, mox iterum apoplexia correpti sunt, ac perierunt.

OBLATA igitur hac occasione, super hisce aquis quaedam Mihi comperta in medium proferam. Virtus illarum praecipua in minerali quodam calore, quo ventriculum & intestina foveat, Mihi consistere videtur; idcirco his maxime opitulantur, qui vino, aut id genus liquoribus, cum appetitum ad cibos, tum facultatem illos concoquendi perdiderunt, unde quam plurima provenire mala novimus. Alienissimae autem sunt omnibus, quibus partes internae, cerebrum, pulmo, jecur, aut renes, ultra modum incallescunt. Et ob eandem causam, tametsi hae vi sua jucunda stomacho laboranti opem praebeant: saepius tamen, si diu in illarum usu persistatur, huic ipsi visceri damnum afferunt; calore illo, qui primum profuit, immodica perseverantia, ad nimiam fibrarum resolutionem, in detrimentum cedente. Id quod non raro vidi iis praesertim contingere, qui morbis conflictabantur a vicio fluidi,

fluidi, quod nervos irrigat, originem trahentibus.

MORBUS hic nunquam acutus, saepe longus, in senibus fere insanabilis est. Miseram autem vitam plerumque trahit, qui illo afficitur: vis enim animi cum memoria deperditur; & luctuosum spectaculum, non jam homo, sed animal semimortuum, contremittit & vacillat.

Chorea Sancti Viti.

MORBUM hunc, facie pariter ac nomine ridiculum, paralyticam affectionem esse, & frequenti lavatione frigida, medicamentisque ex *chalybe* paratis, dispelli jam olim monui (a).

SECTION III.

Epilepsia & Vertigo.

DE utroque hoc morbo legi velim ea, quae in alio libro tam ad recursus, quam ad remedia, spectantia fusius proposui (b).

MONITUM autem unum & alterum ibi dictis hic adjungere libet. Prius est, saepissime ventriculi magis, quam capitis, morbum esse vertiginem; aut saltem utramque partem simul

(a) *De imperio solis ac lunae, edit. alter. pag. 26.*

(b) *Ibidem, pag. 34. & seqq. 81. & seqq.*

mul laborare, gravato nempe biliosa & viscida colluvie intestino. Ubi id contingit, frustra sunt remedia quaecunque, nisi prius *vino ipecacuanhae*, aut alio quodam vomitiones proritante medicamento, onere suo levatum fuerit viscus. Postea vero appetitum simul & ciborum concoctionem optime juvabit *elixir vitrioli Mynsichti*, ex aqua fontana, hora una vel altera ante & post prandium, assumptum.

ALTERUM, quod addi velim, hoc est, *corticem* scilicet *Peruvianum*, conjuncto remedio morbo accommodato, saepe multum prodesse, in primis si hoc modo assumatur: *℞. corticis Peruvian. ʒi. rad. valerian. sylv. pulv. ʒi. syr. e cort. aurant. q. s. f. electarium.* Hujus, praemissis debitis exinanitionibus, devoret aeger bolum pondo ʒj. mane & vesperi, tribus mensibus continuis; deinde repetat triduo, vel quadriduo, ante novam plenamque lunam.

Tetanus.

RARUS iste affectus est, musculorum scilicet universi corporis, praeter naturam facta, validissima convulsio. Iis igitur cedit remediis, quae in Epilepsia proficiunt.



CAPUT III.

De insania.

NULLUS morbus insania magis pertimescendus est. Quid enim miserius, quam hominem ratione & intelligentia privari; in alios more ferarum saevire; compedibus, vinculis, & plagis, ne vel sibi vel alteri noceat, coërceri: aut, mutata rerum facie, demisso animo moestum esse; vanis imaginibus assidue terreri; spectra sibi adstantia fingere; & perfecta continuis anxietatibus hac vita, poenas aeternas (quod interdum fit) post mortem secuturas horrere? Quibus omnibus illud accedit miserandum, quod difficillime curationem accipiat haec calamitas. Caeterum quo dilucidius intelligantur ea, quae de hoc morbo experientia doctus exponenda habeo, pauca quaedam de illius natura praefari libet.

FREQUENTISSIMA hujus mali causa est nimia animi intentio, diuque una aliqua in re, etiam cum jucunda sit, defixa cogitatio. Haec enim, cum sola est, mentem perturbare potest, ut in literarum studiosis videmus; ubi vero animi motus accesserint, ut spes, metus, ira, & alii id genus affectus, gravior multo fit morbus: & pro causae natura, maxime vero prout ingenium ejus, qui laborat, ad has

aut illas affectiones proclivius erit, dementia vel cum tristitia, vel cum furore, hominem occupat. Attamen nihil ita mentem pervertit, ut amor & religio: religionem dico falsam & inanem. In amore insunt spes, timor, suspiciones, & interdum ab his ira ac odium. Religio ista vanis terroribus, & suppliciorum perferendorum imaginibus, animum implet ac distrahit. Hinc evenit, ut amantes magis cum furore, religiosi cum moerore, insaniant.

AT commutantur tamen, & varie commiscantur, hae affectiones.

MAXIME autem insanit homo, ubi contrariis motionibus mens simul agitatur; ut cum ira & metus eodem tempore occupant, aut gaudio & tristitia perturbatur animus; diverse enim trahitur isto modo affectus, & misere laceratus se dedit.

SCIMUS id omnes, ita comparatam esse fabricam nostram, ut, quaecunque rerum species, quae prodesse aut nocere nobis possint, menti se offerunt, subitas affectiones, iisque motiones in corpore consentaneas, necessario concitent. Ita laetitia, moeror, spes, metus, cupiditas, ira, etiam nobis invitis, sanguinem & humores agitando corpus commutant & impellunt. Eodem redit, verae an fictae sint istae imagines, modo mens in eas intenta & infixata, iisdem diu fuerit addicta; quin & fortius percellere & irritare animum imaginaria, quam vera mala, saepissime comperimus. Ita quam falso sibi instantem quis fingit, illa
quae

quae revera affligit, adeo intolerabilior est paupertas, ut non raro ad mortem sibi nefarie consciscendam meticulosos adducat. Usque adeo miseriis patet nostra omnis vita!

INSTRUMENTUM harum omnium motionum, tam mentis quam corporis, est fluidum illud subtilissimum nervis infusum, quod *spiritus animales* vulgo appellant. De hujus autem natura, nos jam olim conjecturam facimus (a), ostendimusque ipsum interdum mutationes suas subire; cujus quidem rei documentum insigne dat hic, de quo nunc agitur, morbus.

INSANIAE duo genera describunt auctores, quorum utrumque est constans error mentis sine magna febre; alterum cum furore & audacia, alterum cum tristitia & metu; quorum illud *maniam*, hoc *melancholiam* appellant. Haec autem gradu tantum, ut plurimum, differunt. Melancholia enim nunc citius, nunc tardius, in Maniam saepissime transit; &, remittente furore, gravior fere redit tristitia: hinc furibundi omnes sunt timidi & pusillanimes. Id quod in curationibus observasse permagni usus est. Ipsos autem spiritus animales diversas, & a natura sua alienas, proprietates in omni dementia, ut dixi, acquirere facile demonstratur. Attamen illud maxime mirandum est in hac aegritudine, quod non tantum ea laborantes aliis morbis immunes saepe conservat; sed & ubi quemquam occupat illis implicitum, ita quasi

to-

(a) Vid. *Introduction to the Essays on poisons*, edit. 3.

totum hominem sibi assumit & vindicat, ut eos non raro depellat ac profliget. Neque id in levibus solum valetudinibus contingit; sed etiam in gravioribus, & quae magnum alias periculum afferre posset: ut dicere hic liceat,

Aliquisque malo fuit usus illo.

Duo, quae hanc rem confirmant, insignia exempla Me vidisse memini. Virginem curabam annos natam circiter viginti, mente fatis alacrem, corpore nimis imbecillam; quae ex malo habitu diu protracto in hydropem abdominis inciderat, marcescentibus interim membris. Cum, remediis quibuscunque frustra tentatis, spes nulla salutis affulgeret; supervenit repente, nescio qua de causa, insania cum maximis anxietatibus & vanissimis animi terroribus; se enim in iudicium vocandam esse ob crimen laesae majestatis, & capite plectendam imaginabatur. Interea corpus vires acquirere, & ventris tumor subsidere cernebatur; ita ut brevi valentiores medicinas, utrique morbo convenientem, ferre posse videretur. Idcirco vomitu, purgatione per alvum, & medicamentis, tum quae urinam cient, tum quae stomachum juvant, ita res agebatur, ut post aliquot menses mens sana sano cum corpore rediret.

ALTER, quem dixi, morbus, a priore quodam modo diversus, virginem etiam afflixit; quae annum agens vicesimum & octavum spu-

to sanguinis, ex pulmone cum tussi perpetuo fere prorumpentis, vexabatur. Itaque missus est e brachio copia satis larga sanguis, altero quoque die, ad quinque aut sex vices. Minuebatur hinc, non tamen cessabat malum; & transactis duobus mensibus, supervenit febris hectica, siti, calore, & nocturnis sudoribus comitata; cum summa macie, viscidaeque ac tenacis materiae frequenti excreatione, quae ex faucium & pulmonis glandulis ferebatur, intermixtis hic illic puris flavi portiunculis. Instabat jam vera phthisis, & mors prae foribus adesse videbatur. Aegra igitur de animae salute sollicita esse coepit. Praesto erant sacerdotes, qui cum viam ad caelum munire deberent, asperam contra & difficilem illam monstrabant, cum precibus, jejuniis, animique angoribus calcandam; quasi nimirum vitae futurae felicitas infelicitatibus & aerumnis praesentis vitae tota esset redimenda. Quid tandem fit? Misellam, sacris terroribus victam, brevi invasit religiosa dementia; nocte dieque oculis obversabantur daemonum species, flammae sulphureae, & poenarum apud inferos aeternarum horrendae imagines. Ab hoc autem tempore evanescere indies coeperunt, quae morbus antecedens secum attulerat, incommoda; decrescere calor febrilis, sputum sisti, minui sudores, & habitus totus ita in meliorem verti, ut, quo minus mens corpori regendo par erat, eo magis vires officii vitae sufficere viderentur. At paucos post dies

dies prorsus melancholica evasit. Morbus igitur exinanitionibus, prout vires ferre poterant, & idoneis remediis ita oppugnabatur, ut sanitatis integrae spes aliqua ostenderetur. At, proh dolor! postquam tres menses fere sunt elapsi, febre hectica cum pulmonis exulceratione reversa, tabe confecta periit meliori fato, ut visa est, digna puella.

Totus ergo in vi imaginandi consistit hic morbus. Laetificae enim aut horrificae species menti repraesentantur, quas more naturae consueto motiones corporis, quae cum illis conveniunt & quasi cohaerent, necessitate quadam consequuntur. Hinc bruta etiam animantia interdum insaniunt, quippe quae (quicquid contra insani quidam dicant philosophi) ratione aliqua naturae suae convenienti utuntur.

PERMAGNAM sane esse hujus facultatis potentiam quotidie experimur. Quid enim mirabilius, quam hominem in canem aut lupum converti, firmis adhuc viribus mortuum & cum mortuis versari, caput vitreum aut fictile gerere, se existimare? Haec tamen, & sexcenta similia, interdum evenire cernimus. Illud autem magis adhuc mirum, & pene incredibile, quod gravidis saepe contingit. Notum est enim illas, cum forte malacia tentantur, non raro fructus aut cibi alicujus, quem frustra appetiverant, notis corpus foetus, quem in utero gestant, deformare, per omnem vitam aliquando duraturis. Mirifica quidem haec sunt;

sunt; at prodigii prorsus simile est, quod ex narratione viri in mentis humanae facultatibus investigandis perspicacissimi, Malebranchii, adjungam (a). Erat in nosocomio *Parisiensi* incurabilium dicto juvenis, ab infantia mentis inops, cujus brachia & crura iis in locis disrupta videbantur, quibus in illa regione morte damnatis membra ista ferreo vecte contundere mos est. Misellus iste per annos viginti vitam protraxit, concurrentibus ad eum visendum Philosophis & Medicis, qui manibus suis ossium, quae dehiscebant, cava & hiatus contrectabant. Non diu autem latuit infelicis hujus eventus causa; mox enim compertum fuit matrem, dum puerum illum in utero ferret, terribili spectaculo interfuisse, cum fons quidam eo, quod dixi, mortis genere plecteretur. Perterrefactam fuisse, facile est credere; quibus autem modis vis ipsius imaginandi damnum tale foetui impertire posset, scire difficile. Ingeniose, ut solet, conjecturas suas super hac re persequitur Malebranchius. Sensum quendam internum esse dicit imaginandi facultatem, quae omnis spirituum animalium ope peragitur; foetum vero corporis materni partem censerī debere, ita ut, quicquid patitur pars aliqua matris, idem occulta quadam communicatione in partem foetus congruentem transeat. Perculsa itaque horrendo viso praegnans dolorem, fortassis & fibra-

(a) Vid. *Recherche de la verité. Tom. I. Liv. II. chap. 7.*

fibrarum distractionem, iisdem in membris pertulit, quae fracta spectavit in fonte; firmiora vero ipsius ossa resistere poterant illi injuriae, cum eadem in tenerrimo infante vix dum formata facile disrumpebantur, nunquam denuo conjungenda. Attamen sive hac, sive alia quacunque via, res acciderit, imaginandi virtutem mirifice corpus afficere luculenter demonstrat.

HAUD immerito quoque id mirum videatur, quod immodicum gaudium nimis diu protractum, pariter cum anxietate & moerore, mentem pervertat. Hoc, ut videtur, eam ob causam fit, quod jucundae imagines, quae menti perpetim obversantur, ad alias res eam attendere non sinunt; unde cum mille modis a speciebus, quae necessario assidue occurrunt, interpelletur & avocetur, turbae oriuntur, quae animum transversum agunt & perfundant. His accedit sollicitudo & metus, ne felicem hunc rerum statum improvisa aliqua fortunae adversae clades evertat. Audivi olim Haleum, in nosocomio mente captorum *Londinensi* medicum experientissimum, haud semel dicentem, anno MDCCXX civium nostrorum fortunis adeo infausto (quo societas ad commercium per mare *Australe* promovendum instituta artibus dolosis ad lucrum faciendum viam invenit) se multo plures curae suae commissos tractasse; quos ad immensas opes evexerat fortunae favor, quam quos iniqua fors ad miseriam & pauperiem redegerat. Usque
adeo

adeo mentem corrumpit insatiabilis avaritia, & auri sacra fames.

ISTUD autem est adhuc mirabilius, quod infani, imprimis melancholici, magnopere interdum sibi in animum inducunt, ut ea faciant, quae maximum dolorem (quo nihil naturae nostrae magis inimicum est) corpori adferunt. Cibos fame fere enecti, perinde ac si venenum offerretur, adversantur; distentam etiam vesicam exonerare nolunt, summo cum cruciatu per integrum diem, vel diutius, urinam suppressantes. Istiusmodi in casibus mens a sensibus quodammodo avocari videtur, dum interim non potest non sentiri dolor; miser autem animum ad ea attendere, quae intus in corpore geruntur, obstinate renuit. Et verisimile est vanas quasdam imagines illum accepisse, quae dolorem, quo cruciatur, perferre cogant: quales sunt, ni id faciat, se graviora passurum; hunc vero jussu divino in poenam peccatorum sibi immitti, aut daemonis inevitabili potentia, aut veneficio quodam effici; & id genus innumerae. Nihil enim est tam incredibiliter ineptum, atque a ratione alienum, quin in laesam imaginationem cadere possit.

VERUMTAMEN, ut ad curam tanti hujusce mali tandem deveniam, illud ante omnia Medicum considerare oportet, quas exinanitiones ferre possit aeger: siquidem omnibus fere modis demenda est materia; modo vires id sinant; sin illae sint imbecilles; cibis idoneis & medicamentis primum confirmandae erunt, usque dum pati medicinam tu-

to possint. Nam haud raro evenit, ut, nimium exhaustis humoribus, furori succedat insanabilis animi dejectio & melancholia; qua oppressus aeger in perpetuis anxietatibus & moestitia vitam transigit, heu! nimis ut plurimum longam. Diutissime enim magna ex parte vivunt insani. Modi autem praecipui, qui demendae hujus morbi materiae conveniunt, sunt sanguinis missio, vomitus, alvi purgationes, & urinae fluxus. De hisce igitur singulis aliquid proponam.

SANGUIS commodissime detrahitur aut ex brachio, aut ex vena jugulari, interdum etiam per cucurbitulas occipitio inciso admotas; nimirum siquando capitis dolor urgeat, aut ultra exhauriri per venas sanguinem vires minime patiantur.

VOMITUS optime excitatur *vino ipecacoan-
hae* in infirmioribus; in robustioribus vero *tin-
ctura veratri*, aut *vino antimoniali*.

ALVI dejectiones moliri commodissimum est *belleboro nigro*; aut *infuso senae*, adjuncta *tinctura jalapii*; aut denique *aloë*, si forte mensum in foeminis, vel haemorrhoidum in viris, suppressio sanguinis per naturales hasce vias profusionem desideret. Has vero omnes exinanitiones, tum quae per vomitum, tum quae per dejectiones fiunt, aegrum frequenter repetere oportet; ita ut per vices aliae aliis interponantur. Neque illud addere alienum est, valentiora plerumque medicamenta requirere hunc morbum, cum nervi haud facile hic irritentur.

MAJORIS autem momenti est, quam vulgo existimatur, per renes depletio, praesertim cum furor conjunctum habet febrilem ardorem. Melancholicis enim parum prodest, quos ut plurimum nimis largum urinae profluvium sollicitat. Diuretica autem hic aptissima sunt *salia ex lixiviiis herbarum crematarum parata*, & *sal diureticus* dictus; quorum alterutrum per vices exhibere licebit, idque portione satis larga.

Cum illis, quae morbum minuunt, adnumeranda forsan videbuntur emplastra vesicatoria capiti admota: quae tamen nimia irritatione nocere potius, quam juvare, saepe deprehendi. Magis conveniet Veterum more, caput ad cutem tondere; deinde *aceto*, in quo *rosar. flores*, aut *hederæ terrestres folia* infusa sint, frequenter fovere & madefacere; item *setaceum*, quod barbara voce Chirurghi appellant, sub occipite apponere. Illud autem hoc modo efficitur: Funiculus ex filis sat multis fericeis acus foramini inditur; dein, facta perforatione, subter cutem transversus conjicitur, sic ut spatium duorum fere digitorum comprehendat; tum per aliud, cuspide acus factum, vulnusculum educitur. Illinendus autem est unguento aliquo digestivo, & quotidie movendus, quo ex ulcere pus exeat. Nihilominus tamen in longo morbo vesicatoria interdum proficiunt.

INTEREA dum hisce modis expelluntur noxii humores, iis etiam remediis pugnan-

dum est, quae corpus immutant. Diaeta tenuis esse debet, ex jusculis maxime *farinae avenaceae*, aut *hordei*; & cibis ex media materia. Alendum enim corpus est, ne vires deficient, & detractionibus necessariis ferendis impares evadant.

MEDICAMENTA plurima apud auctores, cum veteres tum recentiores, commendantur; quorum alia maniacis, alia melancholicis conveniunt: utraque autem eo collineant, ut bilem corrigant; quae acris primum, deinde viscida, & picis instar atra fit. Quin & sanguinis ipsius habitus in hoc morbo crassus est, & tenax, nigroque colore; unde incisa cadavera cerebrum siccum, & tantum non friabile, sanguinisque canales atro ac lento cruore distentos, ostendunt. Illud autem animadvertere ex usu erit, pleraque, quae ad humorum vitium emendandum apta sunt, medicamina vi aliqua exilissimos glandularum meatus aperiendi, & subtilissimos liquores e corpore propellendi pollere. Hujus generis sunt gummi graveolentia, in primis *asa foetida*, *myrrha*, *castoreum Russicum*, & *camphora*; quam vi etiam anodyna pollere, & certius tutiusque, quam ipsum *opium*, somnum arcessere, nonnulli auctores experti affirmant. Melancholicis etiam convenientissima sunt quaecunque e *ferro* parata. Plurimum denique juvat, in furoribus praesertim, aegrum balneo frigido frequenter immergere. *Capiti* enim, ut monet Celsus,

Celsus, *nihil aequè prodest, atque aqua frigida* (a).

RESTAT adhuc, ut quomodo continendi sint insani proponam, quo nihil ad sanitatem plus confert. Et alia quidem ratione in maniacis, alia in melancholicis, opus est. Illorum reprimenda audacia; horum spes excitanda est, & erigendus animus. Neque tamen illos, qui violentius se gerunt, asperioribus onerare coërcitionibus, & verberibus multare, necesse est, cum satis sit vincere; meticulosi enim sunt, ut jam dixi, omnes, & cum per tempus aliquod superatos se senserint, manus facile dant in posterum, neque vel sibi aliis vim inferre audent.

DIFFICILIOR res est cum iis, qui aut cum nimia tristitia, aut nimia hilaritate desipiunt; quorum animis pro cuiusque natura Medicum se accommodare necesse est. Aliorum igitur risus intempestivus objurgatione & minis prohibendus est; aliorum tristes cogitationes discutientiendae, ad quod symphoniae & ludi, quibus olim delectabantur, multum saepe valent. Et musica quidem quomodo corpus pariter ac animum afficiendo juvet, jam olim explicui (b).

ILLUD autem perpetuo servandum est, ut imaginibus, quae diu occuparunt, aliae contra-

(a) *Lib. 1. cap. 6.*

(b) *Mechanical account of poisons, Essay III. Vid. etiam, quae huc facientia dixit Aretaeus, De curat. a-
cutor. Lib. 1.*

trariae menti adferantur, quo novis cogitationibus paulatim se assuescat. Ut enim in corpore, morbo aut exercitiis fracto, imperanda est quies & laboris intermissio: sic animum a vanis, quas accepit, speciebus omnibus modis abduci oportet. Id autem consequemur, si ad ea, quae diversis motionibus exercent, convertamus. Idcirco in falsis timoribus, qui longum inhaeserunt, veris periculis terrefacere, & pavorem incutere, nonnunquam prodest. Hi autem veri terrores falsorum istorum natura dissimiles esse debent, ut mentem diverso modo exagitent. Mens enim quiescere nescit, curis vero & sollicitudine vacua esse potest, & mutatio idearum pro oblectamento & studiorum intermissione est habenda; pariter ac membrorum muscoli, uno aliquo labore fatigati, ad alias actiones conversi refocillantur.


CORPORIS exercitationes nunquam negligendae sunt. Ambulare; equo vehi; pila, globis, ludisve similibus uti; natare; quin & terra marique peregrinari, multum juvat: hisce enim tum fabricae universae robur confirmatur, tum assidua rerum objectarum permutatione mens ad se rediens sapere discit.

UNICAM tantum animadversionem hactenus dictis adjiciam. Anodyna medicamenta ad somnum arcessendum, rarissime in hoc morbo juvant. Nihilominus autem in casibus nonnullis; ut in magnis animi terroribus, aut ubi per longam sollicitudinem, vel tristitiam, pervigilio

gilio fatigatus est aeger; illa experiri non alienum est. Neque tamen diu in his persistendum; non raro enim, etiam cum somnum inducant, expergiscitur laborans, terrificis imaginibus gravius quam antea tentatus.

FINEM dicendi faciam, postquam monue-
ro, nullo in morbo majorem de iterato in ae-
gritudinem lapsu esse merum: quo circa, quae-
cunque proposuimus auxilia, sive ad medici-
nam, sive ad diaetam, & vivendi morem per-
tinent; ea omnia, etiam cum jam convaluerit
aeger, ad satis longum tempus per intervalia
in usum revocari debent.





C A P U T IV.

De angina.

ANGINAE varias species diligenter exposuerunt actores medici; at tres tamen, quae sunt omnium acutissimae & maxime perniciosae, non satis pro morbi natura dilucide explanarunt. Harum primam *aquosam*, alteram *tonsillarum gangraenam*, tertiam *faucium strangulationem* appellare licet.

In prima igitur oris, palati, & vicinarum partium glandulae distenduntur & tumescunt, In altera tonsillas occupat inflammatio sine perfecta suppuratione; illae tument, & indurescunt; illico fit gangraena, quae, nisi citissime succurratur, est lethalis. In tertia, nervis omnibus convulsione distentis, aeger subito concidit mortuus. Tertiam hanc speciem ipse semel vidi; & licet bis sex horarum spatium detractus fuerat largissime sanguis, nihil profuit tanta exinanitio. Incisae autem post mortem fauces ne minimam quidem tumoris, vel inflammationis, in glandulis aut musculis notam ostendebant; sanguine vero crassiori turgidae arteriae, venaeque omnes, ubique prominebant. Morbum hunc, etsi rarus sit, descripsit Hippocrates. *Ex anginis, inquit, gravi-*

visissima sunt, & celerrime interimunt, quae neque in faucibus, neque in cervice, quidquam conspicuum faciunt; plurimum vero doloris & orthopnoeae inducunt (a). Praeceptum autem in omnibus hisce malis est periculum, cui non uno modo occurrere oportet.

MEMINI, elapsis jam aliquot annis, apud *Wallenses*, in locis praesertim mari vicinis, in febris popularis modum saevisse aquosam istam luem, multosque intra biduum aut triduum ea correptos periisse. Medico cuidam illic degenti rogatus consilium dedi, ut, misso quam primum copia satis larga sanguine, & laxata vel clystere, vel si id fieri posset, leni potione alvo, emplastra vesicatoria sub mento & ad latera colli admoveret; sin autem per haec parum proficeretur, ut in palato circa uvam, venasque sub lingua, plagis satis altis vulnera infligeret, quibus morbus erumperet. Interim febris causa ter die quaterve assumendum suasi pulverem, ex *pulvere contrayervae composito*, & *nitro purissimo*, pari portione confectum. Illa cura quam plurimis saluti fuit.

IN tonsillarum gangraena, detracto primum sanguine & lotionibus ducta alvo, unicum remedium est, glandulas hasce tribus quatuorve in locis vulneribus satis profundis scalpello incidere, quae *melle rosaceo*, adjecta *mellis Aegyptiacae*.

(a) In *Prognostic*.

gyptiaci aliqua portione, sunt curanda; interim tamen os faucesque *hordei* & *ficuum decocto* colluere oportet. Haec autem in principio morbi fieri convenit; post biduum enim aut triduum ad gulam serpit malum, & exitiale est. Vidi nonnullos hac medendi via salvos evasisse; alios vero, in quibus ea neglecta aut fero tentata fuerat, periisse: cum Medici interim adstantes, quoniam calor febrilis imminutus videbatur, nihil periculi subesse, & rem in vado esse, existimarent; qui animadvertisse certe debuerant, pulsus aegri vacillantem, summam inquietudinem, & sudores frigidos se invicem excipientes, instantis fati praenuncios esse.

MORBUS iste pueros praecipue infestat, cuius descriptionem accuratissime, ut omnia, tradidit Aretaeus (a); quam commentario luculento illustravit doctissimus Severinus, *παιδαγχόνην λοιμώδην* vocans, atque hanc ipsam, quam proposui, medicinam commendans (b): quin & eandem olim executus est Latinus Hippocrates, Celsus (c).

STRANGULATIO faucium, quam tertiam anginae perniciosae speciem dixi, si praevideri possit, depletionibus omnis generis praecaveri debet;


(a) *De causis & signis morborum acutorum*, Lib. I. cap. 9.

(b) *Diatriba De pestilente ac praefocante pueris abscessu*, Operi *De recondita abscessuum natura* adjuncta. *Francfurti*, MDCXLIII.

(c) *Lib. VI. cap. 10.*

bet; sanguinis scilicet detractionibus, purgationibus, emplastris vesicatoriis, fonticulis, medicamentisque urinam moventibus. Neque etiam inutilis est abstinentia, moderatio nimirum in cibo & potu.





C A P U T V.

*De morbis pectoris.**De asthma.*

DIFFICULTATEM spirandi plurimae, eaeque inter se multum diversae, causae efficiunt. Quidquid enim facit, ut circumfusus aër solito minus prompte in pulmonis intima penetret, morbum hunc concitat. Ad respirationem autem inprimis necessarium est, ut thorax dilatetur; quod septi transversi, musculorum intercostalium, & illorum, qui abdomini incumbunt, motionibus peragitur. Juxta illud, opus est aërem in asperam arteriam recipi; cum hujus igitur meatus tumore, vel humoribus viscidioribus, sunt interclusi, spiritus aegre trahitur. Deinde ipsius spirabilis elementi ratio hic habenda est; si enim gravius solito aut levius sit, visceris hujus vesiculas, in quas irruit, haud satis magna vi distendet. Sensus etiam ipsius pulmonis non raro hanc aegritudinem infert. Vidi nempe non nullos, qui cum sub crasso urbis aethere satis commode agerent, rus petentes ab aëre fereno, qui plerisque hoc incommodo laborantibus levamen efficit, in gravissimam dyspnoeam sunt delapsi. Respirationis denique impedimentis ad-

adnumerari debet sanguinis per pulmonem difficilis transitus. Id autem variis modis evenire posse manifestum est; tam scilicet ipsius cordis, quam sanguinis vitio. Cordis vis debilior sanguinem minus propellit; hic vero, si forte nimis crassus fuerit, aegrius movetur, & in canalibus suis quodammodo haerens aëris officium perturbat & moratur. Plures morbi hujusce causae enumerari possint; sed istae sunt praecipuae, quarum aliae aliis conjunctae ineluctabile interdum exitium procreant.

MULTIPLEX hoc malum multiplicem postulat medicinam; in omni autem ejus genere auxilium est, nisi aliquid prohibet, in sanguinis detractione. Neque id satis est: vomitus etiam, si pituita tenax pulmonem aut ventriculum gravat, apprime utilis est; & is quidem frequenter repetitus. Alvum laxam habere oportet, quae catharticis tamen vehementioribus minime sollicitanda est; satis plerumque ad hanc rem erit singulis noctibus pilulas dare, ex paribus portionibus *pilulae Ruffi* & *gummi ammoniaci* confectas. Aegro cibis & potionibus flatulentis quibusve omnino interdicare oportet. Exercitationibus fere ad lassitudinem; & fricationibus, praecipue inferiorum partium, & per se ipsum, & per alios, usque ad sudorem, fere utendum est.

IN ipsis accessionibus, quantum potest, spiritus angustiam levare oportet. Id faciunt, si humores viscosi sunt & tenaces, *oxymel scilliticum aquae cinnamomi simplicis* commistum; *al-*
lium

lium, five crudum, five conditum. Sin autem nervorum liquor in culpa est, gummi omnia graveolentia, in primis *lac ammoniaci* dictum conveniunt. At meminisse convenit, anodyna remedia, quae in priore casu pestifera sunt, in hoc plurimum proficere, *salibus* nempe, aut *spiritibus volatilibus* dictis, conjuncta; inter hujusmodi vero compositiones non alia praestantior est illa, quae nomine *elixiris paregorici* prostat.

SED enim cum nonnulli, vitio aliquo corporis aut humorum, levissimis quibusve de causis in hunc morbum incidant; quibus modis eum praecavere oporteat, dicendum est. Ratio igitur cum temperamenti aegrotantis, tum ipsius morbi naturae, hic haberi debet. Illud, si calidum sit, refrigerantia & acida, mitiora tamen, postulat; inter quae praestant *acetum* & *oxymelita* quaecunque. Sin corporis constitutio sit frigidior, calefacientia nonnulla usui erunt; qualia sunt, *radix enulae campanae*, *zedoariae*, *sagapenum*, *myrrha*, & consimilia. Vomitus in utroque subinde ciere convenit: alvumque lenibus catharticis, quae non nimis sollicitent, quale est *sal Glauberi* dictum, subducere. Aqua pro potu commodissima est, adjecto vini paululo.

QUONIAM autem in omni hoc morbo sanguis plus minus effervesceat, huic excandescientiae nobili illo remedio *cortice Peruviano*, iis praesertim temporibus assumpto, quibus recurrere soleat difficultas respirandi, occurrere


rere optimum erit. Et novi quidem illum, commisto *cinnabari antimonii*, nonnunquam insigniter profuisse.

POSTREMO id minime praetermitti debet, quod fonticuli, quos vocant, supra scapulas inusti suspiriosis quibuscunque sint auxilio. Et hos quidem non solum humores emittendo, sed & distensionem nervorum nimiam minuendo, tam in hoc, quam in aliis quibusdam morbis prodesse, fas est credere.

CAUTE tamen in his omnibus agere oportet. A nimis frequentibus sanguinis detractio- nibus hydropis metus est. Senibus nocet nimia aquae potio. Exercitationes vehementiores spiritum angustum faciunt. Magna denique acidorum copia fibrillas nervorum constringendo anhelitum difficilem reddit. Ita modus etiam in ipsa medicina servandus est.

DE hoc autem, simulque de aliis pectoris morbis, consuli velim Laurentium Bellini *De morbis capitis, pectoris, &c.*





CAPUT VI.

De morbis cordis.

COR, motuum omnium animalium instrumentum primum, vitaeque nostrae quasi principium & fons, cum musculus sit, vel potius plurimum musculorum congeries; iisdem, quibus alii corporis muscoli, patet incommodis.

AFFECTIO autem, qua frequentissime laborat, est *palpitatio*, unde per exiguum temporis spatium motus ejus interrumpitur. Ex causis admodum variis haec ortum habet. Nonnunquam enim resolutae fibrae haud satis valido impetu sanguinem propellunt. Interdum polypus, in ventriculis aut auriculis haerens, vim ejus eludit. Alias evenit, ut spissior simul & copiosior sanguis difficulter in canales suos feratur. Item aqua in pericardio abundante (quod raro tamen accidit) musculi hujus motus impediri potest. Concreta quoque lapidea illum turbant. Est etiam, ubi tendines in ductuum orificiis, in senibus praesertim, ossream duritiem acquisiverint; quo, amissa vi elastica, motui protrudenti nimis resistitur. Nec praeterire oportet, quod sanguinis etiam inopia morbum hunc facere possit. Hinc enim fit, ut spiritus animales minus,

nus, quam par est, in cerebro secernantur; unde prohibetur cordis contractio, pulsusque fit intermissio.

Non est autem alienum hic adnotare, affectionem hanc plerumque esse convulsionem; qua, cum cor sanguinem uno nisu non satis propellere potest, vim suam repetere debet: documento sane insigni, sicut ante exposui, motus etiam istos, qui non voluntarii dicuntur, ab animo nostro regi & mutari (a).

ILLUD denique praesagitionis loco adjungendum videtur; quod violenter infestans, & saepius recurrens, hoc malum in *syncopen* tandem, seu fatalem virium defectum (quam alteram cordis affectionem censent auctores) plerumque desinit.

TOT variis casibus medelam etiam variam accommodare oportet. Illud autem in universis tenendum est, nisi vires sint admodum imbecillae, sanguinem detrahi posse; quo, cum debilior sit ad propellendum vis cordis, minuatur liquoris propellendi pondus. Et quidem non raro a plenitudine etiam oriri non tantum cordis palpitationem, sed & ipsam *syncopen*, animadvertimus; ita soliti cujusvis fluxus suppressioni, ut ex naribus aut haemorrhoidibus, frequenter succedit praeceps iste virium lapsus; unde ad praecavendum hoc malum utilissime certe erit sanguinis missio. Vix autem aliae quaevis exinanitiones ferri possunt.

(a) Vid. *Introductionem*.

sunt. Resoluto fibrarum ea, quae in capite
De paralyfi sunt exposita, desiderat. Crassior
sanguis, qui polypum generat, medicamen-
tis attenuantibus, qualia sunt spiritus volati-
les dicti, & gummi graveolentia, emendatur.
Vesicatoria autem, in primis si sopor urgeat,
deficiente animo, optime stimulant & languen-
tem excitant.



CAPUT



C A P U T VII.

De morbis ventriculi & intestinorum.

IN morbis ventriculi & intestinorum non minus ea, quae cavere, quam quae facere oportet, proponenda habeo. Et primo quidem, quanquam pituitam viscidam, quae stomachum gravat, vomitu interdum ejicere maxime necessarium fit; frequentibus tamen vomitionibus motum illum naturalem, quo alimenta deorsum pelluntur, invertere ciborum concoctionem plurimum perturbat & impedit.

APPETITUM ad cibos acuunt herbarum amararum infusiones, & ipsam saepe concoctionem adjuvant; at metus est, ne longus illarum usus fibras musculares nimis calefaciat. Quocirca acidis quibusdam, praesertim *elixire vitrioli Mynsichti*, illas simul adstringere non raro convenientius est; ea tamen adhibita cautione, ut, dum adhuc tenax est, quae ventriculo inhaeret pituita, illis abstineatur. Frequentissimum enim stomachi malum est, quo resolvitur; idque certe fibrarum ejus constrictionem desiderat.

S E C T I O I.

Alvi fluxus.

VENTRIS fluxus non difficulter coërcetur. De illo loquor, qui sine febre est; nam ubi hæc adest, num morbum solvere poterit, deliberare oportet. Cum sola autem cita alvus exercet, satis plerumque erit assumpto semel aut bis *vino ipecacoanhae*, ventrem *rhabarbaro* aliquoties purgare; deinde aromaticis, adjuncta *creta*, aut *bolo Gallica*, intestina robore.

Dysenteria.

DIFFICILIOR res est, ubi dysenteria, aut torminibus, intestina excruciantur. Illa enim plerumque intus exulcerantur, & cruor manat; qui modo cum stercore aliquo semper liquido, modo cum quibusdam quasi mucosis excernitur, simulque carnosa quaedam descendunt; frequens quoque dejiciendi est cupiditas, dolorque in ano; exiguum interim emittitur, eoque tormentum intenditur; & cum ab inflammatione oriatur hoc malum, nunquam non adest febricula.

SEMPER igitur, ut ad curationem veniam; primum sanguinem mittere expedit. Deinde vomitus utilissimus est; quem *vino ipecacoan-*
hae.

hae, non semel, sed ter quaterve, interposito biduo vel triduo, elicere optimum erit.

INTER has exinanitiones, & etiam postea, adhibenda sunt medicamenta, quae fluxum cohibeant, & simul membranulas exulceratas sanent. Neque ullum remedium Mihi comperitum est illo praestantius, quod ex *confectione cardiaca*, & *bolo Gallica*, adjuncto extracto *Thebaïco*, componitur; ita nimirum, ut illorum singulorum scrupulus unus, hujus granum unum, ter die adsumantur.

NEQUE inutiles sunt infusiones in alvum, maxime ex jusculis pinguibus, addita *theriaca Andromachi*; aut saltem *electario e scordio*; vel ex *decocto albo*, adjecto *amylo*; vel loco illius *julepo e creta*, adjunctis, ubi opus fuerit, extracti *Thebaïci* granis duobus aut tribus.

ILLUD denique animadvertite ex usu erit, malum interdum corporis habitum efficere, ut haec omnia parum proficiant. Illis in casibus, non omissis caeteris, ea, quae humores emendant, in usum vocare oportet; & quidem *rhabarbarum*, adjuncta *mercurii sexies sublimati* exigua portione, iteratis vicibus dare convenientissimum erit.

PRAETER haec incommoda, *vomica* etiam interdum, sive suppuratio interna, in ventriculo nascitur. Hoc quidem raro fit, non semel tamen accidisse vidi; cum magnam profectio sanguinis simul & purulentae materiae copiam evomebat aeger. Terret sane iste casus, at plerumque tamen non magnum periculum ad-

fert; iisque adsumptis, quae membranas exulceratas conglutinent, in primis *balsamo Locatelli*, redit sanitas.

S E C T I O I I .

De ileo.

ACUTISSIMUS morbus est is, quem *ἰλεὸς* dixerunt *Graeci*. Celsus *tenuioris intestini morbum* vocavit (a). Est autem vehemens intestini inflammatio, quae, nisi cito succurratur, brevi in gangraenam definit, & mors instat.

PROMPTISSIME igitur, & larga copia, sanguinem detrahare oportet, non semel, sed iterum, plerumque etiam tertio. Inde venter laxandus est. Id autem difficillime fit, quod acria nimis irritant, & vomitionibus rejiciuntur. Clysteribus itaque primum res agenda est, interpositis cathartici; quorum illi stimulant, haec lenia esse debent, ita ut mutuam sibi invicem operam praestent. Anodyna etiam necessaria sunt, sed cum purgantibus mista. Commodissimum igitur erit dare *extracti cathartici* scrupulum unum, adjuncto *extracti Thebaici* grano uno; & post horas aliquot cochlearia duo *infusi senae*, adjecta *tincturae senae* quarta parte, singulis vel

al-

(a) *Lib. IV. cap. 13.*

alternis horis propinanda, usque dum dejectionum satis fuerit.

His si nihil proficiatur, *argentum vivum* bibendum praeberere opportunum erit, quod quidem duplicem hic usum praestat; partim pondere suo inversum intestinorum motum restituendo, partimque lubricitate excrementa alvum opplentia emolliendo & deorsum propellendo. Idcirco copia satis magna id hauriendum est, librae minimum pondo; quod repetere etiam plerumque opus est. Neque diu sane tardare hoc experimentum oportet; quoniam metus est, ne, quod non raro fit, inflammationi superveniat gangraena, qua corruptis intestini tunicis, in abdomen effunditur ponderosum metallum.

NEQUE nihil denique juvant fomenta, in primis panni lanei calefacti, & *spiritu vini* madidi; aut etiam, ut praecepit Sydenhamus, *catulus vivens nudo ventri indefinenter accumbens*.

(a). Longe autem plus adjuvat balneo tepido corpus totum immergere. Et si nondum diffus dolor sit, cucurbitulas circa umbilicum defigere convenit, cum levibus incisionibus.

EADEM via morbum illum atrocem, quem medici Galli *colicam Pictonum*; nostrates in insulis Americanis, ubi frequentissimus est, *the dry belly ache*, appellant, curare oportet. Est enim dolor cum febre, & inflammatione, molestissimaque alvi astrictione conjunctus.

(a) Vid. Oper. p. 41. Lond. MDCCV.

S E C T I O I I I .

De lumbricis.

Non raro lumbrici occupant alvum. Et horum quidem tria sunt genera, *teretes*, & *ascarides*, qui pueros; *latique*, omnium pessimi, qui adultos maxime infestant. De singulis eorum plurimi scripserunt auctores. *Lati* autem descriptionem, additis etiam iconibus, omnium accuratissime tradidit vir doctissimus, Daniel Clericus (*a*). Quum is igitur Medicorum quorundam de hoc animalculo, quod singulari natura praeditum videtur, errores redarguerit; quae sequuntur, ex illo excerpere libuit. Et primo quidem, hunc non unicum esse vermem; sed plurium vermiculorum catenam, ex illo genere, quod *cucurbitinos* vocant, continuata serie aliorum aliis adnexorum, manifeste apparet. Hi autem, digiti latitudinem habentes, interdum singuli ac separati in intestinis jacent, & per alvum excernuntur. Totus denique vermis conjunctus unum caput sortitur, idque satis acutum, rostro haud abfimile; quo intestinis infixio, valde pertinaciter illic haeret, ore pro nutrimento chylum sugens.

HISCE

(*a*) *Historia naturalis & medica latorum lumbricorum*,
Genevae, MDCCXV.

HISCE a Clerico observatis quaedam a Me usu comperta adjungam; vidi enim, & sanavi, non semel hunc morbum. Et id quidem mirum aequae & molestum est, quod utcumque medicamentorum vi vermiculorum istorum aliquot foras sint ejecti; indies tamen renascuntur, reliquisque in corpore se adjungunt, usque dum aduncum illud caput exturbatum fuerit; & tum demum simul cum eo totum animal per anum exit, multorum saepe pedum longitudine. Neque mirum sane est dolores inferre acutum illud rostrum; & hominem, cum monstroso & voracissimo hospiti alimentum assidue suppeditare debeat, macilentum fieri & contabescere.

OMNIBUS igitur modis extirpanda est haec vermium perniciofa progenies. Idque, si *teretes* sint, aut *ascarides*, facili negotio peragitur. *Argentum vivum* quacunque forma his exitiale est; *rhabarbaro* igitur, adjuncta *mercurii dulcis sexies sublimati* exigua portione, alvum subinde purgare commodissimum erit. Diebus interjectis, *Aethiops mineralis* mane & vesperi assumptus relevet. Quin & ipsam aquam fontanam, si in aqua decoctum fuerit hoc metallum, potui dare ex usu erit. Prodest etiam aquam marinam bibere. Oleum denique in alvum subter dedisse juvat.

PROPRIAM autem curationem desiderat lumbricus latus. Ego jam a multis annis hujusmodi remedium efficacissimum esse usu comperi. *Stannum rasum*, cum aequali por-

tione *coralli rubri*, in pulverem subtilissimum teritur; hujus drachma una, cum *conserva summitatum absinthii maritimi* in bolum redacta, bis die devoranda est.

POSTREMO, quibuscunque medicamentis expugnati fuerint hi intestini hostes; iisdem identidem repetitis, ne reviviscant, cavendum est.

NON alienum erit alium etiam vermemh is, quos descripsimus, multum dissimilem, quippe qui non in intestinis, sed in membris, sedem occupat, miraeque naturae est, hic loci memorare. Illum dico, quem Arabes *venam Medinensem*, Graeci *δρακύνιον*, Latini *dracunculum*, nominarunt. Hunc primus descripsit Avicenna, adjecta curatione (a). Textum ejus Latine vertit Georgius Hieronymus Velschius, & commentarii loco justum volumen, varia eruditione refertum, conscripsit (b). Breviter autem summamque praecipua, quae apud Avicennam occurrunt, exponam. Is igitur morbum hunc fieri dixit, cum in quibusdam corporis membris pustula exoritur, quae intumescens deinde vesicam contrahit; mox, ea perforata, prodit rubri quidpiam ad nigredinem vergens, neque cessat continuo protendi; interdum motum habet vermicularem sub cute, ac si is animalis motus, & vere vermis esset. Galenus autem hoc

(a) Lib. IV. Canon. sect. III. tract. II. cap. 21. & 22.

(b) Augustae Vindelicorum, MDCLXXIV.

hoc malum *ulcus* appellat, quod ad se *nervum a propinqua parte delatum habet* (a).

SED revera vermis est iste morbus, in *Aethiopia, Africa, & India* frequens. Et autem insectum aquaticum, quod acuto capite, & exili corpore, hominum membris, cruribus praesertim, inter lavandum se insinuat; & exiguum primo, membranas musculorum humidas depastum, majus fit & longius; mox rodendo cutim inflammationem cum tumore excitat, quo suppurante, caput exerit animalculum, duos saepe, aut tres, interdum & plures pedes longum.

CURANDI viam tum internis medicamentis, tum ope externa, proponit Avicenna. Suadet autem, ut aloë tribus diebus consequentibus quotidie unius drachmae pondere devoretur. Sin autem vermis hanc curam eludat, jamque prodierit; tunc convenit ei praeparare aliquid, cui adligetur, & supra quod blande ac paulatim ita convolvatur, ut absque disruptione ad finem usque exeat. Optimum est plumbi frustum, supra quod convolvitur, idque justum ad trahendum ponderis fiat; tum extrahatur leniter, ne abrumpatur; & quae sequuntur. Mihi olim in nosocomio hujusmodi casum intuleri licuit, in Nauta quodam ab *Africa* reverso.

(a) *Definit. medic.*



C A P U T VIII.

De hydropē.

HYDROPIS tres species nominant Medici, cum antiqui, tum recentiores: *leucophlegmatiam* sive ἀνὰ σάγμα, hoc est, *inter cutem; tympanitem; & ascitem*. Communis omnium est humoris nimia abundantia, qui collectus tumorem facit; aut in toto corpore, ut in *leucophlegmatia*: aut in ventre, qui modo ita intenditur, ut creber intus ex spiritus motu sonus fiat, sicut in *tympanite*; ubi etiam humoris aliqua portio, ex vapore forsan condensato genita, plerumque reperitur: modo ita repletur, ut motus aquae, moto corpore aut pulsato manu abdomine, facile sentiri possit, sicut in *ascite*.

SEDES *leucophlegmatiae* est in membrana ista, quam Anatomici recentiores *adiposam*, vel potius *reticularem* seu *cellulosam*, vocant; quae membranas corporis omnes et musculos interjacet.

TYMPANITES non est unius generis. Interdum vapor in cavo ventre conclusus abdomen prorsum pellit, quod pulsatum sonitum edit. Vapor autem is halitus est visceris alicujus corrupti vitio genitus & efflatus, ideoque emissus
sem-

semper foetidissimus est. Istiusmodi casus rari sunt: vidi tamen in nosocomio Divi Thomae insigne ejus exemplum. Senex erat, cui tanta cum duritie intumuit venter, ut perculsus tympani in modum resonaret; nec faeces nec spiritus per alvum, propinatis licet valentissimis medicamentis catharticis, deorsum ferrebantur. Ex inciso post mortem abdomine prorupit cum sonitu halitus, qui tam gravi odore nares afficiebat, ut Chirurgus se aura venenata perculsum diceret. Mox foetoris hujus fons apparuit, intestinum nempe colon inflammatum, gangraena vitiatum, & ventriculo pariter corrupto adnatum. Nonnunquam autem sine putrefactione aura quaedam elastica in abdomine genita, neque exitum inveniens, vi sua membranas circumvestientes antrorsum pellit & tumefacit. Haec non in cavo ventre, sed in ipsis intestinis concluditur; quae ita distendit, ut vim suam resiliendi prorsus amittant, in immensum fere aucta illorum capacitate (a).

TERTIAM hydropis speciem *ascitem* esse dixi, quae tribus modis progignitur. Nunc enim inter tendines muscutorum abdominis, qui transversales dicuntur, & peritoneum aqua effunditur, & illos ab hoc disjungens inflationem efficit (b); nunc in medium tuni-

carum.

(a) Vid. *Mémoires de l'Académie Royale*. MDCCXIII. pag. 235. & *Philosophical Transactions*, Num. 414.

(b) Vid. *Cbeselden's Anatomy*, Book III. chap. 4.

carum peritonaei (duplex enim est haec membrana) illapsus humor harum distensione largum sibi receptaculum format; saepissime vero colluvies aquosa in amplo imi ventris spatium colligitur, & stagnat. Atque hanc sane in mortuorum cadaveribus limpidissimam interdum vidi, funiculis multis pellucidis, qui ex tenuibus vesiculis quasi concatenatis constabant, innatantibus; quae quidem disruptorum canalium, quibus lymphæ circumfertur, erant tunicae, quorum valvulae in partes eos disjunxerunt, & hydatides dictas formarunt.

NULLUS autem hydrops gravior est illo, qui in foeminis ovarum conceptacula occupat. Haec enim primum indurescunt; mox inflammantur, & corrumpuntur; liquore etiam ex innumeris, qui partes hasce perreptant, lymphæ canaliculis erumpenti distenta, in magnam tandem molem excrescunt. Hinc rarissime cedit morbus remediis.

ET hisce praecipue modis aqua in ventre includitur, quorum omnium exempla non semel vidi; illud autem erat rarissimum, quod in nosocomio quondam sese obtulit. Vidua quaedam duorum & quadraginta annorum, quae nunquam pepererat, per annum circiter de doloribus dorsi cum difficultate urinae conquesta sensit sibi intumescere abdomen, brevique manifesta hydropis *ascitis* signa deprehendebantur; quocirca per ventrem emittebatur aqua, non semel, sed ter; humore vero post singulas paracenteses cito iterum redundante, post duas vel tres hebdomadas ab
ultima

ultima emissionemortua est. Inciso cadavere, effluxit primum ex cavo, quod musculorum transversalium tendines a peritoneo sejuncti confecerant, magna aquae copia, admistis multis hydatidibus largis & nondum disruptis. Dein, secto peritoneo, crassiusculi & visceri humo-
ris librae septem aut octo sunteductae, quibus glandulae multae corruptae immiscebantur. Mirabamur jam nulla se in conspectum dare intestina, quae frustra quaesivimus; donec crassa membrana corii instar dissecta, ventriculū & omnia intestina simul cum omento in angustum spatium coacta, & quasi occultata, tandem reperimus. Membrana haec erat pars interior peritonei, quod duplex esse jam diximus; cujus pars exterior, quum corium, ut notavi, prope referret, facile prima facie ita nobis imposuit, ut totum esse peritoneum putarem. Tres igitur, quas memoravi, hydropis *ascitis* species simul in hoc corpore, utili sane accommodeque exemplo, oculis subji-
ciebantur.

PRAETER has omnes aquosas colluvies, alias etiam corporis sedes inundat non raro morbidus humor. Cerebrum & testiculi lympa nimia replentur. Nusquam autem periculosius, quam in pectore, affligit aqua; quod illis plerumque contingit, qui diuturna spiritus difficultate laborarunt; ea in primis, quae a poly-
pis in sanguinis canalibus haerentibus nascitur, dum tenuis liquor e sanguine expressus per pulmonum membranam transfudat. Hunc non se-
mel

mel observavi ad librae unius aut duarum mensuram, nunc in altero tantum, nunc in utroque thoracis latere, interdum etiam in ipso mediastino collectum. Etenim humor iste indies auctus, tandem pulmonum impediendo motum spiritum intercludit, & aeger improvise moritur. Nonnunquam etiam in illis, qui diuturna cordis palpitatione cum spirandi difficultate laborarunt, ipsum pericardium post mortem in immanem tumorem elatum, & magna aquae copia distentum, repertum fuit.

SED ad curationes horum morborum veniendum est. In *leucophlegmatia*, incisio in tibiae parte interiore fieri debet, duobus super talum digitis, ita ut vulnus ad cellulosa membranam nec ultra penetret, quo per dies aliquot frequens humor feratur; crus autem interea fovere oportet decocto herbarum emollientium & calidarum, adjecto *spiritu vinoso*, cui addita sit *camphora*. Hanc medicinam non tantum in hac morbi specie, sed & in ipso *ascite* multum profuisse, quin & interdum sanasse, multoties expertus sum; profluente per multos dies tanta liquoris copia, ut fidem superet. Cavendum autem est, non in ea tantum incisione, sed & in omnibus, quae in quacunque corporis parte aquae educendae causa fiunt, ne nimis inde exhauriantur vires; quas aequè prosternit humor ita emissus, ac si sanguinis ipsius tantundem efflueret. Aegrum igitur quovis modo sustinere oportet, ne curatio mortem acceleret; id quod Mihi videre contigit, semel
quæ

quidem Mea ipsius non satis caute aegroti robur aestimantis, atque iterum Chirurgi temerarii culpa. At mirum tamen est, quantam aquosilaticis sic effusi jacturam cum levamine ferant interdum hydropici. Cujus rei singulare testimonium proferre libet.

FOEMINA generosa, Mihi cognata, annorum fere quinquaginta, corpore firmo satis & robusto, hydropē intercute simul & ascite laborabat, ita in immensum tandem ventre distento, ut decumbens onus tam grave ferre nequiret. Cum de vita fere desperaretur, unicam spem salutis eamque dubiam, in humoris e talo emissionē superesse dixi. Illa autem strenue repugnabat, se itineris ex misera vita magnam partem jam emensam esse clamans, neque velle regredi. At precibus demum amicorum victa cessit: itaque ex vulnuscūlo in utroque crure eo modo, quem exposui, factō profluxit decem continuis diebus aqua, ad congiimensuram minimum quotidie. Interea fomentis calidis, & stomachi & virium causa, parti provisum est; hausitque bis die cyathum unum & alterum aquae, in qua celestia infusa essent herbarum folia amararum; quales sunt *absinthium Romanum*, *centaurium minus*, cum radicē *gentianae*, & seminibus *cardamomi minoris*, adjecto vino chalybeato. Singulis autem noctibus assumpsit potiunculam, Mihi in frequenti usu, ad ciendas hydropicorum urinas efficacem; quae habet *oxymellis scillitic.* ʒi ss. aq. *cinnamon.* simpl. ʒi. sp. *lavend. c.* syr. e cort. *aurant*

singulorum 3i. M. Convaluit sensim, & corpus ad pristinum statum rediit. Cum autem vires id ferrent, idoneis medicamentis per alvum purgabatur. Et cathartica quidem paulo valentiora, eaque saepius repetita, desiderat hic morbus; qualia sunt in primis *elaterium*, *mercurius sexies sublimatus*, & *jalapii radix*. Haec igitur debitis intervallis interponebantur. Caetera autem, quae dixi, ad longum tempus in usum assidue adhibebantur; praesertim vero diureticus ille, quem descripsi, haustus per annum integrum nunquam intermittebatur. Ab his nulla unquam valetudine per quinque annos tentata, morbo acuto tandem correpta periit. Nullus autem dubito, quin totum illud aquarum diluvium, partim ex cellulosa membrana, partim ex sacco a tendinibus musculorum abdominis & peritoneo, aut duplicis membranae peritoneae distensione, formato profluxerit.

ORDO postulat, ut de *tympanite* jam dicam. Is igitur, quem ex putrefactione visceris aliqujus oriri significavi, prorsus insanabilis est. Qui autem ex aura in ipsis intestinis genita provenit, catharticorum non nimis irritantium assiduo usu, interpositis medicamentis, quae flatus discutiunt, curandus est; iis interim, quae facillime concoquuntur, in cibum assumptis. At corporis exercitatio non negligi debet. Neque inutile erit per alvum interdum infundere copiosam aquam calidam, atque illam recipere; simulque, quod praecepit Celsus, feramentis candentibus ventrem pluribus locis exul-

exulcerare, & ulcera fervare diutius (a). Sin autem hoc crudele videatur, vesicatoria abdomini imponere, & per intervalla repetere, in rem erit.

DIRUS semper morbus est hydrops *ascites*; sive extra peritoneum ratione jam dicta, sive intra illud, sive denique in ventris cavo aqua abundat. Caeterum quas exinanitiones ferre possit aeger, in primis considerare hic oportet. Ubi enim fractae sunt vires, nocet vehemens per alvum purgatio; & quo plus humoris ex intestinis ejicitur, eo major ipsius copia brevi in ventrem refluit. Cum id fieri animadvertit Medicus, desistere debet, & per iter urinae superabundantem aquam foras propellere. Incertae autem virtutis sunt in hisce casibus medicamenta quaecunque, etiam illa, quae praestantissima censentur diuretica; quae in hoc enim respondent, in illo spem fallunt; aliud igitur atque aliud tentandum est. Ut plurimum vero ex *radice scillae* parata omnium sunt efficacissima. Horum praecipua sunt, quam ex *oxymelle* proposui, potio: aut ipsius *radicis* recentis exigua portio, grana nimirum quinque aut sex; quae cum *pulver. ari compos. Ess. rad. zingib. gran. vque* contundere, & cum *syrup. e cort. aurant.* in bolum cogere conveniet, singulis diebus mane devorandum: aut *acetum denique scilliticum*, quod stomacho minus ingratum erit, & ad propositum valentius, si hac
via

(a) Lib. III. cap. 21.

via exhibeatur: *Succ. limon.* ℥vi. *sal. absinth.* 3ss. miscentur; adjiciuntur *aq. cinnamom. simpl.* 3℥ss. *syrup. e cortic. aurant.* 3℥. *aq. menth. piperit. spirituos.* 3ss. *acet. scillitici* 3℥. aut 3℥ss. Haustus ille bis die bibendus erit. Non inutiliter *cinerum genistae* infusionem propter vim diureticam praecipiunt Medici; & est quidem saepe commoda, modo potus consueti loco, admisto vini pauxillo bibatur.

INSIGNIS autem est ad hanc rem, & memoratu dignissimus, nobilis foeminae Mihi notissimae casus. Illa annos plus minus quinquaginta nata sensit in altero abdominis latere durum tumorem, qui sine dubio erat ipsum ovarium in immensam molem auctum; hinc disruptis partem illam perreptantibus canaliculis, qui lympham vehunt, sensim fiebat *hydrops ascites*. Frustra erant medicamenta quaecunque, sive purgantia, sive diuretica. Ter emissus est ferramento acuto ex ventre humor, qui brevi semper iterum in cavum influebat. Accidit tandem, ut eam inviseret anicula quaedam rustica, quae abdomen conspiciens non sine summo cruciatu distentum facile persuasit, ut singulis diebus, mane & vesperi, cochleare plenum *seminum sinapis* non contusorum devoraret, decoctique *summitatum viridum genistae* semilibram insuper biberet. Postquam triduum hoc modo amarum laticem perpotasset, maximum sensit levamen; quin & sitis, quae molestissima fuerat, omnino sedata est. Alvum interdum duobus aut tribus continuis diebus

mo-

movebat id medicamentum, & urina quotidie ad libras minimum quinque aut sex profluxit. Perstitit in hisce per annum, neque rediit morbus. Sapienter itaque Medicos monuit Hippocrates, ut *etiam a plebēis sciscitarentur, si quid ad curationem utile esset* (a).

INUSITATUM fortasse videbitur, imo & periculosum, remedia, quae ad somnum apta sunt, in hoc morbo adhibere. At illa tamen interdum eum usum praestant, ut etiam urinam moventibus accensenda sint. Ubi enim magnus dolor premit, profusionem ejus haud raro incitant; non ob aliam, ut opinor, causam quam quod fibras ductuum renalium relaxent, quas cruciatus semper constringit. Hujusce rei fidem faciet memorabilis, quam traditurus sum, narratio.

VIR quidam robustus, sobrius & temperantissimus, annorum circiter quadraginta, hydrope *ascite* simul & *tympanite* laborabat. Originem morbo dederat collisio, abiectū violento ante sex fere septimanas, in dextro hypochondrio facta. Indies ventris tumor augebatur, cum dolore gravissimo, siti intensa, urina admodum pauca, eaque crassa & rubra. Adhibita sunt cum a Me ipso tum ab alio Medico experientissimo, remedia quaecunque ad urinam movendam utilia; *sapo Venetus, salia lixiviva, balsamum Gileadense, nitrum, & similia*; at incassum omnia.

(a) Μὴ δυνέειν τῶν ἰδιωτῶν ἰσχυρῶς, ἢ τι δοκέει εὐρὺ φέρει. Lib. De praecept.

nia. A catharticis valentioribus in pejus ruebat malum. Paracentesis imperata est, sed renitebantur amici. Cum dolor jam esset intolerabilis, nec ulla spes de vita affulgeret; ut εὐθανασίαν saltem consequeretur, de anodynīs cogitare coepi. Haustulum igitur cubitum ituro dabam bibendum, qui habebat *aq. menth. pipēritid. ℥i. cinnam. simpl. ℥ss. spirit. ℥ii. tinct. Thebaïc. gutt. xxx. lixiv. tartari ℥ss. syr. ex albh. ℥i. M.* Ab illo insperatum levamen sensit; somnus, qui diu defecerat, obrepfit; profluente per vices ea urinae copia, ut illa nocte librae minimum duae redderentur. Hinc animus mire confirmatus est. Cumque aeger, durante ἀναλγησίᾳ, tum per vesicam, tum per alvum, onus quod gravabat deponi; vi autem anodynī finita, continuo redire, experietur: jussus est eundem haustum octava quaque hora repetere, donec brevi bis die sumpsisse satis esset. Quum autem ab assiduo hujus usu minueretur appetitus, infusionis amaræ chalybeatae cochlearia aliquot semel vel bis quotidie bibebat; nondum neglecto, si forte dolor ingrueret, divini pharmaci soporiferi usu. Haec ita profecerunt, ut devoratis demum bis die pilulis aliquot ex *pil. e styrac.* portione una, corticis Peruviani portionibus duabus, cum *terebint. Chia* confectis, perfectā restitueretur sanitas.

OPERAÆ pretium erit historiam quandam legere, quam narrat celeberrimus Willisius, huic

huic nostrae plane similem (a). Sed & expendi merentur, quae ad hanc rem pertinentia protulit eruditissimus Sponius (b). Quem enim ille viginti venae sectionibus sanatum hydropem vidit, pariter ac iste, quem retulimus, ex nimio partium internarum ventris calore & inflammatione ortum habuisse, suspicari licet.

Non erit nunc a proposito alienum ab assumptione eorum, quae juvare possunt, ad abstinentiam transire; eam dico, qua quis ab omni potu per longum tempus se cohibet: hanc enim pro remedio etiam Medici commendant. At difficillima sane ista medicina, cum sitis plerumque vehementer premit; quae nisi sedetur, eam molestiam affert, ut vita non tanti videatur, ut homo illam tali cruciatu redimere velit. Novi tamen duos, qui, gravissimo hydropē *ascite* laborantes, longa istiusmodi patientia sibi ex toto temperando ad salutem perducti sunt. Illi autem bibendi cupiditatem os & fauces succo pomorum acidorum aut limoniorum eluendo, devorato subinde hujus aut illius aliquantillo, pertinaciter fallebant.

Sin autem neque per vulnus in talo, quemadmodum in *leucophlegmatia* proposui, neque per omnia dicta auxilia siccetur venter, sed humor nihilominus abundat; celeriori via succurrere oportet, per ventrem ipsum emittendo.

Haec

(a) Vid. *Willis. Pharmacent. ration. Part 1. sect. VII. cap. I.*

(b) *Aphorism. Nov. Sect. v. aphor. 81.*

Haec enim *ἐν χεῖρσι* servat interdum, raro jugulat, & tensionem abdominis minuendo semper dolorem potenter mitigat; quin &, quod maximi usus est, medicinae locum facit.

Scio deterreri saepe Medicos ab hac medendi via, cujus rei causa praecipua haec est. Aqua, inquiunt, frustra emittitur, quae vitiat partibus internis renascatur; quin &, si temporis intervallis emittatur, in eundem locum cito refluet; sin omnis simul exeat, moritur statim aeger. Et certissimum quidem est, corruptis jam visceribus rem esse desperatam, humorisque emissionem per intervalla factam nihil juvare, universi etiam effluxum plerumque perniciosum esse. Coepi igitur anno MDCCV. illius rei causam investigare, ut tanto incommodo occurrere possem. Et illa quidem, ut opinor, haec est. Longa abdominis a concluso humore distensione septum transversum nimis sursum pellitur, muscoli ventris extenduntur, sanguis per canales superiores, quam per inferiores, expeditius fluit, aqua denique compressione sua novam quandam partium vicinarum dispositionem efficit; unde liquore omni simul semelque effuso, septi transversi motus, ut pro natura solet, deorsum illico fertur, sanguis in canales inferiores impetu insolito ruit, & sublata compressionis vi, fibrae eam quam prius acquisiverant extensionem, & calorem quem dederat inclusus humor, der repente amittunt; hinc oritur animi defectio, quae saepe gravius recurrens, orto sudore frigido, mox oc-

cidit. Hoc igitur incommodum commodius praecaveri non posse videbatur, quam abdomen a superioribus ad inferiora manibus fortiter comprimendo, dum aqua proflueret; & postquam omnis effluerat, fasciis illud satis vehementer astringendo.

PLACUIT in nosocomio hoc primum tentare. Et cum mulier quaedam huic curationi satis idonea se mox offerret, simul ac ab inflato vulnere prorumpere coepit aqua, ipse sedula cura manibus Meis supra umbilicum ab utroque latere positis, ventrem deorsum compuli, mandans Chirurgo, ut infra hanc partem simul isti rei operam daret; id autem interea animadverti, si vel per temporis momentum manus amoverem, aegram actutum animo deficere. Postquam autem omnis humor effluerat, fasciis laneis arcte constringebatur abdomen, panno laneo spiritu vinoso madefacto primum superimposito. Feliciter, & ex animi sententia, magno nostro gaudio successit experimentum. Urinam copiose reddidit mulier, cupiditas edendi rediit, & redintegratis paulatim viribus, morbum recidivum nunquam passa convaleuit. Tanti interest rerum causas cognovisse.

Ab eo tempore istam medendi viam tenuerunt Medici, non nostri tantum, sed & exteri; interdum etiam, ut in novis experimentis non raro fieri solet, nimis audacter. Quibus enim jecur male affectum est, quorum stomachus est corruptus, quive malo corporis habitu laborant; his vix quidquam spei in hac medicina relin-

quitur. Cautiones igitur nonnullae hic semper necessariae sunt; quarum praecipuas peritissimi Chirurghi, G. Cheselden (a), & S. Sharh (b), clare proposuerunt.

FATENDUM est autem, quantacunque prudentia officium suum exsequatur Medicus, saepe tamen hydropem reverti. Verum illud non obstat, quo minus hoc inventum magni aestimari debeat; cujus ope plurimis vitam, eamque facile tolerandam, quin & nonnunquam jucundam, ad multos annos prorogatam fuisse novi. Quod quidem cum multis exemplis constet, unum solummodo omnium loco adduxisse satis erit.

ILLUSTRIS quaedam vidua, anno aetatis suae quinquagesimo primo, in hydropem *ascitem* delapsa est. Emissus est ex ventre humor, qui cum reflueret semper, singulis mensibus per annum unum educebatur ad mensuram librarum quadraginta quatuor. Anno insequente, singulis etiam mensibus aqua emissae est ea quantitate, ut per quamque hebdomadam colligi libras duodecim compertum esset. Anno tertio, minui coepit humoris quantitas, ita ut mense unoquoque librae tantum viginti quatuor effluerent. Quarto autem & quinto, sextique septem mensibus, aqua tricies educta, non ultra sedecim per singulas vices profluxerunt. Et post novissimam emissionem languere coepit

(a) *Anatomy of the human body*, Book III. chap. 10.

(b) *A treatise on the operations of surgery*, chap. 13.

pit, ac tabescere; difficultate etiam spiritus, ut in hydrope pectoris observamus, assidue fere premebatur, & animo frequenter deficiebat; cum antehac per totum morbi decursum, quoties intervalla essent emittendi humoris, alacris & vivida congressibus amicorum, exercitationibus, quin & choreis sese recrearet. Coepit illam tandem vitae & curae taedium, placidaque tandem morte occubuit. Mirandum sane est eo temporis spatio tantam humoris copiam ex corpore humano suppeditari potuisse, libras nimirum mille nongentas & viginti; quas in ipsis ovorum conceptaculis, quae recentiores Medici *ovaria* appellant, primum collectas fuisse opinor. At ipsa denique moriens testamento suo mandavit, ut ad futuram rei memoriam summa eorum, quae memoravimus, Anglico sermone monumento suo inscriberetur. Verba ipsissima adjungere libet.

*Here lies Dame MARY PAGE,
Relict of Sir GREGORY PAGE Baronet.
She departed this life March IV, MDCCXXVIII,
In the LVI year of her age.
In LXVII months she was tapped LXVI times,
Had taken away CCXL. gallons of water,
Without ever repining at her case,
Or ever fearing the operation.*

Monumentum autem illud in campo, dicto *Bunbil Feilds*, extra urbem visitur.

Aequae memorabilem, at exitu feliciorē,
ca-

casum praebebat illa, quam traditurus sum, narratio. Virgo septendecim annorum sensit sibi intumescere ventrem, parvaque copia urinam reddi; a quibuscunque remediis pejus habuit, & post annum haud aliter ac gravidæ distendebatur abdomen. Eo tempore nupsit, spe proposita, Maritum fore pro Medico. At longe secus res evenit; per annos tres increvit sensim hydrops, ita ut tandem ventris disruptio formidaretur. Cum dolor jam intolerabilis premeret, a Me petiit, ut aquam manu Chirurgi, quem in nosocomio eventu secundo hanc medicinam fecisse audiverat, quo saltem levaretur cruciatus, educi curarem. Ego, ne occidisse, quam servare non potui, viderer, in corpore macie jam paene confecto, id sine maximo vitae periculo tentari non posse edixi. Misera tamen instare, & precibus rogare, ne se defererem, assiduis tormentis & lenta morte consumendam. Cessi precibus victus, & illa, quam dixi, via emissae sunt simul & semel humoris limpidi, ac nullo modo foetidi, librae sexaginta. Ex eo tempore indies auctae sunt vires, morboque nunquam postea revertente, elapsit decem mensibus filium robustum peperit; plurimum etiam exinde foecunda parens.

ILLUD denique subjungam, medicinae hujus necessitatem inde liquere, quod longe tutius sit, aptis servatis cautionibus, aquam emittere; quam dum illa, rupto sponte sua ventre, prorumpat expectare. Hoc enim interdum

accidit, nec sine summo vitae discrimine. Semel tamen vidi mulierem, cui id contigerat, salvam evadere. Illa, abdomine in immensum aqua repleto, Me accersivit; morbum insanabilem esse denunciavi, neque enim superesse vires. At Me fefellit opinio. Nam post paucos dies, audito illam adhuc vivere, revisi, & rei novitate perculsus sum, conspiciens vasa duo humore plena, alterum duodecim fere libras, alterum sex, continentia; quarum illae rupto aqualiculo prope umbilicum uno die, hae disruptione juxta eundem locum postridie facta, exierant: ita in biduum medicinam suam divisit natura. Cum aegram jam languidam, & tantum non moribundam deprehenderem, non alia auxilia, quam quae cordi utilia essent, proposui; jussis etiam adstantibus *spiritu vinoso* abdomen fovere, simulque praedicens fore ut propediem moreretur. At mulieri, ne mortuae quidem, vix credendum est. Iterum falsus sum; & post menses aliquot incolumen morboque isto (in quem, quantum scire potui, nunquam denuo incidit) immunem aspexi; vulnera etiam sine ulla praeter eam, quam dixi, medicatione sponte coërant.

FINIS longae hujus charthae erit narratiuncula, ex qua manifestum fiet, naturam quandoque modo etiam ab hoc, quem proxime descripsi, longe alio hujusmodi onere se levare. Mercatorem quendam *ascite* gravatum, una cum alio Medico experientissimo, curabam. Tentatis incassum usitatis remediis, ad parac-

centesim, tanquam ad sacram anchoram, confugimus. Emissae itaque sunt humoris limpidi & tenuis librae circiter viginti. Post aliquot hebdomadas de novo intumuit venter. Convenimus ideo mane Chirurgum abdomen denuo exinanituri. Subridens autem aeger nulla se jam amplius egere curatione dixit; & nudato corpore, abdomen molle laxumque ostendit. Mirantibus & rogantibus, numquid ea nocte per quascunque vias effusum fuisset, respondit, neque per alvum, neque per renes, neque per sudorem sibi plus solito profluxisse. Per glandulas itaque, & exiles meatus, in peritoneo, & membranis vicinis, absorptus fuit totus ille humor. Ipse autem postea Medici cujusdam empirici curae nimis imprudenter se commisit; & ad praecavendum morbum valentissimis catharticiis usus, brevi post, exhaustis viribus, consumptus est. Vix ulla tamen humoris copia in aperto cadavere deprehensa.


JAM DUDUM noverant Anatomici humorem ex ventre in partes circumjacentes absorberi. Si enim aquae tepidae libra per syringem, facto exiguo vulnere, in vivi canis abdomen immittatur; illo post paucas horas inciso, ne guttula quidem ejusdem ibi reperietur. Ita corpus universum tam foras, quam intro, perspirabile est: id quod olim docuit Hippocrates (a) Sed legenda omnino sunt, quae ad hanc rem perti-

(a) Ἐκπνεον καὶ ὑσπνεοῦν ἐκ τοῦ ὅλου τὸ σῶμα Epidem. vi.

tinētia scripsit Medicus doctissimus, Abrahamus Kaav; qui per omnes corporis membranas, tam in sano, quam in morboſo ſtatu, recipi & tranſudare humores oſtendit (a).

(a) In libro, cui titulus, *Perspiratio dicta Hippocrati per univerſum corpus anatomicè illuſtrata. Lugduni-Batavorum, MDCCXXVIII.*





C A P U T IX.

De jecinoris morbis.

PLURIMIS morbis ideo patet jecur, quod bilis multis modis vitium facit, ex qua fere oriuntur hujus visceris mala. Omnium autem frequentissimum est *icterus*; in cujus naturam, quoniam ea, quae super illo tradiderunt auctores, Mihi minus satisfaciunt, paulo accuratius inquirere lubet.

S E C T I O I.

Icterus.

BILIS est sapor quidam naturalis, hoc est; mistura ex oleo, aqua, & sale tam volatili quam fixo composita, ad varios fabricae animalis usus in hepate e sanguine separata. Nil mirum igitur, cum sanguis ipse modis quam plurimis corrumpi possit, humorem hinc interdum officiis suis ineptum reddi. Peccat autem non raro lentore, nonnunquam etiam nimia raritate. Illud ubi est, obstruuntur glandulae huic secernendae aptae, & exigua copia in canaliculos suos derivatus liquor in iis haeret;
in-

inde jecur durum evadit, nascunturque sub ejus tunica congeries albae, saponem crassiores referentes. At non tantum ab impedito bilis transitu propter visciditatem, sed etiam a raritate ejus provenit hic morbus. Sal enim volatilis, quem partim bilem componere diximus, nimis abundat; unde tenuis nimirum & calidus humor intestina plus satis irritat. In priore casu adstrictior est alvus, faecesque crassae, argillae vel luto similes, aegre dejiciuntur; in posteriore diarrhoea, cum febre & liquidis flavisque dejectionibus, assidue sollicitat. Illi morbo obnoxios reddit vita desidiosa, sine debitis corporis exercitationibus acta; salis enim defectu pars bilis oleosa concrevit: hoc plurimum ii laborant, quibus facultates suae inutiles sunt; & qui genio indulgentes vino meraciori corporis humores accendunt.

SED & alia est icteri species, his quas descripsimus causam habens prorsus dissimilem, quae a nervorum convulsionibus originem trahit; nempe cum humor ille subtilis & elasticus, quem vehunt, acritudine & vi nimia praepolens, bilis canales ultra modum constringendo per hepar illam transire non sinit; unde in sanguine exuperans in quascunque corporis partes diffunditur. Tale quid cruciatibus colicis, quin & ictibus viperarum, supervenire jam olim ostendimus (a).

NEQUE adjicere alienum erit, constrictionem

(a) *Mechanical account of poisons, Essay I, edit IV.*

nem non huic similem, sed ab ipsa glandularum in abdomine induratione factam, interdum evenire, jecinore & vesica ejus bile distentis, cum tamen nulla hujus portio in intestina delabi possit. Vidi olim in nosocomio insigne hujus rei exemplum. Vir quidam operarius annorum quadraginta & duorum, cum ante quinque menses ab acuta febre convalesceret, sensit in hypochondrio sinistro inflammationem; qua repressa, in icterum pertinacem incidit, alvo faecibus albis adstricta, brevique periit. In aperto abdomine fluitabant sanguinis, ad sensum saltem, sinceri librae quatuor. Mirantibus unde is effluerat, se visui obtulerunt membranulae quaedam, quasi disrupti sacculi fragmenta, putrido hic loci & corrupto omento. Pancreas autem non scirrhus tantum, sed & cancro, occupatum fuit; ex illo enim inciso in Chirurgi faciem lymphae guttulae aliquot acres adeo & corroderes prorumpabant, ut cutem non secus, ac oleum vitrioli, laederent. Lien etiam scirrhusus erat. Vesica felle maxima, & bile repleta; non flava, sed viscidior, & obscure virescente. Hepar nusquam induratum; & ubicunque infligeretur vulnus, similem humorem profudit. Universas denique corporis partes, membranas, adipem, glandulas, imo ipsam costarum substantiam, colore flavo suffusas observavimus; fibris muscularibus solum exceptis, quae nusquam erant infectae. Ex vesica autem digitis compressa nihil bilis in intestinum effluxit; ita enim, quasi injecto vinculo,

culo, contractus erat, qua ductus hepaticus cum cystico in unum coit, hujus meatus, ut stylum non caperet. Hanc narratiunculam ideo memoravi, ut manifestum fieret, ex causis quam variis, iisque etiam interdum mortiferis, oriatur hic morbus.

MULTIPLEX adeo malum multiplicem curationem desiderat. Ubi alvus cum faecibus coloris cinerei vel albidus est adstrictior, medicamenta *saponacea* cum per se, tum *rhabarbato* conjuncta, necessaria sunt. Cum fusior est, non tam comprimere, quam moderari illam oportet; in primis ope *rhabarbari*, admisto remedio anodyno. Nusquam autem magis conveniunt somno & dolori sedando apta, quam illis in casibus, quos a constrictione canaliculorum, qui bilem ferunt, nervorum convulsionibus orta, provenire diximus. In omnibus autem icteri generibus, si inflammatio adsit, sanguis detrahendus est; quinetiam vomitus plerumque eliciendus.

ISTA, quam dixi, inflammatio saepe in suppurationem vertitur, & fit vomica; ex qua si fertur pus purum & album, salutis spes est, quia malum est in tunica. Sin autem totum jecur ab ea consumitur, lenta febre & anxietate summa diu luctatus moritur aeger. Frequentissimus est, ut a viatoribus accepi, in *India Orientali* dirus hic morbus, & emissio per medicamentum causticum humore, non raro sanatur. Ulcus autem, ut in fonticulis mos est, diu apertum servare oportet. Me-

morat hunc effectum doctissimus Bontius, & curandi modum illi, quem proposuimus, non absimilem diserte satis explicat (a). Quin & eandem Medicis nonnullis olim in usu fuisse, observat Celsus (b).

Ex iis denique, quae bilem ipsam emendant, nihil utilius est illa potione, quae habet *succi limoniorum* drachmas sex, *salis absinthii* drachmam semis, *aquae cinnamomi simplicis* unicam unam, *sacchari albissimi* scrupulum unum; quae etiam, ubi alvus nimis soluta est, auxilio erit, modo somniferis vis ejus irritans rite coërceatur. Propter vires etiam consimiles *elixir vitrioli Mynsichti*, ex *aqua Bathoniensi* aut *Spadana* assumptum, multum commodi adfert.

S E C T I O I I.

Diabetes.

NIMIAM urinae saporis, odoris, & coloris mellei, profusionem, *diabeten* dictam, non renum esse, ut vulgus Medicorum existimat, sed jecinoris morbum, indicibus certissimis jam dudum demonstravi (c) Nolo cramben bis coctam

(a) Vid. *Histor. nat. & medic. Ind. Orient. Lib. II. cap. 8.*

(b) *Lib. IV. cap. 8.*

(c) *Mechanical account of poisons, Essay I. edit. 4.*

etiam apponere; & ea, quae satis, ut opinor, prolixè proposui, repetere. Unicum tantum illis, quae de cura ibi dicta sunt, remedium adjungam, hoc est *serum aluminatum* quod ex *lactis paululum cocti* libris quatuor, & *aluminis* drachmis tribus conficitur. Si hujus enim quarta librae pars ter minimum die bibatur, ad profluvium illud sistendum plurimum valet.


SI quis autem quaerat, unde tanta humoris copia in hoc morbo laborantibus suppeditari possit: Facili sane experimento comperimus, corpora quaedam interdum imbibere, & ad se trahere, ex aëre humidum; quo cum moles, tum pondus, eorum augeatur. Ita *sal tartari* udo aëri expositus in tantum crescit, ut libra una rite calcinata ad libras decem exsurgat. Quidni igitur dicamus, ex sphaera vaporum nos ambiente nonnullos eorum corpus ad illos recipiendos aptum intrare, qui humori aqueo in renes derivando conjuncti copiam ejus accumulent? Quapropter, cum frigidus ac humidus aër hoc malo affectis minime conveniat, calidum certe & siccum, si liceat, eos petere oportet.


RATIONEM autem hic reddere lubet, qui factum fuerit, ut apud antiquos tam raro occurreret hic morbus, ut illum bis tantum se vidisse referat Galenus (a). Id igitur ex more vivendi, quo utebantur, nostro multum dissimili provenisse autumo. Illos enim hoc

ma-

(a) *De locis affectis, Lib. vi.*

malum maxime corripere dixi, qui inertes ac desidiosæ vitam agunt; & luxuria assidue diffluentes, postquam vino meraciori sanguinem & humores accenderint, frigidis potionibus intempestive sitim restinguere solent. Veteres autem, licet plus satis vinosi, prudentiores tamen hac in re sibi cavebant; & inflati venas mero paulatim ad temperantiam redibant, sensim corpus refrigerantes, calidisque aut saltem egelidis liquoribus sitim compescentes,





CAPUT IX.

De morbis renum & vesicae.

PRIUSQUAM ad morborum renum & vesicae medicinam accedam, nonnulla de morbis istis praefari commodum erit; horum enim naturam non dilucide satis videntur explicuisse auctores, cum tamen hanc novisse non parum ad eorum medelam conferat.

OBSERVASSE olim Me memini (sicut alias dixi (a)) in cadaveris sectione pueri quinquennis, quem ad mortem cruciaverant graves nephritidis dolores, varios gradus, quibus calculus in lapideam duritiem concreverat. Op-
pleti erant cum renes tum ureteres materia calculosa, quam cernere erat varias hic illic concretionis formas induisse. Primum mali fundamentum erat aquosus & limpidus humor, quae paulatim lactescens in tenues & ramosas crystallos abiit, quibus in unum coeuntibus accessit tandem lapidis forma & durities.

TARTARUM quoddam hostili coagulatione in renibus genitum calculi esse materiam, non sine ratione, ut opinor, dixit in experimentis chemicis versatissimus Helmontius (b). Quam
qui-

(a) De imperio solis & lunae, pag. 55.

(b) Vid. Supplementorum Paradoxum numero criticum.

quidem opinionem confirmare videtur analysi ejus facta per ignem, cum tartari ex vino Rhénano resolutione comparata. Hujus rei experimentum fecit vir ingeniosissimus, Stephanus Hales (a). Et in tartaro quidem Rhénano comperit tertiam totius massae portionem esse aërem elasticum, calculum vero parte plus quam dimidia ex aëre ejusmodi constare; quam aëris proportionem in nullis aliis corporibus potuit deprehendere.

ANNON igitur conjicere licet, causam hujus morbi proximam esse sales tartareos ex sanguine in canaliculos renales delatos? Salium enim istorum ea est natura, ut subtilissimae illius materiae, quam praeter alias dotes cohaesionis corporum causam esse monstravit illustris Newtonus, magnam quantitatem inclusam teneant (b). Est igitur calculus materia ex terra, maximamque partem ex aëre, in renum tubulis concreta; quae aut in iis haeret, aut in vesicam delabitur. Haec ideo paulo latius exposui, ut, quibus modis medicinam hic facere oporteat, ostenderem.

ET primum quidem, ut venienti morbo occurratur, ne in crystallos abeant sales isti, *lixivialia* dicta *salia* optime prohibitura videntur. Crystallosum autem in calculum concretioni oleosa corpora maxime obstant. Et hoc

(a) *Statical Essays*. Vol. I. pag. 184 & 193.

(b) Vid. *The life of Mr. Boyle, prefixed to his works*, pag. 70.

hoc sane praeceptum tam in victu, quam in medicamentis, locum semper habere debet.

Cum autem eo res devenit, ut expellenda sit per ureteres moles concreta, summa hic prudentia opus est. Peccatur saepissime in usu medicamentorum, quae magna urinam movendi vi pollent; quibus scilicet arenulas simul propelli posse, spe plerumque vana, Medici existimant. Tutius enim plerisque in casibus ea res laxantibus & lubricantibus peragitur; praefertim si, cum vehemens sit dolor, missio primum sanguine, remedia anodyna interponantur. Nunquam enim, dum in magno cruciatu aeger est, foras pellitur calculus; qui, cessante cruciamento, cum fluxu urinae sponte sua fere & insperato interdum exit. Illud inde fit, quod dolor partium fibrillas coarctat; quae, ubi abest molestus sensus, officio suo rite funguntur. Idcirco non sine magno levamine, & interdum commodo etiam majore, *opii* grana tria quatuorve in *decocti communis* unciis quinque aut sex soluta, per clysterem in alvum infundi possunt. Est autem, cum, sedato jam angore, diureticis etiam valentioribus pugnare liceat; ea tamen circumspectione, ut postquam effectum sortita fuerint, iis non diutius insistatur.

ALVUS interim semper laxior esse debet: itaque si adstrictior sit, infusa lotionem ex *decocto communi*, adjecta *terebinthina* emollire convenit; interdum & *infuso senae*, commista *manna*, purgare: neque enim nimis sollicitanda est.

LUBRICANTIA, quae dixi, medicamenta praecipua sunt, *oleum amygdalarum dulcium, syrupus ex althaea, emulsiones ex amygdalis, & consimilia*; quibus adjungendus erit balnei tepidi usus. Inter diuretica autem valentiora *terebinthina & sapo* praestant.

ET his quidem in ipso morbi accessu proficitur. Extra illum autem salutem conducunt corporis exercitatio; in primis equitatio assidua, sed citra fatigationem: cibus ex media materia, quique facile concoquitur: pro potu, aut vinum tenue aqua dilutum, aut cerevisia non lupulata, recens & minime acris; quae, si tempore fermentationis infusa sint *hederæ terrestres folia*, eo jucundior erit & salubrior. Mulsum etiam convenit; nullum enim diureticum melle praestantius est. Hujus cochleare ex cyatho uno aut altero infusionis *radicum althææ* renes, si assiduus ejus usus fuerit, optime purgabit. Vina eligenda sunt, in quibus minimum acoris inest. Aquae levissimæ, purissimæ, & ex fluminibus cursu exercitis haustæ, potui sunt idoneæ. *Damnantur enim, ut ait Plinius, in primis fontes, quorum aquæ decoctæ crassiss obducunt vasa crustis (a).*

MAGNOPERE autem cavendum est ab assiduo illorum medicaminum usu, quæ magna vi urinam cient; praesertim ubi id agitur, ut nullæ fiant in renibus arenularum concretiones: illa enim, quantumvis de iis magna promit,

(a) Nat Hist. Lib. xxxi. cap. 3.

mittant rerum ignari, acrimonia sua & calore partes labefactant & laedunt. Neque temperare Mihi possum, quin dicam in opprobrium nuper Medicis nonnullis cessisse, quod infano pretio redimendi anile remedium magnatibus auctores fuerunt; quo ipsos etiam in vesica calculos in ramenta comminui, & hinc foras per urinam pelli posse, vana spe delusi spondebant. Erat medicamentum hoc ex *sapone calcibusque testaceorum* non unius generis confectum, quod nemo non videt virtute summe caustica pollere. Monstrabatur interea coram populo in rei testimonium calculosa massa una & altera, ex vesica illorum, qui illud assumpserant, exsecta, inaequali superficie & foraminibus hic illic quasi erosa; quas cavernulas notas esse & indicia medicaminis, vim suam exerere jam incipientis, credi voluerunt. At scivisse debuerant, non raro calculos in vesica nasci ita conformatos, ut speciem lapidis hic illic exesi prae se ferant; id quod ipse non semel vidi. Tanta est in lapidibus cujuscunque generis formandis varietas. Et legi quidem velim super omni hac re librum ab Anatomico & Medico insigni circa id tempus editum, utilibus documentis plenum; in quo tum noxae, tum fallacia, hujus medicaminis diserte exponuntur (a).

NIL mirum sane est, legislatores nostros,
cum

(a) *Parsons's Description of the human urinary bladder, &c.*

cum tanta de nova hac, ut dicebatur, medicina praedicarentur, quovis fere praemio illius componendi modum comparare voluisse, ut reipublicae causa in lucem ederetur. Et erat quidem id ipsis laudi, quod hortatoribus culpaе verti debet; quos nosse oportebat, res tam acri virtute praeditas, ut calculos comminuant, non posse, illaesa vesica, in hanc partem illabi. In summa, valet aliquid ad arenulas foras per urinam pellendas ista confectio, at calculos duritiei lapideae nunquam confringere poterit; quin & longus ejus usus magno periculo non vacabit, propter rationes jam expositas. Neque multo tutius erit, licet forma commodius, *lixivium saponarium* ejus loco in potu datum, eandem scilicet ob causam.

VERUMTAMEN cum in re tanti momenti nihil dissimulare, nihil celare oporteat; utilitatis publicae causa, quaedam a doctissimo Roberto Whytt, medico *Edinburgensi*, experimentis comperta memorare juvat (a). Ille enim, cum incommodis, tum interdum etiam noxis, celebris hujus antidoti perpensis, omisso *sapone*, vires quas haberet *aqua calcis*, non calce viva, sed rite calcinatis ostreorum aliarumve concharum testis parata, ita ut librae septem vel octo aquae testarum calcinatarum librae uni affunderentur, experiri voluit. Res ipsi ex voto cecidit; & multo quidem potius calcu-

(a) *Medical Essays, Edinburgh. Vol. v. Essay 69.*

culum solvere hunc liquorem, quam vulgarem aquam calcis, fragmentorum calculorum immersionibus in utraque factis, facile didicit. Modum deinde illam exhibendi ostendit; quatuorque libras adultos, pueros pro ratione aetatis minus, quotidie bibere jubet. Non uno autem exemplo felicem medicinae hujus effectum comprobavit.

OPERAEE pretium certe erit ipsam ejus dissertationem perlegere. Ego interim eo libentius haec adduxi, quod nuper, ut ex ipsius ore accepi, Medicus quidam *Londinensis*, Mihi amicissimus, hac ipsa medendi via mercatorem graviter laborantem morbo eripuit; plurima enim frustula, nunc crustularum, nunc exiguorum nucleorum instar, simul cum urina foras ejiciebantur. Minime autem sperandum, sicut antea dixi, ut lapides ad filicem fere duritie accedentes quovis medicamento comminuantur.

GRATULOR itaque civibus nostris de scientia & dexteritate Chirurgorum nostrorum, qui novam viam tutius & expeditius calculos ex vesica exscindendi adinvenerunt (a). Jam enim non pueri tantum & juvenes, sed & aetate proveciores, sine magno periculo hanc *ἐγχείρησιν* ferre possunt; nec cum major sit calculus, quam ut cervix vesicae, nisi rupta sit, extrahi sinat, illum findere necesse est: id quod reperisse dicitur Medicus *Graecus*, Ammonius, ob id *λιθοτόμος* cognominatus (b).

(a) Vid. *Cheselden's Anatomy*, edit. v. cap. vi.

(b) *Celsus*, Lib. vii. cap. 26.



C A P U T X.

De morbis oculorum.

MORBOS oculorum tanta cum diligentia tractarunt scriptores, ut supervacuum fere habeam de illis quidquam dicere. Ex veteribus in primis Celsus (*a*), ex recentioribus Vopiscus Fortunatus Plempius (*b*), accuratissime eos enumerarunt & distinxerunt. Et ille quidem Graecos auctores tam Medicos quam Chirurgos habuit, quorum opera ad nos non pervenerunt, ex quibus maximo usus iudicio medicamenta quam plurima aptissima felegit; hic vero nova insuper inventa usibus Medicis accommodavit. His tamen adjungi velim librum a duobus summis Geometris, junctis operis, conscriptum; in quo ea, quae ad visum pertinent, plane & dilucide exponentur (*c*). Lectu etiam dignissima sunt, quae de hac materia disseruit Medicus *Edinburgensis*, jam alias a Me laudatus, Porterfieldius (*d*). MI-

(*a*) *Lib. vi. cap. 6.*

(*b*) *Ophthalmogr. Lovanii, MDCLIX.*

(*c*) *A compleat System of opticks, by Robert Smith; LL. D. with an Essay upon distinct and indistinct vision, by James Furin, M. D. Cambridge; MDCCXXXVIII.*

(*d*) *Vid. Medical Essays, published at Edinburgh; Vol. III. pag. 160. & Vol. IV. pag. 124.*

MINI igitur sat erit de ingentibus quibusdam vitiis, quorum natura vulgo non satis perspecta fuit, quaedam monuisse.

S E C T I O I.

De gutta serena.

AFFECTUS gravissimus simul & difficillimus is est, quem ἀμαύρωσις Graeci, sequioris aevi Medici Latini barbara voce *guttam serenam* appellant. Hic ex variis causis nascitur, quarum communissima est arteriarum, quae tunicam *retiformem* dictam perreptant, a sanguine viscidiorē per gradus facta obstructio. Ab ea enim evenit, ut lucis radii, qui rerum imagines in oculi fundo depingunt, in dilatatos hosce sanguinis canaliculos sine effectu incidant; unde visus pro ratione damni aut imminuitur, aut penitus perit. Hunc etiam morbum interdum facit nervorum, ex quibus contexta est haec oculi tunica, resolutio; quippe quae tollit quadantenus eorum sensum, unde lucis corpusculis non ea vi impellantur, ut ad cerebrum res objectas transferre possint. Ipsius denique nervi optici, sive ab humore glutinoso effuso, sive duro tumore ibi nato, compressionem, antequam is a *thalamis* suis dictis exiret in oculos, huiusmodi caecitatem asserre observavi. Id autem spiri-

rituum animalium ad cerebrum meatum intercludendo efficitur.

TOT casibus etiam in uno morbo patent oculi, qui ad usum simul & dulcedinem vitae plurimum conferunt. Quibus igitur modis hos tueri oporteat, jam dispiciendum est.

IN PRIMIS autem mala haec internoscere, & quatenam in singulis signa spem aut metum ostendant, scire expedit.

CANALICULORUM igitur sanguine viscido oppletorum indicium est gradatim superveniens pupillae dilatatio. Haec enim naturae sponte fit, ut incommodum, quod multis lucidis radiis in arteriolas, loco nervosarum fibrillarum, impingentibus visus patitur, solito majore horum numero pensetur. Hinc nervorum resolutio, quae derepente saepe fit, istam dilatationem vix ita patefacit. Effusus vero in ipsum nervum humor, aut sensim agnatus ibi tumor, ampliorem pupillam propter dictam rationem comitem habet.

Vix ulla igitur medicina hos periculo subtrahit, quibus naturalem suam angustiam tuetur pupilla. Idem quoque de iis dicendum est, quibus visum ademit morbus; qualis est intra cranium genitus humor, aut tumor, ipse insanabilis. Qui enim levamen recipere poterit aut subita nervorum debilitas, aut humor, tumorve, propter locum, quem tenet, indissolubilis? Sola igitur, quam primo loco posui, caecitas hujusmodi medicabilis est. Nisi in illa, quam fecit tunicae retiformis resolu-

lutio, spes aliqua salutis per ea forsan effulgeat, quae nervorum resolutioni conveniunt; quorum praecipua sunt aromatica, e ferro parata medicamina, & *gummi foetida*.

QUIBUS autem modis curationem aggredi oporteat, jam proxime dicendum est.

ET viis quidem quibuscunque tollendam esse istam canalium oppletionem, & emendandum sanguinis lentorem, manifestum est. Sanguinem igitur primo, tum e brachio, tum e vena jugulari, detrahare oportet, & vicibus quidem pro morbi ratione iteratis. Neque inutiles sunt cucurbitulae sub ipso occipitio, factis profundis incisuris, collocatae; ut hac via ex cerebri sinibus, qui *laterales* dicuntur, cruor emittatur. Cathartica etiam dare, ex iis praecipue, quae crassos humores expurgant, necessarium est. Cum autem nihil ad incidendos, & foras pellendos, tenaces & viscidos humores hydrargyro valentius reperiat, *mercurium sexies sublimatum* aliis purgantibus adjungere; vel potius, hoc per se assumpto, post paucas horas lene aliquod catharticum propinare, commodissimum erit.

ET haec quidem, incipiente jam & recenti malo, saepe fatis ad votum cedunt; inveterascens autem morbus potentius auxilium desiderat, copiosam nimirum medicamenti hujus ope, parva copia & brevibus intervallis per os sumpti, factam salivae irritationem. Singulare enim & eximium pondus, quo pollet metallicus hic liquor; uti & natura ejus,

H

quæ

qua in minutissima corpuscula facile separabilis est; faciunt, ut intimos quosque corporis recessus subeat ac penetret, haerentesque in his fordes abstergat, &, quacunque datur porta, foras ejiciat.

Hoc Ego usus experimento, dum juvenis adhuc medicinam facerem, pauperibus primum in nosocomio, deinde & aliis, visum vitaeque solamen reddidi; laudantibus Medicis, qui ad id usque tempus malum hoc, cum invaluerat, immedicabile esse putarant. Consilium autem rei hujus periculum faciendi ideo cepi, quod ex optices scientia didiceram, corpuscula quaedam in humore oculi, *aqueo* dicto, natantia, morbi hujus causam esse (quae vulgus erat opinio) non posse; utpote quae ob nimiam viciniam imaginem sui in oculi fundo delineare nequeant. Alia igitur causa quaerenda fuit; quam an veram repererim necne, penes rerum mathematicarum peritos judicium esto. Mihi profecto, quantum ad medicinam recte faciendam conferat vera mathesis, hoc invento illustre documentum dari videtur.

SECTION II.

De suffusione sive cataracta.

NON parvum vitae taedium affert visus defectus, Graecis *γλαύκωμα*, Latinis veteribus
suf-

suffusio, recentioribus *cataracta* dictus. Is est quaedam humoris crystallini obscuritas, qui ex pellucido in glaucum colorem plerumque mutatur; unde lucis radiis transitus ad fundum oculi prohibetur.

EXISTIMARANT omnis aevi Medici caecitatem hanc originem trahere a membrana quadam, praeter naturam hic conrescente, quae veli instar humori crystallino obtenderetur; visumque restitui, hac membranula acu depressa. At nostro demum saeculo patuit error iste. Dissectis enim post mortem tam oculis illorum, qui hoc vitio affecti nunquam diutam curationem experti fuerant; quam aliorum, quibus illa *εγχεσις* bene cesserat: nulla apparente membranula, compertum est, ariditatem, duritiem, & opacitatem pellucidi istius & globosi humoris morbum hunc genuisse (a).

RETICENDUM autem non est, deprensam fuisse aliquando, sed rarissime, manu Chirurgi veram membranulam (b). Hoc nuper docuit peritissimi apud nos Anatomici & Medici, Thomae Lawrence, solertia; qui tegumentum quoddam membranaceum pupillae obductum ex infantis corpore, cera etiam liquidissima repletis arteriis id perreptantibus, Mihi ostendit

(a) Vid. *Antoine Maitre-Jean, Traité des maladies de l'oeil. A Troyes, MDCCVII.*

(b) Vid. *Histoire & memoires de l'Academie Royale des sciences. A Paris, MDCCVIII.*

dit. Hinc itaque didici, etiamsi certissimum sit ipsum crystallinum humorem in longe plurimis hujusmodi casibus acu Chirurghi loco suo dimoveri; posse tamen interdum fieri, ut membranula quaedam deprimatur, quae infortunio aliquo ariditatem forte contraxerat.

SOLA igitur Chirurghi expertissimi manus hic opus est. Suffusionis autem quaedam maturitas expectanda est, rerumque circumstantium habenda ratio; ex quibus, an satis opportunus curationi sit oculis, dignosci queat.

S E C T I O I I I .

De albugine oculi.

HAUD leve malum quoque est oculi albugo, a qua plus minusve laeditur visus, prout majorem minoremve tunicae corneae portionem eo loci, quo pellucida est, vitium hoc occupaverit. Interdum enim in extima tantum hujus membranae facie sedem figit; interdum parti interiori, nunc altius, nunc minus profunde inhaeret.

ORITUR autem ut plurimum ex inflammationibus, effuso inter tunicae hujus membranas humore; & maxime quidem in variolis, suppurantibus hic loci morbi pustulis.

DUOBUS ipse modis istud lucis impedimentum amovendum curavi, altero in exteriori,
al-

altero in interiori malo usus. In priori casu pulverem hujusmodi adhibui. *Vitrum commune* mortario impositum in pollinem tenuissimum terebatur, qui *sacchari canti albi* pari portione commistus, multo labore super marmor laevigabatur. Pulvisculi hujus aliquantulum, in oculum ope calami indies immisum, vi sua incidendi paulatim maculam abstergit & abradit. Alter, quem dixi, modus labeculam hanc tellendi is est, ut solers & cautus Chirurgus illam scalpello gradatim & quotidie excidat; ex lamellis enim sibi superincumbentibus conficitur haec tunica, crassa & firma satis, quae particulas aliquot abscindi patiatur. Pulveris istius ocularii usu multos sanatos vidi; corneae vero resectionem semel tantum, aut bis felici cum eventu expertus sum. Sed satius est anceps remedium experiri, quam nullum.

Ordorum vires.

DE reliquis sensibus vix quidquam magni momenti occurrit, quod proponam; paucis quibusdam, quae ad *olfactum* pertinent, exceptis. Cum quotidie enim magnam odorum vim tam ad laedendum, quam juvandum, corpus nostrum experiamur; de hisce quaedam breviter saltem dicere non erit inutile.


ET primum quidem vis horum nociva in morbis, qui contagione serpunt, inferendis satis manifesto se prodit. Humorem enim subtilissimum, ex impuro & jam corrupto corpore

pore prodeuntem, spiritu attractum sanum habitum inficere, minime dubitari potest. Quin & saepissime hinc caput doloribus tentari, & stomacho, vitiata saliva, nauseam concitari nemo non sentit. Contra autem vires nostras plurimis in casibus maxime reficere res odoriferas notissimum est. Idque fit, aut excitatis, quum oppressi erant, spiritibus animalibus; aut recreatis per res ejusmodi, quae tenuem fumum naturae gratum & amicum emittunt, naribus admotas. Sunt enim quasi spirituum animalium pabulum hujus generis corpuscula.

OMNIUM autem, quae haecenus innotuere, corporum odoriferorum valentissima sunt *spiritus & sales volatiles* dicti, vi ignis ex animalium partibus elicti; hisce proximae animales illae glandulae, quae *castoreum, moschus, & zibethum*, appellantur. At illud fortassis jure mirum videatur, quod non omnia omnibus aequae conveniunt hujusmodi corpora. Multos enim mirifice reficiunt *moschus & zibethum*: cum alios videmus, quos pessundat fere, & aegritudine cum animi deliquio turbat, horum fragrantia; quos tamen recreat *virosum castoreum, & asa foetida*. Id discrimen, ut opinor, facit dissimilis inter eos fluidi liquoris, qui nervos irrigat, habitudo; Natura ipsa, quatenus singulis aut profutura essent, aut nocitura, monstrante. Neque ullus dubito, quin sensum harum rerum efficaciae nervorum humor menti impertiat. Ita nimirum sapienter simul & benigne fabricam nostram instruxit Supremus

mus rerum Conditor; ut, quae salutaria sunt ad vitam, aut ad sobolem propagandam necessaria, sint simul jucunda, & cum sensuum voluptatibus conjuncta. In hisce tamen omnibus modum semper servare oportet, ne voluptatis illecebrae in noxam & detrimentum tum animi tum corporis cedant.





C A P U T X I.

De podagra.

PODAGRA illorum hominum, qui plus satis genio indulserunt, plerumque morbus est; in quo Natura ex onusto corpore id, quod sibi inimicum est & noxium, in articulos protrudere nititur. Est itaque pro morbi liberatione potius, quam pro ipso morbo, habenda haec affectio; unde magnopere cavere ac providere oportet, ut effectum fortiatur iste conatus. Minime igitur mitigandus est quibusvis medicamentis externis dolor. Si hoc enim tentetur, in partes vitales puncto temporis transit humor morbidus, & de vita maxime periclitatur aeger; documento sane insigni ad subtilissimum quemdam & actuosissimum liquorem, qualis est nervorum succus, turbidum hunc in corpore motum pertinere. Sin forte ignea colluvies ista intempestive retrocedat, totis viribus contendendum est, ut in partem, quam prius occupaverat, revertatur. Id efficiunt sanguinis missio; cathartica calidiora, quae non vehementer ventrem moveant; medicamenta cordi utilia; maxime vero vesicatoria membris imposita, habita semper loci affecti ratione. Nihil enim optabilius est, quam ut partibus externis, quas jam tenuit, per dies bene multos salutare id malum insadat; quia
dis-

difficulter ejicitur ex corporis interioribus novus hospes, ac semel admissus male partam possessionem ingratiis tuetur: ut recte fortasse dici possit, solam podagram podagrae mederi.

SEDES hujus morbi sunt ipsa articulorum vincula; & tendines musculorum, qui motibus eorum inserviunt; cum membranis, quae ossa circumvestiunt. In has partes delapsus succus vitiosus acrimonia sua graviter pungit & vellicat; hinc oritur inflammatio, & transfundantibus ex minimis arteriarum & nervorum ramusculis liquoribus tenuissimis, fit tumor dolorem afferens. Dolore enim pro instrumento utitur Natura; qui, quo acrior est, eo breviori tempore & tutius munere suo fungitur. Nonnunquam enim, quasi officium detrectans, lente id agit; & pro vario corporis habitu, perinde ac si medicinam suam divideret, in plures dies cruciatum protrahit. Subsidente autem tumore, effusi humoris pars, quae per cutis meatus exire non potuit (ex exigua sane ejus portio hac via exhalatur) in venas & lymphae canales absorbetur: dum id, quod crassissimum est, membranis adhaeret; & singulis doloris circuitibus cumulatus, interdum in duritiem quasi cretaceam concrescit, sensimque articulos opplet & contundit.

Quod ad remedia spectat, alia esse debent in ipsa accessione, alia extra illam. Quietem corpori impetrat ipsa ad motum impotentia. Victus, si febris adsit, erit qualis in acutis; sin minus, ex media materia concedi potest.

Stomacho enim, ut dixi, ac viribus prospicere oportet. Et animadvertendum est (quod in alio morbo vix contingere vidi) ubi hanc partem corripuit morbus, quasi torpore quodam & frigoris sensu mirum in modum affici ventriculus: ita ut vinum sit pro aqua; & liquores calidissimos, quales sunt *spiritus*, quos vocant, ex vino elicti, is expetat & facile ferat. Rei igitur hujus ratio est habenda, & potui danda non solum vina meraciora satis magna copia; sed & spiritus vinosi, *radicis serpentariae*, *zingiberis*, vel etiam *allii nucleorum*, maceratione efficaciores facti. Quin &, his parum valentibus, ipsos *serpentariae*, *zingiberis*, & *piperis longi* pulveres, *confectione cardiaca* dicta commistos, devorare commodum erit.

DISQUIRUNT Medici, annon, urgente in articulo intolerabili cruciatu, venam secare liceat. Meminisse autem oportet, dolorem hunc ad partem tumefaciendam summe necessarium esse, ideoque patienter perferendum. At nihilominus tamen, cum certum sit separationibus ex sanguine, quae salutis causa sponte naturae fiunt, nimium obstare calorem; si febris sit vehemens, & praesertim si adsit delirium aut spiritus difficultas, sanguinis detractio non solum dolorem aliquantum leniet; sed & exitum humoris feliciter promovebit (a). Et illam fane etiam repetere opus erit, ubi capitis sopore affecti notaeprehenduntur. Saepissime enim

(b) Vid. *Librum De variolis*, cap. III.

enim animadverti Medicos ab ista exinanitione nimis metuere, ne scilicet humoris propulsioni in articulos officeret. In summa, sanguinis missio id plerumque efficit, ut morbus locum, quem jam tenet, deferat & relinquat; quod quidem quanto cum commodo multis in casibus fiat, manifestum est. Anodynorum autem usus, nisi forte vomitionis aut alvi dejectiones sollicitent, concedi non debet. Neque, ut id semel moveam, bene ferunt cathartica podagrici; nisi, finito jam paroxysmo, ad expellendas, quae tumorem faciunt, morbi reliquias.

Plus difficultatis & momenti habet quaestio de vitae regimine, quo quis tormentum hoc avertat, & eo se prorsus immunem praestet. Et primo quidem illud perpendere oportet; num tuto satis, & cum bonis aegri rebus, id fieri possit. Quibus enim aetate jam provectioribus per multos annos reverti consuevit morbus; his, si non omnino invadat, pro articulis praecordia infestantur, crurumque insuper robore destituti vitam saepe in reliquum miseram transigunt: id quod illis non semel contigisse vidi, qui lacte & oleribus contenti cibis aliis omnibus se abstinerunt.

Siquis igitur hujusmodi quidquam tentare ac periclitari velit; is juvenis esse debet, & qui nondum morbum hunc, nisi forte bis vel ter, perpeffus sit. Illi vino & cerevisiis omnibus prae fracte interdicendum est. Aqua pura sitim sedet. Lacte, & ex illo paratis eduliis, oleribusque vescatur; semel autem de die teneris
car-

carnibus, quales sunt pullorum, gallinarum, & cuniculorum, interdum & piscibus fluviatilibus, famem compescere licebit. Corpus exercitationibus assiduus, sed non vehementibus, movendum erit. Nonnullos novi hoc vivendi more securitatem totius vitae consecutos esse; & ne vel minimum quidem podagra vexatos ad viridem senectutem, eamque etiam jucundam, perductos. Tantum prodest secundum naturam, id est, temperanter aetatem agere. Et hoc vitae genus illi praecipue experiri debent, ad quos vitio parentum, non suo, jure quasi hereditario descensurus expectatur hic morbus; ne semina ejus, sanguini & nervorum liquori inhaerentia, fructum injucundum tempori ferant.

CONCLUDET hoc caput unicum illud monitum, quod licet verissime modo dixerim, *pro morbi liberatione potius, quam pro morbo, habendam esse hanc affectionem*: interdum tamen, praesertim in senectute, gravissimum est malum; cum, fractis jam viribus, debilitatisque membris, corporis motiones perduntur, & magna vitae jucunditas perit. At vero, ut aliae quaecunque aerumnae, ita & haec patientia levior fit. Et in mediis cruciati- bus illud forsan, quod Sydenhamo fuit, solatio esse poterit; *ita vixisse, atque ita tandem mortem obivisse, magnos reges, dynastas, exercituum classiumque ducos, philosophos, aliosque his similes haud paucos* (a).

(a) *Tract. De podagra.*



C A P U T XII.

De doloribus articulorum.

PODAGRAE affines sunt illi dolores, qui cum inflammatione & tumore articulos invadunt. His, sanguinis missionibus, vesicatoriis partibus affectis admotis, & nisi febris urgeat, purgationibus mederi oportet. Si nulla, vel levis tantum, febris adsit, *gummi guajacum cum cinnabari antimonii* conjunctum, ita ut utriusque pares sint portiones, cum ad ventrem laxandum, tum, ad humorum acrimoniam retundendam, utilissimum erit; eo modo datum, ut bis die saltem alvus dejiciat.

HORUM omnium saevissimus est dolor, quem Graeci *ισχιάδα* appellant, quod coxasprehendit; eoque difficilior est, quod fere post longos morbos, vi pestifera huc se inclinante, hanc partem corripit. Malum hoc, ubi inveteraverit, femur cum crure debilitat, & aeger claudicat; interdum etiam femoris caput extra coxam elabitur, & femur ipsum protinus contabescit.

NON multum hic juvant cucurbitulae, aut vesicatoria parti imposita; altius enim membranis os circumcingentibus infixus haeret molestus humor, quam ut his extrahi possit. Efficacius est *epithema volatile* dictum, aut emplastrum

strum ex *pice Burgundica*, addita *euphorbii octava* circiter parte, cum *terebinthina Veneta*, quantum satis erit, compositum.

NIHIL autem tantum levamen adfert, in pertinaci praesertim morbo, ac *setaceum* (a), sub locum affectum, ut materia inutilis evocetur, immissum. Sin autem vulnus ejusmodi minus necessarium videatur, aut nimis acerbum; *fonticulum* saltem in femoris dolentis parte interna supra genu medicamento caustico inurere maxime ex usu erit; ita tamen, ut ulcus id non fanetur, sed diu trahatur, donec id vitium, cui per hoc opitulamur, conquiescat. Celsus (b), Hippocratis exemplum secutus (c), candentibus ferramentis, tribus aut quatuor locis super coxam, cutem exulcerare praecepit. Quaquidem medicina nulla foret efficacior; utcumque enim terreret ignis aspectus, breviori cum dolore, quam infert medicamentum causticum, peragi posset.

FRICATIONE quoque utendum est, & eodem die saepius, quo facilius ea, quae coëundo nocuerunt, digerantur; ipsisque praecipue coxis, si fieri possit, adhibenda est. Aqua autem calida partem affectam fovere plerumque nocet; fibris enim illa relaxatis, augetur dolor.

SED ad interna auxilia tanseundum est. Horum

(a) Vid. supra, *Cap. De insania*, p. 51.

(b) *Lib. IV. cap. 22.*

(c) *Aphor. VI. 60.*

rum praecipuum, detracto primum sanguine, est purgatio per alvum. Catharticum potentissimum est, aut *mercurius dulcis sexies sublimatus*, aut *electarium e scammonio*; quod pro viribus saepe repetere convenit. Diebus autem, quibus non exinanitur corpus, per ea, quae simul urinam cient, & alvum movent, morbi vis minuenda est. Ex his *tincturam guajacinae volatilem*, vel *balsamum guajacinum*, omnibus praepono.



C A P U T XIII.

De morbis cutis.

NIHIL jam dicam de *exanthematibus*, quae per febres prorumpunt; uti nec de *pustulis* & *maculis*, quae in foedo corporis habitu cutem inficiunt. Haec omnia, suis quaeque locis, sunt exposita (a). Morborum autem omnium, qui summum corpus occupant, foedissimus est *lepra*. Ea duplicis est generis; alterum *Graecorum*, alterum *Arabum* nominant. De utroque, tum quae ad naturam, tum quae ad curam mali spectant, quantum ad rem satis est, alio in libro differui (b).

De scabie.

Huic vitio foeditate proximum, at origine plane diversum, dicitur *scabies*. Est autem aspritudo cutis rubicundior, unde pustulae oriuntur, ex quibus exit sanies; fitque ex his continuata exulceratio pruriens, quae cito contagione serpit. Animatus revera dici potest hic morbus, utpote qui animalculis ortum suum debeat. Etenim insecta quaedam adeo exigua, ut

(a) Cap. De febribus, & De scorbuto.

(b) Vid. Medica sacra, Cap. II.

ut aciem oculorum, nisi microscopio adjuvetur, omnino fugiant, in cuticulæ sulcis latentibus, & fere invisibilibus, tanquam in nidis, ova sua deponunt; tum calore loci foetus brevi excluduntur, qui justam magnitudinem nati, ipsamque cutem rostris aculeatis penetrantes, fibrillas vellicant roduntque. Morsus iste pruritus intolerabilem facit, unde scalpendi est necessitas; hinc sculptura pars lacerala humorem tenuem effundit, qui ipse in crustulas duriores mox concrevit. Animalcula autem subter cutem assidue repentina de loco in locum, morbum propagant, dum ovis contagium longius effertur.

MANIFESTUM hinc fit, cur linteis, vestibus, chirothecis, similibusque, quibus usi fuerint contaminati, hoc malum in corpora sana transferatur. Ovula enim rebus hujusmodi ex molli materia confectis adhaerentia cuti affricantur, & exclusa sordidam prolem edunt.

Id vero majoris est momenti, quod causæ cognitio morbi medicinam monstrat. Nihil enim hic proficiunt purgantia, aut quæ ad sanguinem emendandum dantur medicamenta. Externis adjumentis res agenda est; delenda scilicet impura progenies, quod facili negotio perficitur. Tepido igitur in balneo corpore primum lavato, inungendae sunt quotidie sub tempus lectum petendi partes affectae, aut unguento e sulphure, aut quod odore minus ingratum, e mercurio præcipitato conficitur; nisi quis malit linimentum componere longe gratissimum,

simum, parique efficacia, ex *floribus aurantiorum*, vel *rosarum rubrarum*, adjecto *mercurio corrosivo rubro*, cum *axungia* contusis.

HAEC, quae dixi, omnia in *Artis Regalis* nostrae *Societatis* habentur (a). Edidit enim anno MDCLXXXVII Medicus ingeniosus, Johannes Cosimus Bonomo, *Epistolam* Italico sermone scriptam ad celeberrimum Franciscum Redi, Florentinum, *De vermibus corporis humani*; in qua totam hanc rem, adjunctis etiam animalculorum cum ovulis suis figuris, dilucide exponit. Hujus Ego, cum decem circiter post id tempus annis per *Italiam* iter facerem, exemplar nactus epitomen lingua nostra composui, quam in patriam redux *Artis* memoratis inserendam curavi.

(a) Vid. *Philosophical Transactions*, Numb. 283.





C A P U T XIV.

De strumis.

DIFFICILIS morbus est is, quem Latini *strumas*, Graeci *χοιρᾶδες* appellant, glandularum scilicet duri tumores Eae fatigare Medicos solent, quoniam & febres interdum movent, nec unquam facile maturescunt; & sive ferro sive medicamentis curentur, plerumque juxta cicatrices resurgunt, & longo spatio detinent. In cervice maxime nascuntur, item in alis, inguinibusque; praesertim in pueris. Interdum vero in pectus, & in mammas foeminarum, perveniunt. Denique in pulmonem haud raro confluit humor, eoque vitiato, supervenit phthisis. Et profecto, si verum dicere liceat, in nostris saltem aliisque borealibus regionibus a strumis ut plurimum oritur illa pernicies. Eo autem terribilius est hoc malum, quod a parentibus in prolem saepe transit; & hereditate, quam cepit, haud facile se privari finit.

PERTINACI itaque & periculoso huic morbo omnibus modis occurendum est; sanguinis missionibus, purgationibus, & eis, quae ad viscidos, falsos, atque acres humores emendandos sunt apta. Catharticorum optimum est *mercurius dulcis sexies sublimatus*, quem in pue-

rorum usum cum *rhabarbaro* conjungere convenit; adultioribus vero per se dari potest, potione leni purgante post aliquot horas exhibita. Huic viribus proxima est *radix jalapii*. Aquae etiam nostrae purgantes, quoniam glandulas simul emundant, ventremque solvunt, accommodae sunt. Neque denique inutilis est tam in hoc morbo, quam aliis, qui a viscidis humoribus nascuntur, pilula singulis noctibus assumpta, quae ex *mercurii sexies sublimati*, & *sulphuris antimonii praecipitati*, singulorum grano uno, & *aloës Socotorinae* granis tribus vel quatuor, adjecto *syrupo balsamico*, conficitur.

QUAE autem pravitatem hanc sanguinis & humorum corrigunt, pleraque sunt ex eo genere medicamentorum, quae urinam movent; qualia sunt, *spongia ad nigredinem usta*, *saldiureticus*, & *tartarum vitriolatum*; quae eo sunt commodiora, quod alvum simul aliquo modo laxant. Neque inutilis est *aqua calcis minus composita*. Ego sane pulverem ex *spongiae ustae* scrupulo uno, *nitri purissimi*, *coralinae*, & *sacchari albi*, singulorum scrupulo semis, bis die sumptum, cum dictae aquae cyathis tribus quatuorve, ex usu esse saepissime comperi. Sin autem corpus macilentum sit, aquae isti par *laetis* mensura commisceri poterit. Propter vim etiam diureticam aliquid ad sanitatem conferunt *millepedae*; vivarum potissimum succus, cum *nucis Moschatae* aliquantulo contusarum, commisto vino tenui, expressus, melleque aut *saccharo* gratior factus

DIAETA

DIAETA neglectui esse non debet. Carnibus ex media materia, & piscibus fluviatilibus, conchis maxime, vescatur infirmus. Salsamentis & condimentis omnibus abstineat. Aquam bibat fluvialem, etiam coctam; putealem, aut stagnantem nunquam; minime omnium nivofam. Loca enim montana, *Alpes* praecipue, incolentibus gutturis glandulas naturae tumefieri videmus. *Fonticulis* etiam peccantem materiam exhaurire prodest. Caelum quoque mutare saepe in salutem cedit, in primis si morbi in pulmonem ruituri sit metus; ita tamen ut regionem nec calidam nimis, nec frigidam, nec tempestatum variationibus insalubrem, petat aeger.

ILLUD denique in hoc morbo quantumvis pertinaci notabile est, quod nonnunquam per aetatis & habitus corporis mutationes, in juvenibus praesertim, ita sponte sua definit, ut integra sanitas restituatur. Ea res, ut opinor, *tactum sanantem regium*, quem vocant, in morem primum induxit. Cum enim istam mali hujusce naturam deprehenderent homines astuti, facile existimarunt rem gratam se Regibus facturos, si illis persuaderent, ut ritu solenni, adjunctis sacerdotum precibus, virtutis suae hac ederent experimentum; quo scilicet populi reverentiam sibi conciliare, & jure divino, si diis placet, datum sibi imperium evincere possent. Nil mirum igitur si fides dictis haberetur, & putarent interdum ipsi Reges caelitus sibi concessam istiusmodi potentiam; cum

*Nihil est, quod credere de se
Non possit, cum laudatur, dis aequa potestas (a):*

Mundus quoque vult decipi; & res interdum ex voto cadebat, cui vis imaginandi, quæ permagna est in morbis sanandis, haud parum tribuit. Hinc Reges nostri (nisi forsan cum princeps aliquis sapientior sceptrum teneret) in credulum vulgus beneficium hoc jam diu humaniter contulerunt. Reges autem *Galliae* ante nostros se donum istud eximium divinitus habuisse jactant.

(a) *Juvenal. Sat. IV. vs. 70.*





C A P U T XV.

De scorbuto.

SCORBUTI nomen apud auctores Medicos morbum designat adeo multiplicem, & facie diversum; ut non idem, sed alius atque alius esse videatur. Nullo non tempore in septentrionalibus regionibus popularis fuit, eo saevior, quo illae oceano propius adjacent: idcirco Danos, Norvegos, & maris Baltici accolae maxime infestat; neque eo immunes sunt Germani, Belgae, nostrique homines (a).

INCIPIT autem hoc malum a foedis in ore cruribusque ulceribus; unde Plinio *stomacace* & *sceletyrbe* dicitur (b), qui sceleribus aquarum imputat, & auxilio repertam fuisse *herbam Britannicam* (quae nobis *hydrolapathum nigrum* appellatur) memoriae prodidit. Sed & ipsi Hippocrati jam olim innotuit, a quo *πλὴν μέγας*, *lien magnus*, vocatur; & pariter a frigidis, crudis, turbidisque aquis epotis oriri dicitur (c).

ME-

(a) Vid. *Eugalenum De scorbuto*; sed in primis *Sennertum, Lib. III. Part. v.*

(b) *Nat. Hist. Lib. XXV. sect. VI.*

(c) Vid. *De internis affection. Sect. XXXIV. & De aëribus, locis, & aquis, Sect. X.*

MEMINI Me vidisse in nosocomio hujusmodi castris in viro rustico mediae aetatis, qui in insula *Toriapis* Ptolemaeo dicta, nunc *Sheppey*, vitam agerat. Is locus tam caelo turbido & humido, quam aquis insalubribus, infamis est. Et quidem conjectari licet, Romanos milites, postquam, duce Claudio Caesare, in *Britanniam* transmissi erant, atque hanc insulam cum locis vicinis occupaverant, morbo hoc correptos, monstrantibus incolis, herbam *Britannicam*, quam auxilio repertam fuisse dicit Plinius, comperisse, & a regione id nomen dedisse. Scimus enim Imperatorem illum a Gessoriaco, quod in *Gallia* oppidum est, nunc *Boulogne* dictum, ex adverso Cantii nostri, hanc in terram milites exposuisse (a). Huic parem historiam narrat Strabo de Romano exercitu apud *Album Pagum*, quem, duce Aelio Gallo, Augustus Caesar in *Arabiam* misit. Dicit enim illum oris & crurum vitiis, morbis nimirum regionis istius indigenis, qui *stomacace* & *sceletyrbe* vocantur, suntque resolutio quaedam ab aquis & herbis proveniens, tactum fuisse (b). Minime autem dubito, quin aër insalubris marinus, cibus pravius, cum aquis noxiis, caelum illud hisce vitiis obnoxium reddiderint; ex Ptolemaei enim

(a) Vid. Sueton. vit. Claudii Caes. cap. xvii.

(b) Στομακάκη τε ἢ σκελετύρβη πειραζομένης τῆς στρατίας ἐπιχωρίοις πάθεισι, τῶν μὲν περὶ τὸ σῆμα, τῶν δὲ περὶ τὰ σκέλα παραλυσίη τινα δηλούντων, ἢ τε τῶν ὑδρείων, ἢ τῶν βοτανῶν, Geograph. Lib. xvi. pag. 781. ed. Paris. 1620.

enim *Geographia* liquet Album Pagum ad sinum Arabicum situm fuisse. Sed haec obiter. Rusticus ille, quem dixi, malo corporis habitu cum febre intermittente abnormi laborabat; accedebant crurum ulcera mala, in utraque nimirum tibia. Ab assumptis medicamentis, quae scorbuto conveniunt, amaris scilicet & urinam moventibus, convalescere videbatur: ulcerum enim alterum ope Chirurgi jam impletum erat; alterum vero, dum sanescebat, ex improvviso tenuit gangraena, & concisa carne, ne latius serperet malum, aeger subito mortuus est. Dissecto abdomine, mox oculos rapuit ingens lienis moles forma naturali, sola magnitudine aucta; neque color mutatus erat, nec mollitiem tumor aut scirrhus vitiat. Pendebat autem libras quinque cum quarta librae parte, cum hepar quatuor tantum libras totidemque uncias pondere aequaret. Substantia denique, quae visceris hujus natura est, laxis fibris suffusum nigrum cruorem visui obtulit.

Ab ulceribus istis supra memoratis os ipseque spiritus male olet; gingivae vitiantur, sublividae & nonnunquam subatrae redduntur, ac digito vel leviter pressae atrum cruorem emittunt; eademque sic laxae sunt, ut a dentibus discedant, quos facile omnes interdum eximere liceat. Interea maculae lividae, tanquam vestigia suggillationum, variis corporis locis efflorescunt; in brachiis scilicet, in coxis, in cruribus, saepeque per universi corporis cutem, adeo ut haec quasi ictero foedata videatur.

tur. Tormina quoque ventrem discruciant. Et ne levia quidem praetermittam, ab intestinorum doloribus nomen suum, tum Latinum tum Anglicum, traxisse videtur iste affectus, a voce nimirum Saxonica *schorbock* vel *schor-buck*, quae illa lingua ventris lacerationes denotat.

PRAETER insalubres aquas cibos etiam in partem nocuamenti trahunt auctores, falsamenta nimirum & legumina; quae, cum sint difficilis concoctionis, crassum minusque commodum nutrimentum corpori suppeditant. At causam tamen magis universalem adhuc non videntur fatis attigisse. Illa autem aër est usibus vitae minus idoneus, qui in pulmones receptus plurimum noxae adfert. Id in longis navigationibus maxime manifestum est, in quibus nautas saevissime corripit haec lues. Cujus rei illustre exemplum praebuit *Historia* nuper edita itineris marini, magni nostri ducis Ansoni, qui totum terrarum orbem circumnavigavit; in quo tertia fere pars nautarum hac calamitate consumpta periit, maloque adeo evecto, ut etiam in fractis ossibus calli, qui diu induruerant, quasi compage jam recenter rupta, mirandum dictu! dissolverentur (a). Est profecto in hisce casibus summa humorum omnium corruptio, & quaedam putrefactio; sanguinis mistura eo usque vitiata, ut quacunque parte emissus nihil pur-

(a) Vid. *Anson's Voyage round the world*, London, MDCCXLVIII.

purpurei coloris habeat, sed atram & coenofam colluviem referat. Quibus autem modis ita corrumpant & putrefaciant humores dictae jam causae, non difficulter cognoscet, qui proprietates legesque motus in fabrica animali perspectas habuerit. De illis enim ut pluribus hic agam, eo minus necessarium videtur, quod in libello nuperrime edito eas fusius exposui; ubi commoditates & usum *machinae Suttonianae* ad extrahendum e navibus aëra inquinatum, alatis etiam documentis, ostendi (a).

Quod ad curam attinet, facilius multo est morbo huic venienti occurrere, quam illum depellere; cum enim corpori semel infederit, difficillime medicinam sentit. Optimum autem medicamentum est aër salubris opportune inspiratus, cum apta diaeta. Cum primum igitur quis aegrotare coeperit, si forte sit in mari, quam citissime fieri poterit, mutandum est caelum, & pro marino terrenus aër hauriendus; sin in terra sit, rus amoenius petere, & aëre aperto ac sereno frui debet. Uterque vero aut carnibus recentibus vescatur, & ex materia tenerrima: aut potissimum herbis, tam iis, quae sale volatili gaudent, quales sunt *cochlearia*, *nasturtium*, *becabungà*, & his consimiles; quam illis, quae succum frigidiorum praebent, cujusmodi sunt, *acetosa*, *endivia*, *lactuca*, *portulaca*, & id genus aliae. Et has quidem

(a) *An Historical account of a new method for extracting the the foul air out of ships*, London, MDCCXLIX.

dem omnes utriusque generis alias aliis miscere, & temperare inter se, saepe erit utile. Maxime autem juvabit fructus subacidos, *mala citrea, aurea, punicaque* frequenter, comedendo stomachum pariter, ac corporis humores, refrigerare & astringere.

At operae pretium erit ipsam *Narrationem* itineris modo dicti pervolvere; quae multa sane Medicis scitu utilia, omnibus lecto jucunda, variosque casus ac rerum discrimina ju to ordine, styloque eleganti descripta complectitur. Neque laboris fortassis illum poenitebit, si quis velit ea pervolvere, quae, cum *machinae Suttonianae* utilitates exponerem, ipse de hoc morbo conscripsi. Leget ibi historiam maxime memorabilem de *Nauta* quodam *Batavo*; qui cum in nave ad *Groenlandiam* appulsa hoc malo jam fere consumptus esset, herba tamen *cochlearia* pecudum more pastus, restituta sanitate, in patriam firmis viribus rediit.

His, quae fusius fortasse diximus, illud denique adjungere non inutile erit: quod sanguinem, si ex quavis parte profluat, id quod non raro fit, *elixir vitrioli Mynsichti*, *aqua fontana frigida* commistum, ac subinde haustum; vel interdum etiam *tinctura styptica*, eodem modo assumpta, commodissime supprimet.



CAPUT XVI.

De malo hypochondriaco.

NON unam aliquam sedem habet malum , quod *hypochondriacum* dicitur , sed totius corporis est morbus. Maxime autem vitiantur imi ventris viscera , ventriculus nimirum cum intestinis , hepar , lienis , pancreas , & mesenterium ; quorum singula pro natura sua & usibus vitae , quibus accommodata sunt , afficiuntur. Ventriculum crebri ructus & inflationes , cruditatis signa , infestant. Bilis crassior & tenax in canaliculis suis haerens hos opplet , & jecur tumefacit. Cum affectus est lienis ; cujus officium id esse videtur , ut per arterias suas sanguinem fluidissimum , partim in cellulas proprias , partim in venam splenicam , ad hepatis usum immittat ; liquor is crassior factus vitium facit , unde in vena ista fere stagnat , & molle viscus tumore distenditur. Pancreas ubi male habet , glandulae ejus , quae salivam deferunt , aliquo modo induratae humorem suum parcius profundunt ; hinc bilis , quae in intestino illi admiscetur , non satis diluitur ; & chylus nimis viscidus per canales lacteos dictos difficulter fertur , atque in viis suis quodammodo haeret. Omentum , pinguedinis officina , si quando ab hoc morbo aliquid

quid mali patitur, oleum illud tenue & subtile, quod in sacculis hic colligitur ad hepar usque deferendum, & sanguini illuc a liene adducto affundendum, copia solito minori elabitur; quo fit, ut sanguis in vena portarum neque pro more solutus, neque lymphæ attenuata satis refertus evadat. Mesenterii denique vitium, quod affert iste affectus, id facit, ut glandulis membranae hujus obstructis, lymphæ in ductus chylicos instillandæ penuria chylus nimis spissus, & nutritioni minus idoneus, sanguini assidue suppeditetur. Isthaec omnia morbi hujusce naturam patefaciunt; in quo scilicet sanguis & humores crassescunt, & motionibus suis vitaeque usibus inhabiles redduntur.

CAUSAE autem multiplicis hujus mali in promptu sunt, quarum præcipuas, ut verbo dicam, corporis quietem, animique motiones, merito quis statuatur: illa enim efficit, ut tardius moveantur humores; ab his nunc consistit fere sanguis, nunc vehementius incitatur; in utroque vero casu incommodum capit sanitas.

HACTENUS exposita ad curationem ducunt, in qua tum expurgare, tum emendare humores convenit. Neque tamen violentiora cathartica hic opus sunt; mitioribus res tutius agitur, illis præsertim, quæ incidant humores, alvumque simul & urinam moveant. Hujus generis sunt *pilulae ecphrasticae*, *aloëtica saponaceis conjuncta*, *rhabarbarum*, *sal Glauberi*, & his consimilia.

HUMORUM vitium, lentor nimirum & crassitu-

situdo, medicamentis ex *chalybe*, amaris & aromaticis adjunctis, tincturae praesertim modo commodissime tollitur. Aquae vero, quae per venas hujus metalli fluxerunt, medicamento- rum omnium chalybeiorum sunt efficacissimae.

OMNIA denique corporis exercitationum genera necessaria sunt: sphaeris ligneis vel pila ludere; brachia, compressis utraque manu ponderibus plumbeis, frequenter agitare, est utilissimum; nihil autem assidua equitatione salubrius.

DICTIS finem imponet narratiuncula, quae risum simul moveat, & inconstantis hujus morbi indolem patefaciat. Vir quidam Academicus ex nimia ignavia hac aegritudine tam graviter laborabat, ut tandem decumberet: ingravescente indies morbo, mortem sibi instantem denunciat; jubet igitur, ut moris est, campanam funebrem in templo aedibus suis vicino pulsari, quasi neniam suam ante supremam vitae horam audire volens. Fuerat autem ipse juvenis exercitii causa modulate campanas pulsare solitus. Quid jam sequitur? Campanarum pulsator illi male rem agere videtur; statim itaque iratus e lecto surgit, manibus suis modum rectius pulsandi monstraturus; quod cum fecerat, totus sudoribus diffuens ad lectum iterum se confert, mox expiraturus. Vitam autem reddidit iste labor, & convaluit. Ita, quod observavit olim Hippocrates (a), *contraria contrariorum sunt medicamina*.

(a) Τὰ ἐναντία τῶ ἐναντίων ἐστὶν ἰσχυρά, De flatibus, §. III.



C A P U T XVII.

De animi affectibus.

AFFECTUS animi, quos *passiones* vulgo appellant, vehementes nimirum & immoderati, pro morbis haberi debent; nam corpori etiam varias aegritudines efferunt. Id autem quibus modis eveniat, nisi cognita animi natura, legeque perspecta, qua is cum corpore in unum coëat animal, intelligi nequit; quam scientiam in hac vita nunquam, ut opinor, assequemur. Vitae enim ac naturae nostrae ratio ita comparata est, ut facultates animi viresque corporis mira quadam promptitudine exeramus; modum vero ipsumque actionum omnium principium prorsus ignoremus, cujus cognitio ad bene beateque vivendum, minime necessaria esse videtur.

EFFECTA tamen motionum animi in machinam nostram deprehendere facile possumus; nec mutationes, quas in sanguine & humoribus secum ferunt, dignoscere est admodum difficile. Quaedam enim sanguinei laticis motum reprimunt, aliae incitant, nonnullae alternatim sistunt & propellunt. Sic moeror & metus cohibent; iracundia, indignatio, & intemperata libido stimulant; conjunctae hujusmodi perturbationes motus tardioris, aut cele-

terioris, vicissitudines subitaneas, se festinan-
ter excipientes, procreant. Neque illud ob-
servare alienum est, quod immodici affectus,
ubi diu infederint, pro natura sua in longos
saepe morbos vertuntur. Ita sollicitudo, de-
speratio, moeror, melancholiam faciunt; ira-
cundia longo tempore perseverans in furorem
& insaniam definit. Attamen pro varietate
temperamentorum cum animi, tum corporis,
plus minusve nos movent affectus. Quin &
in eodem homine non omni tempore pariter
perturbant. Usque adeo incomprehensibilis est
fabricae nostrae constructio.

CAETERUM id longe adhuc mirabilius est,
quod inter auctores Medicos a solo sagacissimo
Aretaeo animadversum reperio (a). Etenim
non modo, ut is notat, animi affectus morbos
faciunt; sed & vicissim ipsi morbi efficiunt
πάθη, eaque interdum, quae naturae illorum
contraria videantur. Exemplo apud ipsum est
hydrops, qui licet morbus sit perniciosissimus, ae-
grotantibus tamen tolerantiam & patientiam af-
fert; non ex alacritate, ac bona spe, velut iis
accidit, qui bonis rebus utuntur, sed ex ipsa mor-
bi natura. Cujus rei causa, inquit, exponi non
potest, sed mirari tantum id licet.

VERUM ista omnia spirituum animalium
ministerio peraguntur; hi enim cor, motus
sanguinis instrumentum, minori aut majori vi
con^a

(a) De causis & signis diuturnorum morborum, Lib. iii.
cap. i.

contrahunt. Idcirco pulsus arteriarum has permutationes etiam in ipso illarum ortu commonstant.

PRIUSQUAM autem ad medicinam harum animi aegritudinum deveniam, monere convenit, non frustra, sed optimo Supremi rerum Conditoris consilio, insitas nobis esse naturales istas animi commotiones; quo scilicet ad mala fugienda, & bona arripienda, cum impetu quodam feramur. Minime igitur noxia sunt *πάθη*, nisi ubi immoderata rectae rationis imperio non reguntur, & limites aptos transcendunt.

TUMIDOS autem hos animi fluctus componere Philosophiae munus est. Verum, prohdolor! ad irritum hic plerunque cadunt Stoïcorum praecepta; quippe qui & ipsi saepenumero magna loquuntur, non vivunt:

Naturam expellas furca licet, usque recurret.

Tentandum est tamen, & quo difficilior sit pugna, eo gloriosior erit victoria. Sed haec Philosophorum disputationibus relinquenda esse forsán quis dicet, cum nostrum sit corporis medicinam promittere. At liceat Mihi in re tanti momenti pauca quaedam virtutis incitamenta, quae ex scholis eorum didici, hisce Medicis nostris immiscere.

IN PRIMIS itaque ipsa Natura trahimur omnes ad voluptates; quarum aliae corporis, aliae sunt animi. Ad illas autem maxima pars ho-

hominum proclivior est; harum illecebris pauci, quos aequus amavit Jupiter, capi volunt. Rei autem istius haec ratio esse videtur, quod vix unquam istis recti animi conscientia frui licuit, & gaudium illud percipere, quod ex libidinum suarum moderatione viro bono enascitur; cupiditatum vero lenociniis dediti, virtutis blandimenta nondum experti sunt, unde ignoti nulla cupido. Paulatim igitur assuescere oportet, nec oleum camino unquam est addendum, si quis tantam hanc exoptat felicitatem.

PERTINET ad hanc rem id, quod est apud Ciceronem, a Catone dictum; acceptum vero ab Archyta Tarentino, magno in primis & praeclaro viro: *Nullam capitaliorem pestem, quam corporis voluptatem, esse hominibus a natura datam; cujus voluptatis avidae libidines temere & effrenate ad potiundum incitarentur* (a). Et ea sane, quae summus ille vir huc facientia persequitur, prudens quispiam magna animi jucunditate perlegere poterit. Rectissime igitur apud Silium Italicum exclamat virtus:

*Quippe nec ira Deum tantum, nec tala, nec hostes;
Quantum sola noces animis illapsa voluptas* (b).

VERUM enim vero, sicut moderatio cupiditatum mentem confirmat, ita temperantia in victu corpus turbidis his motibus minus ob-

no-


(a) Cato Major, Cap. XII.

(b) Punicorum, Liv. XV. c. 94.

noxium reddit. Neque id tantum in iis, quibus excandescit sanguis; sed etiam in illis, qui reprimunt, locum habet; quandoquidem tranquillum rerum statum conservat.

ET hac quidem via venientibus his malis occurritur, aut saltem leviora fiunt. Ubi autem jam corpus occuparint, singula sibi convenientia postulant remedia. In iis commotionibus, quae vitalium humorum cursum coërent, stimuli requiruntur; frena vero, si effervescent. Stimulant commodissime *gummi graveolentia, castoreum, sales & spiritus volatiles ex animalibus vi ignis elicti*, & similia. Impetum autem & furorem sanguinis refrenant, sanguinis missio, alvus paulo fusior, *nitrum*, & quaecunque refrigerantia. Optimum autem est consuetudine & consiliis uti fortium & sapientium virorum; permultum enim in vita omni valent exempla, quibus rationi obtemperare sensim discimus, affectusque regere, qui, nisi parent, imperant.

QUI autem prorsus ἀπαθεῖς nos esse volunt, omnesque animi affectus quasi nocuos suppressere; ii certe rerum Conditoris ter Optimi Maximi sapientiam & bonitatem impugnant, qui in optimos usus fabricae nostrae illos inseruit & quasi intexuit; idque non ut singulis tantum salutare, sicut jam dixi, sed etiam ad societates conjunctionesque hominum servandas prorsus necessarios.



CAPUT XIIIX.

De morbis mulierum.

SUPER mulierum morbis multa dicere eo minus necessarium esse videtur, quod in his describendis & sanandis tantum operae posuerint plurimi auctores. Pauca tamen, ne neglectui habitus videatur sexus amabilis, breviter attingam; illis, qui virgines infestant, primum tribuens locum, quibus coelebs sua vita multa affert incommoda. Ex his autem frequentissimum est,

SECTIO I.

Menstruorum suppressio.

MENSTRUORUM fluxum plerumque impedit sanguinis lentor, quo fit, ut is canaliculos ad hunc effluxum Natura comparatos, & sphincteribus suis instructos, vi sua aperire non possit. Neque enim, ut vulgaris fert opinio, arterias uteri singulis mensibus dirumpit sanguis; sed per ductus sibi proprios, Naturae legibus turgescens, foras exit. Ab ista humoris vitalis crassitudine evenit, ut vultus color

vividus in viridem mutatus amittatur & pereat.

Huic malo illa remedia conveniunt, quae sanguinis circuitum promovendi, viscidosque humores incidendi & attenuandi, vi pollent: qualia sunt amara omnia, aromaticis conjuncta; ut etiam multa eorum, quae *ferrum* suppeditat. Haec autem antecedere debet sanguinis detractio; & cathartica, adjuncto *mercurio sexies sublimato*. Praestantissima est etiam *tinctura sacra*.

Ex omnibus autem, quae menses movent maxime, singularem virtutem habere deprehendi *belleborum nigrum*; ita ut illum vix unquam spem fefellisse meminerim. Idcirco *tincturae melampodii* cochleare minimum ex aquae tepesfactae haustulo bis die assumi jubeo. Et illud quidem notabile observavi; quod quotiescunque aut propter malam partium conformationem, aut alia quacunque de causa, sine effectu datum esset hoc medicamentum, sanguis per alias vias propulsus fuerit: unde clarissime constat, quanta vi sanguinem propellendi polleat ista medicina.

S E C T I O I I .

Immodicus mensium fluxus.

Sed & non raro nimis magna copia fluunt
men-

menes. Ubi hoc accidit, cohibendum est profluvium. Id autem, misso primum sanguine, efficiunt, cum ea, quae sanguinem cogunt & inspissant; tum, quae fervorem ejus minuunt. Ex illis praecipua sunt, quae *vitriolum* aut *alumen* participant; in primis *tinctura rosarum*; aut *pulvis ex aluminis rupei* portionibus tribus, & *sanguinis draconis* parte una, simul liquatis, confectus. Calorem vero sanguinis; & fluxum hinc proveniente, quibuscunque aliis remediis potentius lenit *cortex Peruvianus*.

S E C T I O I I I .

Fluores albi mulierum.

FOEDUS morbus est tetra ista colluvies, quae colore albo ex foeminarum naturalibus interdum profluit. Hunc autem humorem modo profundunt canales uterini; modo ex glandulis, quibus confita vagina est, erumpit. In illo casu, fluentibus mensibus, supprimitur profluvium; in hoc, etiam cum in menstruis est mulier, perstat adhuc, & vel uterum gerentem excruciat.

IN utraque mali specie corporis habitus praecipue habenda est ratio; ab illius enim vitio tam hic, quam iste morbus originem tra-

hit; ubi autem in ipsa vagina sedem fixit externa etiam opus sunt.

VOMITUM igitur plerumque primo ciere oportet, *vino* praesertim *ipecacoanhae*. Purgantia brevibus intervallis data conveniunt, in primis *rhabarbarum*: quod vel per se, adjectis quibusdam aromaticis, additoque interdum, ubi res postulat, *mercurii sexies sublimati* aliquanto; vel, quod nomine *tincturae rhabarbari vinosae* prostat, frequenter assumi poterit. Quinetiam laxiores corporis fibrillae adstringentia desiderant, ea in primis, quibus *ferrum* inest.

QUOD ad externa autem, quae in vaginae vitio necessaria fore dixi, ea minime adhibere oportet, quae nimia vi peccantem humorem reprimunt ac repellunt; illa tantum sunt ex usu, quae membranae hujus ulcuscula detergent simul & sanant. Ipse eventu saepe felicissimo foeminam laborantem, aut *aquam aluminosam Bateanam*, aut *aquam vitriolicam camphorata* (adjecto alterutri *mellis Aegyptiaci* aliquantulo) per syringem hujusmodi usibus aptam, parva quantitate, at repetitis vicibus, infundere jussi. Neque nihil ad sanationem confert vaginam subinde suffumigare; superinjecto nimirum prunis pulvere ex *thure*, *masliche*, *succino*, & *cinnabari antimonii* ita commistis, ut singulorum aequalis sit portio,

S E C T I O I V.

De morbo hysterico.

NULUS morbus aequè foeminas vexat, atque *affectio hysterica*. Haec puellarum, nuptarum, viduarumque communis est; & si non magnum periculum, terrorem tamen non leuem saepissime affert; interdum etiam ita exanimat, ut tanquam comitialis morbus prosternat.

UBI incidit in eam mulier, si satis virium est, sanguis missus adjuvat; si parum est, cucurbitulae tamen defigendae sunt inguinibus aut coxis. Sin autem diutius jacet, extinctum ex lucerna linamentum, aut aliud quiddam foetidi odoris, naribus admovere oportet, quo excitetur. Aquae frigidae perfusio idem efficit. Inter haec coxas & poplites perfricare convenit.

DEINDE, ubi ad se rediit aegra, ne casus idem revertatur, providendum est. Menstrua, si solito minus fluxerint, proritanda sunt. Gummi graveolentia multum prosunt, item parata ex ferro medicamenta. Corporis etiam exercitationes conveniunt. At facienda plerumque est animi commotionibus medicina.

SAPIENTISSIME denique Hippocrates pro Medico Maritum esse voluit. Ille enim, postquam *castoreum*, aliaque plurima juvantia, pro-

posuerat; Optimum esse, ut mulier in utero gestet,
& virgo cum viro simul habitet, decernit (a).

SECTION V.

De partu difficili.

HUMANITAS nos admonet, ut mulieribus
difficulter parientibus, si quid auxilii praeter
manus operam praestari possit, succurratur.
Quanquam enim humani generis propagationi
ita consuluerit provida Natura, ut, licet mag-
no cum dolore, sine multo certe periculo ex
utero exeat foetus; fit tamen interdum, ut
gravi cum labore in lucem protrahatur infans.
Id multas ob causas evenit, quibus obviam ire
norunt obstetrices. At unico in casu quid fa-
ciendum sit, saepe nesciunt; is est, cum irritis
conatibus, colicorum torminum aemulis, diu
parturit foemina. Hoc ubi fit, opii granum
unum aut alterum assumere convenit; cujus
ope dolores isti, qui partum impediunt magis
quam promovent, conquiescunt, & sublevata
rem suam strenue agit Natura. Est etiam illud
hic alicujus momenti, quod medicamenti ano-
dyni vis, ut alias omnes partes constrictas, ita
etiam uterinas laxat aperitque.

(a) Ἀριστοτὲς δὲ ἐν γαστρὶ ἔχει τὴν δὲ παρθένον πείθει ζυνομένην
ἀνδρὶ. De morbis mulierum, Lib. II. sect. 19.



CAPUT XIX.

De morbis venereis.

LUES venerea, magnum illud scortatorum flagellum, opprobrium foret Medicorum, ni feliciter illi remedium inventum fuisset *argentum vivum*.

MORBI naturam, historiam, & progressus ita diserte exposuit doctissimus Astruccius (a), ut nihil amplius ad ejus cognitionem requiri possit. Modum autem, quo vires suas in corpore exerit ponderosus hic liquor, ipse olim satis, ut opinor, adjunctis etiam cautionibus aliquot necessariis, dilucide explicui (b). Illud igitur solum restat, ut super incommodo uno & altero, quae morbo huic, partim ex ipsius natura, partim ex mala curatione superveniunt, monita quaedam suggeram.

ET primo quidem infestus casus est jugis ista, quae gonorrhoeam interdum excipit, humoris muccosi destillatio, Pertinax id profluvium tam ex vesiculis seminalibus, quam ex glandulis, *prostatis* dictis, provenit, corrosis vi morbi canaliculorum oribus; illosque maxime fatigat, qui ad expellendum virus conceptum

for-

(a) *De morbis venereis. Lutetiae Parisiorum, MDCCXL.*

(b) *Essays on poisons, MDCCXLVII. Essay IV.*

fortioribus catharticeis nimis diu corporis debilitarunt.

BALSAMICIS partes laxatas confirmare nituntur Medici, at frustra plerumque sunt. Mihi multis jam annis in usu fuit hujusmodi tinctura: *Rhabarbári* drachmae tres, *gummi guaiaci* sesquidrachma, *laccae* drachma una, *cantharidum contusarum* drachmae duae, *coccinellae* semidrachma, in spiritus vini rectificati sesquilibra infunduntur, & fit colatura. Hanc efficacissimam esse semper expertus sum, & Medicis Chirurgisque quamplurimis commendavi. Guttae autem triginta, ad quinquaginta usque (quantum scilicet sine urinae difficultatis metu ferri poterit) mane, & hora decubitus, ex aquae tepesfactae haustulo assumuntur.

NON raro autem, morbo per longum salivae fluxum depulso, febris hectica corpus debilitatum occupat. Ubi id accidit, decoctum ex *lignis guaiaci* & *sassafras*, *radicibusque Chinae* & *sarsaparillae*, adjuncto *glycyrrhizae*, *seminumque coriandri* aliquantulo, copiose bibendum est, lacte commisto. In decocti autem hujus usu, usquequo resectae fuerint vires, persistere oportet.

DENIQUE non alienum erit monuisse, tempus proritandae salivae, quo noxii humores expellantur, maxime opportunum id esse, cum aut pustulae per corpus, aut ulcuscula in ore praesertim & faucibus, jam aliquandiu proruperint; neque tamen ossa, quibus proxime instat caries, corrumpi coeperint. Metus enim est,

est, ne lamellae, osseae, putredini jam obnoxiae, ponderosa globulorum metallicorum vi diffriuantur. Idcirco usu medicamenti par-
ciori hanc curam longius protrahere, quam festinare, fatius est.





C A P U T XX.

*De morbis, qui aliis superveniunt,
aut in alios mutantur.*

PLURIMUM confert cum ad medendi rationem, tum ad Medici honorem, quinam morbi aliis ultro superveniant, aut in alios mutantur, cognoscere. Horum igitur praecipuos quosdam breviter commemorabo.

DISPUTANT autem inter se auctores, quarumnam causarum vi istiusmodi mutationes eveniant. Eae autem causae pro morborum natura sunt diversae. Nonnunquam enim partium affectarum consortio, & quadam cognatione cum aliis, ex laesa in sanam illabitur malum. Saepius partium vicinia damnum latius trahit. Saepissime vero ipse morbus est ejus conditionis, ut vel per modum solutionis, vel corporis corruptionem, in alium definat. Exempli nonnulla ex multis, quae in promptu sunt, producam.

CAPITIS & ventriculi consensus facit, ut hoc pituita gravato, illud vertigine laboret; & contra, ut, repleto aut laeso cerebro, ventriculus aegritudine corripiatur. Pari cognatione jecinoris & intestinorum fit, ut, colicis doloribus haec torquentibus, icterus in il-

lo mox oriatur; cum ex adverso icterus interdum bilem flavam in alvum effundit, & tormina excitat. Uteri quoque cum multis partibus est consortium, adeo ut Hippocrates hunc esse omnium in mulieribus morborum causam (a) dixerit. Hae autem partes praesertim sunt caput, pulmo, & stomachus; συμπαθείας vero instrumenta sunt spiritus animales, qui animi maxime affectionibus commoti, vel a vulva male affecta corpus afficiunt, vel noxas corporis cum illa communicant.


PARTIUM autem vicinia, quam alteram causam morborum successionis proposui, in inflammationibus praecipue locum habet, humore in partem adjacentem translato. Ita pleuritis in peripneumoniam transit; difficultati urinae, quam στραγγισμὸν Graeci vocant, ileus supervenit; renum malae affectiones lumbos in conjunctionem trahunt, lumborumque dolores cum renibus communicantur.

MORBORUM denique, qui aliis superveniunt, aut in alios mutantur, tertiam causam naturae ipsorum tribui; quae, cum sit multiplex, multis etiam modis effectum sortitur. Arthritis interdum in dolorem colicum transit, dolorque colicus in arthritidem. Varices doloribus articulorum supervenientes liberationem morbi promittunt. Apoplexiae succedit paralyxis; & nervorum, nunc in toto corpore, nunc in aliqua tantum parte, resolutio morbum

(a) De morbis mulierum, Lib. II.

bum solvit. Sin autem a membris jam resolutis ad caput revertatur malum, mors plerumque pro Medico est. Difficultas spirandi, quae diu molesta fuit, hydropem in pectore pariter ac abdomine progignit. Hydrops inter cutem ne in ascitem desinat, magnopere timendum est. Melancholiae etiam, quae longo tempore duravit, non raro supervenit morbus comitialis, salutisque spem omnem adimit.

MULTA, quae huc faciunt, collegit Hippocrates, & ex illis divinam artem bonum aut malum eventum praesagiendi sapienter monstravit. Ut finem igitur faciam, non ab re erit monere, etsi causae, quas dixi, singulae virtutem suam haud raro exerant; ut multae tamen simul, junctis viribus, morborum cum successiones tum mutationes efficiant, plerumque evenire.



C O N C L U S I O.

De vitae regimine.

APROPOSITO, ut opinor, nequaquam alienum erit, si illis, quae aegris facienda proposui, nonnulla etiam, quae sanis per omnes aetates conveniunt, conclusionis loco breviter adjungam. Etsi hunc sane laborem sapientissimi Celsi praecepta supervacuum fere reddidisse videantur (a): quae, discriminis, quod caelum diversum, diversaque hodie ac olim vitae consuetudo facit, habita ratione, quisquis servaverit; is profecto, ut verbis ipsius utar, *in secunda valetudine adversae praesidia non consumet.*

ITA enim comparatum est corpus nostrum, ut mutationes aliquas & aberrationes sine magna injuria facile ferre possit; quod ni ita esset, detrimentum perpetuo fere levibus de causis fabrica nostra caperet. Id commodum praestant mirae istae interiorum partium communicationes, quibus uni male affectae altera confestim opem fert. Ita repleto ultra modum corpore, per has aut illas vias sponte Naturae, fiunt interdum exinanitiones. Et ob hanc causam morbi ab inanitione, quam a repletionem, orti periculosiores esse solent; quoniam

(a) *Lib. I. cap. 1, 2, & 3.*

niam demere, quam addere, materiam expeditius possumus. Idcirco etiam, quamvis temperantia omnibus sit utilis; Medici tamen antiqui auctores fuerunt, ut qui bene valeret, & suae spontis esset, genio nonnunquam indulgens tam cibum, quam potum, solito abundantius assumeret. Tutior autem est in potione, quam in esca, intemperantia. Caeterum qui expletus est, facilius concoquet, si, quidquid assumpsit, potione aquae frigidae includat; cui etiam, praesertim si condimenta cum cibis devorata fuerint, *succum limoniorum*, vel *elixir vitrioli Mynsichti*, adjungere proderit. Tum paulisper invigilet, deinde dormiat. Si quibus vero de causis futura est inedia, labor omnis vitari debet. Neque ex satietate fames, neque ex fame satietas idonea est. At neque ex nimio labore subitum otium, neque ex otio nimio labor subitus, sine gravi erit noxa. Sensim igitur quaecunque mutationes faciendae sunt.

VARIVM etiam habere oportet vitae genus; modo ruri esset, modo in urbe, navigare, venari, quiescere interdum, sed frequentius se exercere; siquidem ignavia corpus hebetat, labor firmat. At modus in his omnibus servandus est, neque multum fatigari convenit: frangit enim vires, & corpus solvit, crebra & vehemens exercitatio; moderata vero semper cibum antecedere debet. Ex omnibus autem exercitationis generibus commodissima est equitatio; aut, si imbecillitas id non
finit,

ſinit, vectio in curru, vel ſaltem in lectica: deinde arma, pila, curſus, ambulatio. Verum id incommodi fert ſenectus, ut corpori exercendo vires vix ſufficiant, cum tamen ſanitas id maxime requirit. Fricationes igitur in hac aetate ſuis manibus, ſi id fieri poteſt; ſin minus, opera ſervorum neceſſariae ſunt; quae verriculis ex ſetis confectis optime peragantur.

DULCE curarum levamen, & virium reſtitutio, ſomnus eſt; qui, quod in vigilia laboribus diſperditur, quiete reparat reſicitque. At neque iſ immodicus juvat; ſenſus enim hebetat, & vitae officiis minus idoneos reddit. Tempus autem ſomno opportunum nox eſt, in qua tenebrae & ſilentia illum invitant & conciliant; diurnus minus recreat. Quod ſi plebem ſervare convenit; multo magis viros literarum ſtudioſos tenere oportet, quorum mens, aequae ac corpus, injuriis plus patet.

PUERIS alimentum mollius & lenius, juvenibus valentius congruit. Senes de cibo demere, & potioni addere debent. Aliquid tamen conſuetudini dandum eſt, in frigidioribus praefertim regionibus, qualis eſt noſtra; nam in hiſ ut acrior ciborum appetentia, ita facilior eſt concoctio.

CONCUBITUM, cum jam aetas & robor ſtimulant, neque nimis concupiſcendum, neque nimis pertimeſcendum eſſe, conſentiant Medici. Senem ſua monet frigiditas, ne pro voluptate ingratum laborem trahat, & ſua

abruptat. Turpissimum autem est, & maxime noxium, vi imaginandi quemquam se ad venerem ficta persona incendere. Illud denique omnes semper cogitare oportet, quod tum hanc, tum alias quascunque,

Voluptates commendat rarior usus.

IPSE denique, re bene perpenſa, ſaepenumero Mecum ad hunc modum reputare ſoleo. Utcunque voluptates, opes, potentia, caeteraque, quae fortunae dicuntur bona, nimis inaequaliter hominibus diſtributa eſſe videantur; ſi tamen in univerſis rem ſpectemus, illorum, quae felicitatem faciunt, major deprehendetur aequalitas, quam vulgo exiſtimatur. Communiſus vitae utilitatibus commodius ut plurimum fruuntur humilis ordinis homines, quam illuſtres, & qui primum locum obtinent. Victum ſalubrem ſuppeditat labor modicus, qui & cibi appetentiam & concoctionem juvat; hinc jucundus ſomnus feſſa membrana recreat, neque curae edaces abruptunt; laeta proles domum replet, ſuccreſcentibus paterno labori robuſtis filiis. Quantum autem hiſce cedunt cum aerumnis conjunctae plerorumque opulentorum inanes deliciae! Indiget illorum ſtomachus, ut veſci poſſint, ciborum condimentis, quae ſanguinem calefaciunt & corrumpunt, corpusque morbis opportunum reddunt; diurna crapula nocturnam quietem inturbat; in poenam vitiorum nati, grande familiarum decus & co-

lu-

lumen, culpa parentum morbos in utero materno contrahunt, quibuscum per totam vitam conflictati vix ad languidam senectutem perducuntur; anxietatibus quoque de honoribus & splendidis titulis consequendis saepe discruciantur, ita ut oblectationem, quam ex praesentibus bonis percipere possent, vana spe plura adipiscendi non raro amittant. Horum igitur

Quis non optaret pauperrimus esse honorum?

Quin & omnibus hisce incommodis illud accedit, quod lautitiis onustum corpus animum quoque praegravat, & ad libidines incendit; cum ex adverso tenuis humiliorum victus neque corporis vires opprimat, neque vitiis alimenta suppeditet. Quare, nisi opes comitetur prudentia,

Vivitur exiguo melius.

Neque injusta noverca, sed omnino utilitatum provida & benefica mater, censenda est Natura.

IN summa igitur, sapientis est in omni vita

*Servare modum, finemque tenere, Naturam
que sequi (a).*

Quisquis autem de natura humana recte judi-
cium

(a) *Lucan. Lib. II. vs. 381.*

cium tulerit, eam ita constitutam esse inveniet; ut, quemadmodum alii aliis ratione & ingenio longe praeestamus, & tamen omnibus, quod dolendum, pravam quidpiam est ingenitum; sic & corpora sanissima vitio aliquo insigni raro non laborent: quod ut futuri interitus seminum nos brevis aevi memores faciat, monstretque apposite ad hanc rem olim dixisse Lucretium,

Vitaeque mancupio nulli datur, omnibus usu (a);

neque ἀπροσδίνυστον fuisse effatum illud Hippocratis, Ὅλος ἀνθρώπος ἐκ γενετῆς νόσός ἐστι (b).

(a) *Lib. III. vs. 984.*

(b) *Epist. ad Damaget.*

F I N I S.




N O T A T I O N E S
E T
O B S E R V A T I O N E S
I N
R I C H A R D I M E A D
M O N I T A E T P R A E C E P T A
M E D I C A,
A U C T O R E
C L I F T O N W I N T R I N G H A M,

*M. D. C. M. L. & R. S. Socio, Equite Aurato, & Medico
Regio, olim & valetudinarii provisi in usum Britan-
norum apud exteras gentes bella gerentium
medico & praefecto.*

FAS SIT MIHI VISA REFERRE.
OVID. EPIST.



P A R I S I I S,
A P U D G. C A V E L I E R,
C I D I D C C L X X I I I,



P R A E F A T I O.

Monita haecce, variis observationibus ac animadversionibus ulterius illustrare, & confirmare, & inde certiora ac utiliora reddere, est hujus operis solus atque unicus scopus; est totum id, quod multorum dierum labore conatur Editor.

Paginam enim nostram non implent vanae aut fictae morborum species, non aegrorum somnia, sed symptomata, quae ipse miserrima vidi; eaque, non quasi agmine facto, in infinitum conglomerata sed pauca & simplicissima, ad lectum pro maxima parte delineata, perspicuo, quantum possum, sermone trado.

Aegris enim aut mederi, aut certè opem, quam medicina poterit, afferre, hoc erat in votis, hoc studium, hoc opus mihi semper imposui: quod adeo verum est, ut, si ex plurimis hisce observationibus una saltem aut altera occurrat, seu ex prisco aut ore alieno emissa, modò hic magis clara & distincta, aut praxi magis accommodata reddita sit; seu ex ore proprio edita, & alio indicta, modò ad humani corporis morbos & dolores prorsus tollendos pacandosve plane conferat, voto potitus sum, laetusque sorte mea supremum obibo diem; dummodo sint mihi ultima verba, quae has aures personent: vale, militae nec piger, nec inutilis urbi vixisti civis.

De morborum ac medicamentorum natura, viribusque, permulta tradiderunt veteres; ea vero, non tantum sibi invicem, verae corporis humani

fabricae, & statis naturae legibus incongrua, sed absurda & ridicula; donec immortalis Harveius, Angliae insigne ornamentum, sanguinis circuitum fida demonstratione patefaciens, hujusmodi nebulas, lucis suae splendore, dissipavit; & plus certi, uno die, medicinae Theoreticae adduxit, quam ab omni aevo prodiderant fallaces veterum Hypotheses.

Neque revera in rebus philosophicis plus proficiendum est, dum nobis feracis ingenii subtilitates, pro rebus ipsis incauti obtrudere conantur tum medici, tum philosophi: at non est hujus loci, non mihi est in animo, alios debita laude fraudare, Imulto minus docta & laboriosa medicorum opera perstringere; propterea quod de his omnibus, semper mihi, ea, quâ par est reverentiâ, habita fuit, & habebitur sententia illa generosa, ac honesta, quae docet, nil de mortuis dicendum debere, nisi bonum.

Interea nullus dubito, quin medendi praecepta, quae his literis tradita dedi, peritissimis hujus aevi, & praesertim hujus urbis, ejusque praxi versatissimis, ad amussim cognita & apprime familiaria sint. Hisce autem quamplurimis, ad implendum vestigium illud ipsum, in quo celebris noster auctor postremum institit, aut deest otium, aut animus; quibus, si mecum fruerentur, auctiorem de juvenibus & nocentibus, in morbis curandis, scientiam tot tantisque laboribus partam, tyronibus seu praesentibus, seu posteris impertire possent: en igitur, lector benevole, addenda quaedam tyrocinia, non ad hypothesin quandam subtilem stabiliendam excogitata, sed ad praxin medicam planius ac certius dirigendam solummodo spectantia! En observationes quasdam haecenus praetermissas, nec, ut mihi videtur, attentione indignas, nec usu carentes.

Hoc igitur proposito bene locato munitus, in spem confidentius adducor, ut unusquisque lector
in-

ingenuus, clementis patroni indulgentiam aemulari nitatur, potius quam inquisitoris saevi aut severi munere fungi, qui singula quaeque verba oculis Lyncaeis rimare & culpae promptissimus moliatur.

Multa praecepta, multa equidem monita, ac quasi nostra in opere praesenti edita, apud morborum historias a clarissimis medicis vulgatas inveniri pro certo habeo; attamen me his locum concessisse, non quia a veteribus ita edita aut laudata, sed quia praxi propria stabilita sunt, nullo theoriae cuiuslibet respectu habito, religiose pro testimonio dicere queam.

Mihi enim hoc erat in more instituto positum, in omni genere & varietate morborum, quorum curam susceperam, accuratas eorundem, quantum potui, historias imprimis conquirere, ac literis tradere, symptomata omnia, ut ut per totum cuiusque morbi cursum inter se varia atque diversa perpendere, comparare, & in ordinem redigere, & ex his talia seligere, qualia, vel ad certiores ejus notitiam, vel ad tutiorem therapeuticen, immediate spectare, & conferre mihi monstravit ac stabilivit experientia, non decies, sed plusquam centies, & etiam centies, repetita.

Fateor equidem, haec ipsa mihi fuisse voluptati, si quandoque, quod non perrarum erat, mihi inter legendum animadvertere contigerit, ut observationes quas de die in diem, de singulis morborum speciebus feceram, quas, de rebus circumstantibus numerosis, atque inter se dissimilibus, sigillatim ceperam, auctorum tam veterum, quam recentium scriptis, adeo conformes, adeo comprobatae, ac quasi, ex eodem penu; depromptae viderentur, ut hujusmodi notas in Aphorismorum locum, tanquam demonstratione ulteriori haud egentium, tuto admittendas esse, vix, ac ne vix mihi quidem dubium esse posset.

Objiciet hinc aliquis derisor forsan, nihil ideo-
* 3 que

que in paginis sequentibus dictum esse, quod non dictum prius: ne frustretur ipse se, me facti reum tantum non habet; at lectorem ingenuum aequumque quiddam novum ac non inutile reperire posse, mihi ipse equidem confido.

Veritates interim, easque insignes, maximique momenti, nobis tradidisse auctores medicos, haud nego; verum enimvero non minus constat, eorum scripta, paucis saltem exceptis, tanta farragine hypothetica, tantis fabellis anilibus, tantis cautionibus tam perplexis quam incongruis, scatere; ut ipsa praecepta, quae ad cognoscendos ac curandos morbos multum & vere conferant, delitescant & quasi obruta reddita sint: imo ita certè confunduntur vera falsis, ut parvae auri atque argenti portioni sub vastis urbis conflagratae cineribus sepultae, & inter se commistae, jure comparari possint: optata inde metalla, ut ut pretiosa eruere, aut vix, aut nullo modo operae pretium esset; quid enim spei restet, nisi multum sudare, & frustra forsitan summo cum periculo servilem & assiduum impendere laborem?

Si naturae leges asperae velint postulentque, ut sint mille morborum species; tentanda quoque via, ut artis medicae professores mille salutis modos investigent, praebeantque; denique, ut omnibus medendi armis instructi, humano generi tantis in periculis versato, opemque undique imploranti, se redere valeant praesidia fida, atque solamina gratissima.

Respice idcirco diligenter, quid velit ac possit microcosmi concordia discors: quid moneant aut mandent variae ejus facultates & functiones laesae: & his cognitis, solvens illud universale, Alcaheston dictum nec quaeres, nec desiderabis, aut si panaceorum adeo appetens, ut ea adhuc investigare, & tentare hoc tibi sit opus, atque hic labor; nomen merebis, quod dicere nolo.



NOTATIONES ET OBSERVATIONES

.I N

MONITA ET PRAECEPTA

M E D I C A

RICHARDI MEAD.

C A P U T I.

De Febribus.

S E C T I O I.

De Febribus generatim.



ag. 10. l. 4. *Actiõesque vitales lae-*
dit.] In omni morbo sive acuto,
sive chronico, de viribus vitalibus
aliquid veri judicii facere, maximi
est momenti. Si respiratio par-
va, cita, anhela, suspiriosa, inaequalis, si
A diff.

difficilis, erecta, laboriosa, frigidave sit, si cum dolore, gravitate, tussē, sibilo, stertore, aut spuma fiat; si pulsus parvus, debilis, frequens, si durus, si inaequalis, intermittens, formicans, tremulusve sit, si singultus cum nisu pectoris magno, si syncope, tremor, aut palpitatio cordis adsint, de viribus vitalibus laesis plane constat, eaque fere ratione, qua symptomata modo recensita quoad gradum, numerum, varietatem, congressum & copulationem, modo plura modo pauciora, cuivis aegro contingere videantur, utique & contra, si contraria his, se palam faciant:

SECTION II.

De febris solutionibus.

Pag. II. l. I. *Sine insigni aliqua exinanitione.*] Observatu dignum est, celebres medicinae scriptores, plurima febris solutionis tradidisse signa, qualia sunt sudor, febris declinatio, urinae coctio & subsidentia, aliaque similia; ex iis nemo verò, quantum scio, certa signa dedit, quorum ope naturam, extemplò prae caeteris omnibus febris temporibus, ejus solutionem moliri dignoscamus.

Hoc autem praescire longe maximi est momenti, ne vel fiant exinanitiones solutionem impediētes, vel ingerantur cibi, aut medica-

men-

menta, quibus natura tunc temporis materiam aliquam extrudere contendens, novo onere opprimatur.

Si itaque quovis febris tempore, sine causa evidenti, respirationem fieri majorem, pulsusque velociorem & plerumque pleniorum & fortiorum, nec non & sensum cujuspiam tenfi in hypochondriis unâ cum adaucta corporis inquietudine repente & inopinatò adesse pateat, naturam tunc temporis materiae aliqujus expulsionem moliri pro certo habendum est, sive sit in particulari intermittentium paroxysmo, sive in febre remittente, aut continuâ, & proinde paucis tantum horis elapsis, saepe citius multò, vel fiet sudoris aut sanguinis eruptio, vel alvi dejectio, urinae profluvium, aliudve simile, peractâque tali exanitione pulsus haud rarò fit brevi mollis & undosus; id autem procul dubio contigit, postquam tepidus toto manavit corpore sudor.

Pag. II. l. 9. *Qualis humoris emissio.*] Qualis autem humoris emissio mox continget, hoc modo cognoscenda est, semper enim erit vel gravitas, dolor, aut pruritus cum calore eâ in parte, ex quâ erupturus sit fluxus. Exempli gratiâ, si e naribus exiturus sit sanguis, praeter priora signa adest dolor gravis in fronte & temporibus, rubent & calent malae, pulsant tempora, & sanguine jam fluxuro naribus supervenit pruritus. Haec autem crisis raro fit, nisi vel obstructio vel inflammatio in ab-

dominis vel thoracis vasis ; praecipue prioribus , oborta sit , vel plus aequo retenta fuerint menstrua , aut parcae nimis in initio institutae fuerint exinanitiones , praesertim missio sanguinis.

Si autem per vomitum materies expellenda sit , adsunt stomachi morsus , vertigo nausea , tremor labii inferioris cum salivâ multâ , tenui ex ore defluente.

Si per urinae vias , adsunt primo urinae crebra cupiditas , eaque ipsa cum sensu caloris in urethra excernitur ; deinde largâ copiâ crassum redditur lotium. Haec autem crisis , ut & ea per vomitum raro perfecta est , sed potius horum ope gradu quodam levatur natura , laxantur vasa , & tum sudoribus absolvitur crisis.

Pari modo , si per alvum fluxura est excreta materies , adsunt tormina plus minusve pro gradu acrimoniae , ventris crepitus , à quibusdam scriptoribus Borborygmi dicti , cum descendendi conatu.

Si denique per cutis meatus effluxura est , adest inquietudo magna quae ex febrili causa nervos per totum corporis ambitum & superficiem , stimulante , gignitur cui , materiâ morbida ad idoneam exinanitionem in primis redditâ , & jam jam expulsurâ , accedit pruritus.

Haec morbi solutio , quae per sudorem efficitur , aliis plerumque perfectior est. Nam in caeteris jam praedictis , quamvis â sanguine , impetu aucto , quaquaversum profiliante , pro varia aegrorum fabricâ , & habitudine , ex glandulis

dulis maxime patentibus expulsa aut excreta sit materiae pars aliqua peccans, ita ut gradu quodam leventur symptomata, ut supra dixi, cum tamen hujusmodi excretiones plerumque nimis parcâ copiâ factae sint; his non obstantibus, adeo obstructa & clausa interea manent cutis spiramenta, ut morbi solutio evadat imperfecta, donec excitato demum, à naturâ, sudore largo spontaneo, laxantur omnia corporis vasa tam interna, quam externa, per sudoris fomentum, unde crisis magis absoluta reddita sit.

Nec desunt observationes, quibus profectò sancitum est, hujusmodi morbos rarissimè sine sudore aliquo integre judicatos fuisse.

Praeterea etiam in iis supra recensitis, adductâ, ut notavi, excretionum ope, naturae levatione quâdam, crisis deinde semper fere largis sudoribus absolvitur, modo perfecta fuerit.

Pag. II. l. 10. *Hanc ita promovere.*] Ad materiae morbidæ expulsionem rite promovendam haecce sunt in primis observanda; scilicet, si quolibet febris tempore acciderit exinanitio per alvum, sudorem, &c. non statim cohibenda est, priusquam patebit, an aegroto ex usu fiet necne, & tum quum ejus ope melius se habeat aeger, aut leventur symptomata urgentia, sinenda est, praecipue, si copiâ idoneâ procedat, sin minori quam fas sit, adjuvanda. Si verò copiâ tali fiat, aut tam diu cursum teneat, ut inde exhauriantur aegri vires, neque

levantur inde symptomata, quin potius inducantur alia, debilitatem nimiam ostendentia, vel omnino sistenda, vel inter limites debitos cohibenda est.

Si verò accedentibus signis criseos, talia supervenerint symptomata, ut ab eorum vi metuendus sit morbus periculosus, priusquam fiet expurgatio critica, uti sunt apoplexia, peripneumonia; pleuritis, dysenteria, phrenitis, sputum, vomitusve sanguinis, aliave similia, statim mittendus est sanguis pro ratione symptomatum, & si inde brevi non levetur aeger, ea facienda, quae postulent morbi instantis genus & constitutio, quippe tali casu plus justo viget febris, & proinde crisin non impediunt, quin potius eam ita accelerant hujusmodi exinanitiones; ut dein ea ipsa res, quam cum in paroxysmis intermittentium, tum remittentium, aliarumque febrium inordinate exacerbatarum expetivi, plerumque contigit. Porro his ita se habentibus, si calor febrilis cute aridâ aut siccâ fociatus, valde urgeat, statim pro virium ratione mittendus est sanguis, & quod in maximo est desiderio, profectò paulò post erumpet sudor criticus.

Pag. II. l. 18. *Optabilem morbi solutionem efficiunt sudores.*] Sudor spontaneus per totum corpus diffusus, & pulsu valido & aequali comitatus, bonum portendit, vel enim morbi finem vel paroxysmi particularis crisin plerumque denotat. Sudores autem ex parte distributi & pul-

pulsu debili conjuncti nil boni denunciant, sed semper suspicandi, fiunt enim vel a debilitate, vel putredine, aut utrisque simul. Sudores porro universales cum pulsu debili, inaequali, vel intermittente raro levamen afferunt, sed saepius mortem praefagiunt.

Pag. II. l. 19. *Secundum illos alvi.*] Diarrhoea critica prae caeteris hujusmodi exinanitionibus, copiâ, & diuturnitate, justam medietatem excedere solet, eo quod ab acri materiâ per totam fere longitudinem irritantur intestina, & una cum faecibus excernitur etiam mucus intestinorum, unde plus justo protrahitur diarrhoea. In caeteris autem, postquam a glandulis excretio facta est, cessat plerumque stimulus. Alvinam itaque excretionem diu durantem semper suspectam habere debet medicus.

Pag. ead. l. ult. *Corpus in integrum restitunt.*] Hae tamen crises, quibus per abscessum, aut tumores varii generis, terminantur morbi febriles, semper aliquid incerti in se habent.

Fiunt praecipue iis vero aegrotis, quibus una cum febre adjuncta fuit partis singularis inflammatio, sicut in anginâ, ubi pone aures fiunt hujusmodi tumores. Haec tamen critica materies nunquam repellenda, sed plerumque suppuranda & more phlegmonis curanda est, modò ejusmodi sit generis, & dolorem excitet, aut ad apicem vel suppurationem tendat. Pari

prorsus ratione, si acrioris & tenuioris sit naturae, & ad erysipelatis speciem pertineat; fofus emollientes & anodynî, cataplasmata & linimenta finilia cum leniffimâ alvi purgatione adhibenda funt.

Et ob hanc caufam non ab re erit monere, quod fi pituitofae aut hydropicae fuerit indolis, qualis foeminis, virginibus, leucophlegmatîâ, aut menftruis inordinatis, vel fuppreffis, laborantibus, fenibusque cachecticis, afthmaticis, aut ad hydropem tendentibus, aliquando accidit, pro virium ratione instituenda eft alvi purgatio, & fimul corpori laxo, roborantibus atque calefacientibus quae vulgo cardiaca dicuntur, fubveniendum eft, & hoc nimirum aromaticis lenibus, & non raro chalybeis medicamentis optime fit.

S E C T I O I I I.

De febribus continuîs.

[Pag. 13. l. 8. *Et primo quidem.*] Praetermiffis hoc modo morbi curandi fignis propriis & definitis, quibus ejus natura, conftitutio & vires rite cognofci queant, omnis ad ejus fanationem feftinatio praeceps videatur, & periculofa; de his enim, tanquam de morte hominis arcenda vix fieri poteft ulla nimis longa cunctatio. Pigeat equidem, fit tamen lectori & mihi

mihî fas animadvertere, tantum virum in arte medica, tantamne rem tam negligenter egisse.

Prima enim mihî debet selecta morborum signa tradere, quisquis ille est, si modo est aliquis, qui medici nomen pretiumque meritò nancisci speret, cupiatve.

Scientia hæcce est quasi artis medicae *ζωὴ καὶ ψυχή*. Alia tuta medendi principia non agnoscō, neque alia reperiēs, quanquam tibi omnia sint arcana, quæ olim possidere jactitarunt Paracelsus, ejusque sectatores gloriosi, aut quæ adhuc jactitent circulatorēs hodierni, de remediis specialibus non minus impudenter clamitantes.

Febres autem continuæ a talibus causis obortæ, quales antea plus aut minus præter consuetudinem in corpore extiterunt, incipiunt oscitatione & pandiculatione, frigore, horrore, & rigore; antecedentia hæc symptomata, pede non claudō, plerumque sequuntur nausea, vomitus, dolor capitis, sitis, calor pungens, & acutus, pulsus velox, nunc fortis, nunc naturali debilior, semper tamen velocior.

Hæc febres gravi etiam dolore, & lassitudine membrorum quasi defatigatōrum sæpiissime comitantur, & sanè pro hujusmodi symptomatum ratione, præcipue rigoris, lassitudinis, & doloris capitis & membrorum, plus minusve periculi secum afferre & sævire dicantur.

Pag. 13. l. 10. *Sanguinis detractio.*] Si in febris initio advocatus fuerit medicus, de quâ,
A 5
vel

vel a constitutione epidemicâ , vel a symptomatum faevitia , quae proximè recensui , eam ad febrem continuam vergere aequa adfit suspicio ; sanguinis missione plerumque incipiendum est , etiamsi ex pulsus tenore vix indicari videatur ; & praesertim ubi viris & juvenibus aliquid tale contigerit , eo quod a vi febris stimulantis , sensim ingravescent symptomata , si ne hac cautione vix postea cohibenda ; deinde si urgeant vomitus vel nausea , ventriculum leni emetico eluere oportet , nisi vexet dolor capitis ; verum ubi ita sit , alvum clystere laxare , omnium optime voto in primis conveniet , & si adhuc urgeant praedicta symptomata , post aliquas horas vomitus eliciendus est , & hoc finito dandum est medicamentum anodynum. Postero die , si nihilominus remaneat dolor capitis , adsitve febris magna cum calore acuto , sanguinis missionem illico repetere sane opus erit. Postea vero foliis senae , aut radice rhabbari , chrystallis tartari , tartaro solubili , manna , & similibus , leniter ducenda est alvus , & vesperi repetendum est medicamentum anodynum.

Si ex horum usu modice se tandem habeat febris , per dies quosdam tentanda est curatio , more remittentis anomalae , cujus medendi rationem posterius videbimus ; donec appareat , an in legitimam convertatur , vel expectanda sit crisis.

Si vero adhuc crescant symptomata , praecipue dolor capitis , inquietudo cum pulsu forti ,
du-

durove, urinâ rubrâ sedimenti experte, repetenda iterum est sanguinis detractio; rarus autem tertia venarum incisione locus est; nisi simul adfuerit partis cujusvis inflammatio, aut dolor pertinaciter acutus, & dein remediis, antiphlogisticis dictis, scilicet, quae sanguinis fervorem & impetum nimium minuere & reprimere valeant, pergendum est; donec ex mutatis symptomatibus, vel crisis adventu, aliam curationem postulat morbus.

Si vero vel ex natura febris epidemicae, ab exinanitione nimis magna, vel mitiori diu protractâ, aliâve aliquâ de causâ supervenerint symptomata praedictis contraria; qualia sunt pulsus frequens & debilis, urina tenuis absque sedimento, sudor glutinosus, subfrigidus, spirituum languor, aegritudo, tremor, tendinum subsultus, aliaque similia; in quocunque morbi tempore, inquam, haec acciderint, aut qualiscunque fuit ratio medendi praegressa, febrem continuam mali moris adesse ostendunt.

Idcirco statim exhibenda sunt stimulantia & calefacientia quaedam, cardiaca & alexipharmaca dicta remedia, simulque si res ita postulent, vesicatoria admovenda; quae omnia pro ratione debilitatis & symptomatum importune urgentium plus minusve in vota vocanda sunt.

Restituto autem, hoc modo, febris vigore satis congruo, in eo persistendum est, prout opus fuerit, donec vel crisi finita sit febris, vel symptomata mutationem subeant, & dein pro horum varietate tractandus est morbus.

Fi-

Finitis his febribus continuis, lac asininum per longum tempus assumendum est, semper enim debilitatem & acrimoniam notabilem post se relinquunt hujusmodi morbi.

Pag. 13. l. 15. *Sanguis pro ratione virium mittendus.*] In omnibus hiis febribus, dolore magno aut inflammatione comitatis, purgationes modicae simul per alvum factae raro malum inducunt; modo debita copiâ liquidorum tenuium repleantur vasa, nisi vel laborent intestina, vel tali copia fiant, ut inde nimis exsiccetur sanguis.

Pag. ead. l. 18. *Si infirmiffimae videantur.*] In febribus languidis exinanitiones largas male ferunt aegroti, praecipue eas, quae prae caeteris debilitant, quales sunt largi sanguinis & alvi fluxus.

S E C T I O I V.

De feбри cum exanthematibus conjuncta.

Febris miliaris.

Pag. 14. l. 18. *Accedunt non raro delirium.*] Hujusmodi febres non raro etiam vertigine incipiunt, hinc non temere creditur materiam aliquam pravam cerebrum & nervos afficientem
ple-

plerumque adesse; quae, ut plurimum elapsis diebus aliquot, eruptione aliqua, exanthematum more se manifestat. In his itaque paulisper expectandum est, neque alia facienda, quam quae ad symptomata praesentia allevanda necessaria sint; donec qualis futurus sit morbus, certius pateat.

Pag. 16. l. 9. *Maxime autem per intestina.*] Non in his solum sed in omnibus fere febribus, si diu duret morbus, neque multum increseat, aut minuatur, nullis vel levibus apparentibus solutionis signis, alvum laxare convenit, & saepissime haud multo post febrem judicari expertus sum, si autem praeter spem eveniat, paucis diebus iterum tentanda est modica alvi solutio, dato tum post hanc tum priorem vesperi medicamento anodyno.

Pag. ead. l. 11. *Commode laxabuntur.*] Hi enim aegri, optimo cum successu, idoneis medicamentis per alvum purgantur, hanc autem exinanitionem, post aliquos dies, pro virium ratione, repetere oportet, siquidem ex hoc medendi modo has febres protinus discussas, vel certis intermittantium terminis circumscriptas fuisse, non raro comperi.

Aliquando autem accidit, quod non obstantibus hujus generis remediis, diu manent hae febres exanthematibus conjunctae, neque crisi finiuntur, neque in remittentes vel intermittentes desinunt; hisce igitur aegris ex magno usu erit,

erit, lac asininum exhibere, interpositis simul remediis modice cardiacis & reficientibus.

Victus interea, pro vario gradu vigoris aut languoris, plus minusve instaurans aut debilis esse debet, semper tamen humidus, levis, & ad concoquendum facillimus.

Pag. 16. l. 16. *Quae malignae dicuntur.*] In his & ejus generis febribus putridis dictis, ob fibrarum habitum laxatum, & nimis tardum fluidorum motum, excernitur fere quotidie per sudores pars quaedam materiae, quae, eâ tandem copiâ, licet sensim, excreta est, ut restituto, gradu quodam, fibrarum vigore, reliquam subjugat vis vitalis; ex quo non rarò evenit, ut sine crisi aliqua notabili paulatim indies convalescit aegrotus. Idcirco in hujusmodi febricitantibus pedetentim perficitur, quod robustioribus, uno quasi impetu, absolvitur.

Pag. ead. l. 19. *Aphthae palatum atque os totum occupant.*] Cognoscantur aphthae ulcusculis parvis, fauces, labia, & os internum obsidentibus, praecedente dolore cum pondere & anxietate ad stomachi regionem, comitante fere semper febre languida aut intermittente.

Pag. ead. l. 22. *Si albae.*] Aphthae paucae, solitariae, in labiis primo apparentes non a gulâ in os & fauces procedentes, pellucidae instar margaritarum, cito decedentes, neque iterum recrudescentes, boni sunt moris, & fanitatem

nitatem promittunt. Illae vero, quae admodum candidae, & nequaquam splendidae, sed opacae sunt, & a gula lente ascendunt, & porriguntur, donec oris interni partes omnes plus aut minus tegunt, mali sunt moris, semper fere se renovant, & raro sanantur tales aegri. Gangraenae enim indolem in se foveant, dantur quippe albae, aequae ac nigrae gangraenae.

Pag. 16. l. 25. *Nigrae exoriantur.*] Pari ratione aestimandae sunt aphthae fuscae, lividae, faniem putrem, tenuem, rubellam, tum vasa exedentem, tum humores corrumpentem, effundentes. Hae enim gangraenam adesse, certò & mox lethalem futuram denunciant.

Pag. ead. l. 28. *Gargarizationes fieri debent.*] Si doleant admodum fauces, praeter gargarismum in usu apud auctorem fiat eclegma molle, oleosum, vel potius mucosum, aliudve simile.

Quamvis Hermannum Boerhaave pro meritis, in arte medica, satis laudare vix possibile est, medendi tamen ratio, quam in salutem & commodum aegrorum hoc morbo laborantium consuluit, aliquam animadversionem hoc loco desiderare videtur. Suadet enim inclytus ille medicus, ut aegri aphthis vexati in balnea tepida ex emollientibus, & praecipue cum lactis vaccini tertiâ quartâve parte parata, demittantur, fofusque similes abdomini applicentur.

Haec quidem morbis quibusdam chronicis
com-

commode fieri possunt, vix tamen talia utenda sunt remedia in febribus illius speciei & moris, quibus, prae caeteris morbis, in hac regione aphthae se comitari ostendunt.

Pag. 16. l. 31. *Neque enim reprimentia.*] Decidentibus autem crustis, ne iterum renascantur, tangantur partes cum melle rosarum spiritus vitrioli fortis, vel salis marini guttis per paucis adjectis, vel hoc parum proficiente, cum sequenti mistura.

℞. Elix. Aloes mell. rosac. ana ℥ii. acet. destillati guttas triginta unguent. aegyptiac. ab granis quinque ad viginti. m.

S E C T I O. VI.

Erysipelas.

Pag. 20. l. 9. *Per modum crisis.*] Apparentibus sponte exinanitionibus, an criticae futurae sint, necne, plerumque dignoscere difficile est, nisi per effectus, lucem tamen non levem afferunt, quae de instantis crisis signis, jam alio loco tradidi. (Vid. Not. ad Pag. 11. l. 1.) Hae enim excretiones plerumque cum impetu fiunt, maxime vero in robustis habitibus.

Pag. 20. l. 17. *Finem de febribus malignis.*] Mirum interea videatur febrium quarundam maligna-

lignarum & contagiosarum historiam & curationem tam brevi narratione expeditam fuisse; & haud dubito, quin permulti lectores mecum censebunt, auctorem sat bene meruisse poëtae sententiam. „ Brevis esse laboro, obscurus fio. ”

Idcirco si Deus det vitam, si medicinae professores favens dent hujus operis judicium, in animo habeo auctoris nostri librum de variolis & morbillis edere, ubi adjunctis simul notis & observationibus, illuc deferam quicquid de hisce & de febribus malignis ex putrido fomite plerumque ortis monendum habeam, quicquid insuper instituti ratio tum simul postulare videatur animadvertendum, tam de *veterum*, quam *recentiorum* (*) scriptis, quatenus ea ad hujusmodi res pertineant, quae etiam nunc, uti & olim, cuivis medico, legere quid *miri* appetenti, *nova quamplurima* à quibuslibet undecunque arcessita, ad satietatem usque praebebunt.

SEC-

(*) E. G. Palmarius *de morbis contag.* Sorbait. *univers. medecin. & consil. medic.* Werthoff *Disquis. medic. de Variol. &c.* Schreiber *de Pestilentia*, Plague no contagious disease. Lobb *on the Plague and contag. Distemp.* Perry *on the Small-pox.* Town and Hillary *on the diseases of Barbadoes and the West-Indies, &c.* Chirac *Traité des Fièvres malignes.* Pringle *Observ. on the Diseases of the Sail and Army, &c.*

S E C T I O V I I .

*De Febris singularibus.**Pleuritis.*

Pag. 21. l. 22. *Pleuritis.*] Occupat hic morbus tum omnia thoracis interni velamina, tum praesertim musculos intercostales; quocirca dividitur a practicis in pleuritidem veram, & notham, videlicet prout interna velamina, vel hos musculos aggrediatur, distinctione non admodum utili, rarissime enim sola afficitur pleura, at longe frequentius muscoli intercostales, quod a dolore, quoties aër spiritu ductus est, valde aucto, & cadaverum dissectione confirmatum habeo.

Nec minus in humidam & siccam facta est divisio. Illa ponit materiam pituitosam, sanguineam, vel purulentam per tussim rejectam, & proinde pulmonem simul affectum. Haec dolorem, vel sine tussē, vel tussim excreatione liberam pro certo statuit. Dividitur etiam in lateris dolorem sibi proprium, Idiopathicum dictum, & Symptomaticum. Prior est illa hujus morbi species in cujus naturam jam inquirere lubet. Posterior ponit translationem materiae cujusdam acris, purulentae, aut ulcerosae in pleuram, aut partes vicinas.

Oblata autem hac occasione, sit mihi aequa
pote-

potestas dicendi, gradum inflammationis & doloris praecipuam esse regulam, quā, tam in hoc morbo, quam aliis omnibus inflammationibus, seria à frivolis, notatu digna ab indignis, dijudicanda & distinguenda sunt. Ideoque missis distinctionibus inutilibus, de pleuritide vere inflammata, jam pauca monenda sunt.

Haec juvenes & viros robusti & sanguinei corporis habitus prae caeteris aggreditur, & hoc maxime tempore verno, dum redeunt jam gramina campis, vel hyeme, dum rura claudit gelu, & proinde quidquid vel sanguinem, seu in pleurae, seu membranarum quarundam costis contiguarum, seu musculorum intercostalium vasa arteriosa, modò singulis, modò pluribus, ex praemissis respondentia, majori impetu, aut copia, quam par est, impellit, vel haec vasa nimis coarctat, in causa esse potest, cur aegroti hoc morbo torqueantur, vel recidivum patiantur, quae causae, cum innumerae fere sint, hoc loco recitare non convenit.

Incipit autem hic morbus, plerumque à frigore & rigore, & cognoscitur adesse quando aeger laborat lateris dolore acuto, pungente, lancinante, spiritus hauriendi, potius quam reddendi vel retinendi difficultate, conjuncto, nec non & febre acuta, & cutis siccitate, pulsu duro, sociatis. Adest etiam plerumque tussis dolorem summè augens, unde tussim suffocare conantur aegroti.

Durities autem pulsus in hoc, ut in aliis omnibus morbis, acri dolore comitatis, non

tantum ex ictus vigore, sed etiam, idque quam maxime, ex astricto ipsius arteriae, & si ita dicam, chordae tenuis tensae simillimo statu, dignoscenda est.

Pulsus enim non semper magnus & validus est cum durus, sed saepe parvus, ob respirationem non satis liberam; sanguinem tamen nihilominus mittere oportet, ut respiratio liberior fiat, quo facto, brevi saepe fortius vibrat arteria.

Quamdiu enim in hoc morbo pulsus magnus & durus adsit, licet dolor urgeat, spes jubet esse bonas, cum verò mollis fiat, nec multum caleat, nec melius se habeat aeger, metus maximi periculi portenditur, eo quod plus plusque impeditum ad iter faciendum per pulmonem redditum esse sanguinem liquet.

Pag. 21. l. 23. *Quantum opus est sanguine.*] Nihil aeque clare vel missionis sanguinis necessitatem, vel quantitatem detrahendam demonstrat, ac ipse dolor respiratione difficili sociatus, ubi enim vel ambo conjungantur, vel alteruter multum laboret, detractio sanguinis certo requiritur, imo, ut verbo quasi dicam, vix a scopo optato aberrabit medicus, si sanguinem ad prima signa defectus animi fluere curaverit.

Praemissis autem venarum in brachiis incisionibus repetitis, saepe mihi contigit observare, pleurae dolores sanguinis detractioe ex Saphaenâ magis leniri, quam eadem operatione in
bra-

brachio institutâ ; quocirca fortiolem à parte dolente derivationem, à quibusdam revulsionem dictam, inde suspicatus sum, cujus haec ratio esse videtur forsan non improbabilis, nimirum quod arteriae intercostales ab Aorta ascendente oriuntur.

Raro autem quantitate huic morbo debellando sufficienti à pede detrahendus est sanguis, & proinde convenit primo, vel vena mediana, basilica aut cephalica incis, ejus copiam generatim minuere, & dein derivationis seu revulsionis gratia, sanguinem ex saphaena sigillatim detrahare.

Pag. 22. l. 2. *Ad sanguinem in canaliculis suis hærentem solvendum.*] Frustra in morbi initio exscreationem inducere conemur, etiamsi simul afficeretur pulmo, & multo magis in vera pleuricide, cui vix unquam quovis morbi statu, datur talis expuendi aut expurgandi locus.

Pag. ead. l. 5. *Emplastrum vesicatorium lateri.*] Longa autem me docuit experientia, alias quascunque exinanitiones, vel arte, vel naturâ factas, spes meas perpetuo fefellisse, nisi sanguinis missio larga, & pro gradu mali repetenda, prius instituta fuisset.

Profecto igitur flocci facienda sunt, quae de resolutione, beneficio naturae, de sudoribus provocandis, aut salibus, oleisve glutinosam crassitudinem humorum solventibus, exscreationem promoventibus, aliisve ejusmodi

nugis olim jactitaverint aut hodie adhuc jactitent pharmacopolae ignari, medicique timidi & inexperti, aut denique *Plani*, improbiissimi pharmacorum specialium venditores, quaestu turpissimo pasti.

Pag. 22. l. 11. *Sub finem autem morbi remittente jam inflammatione alvum laxare oportet.*] Moderata per alvum purgatio saltem in habitu corporis calido & sanguineo, de quo hic agitur, non nocet, licet sub initio vel arte instituat, vel sponte à natura superveniat, ut ut aliter sentiant mulierculae aniles, medicamentarii, & id genus omnes, qui hoc symptomate atteriti, statim restringentia & opium sinistro fere fato aegris exhibere solent.

Pag. ead. l. 17. *Eveniat abscessus purulentus.*] Hujus morbi duae sunt species, verbi gratia, primo cum in vera pleuritide pars dolens putrescat, & fiat abscessus, vel in musculis intercostalibus, vel inter hos & pleuram, secundo, cum rupta pleura pus in cavum thoracis fluat; unde empyema.

Pag. ead. l. 20. *Ulcus autem per totam vitam.*] Non raro etiam iis aegrotis accidit, quibus pulmo, propter ejus ad latus adhaesionem, una cum pleura, simul afficitur, finitam sanguinis excreationem furtim subsequi puris spatium. Hi plerumque tabidi moriuntur, saltem nisi cito liberetur pulmo, quod tentari debet

bet victu, & medicamentis blandis & demulcentibus, Antiphthificis dictis, interpositis simul iis, quae tussim leniter proritent, maxime mane, ut pus nocte collectum quotidie educatur, vespere vero anodyna, caute & parca manu exhibere oportet, & quoad caetera, ut in phthisi procedendum est.

Abcessus autem jam facti signa sunt, horror saepe revertens sine causa manifesta, doloris remissio manente dyspnoeâ, malarum rubor, fitis, febricula sub noctem aucta, pulsus debilis, mollis, frequens.

SECTIO VIII.

De febribus intermittentibus.

Pag. 22. l. ult. *Febrem intermittentem.*] Febris intermittens simplex se adesse indicat redintegratione frigoris, horroris, & tremoris certâ quadam horâ, quibus superveniunt pulsus creber, & aestus febrilis, siti, calore, dolore capitis & lumborum, &c. plerumque comitati. Haec autem horis quibusdam ita se continuant, ut citius vel serius pro morbi genio succedat crisis, maxime per sudores, non vero semper; aliquando enim eam per alvum, vel urinae vias factam novi. Urina sub paroxysmo reddita, plerumque rubra est, & vix faeces

demittit, eo vero finito, sedimentum ingens lateritium deponit.

Vult Mortonus, aliique multi medicinae scriptores, sedimentum hoc lateritium esse definitum & perfectum intermittentium signum, Diagnosticon dictum; quod veritati minime consentaneum est.

Novi enim aliquos homines habitu sanguineo praeditos, qui integra fruenter valetudine, talem reddebant urinam, praecipue post corporis exercitationes, levemque defatigationem. In morbis scorbuticis etiam, nec non & in hydropicis tale lotium saepe reddunt aegroti; praesertim quibus corporis constitutio biliosa, calidave sit.

Fidissimum itaque, febris intermittentis signum, ut opinio mea fert, est paroxysmus cum hac urinae specie & conditione, aliisque propriis suis rebus ordinatim circumstantibus, certâ quadam horâ, sine causâ manifestâ recrudescens, quae hujusmodi symptomatibus ortum praebeat.

Pessimum enim in errorem similitudine rapiuntur medici, dum dolores verâ inflammatione conjunctos, qui vesperi, aut scorbuticos, qui nocte plerumque increscunt, intermittentium more curant.

Hujusmodi autem dolores neque horrore, oscitatione, pandiculatione & frigore aequae comitantur, ac febres revera intermittentes, quae cum his signis non vesperi modo, sed qua-

quavis alia diei noctisque parte, pro ratione paroxysmi praegressi redeant.

Haud immerito quoque istud adhuc magni admirandum videatur, quod in omnes valetudinis infirmitatis facies se transformare queat hic morbus, Protea aemulari studens, easque simulat, tam quas acutas, quam chronicas nominarunt auctores, maxime vero priores; quo casu curandus est morbus, ut morbus simulatus curari debeat; deinde postquam à recrudescente paroxysmo, aliisque signis propriis, palam se fecerit intermittens, cortice Peruviano oppugnandus est.

Unum proferre, quod ad hanc rem pertineat, exemplum, sat erit; nimirum, si formâ cephalae acutae appareat morbus, missione sanguinis in primis, prout vires aegri ferre poterunt, dein salibus resolventibus, quae calorem minuant, & potionibus blandis, quae humores attemperent, prosequenda res est; usque dum per signa morbis intermittentibus assueta, & praecipue dolorem statò tempore sine causâ manifestâ recrudescentem & desinentem more paroxysmi, quandam certi ordinis febrem respicientis, pateat ejus species vera, & tandem larvâ excussâ, sine morâ, malo sincero occurrendum est, & antidoto Peruviano profligandum.

Pag. 22. l. ult. & pag. 23. l. pr. *Cortice Peruviano discuti posse.*] In febris intermittens simplicis curatione, praecipue perpenſa & ex-

plorata habenda sunt imprimis vehementia & tempora paroxysmi & ἀποεξίας, deinde quomodo sese finiat paroxysmus, an scilicet sudore, diarrhoea, &c. nec non an citius vel serius revertat; si enim post singulos accessus serius redeat, vel sponte brevi desinet, vel facile sanabitur, si vero citius, quotidie increfcit, & ad febrem continuam vergit morbus.

Pag. 23. l. 1. *Eliciatur vomitus.*] Praecipue si adfit nausea, vel vomendi conatus.

Pag. ead. l. 30. *Eandem tenui medendi viam.*] Rhabarbari & corticis Peruviani virtutes unitas merito celebravit, autor, nihilominus accidit aliquando magnam curationis spem elusisse istiusmodi consortium. Cum in tali igitur loco res sit, experiētiā comprobavi, ut ad omnes rhabarbari partes feliciter valeret massa quae habet pilul. Ruf. Cinnab. antimon. ā ʒss. Sapon. amygdal. ʒiss. Syrup. croc. q. f. m. f. massa, cujus exhibeantur pro re nata, viginti vel triginta grana.

Pag. 24. l. 5. *Iterati in eundem lapsus.*] Si autem ob frequentes febris redintegraciones multum debilitentur vires, & hydropicus vel cachecticus sit aeger, valentiora plerumque requiruntur medicamenta, quocirca ad recidivam praecavendam cortici addatur chalybs, nec non & aliquod ex herbis, & radicibus, quae amaris, aromaticis, & diureticis polleant viribus.

Prae-

Praeterea haud minus hujusmodi aegris conducit equo provehi, & aestate, balneo & aquis frigidis uti, interpositis pro re nata medicamentis vomitoriis, vel si opus sit, catharticis idoneis.

Denique pro normâ certissimâ a medico habendum est, se numquam credere aegros, quos consuetudo in febrium intermittantium crebros recursus adduxit, ex toto, aut integre sanatos, quamdiu sudore glutinoso diffuant, vel ad minimam corporis exercitationem sudent; utpote ex solo hoc symptomate, conjecturâ satis probabili colligi potest, sanguinis circuitum justo segniores & corporis compagem naturali multo debiliorem esse. Duplex autem hoc vitium sanat cortex Peruvianus cum chalybe compositus prae caeteris omnibus remediis.

Pag. 24. l. 15. *Specimen praebeant.*] Cujus rei indubitatum testimonium proferre libet. In phthisi scilicet aliisque morbis interno ulcere comitatis, vesperi recrudescit horror, dein calor, quo per noctem excruciantur aegri, & mane sudore terminatur talis paroxysmus.

Hic vero morbus non est febris intermittens, de qua hic agitur, sed ortum habet ab acri putridaque materia in venas absorpta, neque cortice Peruviano, ullove medicamento, quod adversus hujusmodi febrium accedentes & recurrentes horrores traditur esse in hodierno usu, & bona existimatione, sanandus est, nisi sanato morbo primigenio.

Pag.

Pag. 24. l. 22. *Effectum non sortiatur.*] Imo contra expectationem omnium aliquando accidit, ut assumpto cortice Peruviano superveniat diarrhoea, quo casu exhibeatur vomitus ex ipecacoanhae radice, & post aliquas horas immittatur clyster ad hunc modum praescribendus: ℞. Cortic. Peruvian. pulv. ℥ss. aquae communis ℥x. coque ad partes dimidias & cola, dein postquam refrigerit liquor adde tinctur. cinnamom. ℥ss. electar. e scord. ℥iii. m. & si adhuc remaneant febris & diarrhoea, repetendus est clysteris usus, pro harum ratione, tertiâ scilicet vel quartâ quâque horâ. Hoc enim medendi modo, irritis aliis quibuscunque, pessimas intermittentium species sanatas expertus vidi.

Pag. 25. l. 16. *Haec tertio quidem die revertitur.*] Haec febris incipit plerumque oscitatione, pandiculatione & lassitudine membrorum, quibus succedunt horror, rigor, calor, fitis, dolor capitis, dorsi, aliarumque corporis partium, lingua nunc alba, nunc flava, urina, pro gradu febris & vigore pulsus, plerumque plus minus rubra, nunc sedimentum deponens, nunc cruda, nunc turbida manens. More autem intermittentium distinguitur, revertentibus eodem modo paroxysmis, hoc tantum cum discrimine, quod haec febris per decessiones tantum molliatur, nec unquam corpus dimittat, sed aliquando stasis, aliquando incertis temporibus, vi intensiori revertat:
In-

Interea tamen notandum est, ut intermittentis more, crisi quadam finiatur paroxysmus, febre adhuc continuatâ, licet mitiore.

Haud multum equidem inter hunc morbum & febrem continuam synochum dictam interest, & in hanc regimine nimis calido saepe convertitur; e contrario, habitâ aptâ attentione ad rectum virium circulantium gubernationem, in intermittentem plerumque commutatur tum haec febris, tum ipsa synochus.

Pag 25. l. 18. *Per accessionem occupat.*] Ad intermittentium ordinem juxta referri debet febris ardens, non minus propriam animadversionem desiderans, quam semitertiana; quippe alternis diebus, praecipue iis, quos impares nominarunt medici, exacerbatur, ab hemitritaea gradu quodam & siccitate majori tantum differt, postulatque eandem medendi rationem, sed magis refrigerantem, humidam & temperatam; eo praecipue cum viros membris & mole valentes in laboriosis exercitationibus multum & saepe versatos, aggreditur, quam denique rem satis confirmant medicorum in multa saecula experientia.

Incipit enim febris ardens, ut semitertiana cum lassitudine, horrore, & rigore, quibus succedunt nausea, vomitus, calor maximus, & ad tactum fere urens, sitis inexpugnabilis, inquietudo, anxietas, & calor summus ad vitalia & praecordia, siccitas totius corporis, pulsus velox cum arteriâ tensâ chordam arc-
tam

tam & astrictam referente, musculorum tendines naturali teniores, & duriores, respiratio densa, cita, lingua sicca, aspera, flava, fusca, nigra; tussicula, vox clangens, dolor capitis ingens, pervigilium, nervorum distentiones, phrenitis, coma.

Haec tamen omnia symptomata non omnem febrem ardentem comitantur, saltem in morbi initio, sed sensim augentur tam numero, quam viribus, pro ratione continuationis & gradus morbi: semper tamen calor corporis ficcus, urens, & ad praecordia ingens, fitis summa, & lingua sicca, aspera cum inquietudine anxia, pulsu veloci, & arteriis fabricâ admodum tensâ & astrictâ notandis adsunt.

Haec febris prae caeteris omnibus caput afficere solet, unde fiunt dolores, vigiliae, delirium, furor, phrenitis, & similia.

Pravam hanc cerebri affectionem prope adesse, satis certa notitia venit medico, si progrediente morbo quaedam ex his aut consimilibus signis sese prodant; scilicet, si aeger creberrimo mingendi conatu laboret, perpauca tamen tenuis urinae copiam singulis vicibus reddat, si arrepta ejus manu eam subducere moliatur, si, quae dixit, sibi ipsi illico fere oblita sint, si respiratio antea cita, mox in profundam & tardam mutari incipiat, si oculi tristes, luctuosi, cum scabra sorditie pulverulenti, semiaperti, aut torvi videantur, si ex his lachrymae sponte stillent, nec ad
can-

canthos versus, eant; quibus omnibus illud etiam accedit miserandum, quod haec symptomata aegrum excruciendo, eum minime tractabilem reddunt, & sanationem maxime impediunt: Quocirca studiosè adhibendae sunt cautio & provisio, ut quantum fieri possit, evitentur hujusmodi incommoda.

Huic autem fini consequendo nihil aptius reperitur, quam morbi curationem inprimis aggredi missione sanguinis largâ, mox pro virium & symptomatum ratione repetendâ, remediis dilutissimis, refrigerantibus, & revellentibus à capite, ab ipso morbi initio. Crura igitur aquâ tepidâ bis terve quotidie, si liceat, genua tenus immergere, ex magno usu erit, & hoc finito cruribus & pedibus adhibendum est cataplasma emolliens.

Talis autem medendi modus, etiamsi rationi maxime congruus, rarissime à nostratibus tentatur, & medicum, qui hujusmodi auxilia praeceperat, se ludibrio intempestivo exposuisse mihi vidisse contigit.

Veteres interea medici pullos juniores, columbas, & similia animalia dissecabant, & adhuc calentes plantis pedum admovebant, ut spirituum animalium tumultus compescerent, & impetum a capite revocarent; quod excusso & explorato consilio utiliter ab iis factum erat, plus tamen humectat & revellit medendi ratio supra proposita

Recentiores autem theoriae attractionis falso fidentes, emplastris acribus & vesicatoriis irritan-

ritantibus, non solum hoc frustra, sed quod multo pejus est, id semper maximo certe cum aegrorum damno efficere conantur, nisi constet plane ex languore & debilitate tantummodo stagnare humores.

Propter eandem etiam rationem eas exinationes promovere convenit, quas cum utilitate in seipso experiri solebat aegrotus, dum sanus fuit, cujuscunque fuerunt generis, modo ad revulsionem à capite & praecordiis conducere-
rent. Artis igitur praecipuum erit opus, ut sat copiose fluat sanguis vel e naribus, eas irritando fetis, vel ex haemorrhoidibus, impetum sanguinis deducendo suctu hirudinum; vel denique in foeminis ut fluant menses, si tale quid ardens acciderit, laxando vasa uterina emolliente cataplasmate, ut eò derivetur vis sanguinis. Hoc autem stimulantibus calidis, emenagogis dictis, minime tentandum, quippe ejusmodi medicamenta in hoc morbo exitiosa sunt.

Pag. 26. J. 2. *Excriri videtur.*] Haec febris difficilis inde non raro est curationis, medias enim partes inter synochum febremque intermittentem tenere videtur, ideoque medendi rationem magis temperatam, quam in intermittente simplici, minus vero quam in synocho, ut plurimum postulare solet, & sedulo observare, debet medicus, tam accedente morbo, quam toto progrediente ejus cursu, an nimio impetu ferantur humores, nimisque vigeant, vel languescant vires.

SEC.

S E C T I O X.

De febribus lentis, five hecticis.

Pag. 28. l. 17. *Tot habent causas.*] Ex tribus tamen praecipuis causis ortum ducunt hae febres lentae hecticae dictae. In primis hic morbus oritur ab omni causa, quae transitum sanguinis per pulmonem ita impedit, ut ibi in materiam purulentam convertantur obstructa, quales sunt tussis diuturna, pleuritis, peripneumonia levis, pulmonis strumae, febres omnes, acrimonia omnis generis vascula tenera corrodens, & sputum sanguinis inducens, plethora, aetas juvenilis calida, praesertim ab anno aetatis decimo sexto ad trigessimum sextum, exercitationes violentae, cantus, clamor, & infinita alia, quae pulmonem inferciunt, calefaciunt & fatigant, sed prae caeteris, ipsius corporis forma, ex qua profecto evenit, ut vis major in respiratione pulmone incumbat, & simul desit explicationi locus. Consistit hoc in collo longo, thorace plano & angusto, & scapulis depressis; quibus, si accedat color candidus cum cute quasi pellucidâ, rubor vegetus in malis, summum inde tabis est periculum.

Constat autem inter omnes, hunc morbum ulcera omnia, praecipue interna comitari, quippe in his materia purulenta propter vaso-

C

rum

rum laxitatem, puris retentionem, & partium contiguarum compressionem, majori copia in vasa absorbentia necessario propelli debet: Quocirca praesente febre hæcticâ aliquid latentis ulceris suspicari nunquam non alienum erit.

Oritur etiam hic morbus ab acrimoniâ quâcunque, seu oleosa, salina, seu biliosa sit, postquam vel putrescere incipiant humores, vel tanta iis inducta sit acrimonia, ut non solum nimis inde solvantur humores, sed & nervi insuper partium singularium motui sensuique servientes, irritamentis inordinatis & plus justo frequentibus obnoxii fiant.

Oritur & tertio ab exinanitione, raro vero, nisi simul adfuerit acrimonia, uti male iis aegris non raro evenit, quorum vires febribus acutis aut lentis jamdudum valde exhaustae fuerunt.

Pag 28. l. 22. *Exulceratione originem trahunt.*] Febris hæctica ex hoc fonte derivata his signis se manifestat. Hujusmodi aegri pulsu celeri & debili, sitisque paucitate afficiuntur, mane plerumque algent, & languidi sunt, vesperi calent & alacriores sunt, eoque tempore praecipue calent, quo novus chylus cum sanguine circumfertur, tunc enim, praesertim si diu haeserit malum, rubent malae, & internae manus, primo mane autem dormiunt, & morbo indies in deterius mutato, tum etiam sudore liquefcunt. Urina vesperi reddita,
dum

dum febrilis calor adfit, sedimentum non deponit, sed agitata in phialâ diu spumam retinet, finito vero, per sudores multâ jam nocte obortos, paroxysmo calido, sedimentum subalbidum, aliquando rubro flavum & fursura-ceum, non raro & lateris contriti colori simillimum, deponit. Postremo observatu dignum est, quod ipse cruor ex venis emissus nunc facie & compage mutatus, massæ albae, duræ, glutinis & corii instar tenacis, & resilientis, speciem variam pro vario gradu mali prorsus assimulat.

Pag. 32. l. 1. *Utilissimum esse balsamicis.*] Mane plerumque rejicitur materies acris, tussim excitans, eo igitur tempore exhibenda sunt lenia balsamica, quae exscreationem promoveant, ut a retentis liberetur pulmo, non vero aliis diei temporibus, nisi ea copia congesta sit materies, ut mane haud idonea fiat expurgatio, quippe auctâ tussē, augetur in partem affectam humorum fluxio & derivatio.

Ad ulteriorem autem in hoc morbo exscreationem promovendam, illud interdum ex magno usu venit, ut incumbat aeger pronus in largam pelvim aquâ calidâ repletam, ita ut vapores in pulmonem hauriat, hoc vero non proficiente, addatur acetum parva copia, & si haec omnia parum valeant, in usum vocare oportet acetum scilliticum. Ad eandem rem spectat spongiam aceto acerrimo calido vel aceto scillitico madidam naribus vel ori per

vices admove, ut pulmo vapores ad se attrahat.

Pag. 32. l. 18. *Praecipue in sanguinis sputo.*] Rarissime, si unquam, in hoc morbi statu convenire possint haec aut consimilia medicamenta, quâcunque formâ exhibita, aliquando autem cessaturo sputo, ea multum commodi adfuisse observavi.

Pag. ead. l. 19. *Exiguâ autem his suppurationibus subjungendus videtur largior.*] Suppurationes, quae in pulmone fiunt, tam parvae, quam magnae, his indiciis, modo leviori vel graviori, pro gradu mali urgentibus, se palam faciunt. Dyspnoea cum tussis incremento vespere & nocte praecipue adest, unâ, si apertum sit ulcus, cum sputo crasso, glutinoso, subflavo, & purulento, nunc lineolis, guttisque sanguinis commisto, nunc absque his; sin vero in tunicâ concludatur, deest purulenta materiae expuitio.

His in morbi progressu succedunt horror levis, inordinate recurrens, malarum rubor post partum, calor urens & mordax cum pulsu celeri & febrili maxime vespere, mane vero ad tactum frigus. In latus affectum sat commode decumbunt aegroti, in alterum vero moleste ferunt, saepe ne minimâ quidem ex parte pati possunt, eo quod tussis inde auctis viribus & dolore simul ponderoso quasi desuper impendente, ut plurimum comitata, aegrum inde-

indefinenter torquet. Possum quoque & illud animadvertere, quod latus affectum altero plerumque calidius reperietur.

Sub morbi progressum ingravescent praedicta, maxime vero sub poenâ motus spiritus difficilius trahitur, simul & increscunt tussis & calor hecticus. His succedunt anxietas & molestia inexplicabilis per noctem, sudores mane ingentes, debilitas, macies summa, diarrhoea colliquans, crurum tumores, pruritus per totum corpus, vox rauca & oh! talis facies, qualis Hippocrates in illustrandis suis historiis facile princeps tam prope à cadaveris vicinitatibus & confiniis, depinxit, ut luridis & emaciatis malis, ambiguoque vultu, fere sagaces falleret inquisitores discrimen obscurum.

Pag. 33. l. 1. *Haec de phthisi.*] Ut extremum hoc monitorum agmen de hoc morbo fructum utilitatis majoris praebeat, non ab re fore putavi, ea, hoc loco, subjungere principia, quae, a medico in insidiosum hujus morbi gradibus consequentibus, a prima accessione usque ad ejus decessionem, seu exitum saepe funestum, semper timendum, praesertim sunt observanda, & prosequenda.

Ex omnibus praedictis idcirco liquet, quod tempestiva sanguinis sputi cautio & provisio, puris generati exscretio, lenimen acrimoniae hecticæ purulentæ, tussis mitigatio, diarrhoeæ impeditio, aut sanatio, primas in curatione partes tenent.

His autem propositis conducunt missio sanguinis pro re nata instituta, diaeta lactea, medicamenta putredini resistentia, & si non vetat spirandi difficultas, incrassantibus & emollientibus simul sociata, exercitatio lenissima & perquam moderata, plerumque autem nihil utilius est, quam curru, aut equo vehi per aërem purum placidum à nimis frigido calido-ve utrinque reductum, ut inde facilè expurgetur pulmo.

Praeter haec ad tussim aliaque symptomata molesta lenienda caute interponenda sunt ea remedia, quae more lenissimo somnum conciliant.

Postremo non est alienum insuper adnotare, quod in praedictis utendis & exhibendis, regula optima ex dyspnoeâ petenda est, si enim hoc symptoma multum urgeat, neque vetet diarrhoea, aut oris ventriculi morsus, acidis blandis & salibus, quae calidae & putridae humorum crasi fortiter resistent, necnon & lenissimis & dilutissimis potionibus, libere, parcâ tamen copiâ, unâ vice assumendis aeger tractandus est. Quotiescunque autem pateat, ut spiritus difficultas minus urgeat, lenia obtundentia & incrassantia prioribus medicamentis addenda sunt.

Pag. 33. l. 2. *Duae autem sunt aliae tabis species.*] Hae tamen duae species vix à vera stirpe hectica ortum suum ducere dicantur, nisi simul adfuerit partis alicujus putre vitium ab
hu-

humorum acrimoniâ induetum, quo casu ad primam familiam & originem profecto referri debet morbus; sin alia contigerit tabis species, vel in nimio impetu solidorum in liquida, quo ea atteruntur nimisque solvuntur, vel in acriliquidorum transfluentium indole, omnino ponenda est ejus mali sedes.

Hujusmodi autem omnes, qui ex habitus vitio & culpa, ut ita dicam, tabidi fiunt, urinam tenuem larga copia per vices reddunt, nunc prorsus pallidam, nunc coloris straminei cum pauco vel nullo sedimento; & hoc maxime noctu, dum calidiores sint. Sanguis licet per vasa velociori cursu fertur, quam par est, nihilominus vel sponte emissus, vel venis tractus, rubedine nimia splendet, & praeter morem minus cohaeret.

Praeter ea, quae supra scripta sunt, illud quoque observatu dignum videatur, tempestatum mutationes, licet vulgares, male ferre hujusmodi aegrotos, maxime vero eas frigoris & caloris variationes, quae de improvviso fiunt.

Haecenus dictis unum hoc adjiciam monitum, scilicet id maximi esse momenti, ut satis clara adepta sit cognitio differentiae, quae extat inter febriles morbos hecticae & tabidae indolis ex quacunque prole natos, & febrem malam continuam debili & veloci pulsu comitatam. Priores, qui vitio habitus aegrotare dicantur, plerumque pro ratione mali, per longum equidem tempus morbo laborant, imo aliquando

per plures annos, & ad negotiosas cogitationes & actiones valent, minus licet sani & robusti: Posterioribus autem febricitantibus longe alia res est, lecto enim affixi aut saltem cubiculo detenti manent, & tremore, aegritudine, aliisque febris verae languidae symptomatibus noctes diesque vexati & exhausti sunt.



CAPUT II.

De morbis capitis.

SECTIO I.

Apoplexia.

Pag. 34. l. 5. *Congeneres sunt plerique capitis morbi.*] Quo clarius autem intelligantur ea, quae ad veram hujusmodi morborum cognitionem, naturam & sanationem pertineant, consulendae sunt in primis praelectiones medicae in Theatro Collegii medicorum Londinensium habitae a Thoma Lawrence M. D. Collegii ejusdem Socio & Praefide dignissimo.

In his enim praelectionibus eruditissimis, Lector deprehendet Apoplexiam & ejusmodi morbos, ex quibus corpora vel sopore victa vel sensu privata fiant, accurate descriptos, & divisione forsan perfecta in proprios ordines redactos, adjunctâ simul singulis apta medendi ratione. Quocirca pauca tantum usu explorata, & ad hanc rem pertinentia adjicienda habeo.

Pag. 34. l. 7. *Quorum praecipuus est apoplexia.*] Homo apoplexia corripitur dicatur, quando sub specie somni profundi, stertentis, ex improvise plerumque corruit, omnibus ejus actionibus animalibus derepente abolitis, vitalibus interea non solum salvis manentibus, sed ut plurimum praeter morem se fortius exerentibus.

Pag. ead. l. 20. *Illam sanguineam, hanc pituitosam.*] Haec divisio licet non perfecta, praxi tamen sufficit, utpote reliquas species, viz. a Polypo, & caeteris ejusdem generis, orientes, sese omnes insanabiles esse comprobavit experientia. A causa priori, scilicet sanguineâ, advenire cognoscitur hic morbus ipso corporis habitu calido, plethorico, vultus & oculorum labiorumque rubore, vitae consuetudine quâcunque praegressa, quae sanguinis motum accelerare & ejus molem rarefacere valeant, pulsu plerumque forti & tardo, respiratione profunda, rara, forti, stertente.

Dignoscenda est etiam altera pituitosa hujus morbi species a sanguineâ, frigido, pituitoso, cachectico corporis habitu, colore pallido cutis, pulsu tardiore, corpore crasso, pingui, inertî, animique pigritia & stupore.

Pag. 35. l. 13. *Sanguinea autem detractiones sanguinis.*] Si omnia quidem auxilia, quae paulo post a nostro auctore merito proposita sunt, parum aut nihil proficiant, & adhuc urgeat

geat sanguinis redundantis copia diminuendae necessitas; huic fini consequendo nihil aptius reperitur, quam si, demissis in aquam tepidam cruribus, fiant ligaturae femoribus venas tantum comprimentes, hisque tumentibus, ac dein incisis, sanguinem detrahare oportet; sin ea res frustra fuit, scarificatione profundâ, & cucurbitularum ope, reclusis venis copiosè profluere sinendus est sanguis, & tandem, ut nihil desit, quo plethora, ad capitis vasa minuat, transversim secanda est vena Frontalis dicta,

Pag. 35. l. 15. *Pituitosa purgationes per alvum.*] Non raro autem evenit, aegrum prostratum adeo omnino stupidum se exhibere, ut remedia cathartica per os sumere nequeat, quo casu clyster acris statim injiciendus est, eoque rejecto, alius atque alius serie continuandus, donec horum ope assidua excitetur diarrhoea. In hujusmodi casibus, non omissis caeteris mihi optimo cum successu inservire solet hicce clyster.

℞. Pil. e Colocynth. simpl. ℥ii. Vin. Antimon. ℥iii. Aquae Alexiter. simpl. ℥ii. m.

Pag. 36. l. 5. *Arteriarum in temporibus incisio.*] Revera non multum commodi ex arteriarum in temporibus incisione capiet aeger, ipsam autem arteriam temporalem dictam, arte chirurgicâ aperire necesse erit, & exinde multum sanguinis detrahare convenit. Si hac exina-

nanitione fretus etiam opem atque auxilium ferre speret medicus.

Pag. 36. l. 18. *Vesicatoria etiam capiti.*] Si hisce stimulis per aliquod tempus applicatis, nec voto respondentibus, nequaquam excitetur aeger, subsequenter medendi rationem aliquando bene cessisse compertam habeo, nimirum vesicatoriis primis amotis, cucurbitulae cum scarificatione admovendae sunt, & deinde vesicatorium recens de novo imponere oportet, quod pannis calidis aut tegulis calefactis promptissime in actionem excitandum est, quippe in summam ad ea, quae quaerit medicus, proficiet.

Pag. ead. l. 23. *Sensus enim fibrarum in nervis fere perditur.*] Idcirco non alienum erit notare, quod in aestimandis prostrati attoniti viribus, non aequae considerandae sunt praesentes ac praegressae, & qualis fuit aegri status ante morbi accessum. Largas enim semper postulat exinanitiones, eosque homines prae caeteris aggreditur, quibus diaetâ plenâ, lautâ, calefaciente, liquoribus spiritus vinosi divitibus, seipsum reficere, & molliter curare pulchrum fuit.

Insuper in curatione hujus morbi, seu de ortu sanguineo, seu pituitoso, minime praetereundum est, quod quo magis sub ipsum paroxysmum crescat fortitudine pulsus, eo plerumque malum sit deterius, atque ideo neces-
sario

sario requiruntur exinanitiones, dum humorum solutionem promovere, & impedimenta tollere molimur.

Cum igitur apoplexia, quam fortem vocavit Hippocrates, sit insanabilis, & altera, quam levem dixit, sit, ut ipse monuit, curatu admodum difficilis; summis certe viribus obnitendum est, ut morbo adeo periculosissimo, omnis, quantum fieri possit, praeclusus sit aditus.

Quocirca sanguis mittendus est ter quaterve in anno, aut si plethorae sanguineae adsint signa, forsan saepius; interposita simul aliquando alvi subductione, vel medicamentis, quibus Mercurii dulcis sublimati portio aliqua inest, aut saltem iis purgantibus peraetâ, quae crassos humores attenuare, & superfluos simul e corpore educere pollent.

Mensibus igitur aestivis aquas minerales ex fontibus apud Scarborough, Cheltenham, aut Harrowgate, prout postulet corporis habitus bibere, his quàm maximè prodest.

Ulcera etiam, quibus fonticuli nomen afficitur, ampla & profunda pro ratione loci sub occipitio, in scapulis & femoribus, scalpello, vel inustione facta, excitanda sunt, & servanda diu.

Vitare insuper debet quisquam in hunc morbum pronus calefacientia omnia, ingluviem, crapulam, exercitationes nimias, praecipue subitaneas & violentas, omnia humores sursum attrahentia, caput implentia, ut sunt vomitus,

mitus, balnea frigida, fomnus multus, aliaque ſimilia.

SECTION. II.

Paralyſis.

Pag. 37. l. 12. *Nullus jam ſanguinis miſſionibus locus.*] Licet autem, quod ſaepeſſime fiat, ut apoplexia in paralyſin deſinat, tamen operae pretium erit, diſpicere, num ab ea praegreſſa ortus ſit morbus; quo caſu, ſi ſufficientes fuerint exinanitiones, non mirum eſt, ut vires, aegri novas non ſinant inſtituendas.

Tentanda igitur huius mali curatio iis ſolis medicamentis, quibus liberior ſanguini reſtituendus ſit circuitus, calidis ſcilicet vel temperatis pro natura aegri, frictionibus cum remediis nervinis dictis, emplaſtris ſtimulantibus & reſolventibus ad mali originem applicatis.

Sedes haec autem nemini quidem dubia eſſe poteſt, qui functionem laeſam & nervi curſum & diſtributionem, alteram alteri comparare polleat.

Interea dum haec fiant, alvi purgationem catharticis medicamentis pauxillâ Mercurii dulcis ſublimate portione conjunctis inſtituere, vomitumve, ex iis quibus Antimonii poteſtates inſint, ſemel ſcilicet ſingulis vel alternis heb-

hebdomadis elicere, ut plurimum haud alienum erit. Haec profecto de hujusmodi paralyfi dicta fufficiant.

Medicis autem ab omni aevo notum fuit, aliam esse paralyfin, non ob hoc malo ovo progeneritam, & quae, non minus quam apoplexia ipsa hominem extemplò adoritur, & aliquando, praeter caput, totum corpus, aliquando alterutrum latus, nunc brachium, nunc crus invadit; quo fit, ut pro ratione partis affectae, sensus & motus derepente aboleantur.

Paralyfin autem hanc repentinam ab omni causa ad apoplexiam gignendam propensa exoriri verisimile est; modo partem aliquam singularem cerebri, aut spinalis medullae, vel nervum quemlibet ita afficiat, ut communicatio a cerebro aut medulla spinali, ope nervi, quaecunque illa sit, ad partem affectam impediatur.

Et revera tale malum in praesentia, & ante oculos se exhibere dicatur, quodcumque pars aliqua laxa motus impotentia conjuncta, nulloque nixu voluntatis vel vitae superanda adsit. Sensus etiam nonnunquam ex toto perit, saepe tamen obtusior, & cum stupore, aliquando & cum quodam doloris sensu, quasi ex aculeis orto, levis adhuc restat.

Illud tamen opus est monere, duas hujus morbi, ut apoplexiae praegressae, praecipuas species a scriptoribus medicis memoratas esse, unam scilicet sanguineam ex sanguine nimis abundante, & impetu nimio per arterias propulso;
alte-

alteram pituitosam ex humoribus lentis, glutinosus, nimis debili motu circumactis, enatam esse affirmarunt. Idcirco apoplexiam & paralyfin, praeter eam, quae à luxatione articulorum, contusione, tumore, ictu, lapsu ab alto, aliisque similibus causis originem ducat, tanquam congeneres morbos in eadem trutina suspendere solent.

Hae quidem duae species ex signis, in moritis ad apoplexiam spectantibus, jam antea recensitis, facile dignosci possunt; & idonea partium affectarum ratione habitâ, curationem apoplexiae leviori omnino congruam postulant.

Hoc autem singulare & notabile habet hic morbus, quod externae applicationes partium resolutarum vigori conciliando inservientes, se ex majori usu esse innotescant, quam in apoplexia singulari, cui parum prodesse videntur.

Utiliora etiam quam in apoplexia invenientur medicamenta vomitum proritantia, quae morborum paralyticis, interdum fauste singulis hebdomadis, exhiberi possint.

Restat tandem animadversione dignum, paralyticam alicujus membri impotentiam penitus dignosci posse, ab ea, quae ejus contractioni, vel nervorum distentioni originem debeat, ex facilitate, quâ hujusmodi membrum adstantis manu quaquaversum movendum sit, nullo apparente renixu, nisi a partis pondere, nulloque in motu dolore; quod in membris contractis aut
con-

convulsis longe aliter se habere expertum est.

Pag. 38. l. 7. *Calidae vero immersiones.*] Longe discrepat haec Autoris sententia a veterum praxi & doctrina, antiquis enim medicis mos erat, Paralyfi detentos in balnea calida demittere, urticis verberare, & dein dolores & tremores excitando, se vasa obstructa reserare, & nonnunquam ad bonos exitus vota concepta ducere posse, tradiderunt.

Pag. 39. l. 3. *Saepe longus.*] Alia certe tentanda est medendi ratio in eo morbi statu, quo membrum irritis omnibus remediis praedictis, adhuc resolutum maneat. Quocirca ad remedia potentissime sudorem elicientia confugiendum est, implendo corpus decocto Guiaci ad libras tres vel quatuor quotidie assumpto per tres dies, dein quarto quoque die in vaporario, vel ope vaporum ex spiritu vini accenso in lecto excitetur sudor, adhibitis simul frictionibus validis aromaticis, tum praesente sudore, tum aliis etiam temporibus, iis praecipue in locis, quibus situm est malum, ut et balnea calida herbis cephalicis aromaticis, stimulantibus & similibus comparata, quae per dies aliquos ad eandem rem uti possint, & demum lecti vel vaporarii auxilio sudorem evocare nitendum est, atque haec artificia prae caeteris curandi modis ad hunc morbum longum & contumacissimum debellandum non parum profuisse comperi.

S E C T I O I I I .

Epilepsia & Vertigo.

Pag. 39. l. antepen. *Saepeſſime ventriculi magis.*] Priusquam ſeu morbi comitialis, quem recentes auctores epilepsiam potius nominare exoptaverunt, ſeu vertiginis ulla aggredienda eſt curatio, ſedulo diſpicere oportet, quâ in parte ſit vitium; eo quod omnes hujus morbi ſpecies, quae proſecto ſanari poſſint, ab alio aliquo morbo derivandae ſunt, cujus vi, vel in cerebrum ipſum, vel in nervos, ſit irritatio nimia, & inde diſtentio vel omnium nervorum, vel aliquorum membrorum, maxime pro ratione ſiſtus peccantis materiae. Hoc itaque morbo ſublato ceſſabit malum; nec aliter, utcunque medicamentis antiepilepticis dictis tractetur.

Hoc autem in loco, non ab re erit notare ea ſigna, quibus praeſentibus morbum comitalem à vitio ipſius cerebri imprimis affecti, vel à malo quodam in aliis corporis partibus ſito, ortum ſuum ducere cognoſcamus.

Præſci ſcriptores univerſi, & quamplurimi ex recentioribus, morbum comitalem prioris ordinis, titulo idiopathici inſigniverunt, licet veritati multo magis conſentaneum fuiſſet, eum ſub ſympathico collocare; utpote communi omnium conſenſu in culpâ eſt vitium aliquod ſubſequentibus perquam affine; nimirum cranii
oſſa

ossa tumida, aculeata, aut praeter naturam sita, pus, sanies, & innumera ejusmodi, quae cerebrum premere, lacerare, pungere, corrodere aut corrumpere valeant.

His autem signis se innotescit morbus comitialis idiopathicus dictus. Adsunt enim perpetuò in capite, vel gravitas, dolor, calor, vertigo, oculorum scintillatio, aliave similia, quae ab oppresso vel laeso cerebro oriuntur. Hujusmodi certè aegri, quibus re ipsâ se male habeat cerebrum, symptomata praedicta semper comites habent; & ab omni causâ, quâ, increscente impetu circumfertur sanguis, recurrentes patiuntur paroxysmos, maximè sub adventum novae vel plenae lunae.

Frustra, imo noxie his exhibentur medicamenta antiepileptica dicta, quae omnia sanguinis calorem & circuitum valde adaugent. Moderatâ autem alvi subductione, triduo aut circiter ante lunationes exhibenda, nonnunquam praecaveri possint hujus morbi paroxysmi, ut & missione sanguinis. Cautione tamen hic opus est, ne jam memorata exinanitio ad consuetudinem adducta sit, utpote vires nimis exhaurire solet.

Ut morbus autem in posterum praecaveatur; id primum medico tentandum est, quid valeant ulcera in locis commodis; scilicet, in scapulis, femoribus, & pone aures, candentibus ferramentis, scalpello, acu filum ducente, aut erodentibus medicamentis, manu chirurgi, admovendis, excitanda; ut horum ope,

humorum moles cerebrum gravans alio derivari possit.

Interea confitendum puto, hanc speciem rarissime medicinam admittere posse, nisi ex simplici plethora, aut citâ humorum inflatione ortum habeat; unde doloribus primum excitationis, nervorum & membrorum distentiones subsequi solent.

Ex habitu calido, & vultu pleno rubro, oculis rubris, & pulsu tardo in paroxysmorum intervallis, certè liquet, morbum comitalem primae causae, scilicet plethorae adscribendum esse, quo casu sanguinis missione, purgationibus per alvum, prout postulet occasio, repetendis, & idoneis forbitionibus pro maxima parte sanari potest.

Altera autem ut plurimum ponit concitatum sanguinis motum & acrimoniam auctam nimis, ex prava vivendi constitutione, ebrietate, violentis corporis exercitationibus, &c. Sanatur exinanitionibus & derivantibus praedictis, adjectis simul diaeta & medicamentis, quae humores leniendi & demulcendi vim habeant.

Qui ebriosi, qui liquores vinosos jejuno stomacho ingurgitantes, vitam immundam agunt, in hanc speciem tanquam in calamitatem communem plerumque incidunt.

Ad tales autem aegros sanandos, si adhuc juvenes, aut viribus adhuc valentes, maxime confert medendi ratio jam antea exposita; plerumque vero nimis debilitantur hujusmodi epileptici ante morbi accessionem, & quod
pejus

pejus est, temulentam vivendi consuetudinem raro relinquunt: In aliis frustra fere expectatur sanatio.

Ad hunc ordinem idiopathicum jure referenda sit illa hujus morbi species, quae viros aggreditur, qui sibi ipsis vacuas desumpserunt Athenas, & studiis totos dies & noctes se dedere; idque fit partim propter statum cerebri plus aequo astrictum, & nimiam spirituum vulgo dictorum animalium dissipationem, partimque propter languidum nimis liquidorum circuitum, quo lentescit sanguis, & in cerebri cavitatibus haeret. His pulsus tardus & obscurus est, & facies pallida, & hyeme pejus se habent.

Sanatur haec morbi species detractione sanguinis, & moderata alvi subductione, subinde repetendâ; datis in intervallis medicamentis attenuantibus, parvâ portione diu assumendis; qualia sunt radix Valeriana sylvestris, Cinnabar, Chalybs, & saponis, ut & equitatione, animi laxitate, & similibus.

Missio autem sanguinis in his major esse non debet, quam ut humoribus, seu rarefcentibus seu tenuioribus redditis, spatium idoneum comparetur, nisi ob magnam paroxysmi vehementiam timeantur apoplexia, aut vasa rupta.

Hujusmodi aegri praeter signa descripta frequenter annulum lividum sub oculis & circa os habent ante adventum paroxysmi, maxime vero post ejus discessum ex stagnante sanguine in vasis laxis & imbecillibus orto.

Cum autem mihi sat erit, haec de morbo

comitali idiopathico monuisse; superest nunc, ut de altera specie sympathica dictâ nonnulla traderem.

Epilepsia sympathica ex infinitis fere causis ortum habere potest, quae diligenter perquirenda, ut ad mali sedem quam proximam applicentur remedia.

Causae autem, quae partes praecipuas agunt in hoc morbo, sunt in infantibus retentio stercoreis, dura nimis coagulatio lactis, humores acres & acidi tormina excitantes, dentitio, rosiones & irritationes à lumbricis, variolae, dolores omnes violenti utcumque nati. In iis aetatis paulo grandioris, prae caeteris vermes, irritationes ab assumptis crudis, acidis austeris, calor ingens, motusque nimius, expletio nimia ventriculi, & similia. In iis ad pubertatem accedentibus, ipsa pubertatis irritatio, veneris appetentia, aliaque similia. In virginibus eadem, ut & mensium defectus, horum suppressio, fluor albus, passio hysterica. In mulieribus eadem, ut & mensium, sanguinis, aut aliusmodi humoris, sive à naturâ, sive arte profectum profluvium nimium, aut inimica suppressio, affectus animi ingentes, ut terror, metus, & similia. In viris ebrietas praecipue ope liquorum, quibus spiritus vini praepollet, motus validus & calor nimius, febres, dolores ingentes, praecipue capitis, materies podagrica intempestive retrocedens, & superiora occupans, haemorrhoidum, ulcerum & similium suppressio, plethora, aliaque ejusmodi quamplurima.

In

In omnibus, autem horum, retentio puris, saniei, vel humorum acrium alicubi stagnantium coactio, tales nervorum distentiones & morbum comitiales seu epilepsiam efficere possunt.

Hinc etiam patet, atque cautionis loco id minime praetermitti debet, quod paroxysmi in hac morbi specie circa novam plenamque lunam maxime oriri possint, ob inflationem turgidam humoribus inductam, licet minus certè, quam in priori specie idiopathica dictâ.

In curatione autem epilepsiae ex sympathiâ ortae eradicari debet morbus primigenius, adjectis simul medicamentis, quae ad inordinatum spirituum animalium motum compescendum aptissima sunt; licet non directe ad primum morbum respiciant: Exempli gratiâ, si infans membrorum distentionibus tentatus sit, inquiri sedulo per signa variolarum, dentitionis, & torminum, an his laboret, aut alio quolibet morbo, qui nervos valide irritare potest, & hoc semel patefacto, distentâ membra inde oriri maxime probabile est.

De epilepsia, prout id malum, auctorum consensu fere communi, sub nomine idiopathico & sympathico cognitum sit, satis dixisse videamur; sequitur igitur ut de quadam alia hujus morbi specie, cui, si quis idiopathicae verae nomen dabit, haud inepte id fiet, nunc quaedam dicenda.

Haec species ab ipsâ nativâ nervorum constitutione debili & infirmâ pendet, & puellis teneris, foeminisque delicatis maxime fami-

liaris est: Hinc fit, ut ob levissimas res in tremores agantur muscoli, & praeter voluntatem artus se convulsos exhibeant.

His omnibus, praecipue si obesae, frigidae, & melancholicae sunt temperationis, conveniunt medicamenta antihysterica & antiepileptica dicta, amara, chalybeia, equitatio, &c. si vero ad indolis hecticæ naturam potius accedant, tunc lac asininum bibendum bis terve quotidie praebere opportunum erit, adjunctis ut plurimum spiritus cornu cervi guttis paucis, & dum haec fiant, idoneis intervallis, interponenda sunt & parca tantum portione assumenda medicamenta jam antea memorata, usque dum robustiores evadant.

Dignoscitur autem haec species a prioribus, eo quod nullo non tempore hujusmodi imbelles, seu viros, seu foeminas aggreditur, quoties ab inexpectato quolibet eventu licet levissimo, hisce animis incidat metus aut terror.

Hujusmodi vero ordinis quotquot sint, quibus tales adsint nervi natales, pulsum habent celerem & debilem, & ab exinanitionibus in pectus ruunt, nisi parcae admodum, potius quam modicae instituantur. Hujus autem rei ratio, ut mea fert opinio, hoc fundamento nititur, nimirum, acrimonia & tenuitate magis, quam lentore, & crassitudine, plerumque pollere humores, & revera hanc ob causam, ut opinor, evenit, quod lac asininum & similia lenientia & demulcentia adeo ad ea proficere possint, quae in hisce morbis curandis inprimis quae-

quaerenda sunt, ut huic medendi rationi prae caeteris omnibus semper erit gloria palmae.

Tetanus.

Pag. 40. l. penult. *Validissima convulsio.*] In sede autem hujus mali invenienda, non raro accidit, multum lucis adducere nervorum tabulas. Etenim si aliquid irritans vel ex dolore, gravitate, &c. in nervi progressu vel ejus ramis se non manifestet, malum in cerebro vel spinali medulla haerere valde probabile est. Sin autem in ipsis nervis quodammodo laesis, revera adsit earum distentionum causa principalis, integram sanitatem denuo revocandam vix expectare fas est; nisi ipsi parti male affectae applicari possint medicamenta manu chirurgi, cui rarissime datur tuta potestas. Tentanda interea sunt ea in morbo comitiali nuper proposita, praecipue ulcera arte excitata, malo patenti quam proxime posita, ut & fons anodynus, si forsan horum ope leniatur dolor (qui hoc in casu necessario acerrimus est) aut materies foras tendere sollicitetur, & tandem evacuari possit.



CAPUT III.

De insania.

Pag. 43. l. 16. *Alterum cum furore & audacia.*] Pulsus interea nec magis nec aliter de recto deflectere solet, quam quod aliquanto obscurior est & contractior, propter, admirandam plane aridam fibrarum fabricam, non tamen fortis, durus, & creber est ut in morbis inflammatione conjunctis. Urina parce & restrictè admodum excernitur, crassam tamen naturam, saepe & valde mucosam possidet.

Pag. ead. l. 17. *Alterum cum tristitia & metu.*] His praesertim signis se manifestat, scilicet adsunt pulsus tardus, obscurus, contractus, vigiliae perpetuae, ut & vel maestitia & taciturnitas obstinata, oculis in unum objectum defixis, vel loquacitas de rebus horrendis, spectris, diabolis, irâ divinâ, omni spe abjectâ poenis aeternis, aliisque similibus. Secretiones quae per alvum, vesicam, cutis meatus, & caeca spiramenta fieri debent, more prorsus insigni minuntur, adestque vultus plerumque torvus, color pallido-fuscus, maxime autem cum per lentos gradus talis inductus fuit in aegrum morbus.

Pag. ead. l. 20. *In maniam saepissime transit.]*

Signa,

Signa, quae denunciant hunc morbum melancholico brevi accessurum, sunt vigiliae contumaces, aut somni brevissimi, insomnia turbulenta, curae & sollicitudines animi, molestiae, proclivitas ad venerem solito major, pollutio nocturna frequens, oculi cavi in selectam quandam rem pertinaciter defixi, & atroci aspectu, aliquando quasi raptim in adstantes conversi, praeceps & frequens iracundia sine justa data causa, assuetarum exinanitionum suppressio, fletus aut risus praeter rationem & consuetudinem, & nunc loquacitas fere assidua, nunc taciturnitas meditabunda.

Pag. 49. l. 28. *Quas exinanitiones ferre possit.*] Quanquam haec cautio ab auctore peritissimo data nunquam non observatu digna est, tamen in hac calamitate, non minus est medici officium, principem insaniae causam sedulo perquirere, ut hâc semel cognitâ, apta dein instituatür medendi ratio: Exempli gratia, si ob mensium defectum ortus sit morbus, exhibenda sunt remedia, quae menstrua promoveant, aquae acidulae, quibus ferrum insit; alvus iterum atque iterum catharticis potionibus subducenda est, interea interpositis subinde balneis tepidis ad umbilicum usque porrigentibus, & detracto iteratis vicibus, quantum opus est, sanguine ex Saphaena, deorsum dirigendae sunt & humorum & medicamentorum vires.

Ut haec autem omnia fauste proficiant, diu in his persistendum est, augendo vel diminuendo

do copiam tum horum, quae humores attenuant & emendant, tum illorum, quae evacuant, prout abeant, redeant, varientque symptomata.

In menstruis autem ciendis, illud porro monendum habeo, quod prae caeteris medicamentis valet Borax, qui cum attenuantibus & calefacientibus, vel refrigerantibus & resolventibus, pro habituum differentia, commode dari potest.

Quo melius haec fieri debeant, ex parte exponam; nimirum, si ex vigiliis assiduīs, tristitia, acri studio, aut similibus causis ortus sit morbus, ad contraria sensim deducendus est aeger, exhibitis simul iis remediis, quae humores diluant, leniant, & eorum crasin particulatim emendent, alvum laxent, somnumque inducant.

Porro si feбри male sanatae, causaeque calidae humores inspissanti, tribuendus sit morbus, aperientibus blandis, fero lactis, lacte asinino, aquis mineralibus, balneis tepidis, ex aqua & lacte comparatis, aliisque ejusmodi, diluendi sunt humores, interpositis simul salibus neutralibus dictis, & non raro refrigerantibus & subacidis.

Pag. 50. l. 12. *Ex vena jugulari.*] Morbus hic ut plurimum largas & repetitas sanguinis missiones postulat, & praemissis iis ab autore jam jam memoratis, feliciter aliquando detrahitur sanguis ex vena saphaena. Hoc vero fere

fere semper fieri debet ad lipothymiam, aegro stante, vel erecto corporis situ sedente, aliter raro satis laxantur vasa cerebri.

Pag. 50. l. 18. *Vomitus.*] Non raro autem accidit, quanquam largissimae exinanitiones, vel venis incis, vel vomitu peracto, factae fuerunt, valde tamen furere perstare maniacos.

Ad feroces hos animos compescendos, saepe mihi compertum fuit, non parum profecisse medicamenta, quae aegritudinem Ventriculo induxerunt, eâ tantum copiâ, & repetitis vicibus assumenda, ut loco vomitus hunc affectum gignant, & alvum leniter cient; huic autem fini consequendo, mihi in usu fuit exhibere, quarta vel sexta quaque hora, hujusmodi misturae cochlearia duo aut tria. ℞. Rad. Hellebori nigri, Tartar. solub. ana ℥ii. Fol. Senae ℥ss. Decoque cum aquae pur. ℥bi. ad colatur. ℥x. dein add. Oxymel. Scillit. ℥iii. Syrup. e Spin. Cervin. ℥vi. m.

Pag. ead. l. 24. *Haemorrhoidum in viris.*] Si maniacus conqueratur de dolore Intestini recti, vel in furore hunc locum scalpando designet; statim summâ deditâ industriâ tentandus est Haemorrhoidum fluxus, admovendo scilicet hirudines, injiciendo clysmata, & supposito-ria, quae Aloës vim habent, aliave ejusmodi.

Pag. ead. l. antepen. *Valentiora plerumque me-*
dica-

dicamenta.] Si forsan propter aridum astrictumque nimis fibrarum habitum, non respondeant cathartica, quotidie in balneum tepidum demittendus est aeger usque ad hypochondria, atque in eo per horam manere oportet, quamprimum autem votis annuat alvi purgatio, dein parcius adhibendum est balneum, ne succedat hydrops.

Pag. 52. l. 18. *Quae ad humorum vitium emendandum.*] In medicamentis huic scopo infervientibus exhibendis, singularis semper humorum pravitatis cauta habenda est ratio, verbi gratia, si vigeat acidum ab alcalicis gradatim assumptis petenda sunt dissolventia, si praedominet alcali ab acidis, aut saltem subacidis, si lentor glutinosus iners, a dissolventibus acioribus, qualia sunt gummi ammoniacum, sagapenum, asa foetida, helleborus niger, & alia ejusmodi.

Pag. ead. l. 24. *Et Camphora.*] Hujus medicamenti vires adversus morbos maniacos plurimum valuisse, experientia fida, comprobatas habui; easque aliquando successu prorsus singulari coronatas notavi. Oblata igitur hac occasione, modum, quo Camphora maniacis utiliter exhibenda sit, hoc loco exponere, haud alienum esse videtur.

E. G. Cum ad maniacum inter exordium mali visendum venisse mihi contigisset, sanguinis missionem, pro furoris & virium ratione
fa-

fatis largiter instituendam, dein potionem catharticam formâ hujusmodi componendam & extemplo hauriendam esse curavi. ℞. Infus. Sen. commun. ℥iii. Nitr. purific. aut Tartar. vitriolat. ʒi. Pulv. Jalap. ʒii. Mann. ʒss. m. Hujus autem potionis Cochlearia quatuor, secunda quaque hora, haurienda maniaco praeberere convenit, usquedum succedat alvi copiosa dejectio. Hac autem exinanitione finita, in balneum tepidum, inguinibus tenus, demissus fuit aeger, ibique per horam manere coactus fuit; postero die repetita fuerunt omnia praedicta.

Si ne sub his quidem quies ulla facta sit, tum maniaco valde furenti vesperi dedi devorandum bolum ex Camphorae drachma dimidia & conservae Lujulae, Malvae, aut fructus Cynosbati drachmis duabus confectum. Hac nocte, non sine admiratione, aliquando vidi maniacum dormientis speciem paululum exhibere, minus insanire, & madore leni corpus habere perfusum. Die proximo ab eo, de industria curavi Alvum perquam moderate liquandam, balneum repetendum, & Camphoram ut antea vesperi assumendam esse. Sub his inceptis faventibus, hac nocte raro spes mea me fefellit, quin id, quod maxime expetiveram, contingeret; scilicet, ut aegrotum, paulo plus dormire, minusque, furere, & madore, ut antea dictum est, perfusum conspicerem. Die insequenti, illud porrò confidenter monendum habeo, ut sanguinis missio & balnei simul usus quo-

quequo pacto renovari deberent. Alvo interea laxa servatâ, vesperi omissus erat bolus, eumque cum Camphorae scrupulo uno compositum alternis tantum noctibus exhibere, ut plurimum mihi mos erat, atque hâc solâ medendi ratione fretus, mentis furibundam alienationem indies adeo evanescere observavi, ut aliquando intra tres septimanas maniacum ad sanitatem tam mentis quam corporis feliciter fuisse restitutum, comperi.

Attamen non obstantibus exemplis quibusdam faustis, me ipsum, prohi dolor, confidentem habes, omnia saepe contra ac dicta sunt, evenisse, & Camphoram & Artem ipsam nihil profecisse.

Pag. 52. l. 26. *Quam ipsum opium.*] Medicamenta, quibus Opium insit, caute in hoc morbo exhibenda sunt, eo quod caput gravant, & somno finito, vel horum ope non conciliato, ut saepe accidit, furorem augere solent; ideoque ea tam diu differre convenit, donec praemissis exinanitionibus, de quibus, ut supra, ante omnia instituendis praecepta dedi, aegrotum minus furere pateat.

Pag. ead. l. penult. *Aegrum balneo frigido frequenter immergere.*] Laudantur fere ab omnibus scriptoribus medicis balnea frigidissime utenda, & profecto sub hujus morbi exitum nonnumquam profunt, citius autem in curationem adhibita, quam quod factum est opus, scilicet

licet quamdiu minimus vasorum cerebri infarctorum extet metus, periculum facessere potius dicantur. Multo magis beneficii praestant balnea tepida, alternis diebus repetenda, cavendo simul ut erecto situ servetur corpus, eo quod humores acres diluunt & emendant, fibras laxant, a capite revellunt, & ad somnum conciliandum aptissima sunt.

Pag. 54. l. 26. *Mens ad se rediens.*] Est autem alia mentis insanæ species, licet à nostro autore oblita, a Sydenhamo tamen descripta, quæ præsertim eos, seu morbis diuturnis fractos, seu nimis exinanitionibus perpeffis exhaustos aggreditur. Hi autem aegri puerorum more propter res prorsus leves & nugatorias lachrymas fundunt, & nonnunquam nullâ datâ causâ iterum in risum excitantur more mulierum hysterica affectione laborantium. Quam ob rem, ut mihi videtur, potius pro desipientiâ quadam quam insaniâ habenda est hæc valetudinis imbecillitas, & de hac re mihi dubium non est, utpote sananda est cibus aromatæ conditis, potu vinoso & medicamentis corroborantibus dictis, præcipue ferrugineis & cortice Peruviano.



CAPUT IV.

De angina.

Pag. 56. l. 3. *Anginae varias species.*] Vera anginae idea ab impeditioe vel dolore in cibis & potibus devorandis & hauriendis petenda est, illa autem faucium affectio, quae reddit respirationem dolentem à causa morbofa superiores Æsophagi vel Asperae Arteriae partes obsidente, a scriptoribus medicis tam veteribus, quam neotericis, nec non & nostro auctore, angina simul appellatur.

Ambae hae species in alias variis nominibus insignitas dividi solent. Ex his autem quam plurimae, partim aliorum morborum soboles sunt, partim ex mala curatione, vel gradu ipsius mali suos ortus ducunt; cujus generis sunt in primis angina paralytica, quae sensus prae caeteris occupat, & oritur à faucium musculis adeo nervorum resolutione affectis, ut officiis suis fungi nequeant, angina hysterica, quae astrictioni spasticae debetur, & aegros hystericos & hypochondriacos obsidet, angina indurata, quae locum habet, quoties inflammatio, ob malam curationem, vel materiae obstruentis crassitudinem, glandulas faucium scirro affectas reliquerit; vel quoties nulla praegressa inflammatione obstruantur illae puitâ

cuitâ glutinosâ , ut strumosis sit , & quibus ob frigus contractum anginam advenire pervulgata res est.

His denique adjicienda est angina illa , quæ sanie tenui mali odoris , dolore , & punctione comitata est : Haec plerumque ortum suum habet a faucium glandulis , quæ prius scirri naturam prae se ferebant , nuper autem cancro se occupari tristia signa edere inceperunt.

Pag. 56. l. 6. *Non satis pro morbi natura dilucide.*] Loripedem rectus derideat , quis autem , licet parum in historiâ medicâ versatus , nostrum autorem de aliorum scriptis obscuris querentem patienter tulerit , cum periculosi hujus morbi symptomata omni modo tam varia , curationemque tam variam postulantiâ , nec dilucide nec utiliter satis , ab ipso tradita sunt.

Pag. ead. l. 11. *Glandulae distenduntur & tumescunt.*] Quo minori incommodo aeger cibum & potionem devorare potest , quò minus intercluditur spiritus , eo minus periculi , ut & quo plus in conspectum veniat pars affecta , quæ tumore , inflammatione , aliisve ejusmodi signis se manifestet , eo plerumque levior morbus , & curatio faciliior , ob facilem medicamentorum applicationem ; & proinde Anginâ cum tumore externo raro mali ominis , nisi forsân a mole ingente vasa larga comprimente oriatur malum , vel strumosae aut saniosae indolis sit tumor.

Ista autem anginae species quam noster auctor nominavit primam, ponit partes affectas ingenti aggestu materiae ferosae vel pituitosae obstructas & impletas, ex quo fit ut tumore pallidioris coloris distendantur, quam si his vera inflammatio contigisset. Interea quamvis & cibi devoratio & respiratio aliquatenus impediuntur, tamen in officiis suis peragendis obtuse tantum dolent partes affectae. Haec species illis quidem familiarior est, qui obesi, pituitosi, cachectici & hydropici sunt corporis habitus.

Pag. 56. l. 12. *In altera tonsillas occupat inflammatio sine perfecta suppuratione.*] Haec species, aliquando partem affectam ad suppurationis, imò aliquando ad gangraenae conditionem adducens, cognoscitur adesse febre, ab ipsa accessione valde acutâ, pulsu valido (nisi multum laborent aspera Arteria, aliaeve partes respirationi intervientes, quo casu debilis & creber est) oris & oculorum vultusque totius rubore, dolore in comedendo & devorando, vel respirando plus minus aucto, pro gradu febris, nec non & inflammationis, quae partes huic vel illi operi, & officiis fungendis assignatas invasit.

Ut proclivitas autem in suppurationem non benignam, vel etiam in gangraenam prohibeatur, tota consistit curatio in cita solutione inflammationis, ita quidem, ut aliquando sanguinem ter quaterve in viginti quatuor horis de-

tra-

trahere, eodemque die venas imam linguam percurrentes aperire, & validam alvi purgationem instituere, coactus fuerim. Sin autem aeger nihil devorare queat, clysterum ope sollicitanda est alvus, ut sat liquanda fiat.

Vesicatoria etiam imis colli vertebrae appositae, & aperta servata, non levia praebent auxilia, ut & eorundem pone aures, & inde ad humeros applicatio, eo modo, quo optime à parte affecta fiat humorum derivatio.

Interea assidua gargarizatione opus est, ne à respiratione frequenti partes aridae & durae evadant. At in hoc remedii genere adhibendo, melius est, aegrotum perpetuo fere tepidum gargarismum in ore tenere & expuere, ut ejus ope madescant fauces, quam (ut mos est) fortiter in ore agitare; talis enim motus dolorem excitat, & inflammationem auget.

Si parum doleant partes, & pituita lenta tantum obstruantur, ut in specie aquosa dicta non raro accidit, ablutio valida melior est, quippe pituitam solvit & exprimit.

Nihilominus autem, ita res interdum fert, quod inflammatione non sat cito resoluta sit partis affectae suppuratio, interea dum haec contentione magna agitur, tumor partis sensim increfcit, atque in summas angustias, & vitae discrimen, ob periculum suffocationis, aegrum inducit.

Hic morbi status cognoscitur adesse transitione doloris acuti in obtusum, pulsu molliori, horrore vespertino, aliisque puris gene-

rati signis, & praecipue ore ipso inspecto, & probe examinato, quippe circa tonsillas plerumque situm est malum.

Ideoque si in conspectum veniat pars, depressâ linguâ scalpello tundatur, ut exitus pateat materiae purulentae, simulque ut brevior & tutior aperiatur via, qua fauces ad pristinum habitum revertantur.

Multum equidem ad hanc rem confert, eas gargarizare medicamentum hunc in modum parato, quod ex ejus usu in hujusmodi morbis fat abunde iterato, haud parvas habere virtutes, mihi bene notum est.

℞. Decoct. Pectoral. cum Aq. Calc. ppt. ℥xiv. Tinctur. Myrrh. ℥i. Alumin. ust. ℥i. Mell. Rosar. ℥iss. m.

Si vero conspici nequeat tumor, & tamen propter morbi durationem, & suppurationis signa, eum suppuratum esse pateat, tussi, vomitu, aut sternutatione, excitatis concutendus est, quorum impetu post aliquas horas, plerumque rumpetur abscessus. At his non valentibus, aegroque in tantas angustias perducto, ut inde immineat immediata suffocatio, restat sola Bronchotomia.

Pag. 56. l. 13. *Et indurescunt.*] Duri glandularum tumores, scirri dicti, eam anginae speciem jam proxime memoratam multo saepius, quam aquosam sequi solent, praecipue si pluries credierit morbus. Sin autem diu maneat talis glandularum pravitas, sublatâ penitus sae-

saevitiae inflammata, applicetur gulae emplastrum ex Ammoniaco cum Mercurio, aliudve simile, & commodum erit Mercurium dulcem sublimatum per duas tresve noctes exhibere, & postero die alvum ducere, ea ratione quâ ferant vires; talemque purgationem alternis hebdomadis repetere, atque in ejus intervallis bis quotidie devorandus est bolus qui Cinnab. Antimon. Sal. Polychr. ana ʒi. Gum. Guiac. pulv. a granis v. ad ʒss. habeat, superbibendo cyathum ex decocto Lignorum Guiaci, Sarsaparillae & Glychyrrhizae. Ulcera etiam pone Aures, sub Occipitio & Scapulis manu chirurgi excitata aliquod boni afferant.

Sin vero his modis non solvatur, ut saepe accidit, tonsillarum durities, quin ab harum tumore, & vasorum adjacentium compressione fiat frequens ad morbum recursus, tum vel cultro vel caustico medicamento ex locis suis exterminandae sunt hae partes durae.

Pag. 56. l. 14. *Illico fit Gangraena.*] Si autem pede tam cito festinet malum, ut irritis omnibus in Gangraenam ruant partes morbosae, id periculum his signis clare indicatur. Faucium dolor intensus, calor fere urens, ruborque splendens, caeteraque Phelgmones symptomata jam antea exposita, inopinato, & sine causâ idoneâ, mitioris indolis larvam induunt, dum revera omni momento temporis, in deterius mutatur morbus.

Tonsillae enim, partesque vicinae, quae paulo

paulo ante tensae, ruberrimae, fucci plenae, tumidae, renitentes, apparebant, nunc repente flaccidae, siccae, inaequales, pallidae, fuscae, livescentes, & quasi combustae evadunt. Pulsus interea ordine toto deficit vacillatque, quibus superveniunt Tendinum subfultus, Extremorum rigor, sudor glutinosus subfrigidus, anxietas summa, oris spuma, sensus hebetes, tardi, lethargici, & non raro mentis alienatio quaedam, quae praecursorum fidelium instar, mortem inexorabilem ad fores festinantem accedere annunciant.

Ex dictis fatis certum constare arbitror, qualia sint symptomata, quae Anginam summâ inflammatione conjunctam ab ejus accessione, usque ad exitum in Gangraenam desinentem, comitantur.

De his igitur fatis, nunc apte atque ordine, de aliâ hujus morbi specie, à priori longe diversâ, nonnulla breviter animadvertere aggrediar.

Est enim ea Anginae species, quae cum illis a nostro auctore in hoc loco expositis, potissimum convenit; & cum verisimillimum videtur, hanc a nullâ aliâ causâ deducendam posse, quam ab aëre circumfuso, & alicujus rei contagione quâdam inquinato, haud improprie Anginae contagiosae nomen meretur.

Hic morbus nemini mortalium parcit, praeteris tamen infantes, foeminas molles, desidiosas, juvenes tenellulos, virosque laxos otio & crapulae indulgentes adoritur.

Incipit

Incipit verò more Anginae praedietae, plerumque verò horrore leniori, & frigore mitiori. Febris autem, quae subsequitur, licet minus acuta, & minori inflammatione conjuncta sit, nihilominus praeter ordinaria illa nausea, vomitus, aestus, rubedinis, sitis, linguae albae, fuscae, & inquietudinis symptomata, semper fere vultum inflatum, animi defectiones saepe recurrentes, dolores Capitis graves, seu vertigine stipatos, Cervicem rigentem, & haud ita multo post, tumidam longè conspicuam, cunctisque notabilem, plus minusve comites habet.

Interea id animadvertere oportet hanc febrem paroxysmorum mores & consuetudinem, ut plurimum imitari; licet enim ex symptomatibus praemissis, nonnulla per totum diem aegrum excrucient, tamen vesperi & per noctem aciora instant, & se periculosius exacerbata sentiri faciunt, quae crastino mane, obortis glutinosis, olidis sudoribus, quodammodo allevata videntur. Obrepat autem omni horâ malum, jamque his occurrunt faucium ardor mordens, Tonsillarum, Uvulae, partiumque vicinarum tumores rubro splendentes, molles, inaequales, Emphysematis instar tumentes, & speciei potius inflatae, quam vere inflammatae signa prae se ferentes.

At nihilominus dum haec fiunt, observatum dignum est, hujusmodi aegrotos minori incommodo respirationem & quod devorandum sit, conari, & perficere, quam ratio & symptomata suadeant.

Interea Anxietas Praecordiorum continuo crescit, Respiratio devenit suspiriosa, Vox veluti ex Gutturo venereo ulceroso raucum quiddam clangens prodit; & in hoc rerum statu diem circiter tertium, aut quartum, nunc ferius, nunc ocyus efflorescentiae, quales Erysipelati communes sunt, aut Ostri instar splendentes, Cervicem, Humeros, Artusque superiores occupantes, Exanthematibus mali moris saepissime conjunctae, sese oculis subjiciunt: His aliquando furtim anteit, ut plurimum autem succedit cita & inopinata Tonsillarum, &c. detumescentium facies, insidiosâ quidem symptomatum quorundam remissione sociata; Faucium quippe color vividus, coccineus in fuscum & cineritium mutatus, & Glandulae ibidem sitae, stigmatibus albis per omnem eorum ambitum dispersis obsitae, indubitata Gangraenae praesentis periculosissimae indicia praebent.

Porro tam rapido cursu nonnunquam fertur hic morbus putridissimus, ut post aliquot horas ab ipso incursu, circa tonsillas & posteriores Faucium partes, quaedam stigmata apparuisse noverim, quae ut ut albo-flavis Abscessuum simplicium Apicibus aemula essent, acu tamen chirurgico pertusa, se sinceras Carnis emortuae esse Escharas demonstrarent, & proh dolor, solummodo ulcerum saniosorum, malignorum, speciosa tegmina, introrsum nil nisi turpe inest.

Hinc ille Faetor oris cadaverosus, hinc illi Halitus contagiosi, hinc denique illae Fluxiones

nos acres, sursum & deorsum omnia membra & viscera depascentes.

Praemissis his, propriam animadversionem desiderare videtur altera Anginae contagiosae species, quae passim à Medicis, sicuti id a nostro Auctore, malis exemplis inducto, perpetratum videmus, sine discrimine ad postremam modò descriptam omnino referri solet; perperam sane, alios enim Parentes, alia Jura, atque alia Auxilia agnoscit; in illâ, de quâ jam sermo fuit, Angina est morbus primigenius, ab ipso initio tonsillae rubent, dolent, tument, & tandem citius, nunc serius in Gangraenam definunt: In hâc autem, alia res est, quamvis aegrotum a prima accessione omnia Febris putridae symptomata edidisse liqueat, quamvis & plures dies, imo septimanas haec durâsse certum sit, nulla tamen interea à cibis devorandis Querimonia, nulla Tonsillarum aut Faucium dolentium suspicio, ne similis morbi vestigia quidè m ulla adsunt, tandem incrementum morbo, & auctâ putridâ humorum pravitate, Faucium ardorem quendam levi prorsus in muneribus obeundis impeditione conjunctum, se primum sentire fatetur Febricitans. Alia nunc symptomata alia trudent, non solum Tonsillae, Uvula, & Fauces se in conspectum dant, maculis albis, fuscis, cineritiis obsitas, quin oris, aësophi internam superficiem speluncis innumeris saniei tenuis, faetidae, plenis, ubique scatere patet. Continuo ex loco in locum serpit virus, viribus-

busque simul eundo acquisitis, partes sinceræ adeo citissime in eandem calamitatem cum vicinis deveniunt, ut aegrotum jam medio in discrimine mortis versatum, miseranda luctantis Animæ conamina pati videre minime mirum sit.

Pag. 57. l. 25. *In Tonsillarum Gangraena.*] Cum medendi ratio hic proposita Anginae, seu summè inflammatae, seu contagiosae, Tonsillas occupantis, & Gangraenam minantis, haud bene conveniat, nonne suspicari fas sit, Auctorem aliquâ cum incuriâ egisse, omnes has Anginas fere in unam confundendo, licet certae fidei res sit, se adeo inter sese dissidere atque discordare, ut quâ methodo aegrotum una specie laborantem liberaveris, alium alterâ detentum, eâdem ipsâ, ut plurimum e medio tolles; quapropter monita pauca, quae in his morbis medendi magis ex usu essent, hoc in loco subungere, mihi videtur esse alicujus momenti.

De Anginâ summe inflammatâ antea dictum est, porro si Praxi, de cujus laudibus tanta cum industriâ jactitarunt quidam medici nuperrimè, adhibenda sit fides, ex faecundis vini generosi calicibus petenda est Anginae contagiosae sanatio, ab ovo usque ad mala clamitant, Io Bacche, huic numini in posterum cedat Apollo. Quid non? Operta recludit, malignis Faucibus, non minus quam sollicitis Animis, onus eximit: Medicis hisce bibulis ducibus, nil desperandum, spes jubent esse ratas.

Esto-

Estote Pueri aut Puellae, estote Viri aut Mulieres, oh felices ter & amplius, nunc vino pellite morbum. De nugis autem in viam redire tempus est.

Imprimis igitur notatu dignum est, quod ex Auctoris nostri consilio Sanguinis missione & Alvi purgatione incipiendum est. Haec medendi ratio, si urgeat simul Dolor Capitis, & rubeat Vultus vel inflatus sit, procul dubio conveniet, etiamsi ex pulsu tali exinanitione indigere non videatur morbus, aliter Delirium est in propinquo.

Pari etiam ratione Pulsui nequaquam est fiendum, si laboret aspera Arteria, difficulter enim propter arctatam fistulam per Pulmones transit sanguis, ideoque ejus copiam minuere est maxime necessarium.

Denique in hujusmodi Anginae curatione id maximi est momenti, ut medicus perquam diligenter animadverteret, an aegro cutis sicca & arida, an magno calore conjuncta, an pulsus celer & durus adsint? Rebus enim ita se habentibus, hoc quoque monitum pro certo adjicere possum, Corticem Peruvianum damnum plane admirandum secum attulisse, quicquid contra suadeant urgeantque tristes Gangraenae confestim adfuturæ Minae, neque unquam tutum habuisse locum, usque dum morbus remissionis, vel potius certa quaedam decessionis signa dederat.

Ab his autem longissime diversa est morbi natura, ubi loco symptomatum praedictorum
ad-

adsint Oculorum & Faciei pallor, aegritudo Ventriculi, facilis in Animi deliquia Proclivitas cum pulsu celeri & debili, ut saepe accidit. Omittendae nunc omnino sunt Sanguinis Detractio & Alvi Purgatio, & earum vice exhibendus est Vomitus, atque eo peracto, ut quiete, viriumque refectioe quadam patiatur aeger, danda sunt Cardiaca & Anodyna.

Praeterea, quamprimum id fieri potest, Decocto Pectorali, adjunctâ Oxymellis simplicis q. s. frequenter colluendae sunt Fauces; & creberrime haurienda est potio Riveriana dicta, additis simul Pulveris e Contrayervae compositae, pulveris Corticis Peruviani, vel ejus Extracti, aut Confectionis Cardiacae granis quibusdam, ea ratione, quâ postulent vires.

Hac curationis viâ per diem unum alterumve procedendum est, donec videatur, quae sit natura mali, summumque quid ejus. Si enim ex faucibus atque tonsillis inspectis, aliisve ex symptomatibus praedictis imminens Gangraenae adsint indicia, statim omnis tentanda res est, quâ vires vitales & humores circulantes ad statum naturalem instaurentur, eodemque tempore non minus cavendum est, ut materiei putri, faniosae, tutus concilietur exitus, ne vel ejus mora in Ulcusculis faedis, Partes vicinae sincerae trahantur, vel ex ejus fuctu per Vasa resorbentia pessima accendatur Febris.

Cum vero ex prava constitutione morbi talis virium instauratio & humorum emendatio uno
im-

impetu non expectandae sint, ideoque etiam si medicamenta Cardiaca, Diaphoretica & Antiseptica dicta, omnino dare necesse sit, qualia sunt Radices Contrayervae, Serpentariae Virginianae, Cortex Peruvianus, Confectio Cardiaca, Acidis Vegetabilibus aut Mineralibus sociata, tamen ex his mitiora eligenda sunt, & sensim ad fortiora progredi oportet, donec quantum postulent vires ex symptomatibus planius pateat.

Praeterea, ut natura ulteriorem Gangraenae indolem aut progressum impedire, & simul mala inde nata expellere proritetur, consulto nitendum est, ut Gula, seu potius tota Cervicis Regio pannis laneis, ex Decocto Foliorum Scordii, Absinthii, Florum Chamaemeli, cui Aceti portio decima admisceatur, calidissime expressis, per horam dimidiam foveatur, & dein ut superimponatur Cataplasma ad hanc normam praescribendum.

R. Farin. Semin. Lini in aq. commun. coct. S. A. ad idoneam consistent. *℞*iss. Theriac. Andromach. *℥*iv. Acet. optim. *℥*ii. m. f. Cataplasma.

Sexta quâque horâ repeti debent & Fodus & Cataplasma.

Dum haec fiunt, Vesicatoria pone aures ponenda esse nequâquam praetermittendum aut negligendum est, super haec etiam, & ejusdem generis Emplastra Colli Vertebrae, Brachiis, Carpis, Femoribus, & Suris, eo ordine & ratione admovenda sunt, quibus natura
in

in hoc morbo dirissimo plerumque languescens, vires ad sese rite exerendas idoneis acquirere queat, sin autem hisce stimulis parum profecisse videamur, at e contrario, ex stupore aut torpore, cum pulsu celeri, debili, inaequali aut intermittente, vires vitales plus & plus deficere pateat, tum profecto capiti deraſo emplaſtrum veſicatorium acre ſimul imponendum eſt.

Frequens Gargarismi emollientis, detergentis & antifeptici uſus, & aliquando ſyringis ope in infantum os & fauces caute injecti, per varios hujus morbi curſus requiritur, ita quidem, ut urgente materiae tenuis & acris aut ſanioſae copia, ſingulis vel alternis horis repeti debeant tales faucium ablutiones, & praecipue priuſquam ipſi aegroto vel medicamenta vel nutrimenta aſſumere permiſſum ſit, ne ſimul cum iis, vel in ſtomachum deſcendat, vel late ſerpendo aſperam Arteriam aut Aeſophagum male afficiat, vel preſſura cruſtarum in venas recipiatur putridum virus.

Hoc per totum morbi curſum adeo ſedulo obſervandum eſt, ut ſe gargarizare, & caput erigere, vel efflagitatu vel vi cogendus eſt aegrotus, ipſo ſomno ſubinde de induſtria fugato.

In acidis etiam exhibendis notandum eſt, quod infantes, mulieres lautae, & delicatiſſimae, ſenes infirmi, aut cachectici, virique etiam molles, deſidioſi non pauci, ſe dapibus & pulpamentis paſcentes, acida male ferunt,
&

& morfu aut dolore ventriculi & intestinorum ab iis assumptis laborant; licet modica tantum copia exhibeantur. Cum his itaque perparva portione incipiendum est, & revera primam semper gustare debet medicus, ob varias horum medicamentorum vires, quae sub eodem titulo in officinis servantur.

Alvus interea vel subducenda vel constipanda est, prout postulent febris & aegroti vires; hujus enim praecepti semper memorem esse medicum oportet, quod caeteris paribus, quo debilitas major, eo minus laxanda est alvus. Sin autem ex delapsu humoris acris, purulenti, in intestina, excitentur dolores colici, non prorsus improbanda sunt ea, quae alvum lenissime moveant, qualia ex Manna, Rhabarbaro, & similibus petenda sunt; finita autem alvi subductione, lenia anodyna statim exhibere utile est.

Eadem res, meo saltem judicio, in tali casu tutius fit, ventrem emollientibus clysteribus laxando, Diarrhoea enim nequaquam excitanda est, at profecto cane & angue pejùs vitanda; quippe hujus vi nimis exhauriuntur humores, nimisque exsiccatur & debilitatur aeger; imo à saniosa materia deglutita, tanta saepe intestinis infertur injuria, ut insanabilis aliquando inde producat ventris fluxus, modo colliquans, modo dysentericus, hoc vero raro accidit, nisi sub morbi decessione; sin forte tristissimus ejusmodi casus se coram me-

dico sistat, prae caeteris valeat Decoctum in hunc modum praescribendum.

℞. Radic. Chin. Sarsaparill. C. C. C. ana ℥i. Gummi Arab. ℥iss. Cortic. Cinnamom. pulver. ℥iii. Aq. puriss. ℔iii. Decoque ad ℔ii. & dein Colaturae adde Sacchar. albiss. ℥ss. m. f. Decoctum, cujus Cyathus frequens, prout res exigant, dandus est; vel si validioribus auxiliis opus sit, adjiciendum est aliquod ex Mithridatio, Theriaca Andromachi, Electario e Scordio, aut specie e Scordio cum vel sine Opio, & similibus. Experientia enim saepe comprobavi parum valere Astringentia fortiora, quippe Intestina laesa horum vi ad dejectiones frequentiores stimulantur.

Ex usu autem sunt Clysteres huic proposito idonei, bis vel ter quotidie immittendi, scilicet.

℞. Juscul. Vitul. ℥vi. vel ℥viii. Mucilag. Sem. Psyll. Cydonior. ℥ii. Electar. e Scord. ℥ss. m. f. Clyster. Vel.

℞. Gum. Arabic. ℥i. solve in Juscul. Vitul. ℥vi. & add. Electar. e Scord. ℥ss. m.

Cum remedia incrassantia dicta apud medicos hodiernos nullo sunt in honore, & jam exolescunt, eo quod ventriculum aggravare, vasorum lacteorum oscula obturare, & spiritum angustum difficilemque reddere dicuntur, mirum forsan videatur, me haec tanti fecisse; at profecto in hoc, atque aliis hujusmodi morbis putridis, ea non exigui fuisse emolumenti
affir-

affirmare haud vereor. Humores enim acres tum diluunt, & obtundunt, tum acidis assu- mendis, quae in hisce febribus mali moris ne- cessario postuluntur, optimum praebent tuta- men, ne eorum usu nimis stimulentur intesti- na: Hoc quidem incommodum adeo hujusmodi medicamentis praecavendum est, ut remedia acida, quae in corrigenda humorum putredine saniosa, sibi ipsis Palmae gloriam profecto ar- rogant, multò majori copia assumi possunt, quam si cum solis aquosis potionibus exhibe- rentur.

Interea sit Victus ex Avenae, Hordei, aut Oryzae jusculo, cum vini Rhenani, Montani, vel Canariensis pauxillo.

Vetat enim morbi Indoles, ut Diaeta tam tenui tractandus sit aeger, ac si summâ inflam- matione laboret; omnibusque autem concedi debet liquidorum lenium viribus quassis refi- ciendis & symptomatibus demulcendis aptorum copia grata.

Curatio Anginae contagiosae secundae spe- cie, licet magna ex parte, cum iis, quae jam proxime exposita fuerunt, conveniat, tamen has differentias, notatu proculdubio di- gnas, recipit.

Imprimis aegri hoc morbo laborantes Em- plastra Vesicatoria male ferunt, quae vel ex toto omittenda, vel multo minus audacter sunt admovenda; eorum vice autem, si vi- rium languor postulet, utilissime suppleant Si- napismi.

In hoc autem tristi casu, Remedia, quae ad frequentem normam confecta fuerunt, prae caeteris omnibus mea vota ad bonos exitus ducere solebant, augendo vel diminuendo omnium aut singulorum copiam, prout postulant aegrotantium aetas & status & res.

℞. Summitat. Rorismarin. Flor. Lavendul. recent. ana ℥ii. Radic. Contrayerv. Rad. Angelic. ana ℥ss. Gum. Arabic. ℥vi. Aq. commun. bullient. ℥xii. post macerationem in vase clauso, liquorem frige factum cola, & adde Vin. Croc. ℥iii. Acet. Vin. alb. ℥iss. (seu Elixir. Vitriol. acid. q. s. ad idoneam aciditatem) Syrup. Croc. ℥ss. f. mistura, cujus exhibenda sunt Cochlearia quatuor tertia vel quarta quaque horâ.

Sin autem his non cedat morbus, sed pro pensio ad Gangraenam potius incrementum capere, & corpus sudoribus viscidis diffluere videantur, ad sequentia confugere necesse fuit.

℞. Ligni Guiaci rasi drachmas duas, Corticis Peruviani in pulverem triti fescunciam, Aquae communis libras duas; decoque ad libram unam, dein adde Radicis Serpentinae Virginianae in pulverem contusae unciam dimidiam, Foliorum Scordii manipulum unum, Tincturae Cinnamomi ℥ii. post macerationem in vase clauso per horam unam cola.

℞. Infusi colati fescunciam, Confectionis Cardiacae, vel Damocratis, vel Electarii e Scordio scrupulum unum, vel Theriacae Andromachi scrupulum dimidium, Kermes Mineralis

ralis a grano dimidio ad grana quinque vel sex, Syrupi Croci drachmam unam misce fiat Haustus, quartâ vel sextâ quaque horâ sumendus. Horis autem intermediis decoctum sequens ad uncias duas singulis vicibus assumi debet.

℞. Radic. Chin. Sarsaparill. Santalor. Citrin. ana ℥ss. Gummi Arabic. ℥i. Aquae commun. ℔ss. & coque ad partes dimidias, dein cola, & adde Aceti Vin. alb. ℥iss. vel Succ. Limon. recent. ℥i. Aquae Cinnamom. Spirit. ℥ii. Syrup. Croc. ℥i. misce.

Si malâ fortunâ Kermes Mineralis deficiat, ejus loco substituendum est Vinum Antimoniale, ea ratione, qua Ventriculus id sine nausea ferret. Sin autem in his eligendis optio aliqua sit, & potestas, primum locum proculdubio tenere debet Kermes Mineralis, utpote tutius & felicius votis respondens.

Hac vel simili medendi ratione, forsan usque ad morbi exitum, saltem ad ejus crisin, quod tempus pro certo determinari nequeat, pergendum est, attentâ interea adhibita observatione, haec omnia adeo caute & cogitate fieri, prout ea aegri viribus & febris constitutioni sint maxime congrua: Nimirum, si adsit debilitas nimia, Cardiacis, Antisepticis & Stimulantibus succurrendum est, si urgeant vigiliae & inquietudines, anodyna addenda sunt, si, plusquam par sit, saeviat febris, augenda est Acidi copia, quod cum Cardiacis moderatis & obtundentibus commisceri debet; si pro symptomatum ratione clausa nimis sit Alvus, immitta-

tur Clyster, quo rejecto statim danda sunt Anodyna lenia; si è contrario nimis soluta sit, exhibenda sunt remedia idonea ex Electario e Scordio, Theriaca Andromachi, & similibus, ut antea monitum fuit; non tamen prorsus obstipanda est Alvus, sed tantum moderanda Diarrhoea, ne vires nimis exhauriat.

In illa autem Anginae specie, nec non & febris putridae prole non minus exitiali, quae pulsu celeri & debili, sudore glutinoso largo & ferè perpetuo: Capitis & Pectoris regiones praesertim occupante, respiratione suspiriosa, & cruore misso minus aequo cohaerente, comitata est; medicamenta Cortice Peruviano praecipue conjuncta, & libere exhibita, interpositis nonnunquam quibusdam ex praedictis, mira prorsus fecisse comperi.

Finem his imponam, postquam monuero ulcera saniosa & crustas emortuas, iisdem fere remediis internis & externis, ac in priori specie modò recensitis, ut plurimum indigere, auctis, solummodo in plerisque casibus, acidi copiâ seu viribus, utpote, non solum contra partis singularis, sed adversus acrem putremque totius corporis habitum strenuo pugnandum est. Etenim adstantis medici haec Ars, atque hic labor erit, utinam & his unitis certae aegrorum saluti consulere possit.

Pag. 57. l. penult. *Vulneribus satis profundis scalpello incidere.*] Crustae hae emortuae vix ac ne vix quidem scalpello aut exedentibus vel adu-

adurentibus medicamentis tractandae sunt, talis enim medendi ratio rarissime tutum locum habet, & plus nocere quam prodesse solet, nisi maxima cum cautione, & levissima manu adhibeatur, quando naturâ annuente, & quasi viam monstrante, resolutiones & purgationes mortuarum a partibus vivis jam semel inceptae talia auxilia desiderari indicant. Neque parvi interdum est momenti diligentissimam adhibere curationem, ut fauces jam in plurimis locis nudaе, exulceratae, & valde sensiles factae, nunc gargarismo emolliente, nunc & vaporum, ex eodem bulliente, inspiratu, subinde foveantur, & linctu mucoso contra omne acre & irritans, quantum fieri potest tutentur.

Pag. 57. l. ult. *Adjecta mellis Aegyptiaci aliqua portione.*] Tantus aliquando adest in Tonsillis & Faucibus putris humor, ut ab hoc remedio, licet bene excogitato, opem satis opportunam obtinere frustra expectet medicus, fat bene, at non fat cito movet; interea contagio ulcerosa Labem in vicinas partes integras raptim dat, & dabit in plures; quapropter mihi diu in usu fuit ad hujusmodi misturam promptissimi auxilii gratiâ, confugere, quae rarissime spes meas fefellit. ℞. Mel. Rosar. ʒvi. Tinctur. Myrrh. ʒi. Balsam. Peruvian. ʒi. Spt. Sal. Marin. ab gut. decem ad quinquaginta vel sexaginta. Misce.

Hujus guttas quasdam ope Penecilli in crustas immittere sufficit, quod iterum atque ite-

rum, prout exigit occasio, repeti debet, nec minus studii ac operae impendere oportet, ut subinde in fauces introducantur linctus mollissimi mucosi, quae ulcerum fordes abluere, & dolores sedare valeant.

Pag. 58. l. antepen. *Strangulatio faucium.*] Hic morbus licet solo strangulatu se prodere dicatur, tamen febris valde acuta, & dolor capitis magnus ut plurimum sese comites huic addere solent. Unde non mirum est, aegrotos hac anginae specie laborantes, nisi summis tractentur exinanitionibus & citissimis, misero cruciabilique exitu perire.

Est autem alia hujus morbi species, quae a medicis socio dignatur honore. Haec quidem non a vasorum constitutione firmâ strictave nimis, sed ab eadem laxa nimisque debilitata ortum profecto ducit. Haec autem angina, alia est quam simulat, & plerumque aegros diuturnis morbis exhaustos aggreditur, & mortem fere semper praenunciat, vix unquam sanantur hi aegri, his porro unica spes salutis futurae, in medicina diaetetica, remediis mucosis & dolorem sedantibus conjuncta, ponenda est.



C A P U T V.

*De morbis pectoris.**De Asthmate.*

Pag. 60. l. penult. *In gravissimam dyspnoeam sunt delapsi.*] Haec differentia adeo notabilis, Pulmonis sensui plus aut minus tenero, ut vult Auctor, vix adscribenda est. Experimentiâ enim satis abunde patet, quod permulti homines robusto & athletico corporis habitu gaudentes, at infelicitè Asthmate quodam laborantes, quamdiu veluti ruris incolae sub atmosphaera serenâ, siccâ, & resiliente vi praeditâ vitam colunt, male se habeant, & paroxysmos asthmaticos saeviores & saepius recurrentes patientur. E contrario autem, iidem urbanam vitam degentes, atque aërem nebulosum, crassum, carbonum fumis & fordibus omnium generum inquinatum respirantes, ad negotia ordinaria satis alacres & habiles sunt, & vix anhelant.

Ex alia igitur stirpe potius quam propria Pulmonis sensibilitate petenda est hujus discriminis ratio. Ejus autem origo verissima, meo saltem judicio, iis viribus praesertim debetur, quibus humorum motus & circuitus plus aut minus promoveantur, prout hae diversa aëris

ambientis constitutione & temperie diversimode afficiantur, & incitentur.

Quis enim hodie tam ignarus, qui non novit Vasa corporis humani ea ratione magis magisque comprimi, qua densitas aut vis aëris resiliens augeatur, unde Sanguinis cursus ad Cor, & exinde ad Pulmonem, adeo de die in diem acceleratur, ut tandem fiant humorum ad pectoris regionem major congestus, major attritus, atque major calor, quam cum libera pulmonis explicatione convenire fas sit; ex quibus omnibus evenit, aegrotos asthmaticis paroxysmis subinde obnoxios, frequentiores & fortiores hujus morbi reditus experire necesse esse, prout eorum vires circulantis sanguinis progressum plus nimio properare sollicitentur.

Illud igitur jure haud mirum videatur, quod plurimi anhelanti in odio magno habeant, & quasi terrore perculsi, pedibus, quadrigisque, apud Lares in urbe sitos se refugere festinent, non, ut supra exponere conatus sum, quia tales asthmatici pulmonem minus sensibilem habent, aut acris vaporum sphaerae circumfusi minus offenduntur, & irritantur; sed quia sub constitutione aëris amplissimae urbis tecta ambientis, à molis movendorum circuitu mitiori & tardiori multo minus caloris & attritus in Pulmone excitatur, ita quidem, ut vasis respirationi inservientibus nihil sit inde quicquam incommodi.

Quicumque igitur hujusmodi paroxysmorum immunitatem quandam sibi ipsis dare vellent,
his

his urbana haec vivendi conditio prae caeteris omnibus experienda est; utpote ad omnia ea munera, quae profectò ad pulmonem usque pertineant, absolvenda & nisi fere naturali perficienda, quam maxime conferret.

Pag. 61. l. 12. *Multiplex hoc malum.*] Quamvis Asthmatis causae remotae inter innumerabilia mala forsàn ponendae sint, tamen hae, seu seorsim, seu agmine factò sumptae, in eodem termino conveniunt: Etenim haud alia res agitur, aut inde indicatur, quam quod respiratio evadit impedita & laboriosa, vel quia ipse pulmo laboret, seu ex vitio vasorum, quae ejus compagem constituunt; seu humorum, qui per ejus canales, licet integros, libere transire nequeunt; vel quod fibrae, quae idoneae hujus visceris explicationi inservire debent, non amplius functiones sibi ipsis proprias more naturali perficere valeant. Idcirco vix fieri potest, quin Asthma ad quatuor solummodo species referre oporteat, quatenus hoc malum similem cum Peripneumonia verâ aut adulterinâ naturam participet, aut quatenus partium nonnullarum & nervorum quorundam, respirationi inservientium, resolutioni aut distentioni debeat.

Veruntamen illud quoque adjungere non inutile erit, quod inter sententias de variis Asthmatis speciebus curandis, haud contemnenda est ea dijudicandi & medendi ratio, quam satis apte instituerunt quidam medici, qui
prius-

priusquam se ad hunc morbum curandum accingant, huic potissimum insistant, ut quaerendo investigent, an Asthma sit continuum, vel recurrens more paroxysmorum, temporibus certis aut incertis, & quicquid horum erit, an sit siccum vel humidum. Nam omnes hae species ipsis suis qualitatibus, seu symptomatibus claris & apertis, non Medico solum, sed cuivis Pharmacopolae adstanti se palam faciunt.

Pag. 61. l. 14. *In sanguinis detractiōe.*] Pulsus in hoc morbo semper creber est, nonnunquam autem validus, scilicet cum sola laboret Arteria Bronchialis, si vero simul debilis sit, & inaequalis, si facies rubore suffusa, sive inflata sit, semper afficitur tum haec Arteria, tum ipse Pulmo; & proinde gradus mali in hoc morbo non a forti pulsus ictu, ut in quamplurimis aliis aestimandus est, sed potius ex ejus debilitate, frequentia & inaequalitate, ratione interea simul habitâ ad difficultatem, quâ spiritus trahitur, nec non & ad pulmonis obstructa vasa, ex quibus fit, ut sanguis in suo transitu ibi sistatur, & debita copia non redeat ad Cor.

Recta igitur curatio sanguinem mittendum esse inter initia postulat, ut diminuta vasorum plenitudine, periculosus pulmonis attritus simul minuatur, licet pulsus arteriarum hanc exinanitionem haud indicare videatur. Secundo maximi dein est momenti, Vomitus elicere, aut Alvum ducere. Prae caeteris enim mortali-

talibus, qui pleni, otiosi, pigri, & pituitosi sunt corporis habitus, quorum vasa, praecipue quae pulmonis compagem constituunt, pituitâ aggravantur, vel quorum sanguis quâcunque de causâ impetu majori in vasa infarcta propellitur, Asthmati sunt obnoxii; & eo plus, si his addatur Crapula & ingluvies vespertina, vel frigoris nocturni corpori calefacto applicatio, aliaque similia, quae hunc morbum adhuc latentem non raro e tenebris educunt.

Pag. 61. l. 15. *Vomitum etiam.*] Medici non pauci, uti autor noster & pharmacopoei fere omnes statim post sanguinis missionem vomitum elicere solent; quod periculosum opus est, & atro carbone notandum. Nec id temere a me actum esse judicabit quisquam, qui ad ea, quae sub hujusmodi morbi paroxysmis in pulmone fiunt, animum diligenter adverterit. Nihil enim a pulmone ope vomitus revera ejici queat, prodesse quidem per accidens possit talis medendi modus, quatenus concussu scilicet pulmonis agitetur pituita, quo minus forsitan ad vasorum latera adhaerescat, unde spiritus brevi post, non solum paulo facilior trahitur, quin excreatu aliquando educitur pituitae pauxillum; quamobrem si malum leve sit, & absit febris, vomitum ciere nonnunquam levamen quoddam attulisse compertum fuit, sin vero jam inveteraverit morbus, vel penitus se infederit, & febre simul comitetur, brevi reintegrato impetu, & tam fortiori quidem, re-
ver-

vertere solet, ut vix ulla erit aegro convalescendi spes, quod omnibus fere accidisse novi, quibus post vomitum cito redierit notabilis spirandi difficultas.

Pag. 61. l. 29. *In ipsis accessionibus.*] Medicamenta, quae hic ab initio exhibenda esse, suavit Auctor, mea sententia, dum magnus adsit anhelitus, parum profunt; imo quae hujusmodi aegris ad excreationem tum temporis promovendam, (uti pluribus medicis mos est) haurienda dentur, magis obsunt; nihil enim, rebus sic se habentibus, expuere possunt.

His igitur nugis speciosis nullam debemus adjungere fidem; praemissis autem eâ copiâ exinanitionibus ut antea recensitis, quâ postulet res angusta pectoris; ut id dein quod volumus, consequamur, ea profecto remedia, ex humectantibus, saponaceis, attenuantibus & excreationem definite promoventibus, eligenda sunt, quae ad humores crassos atque tenaces solvendo, & tussim simul excitandam vires idoneas habeant; nimirum ut his auxiliis (inter quae principem locum tenet *Tartarum Emeticum* aut *Vinum Antimoniale*) allatis, a crassâ & pituitosâ coacervatione liberetur Pulmo.

Cautione tamen hac omnino opus est, ne in medicamentis praedictis exhibendis, talis fiat Pulmonis expletio, qualis aegrotum in suffocationis periculum ac vitae discrimen inferat, & ne medicamenta adeo sint viribus debilia,

lia, ut parum ad sputi secreatum efficiendum valeant.

Porro si ex quacunque causa vacillare videantur vires, admovenda statim sunt Vesicatoria, primo Cervici, & deinde si opus fuerit, Brachiis, & Femoribus internis paulo supra Genua.

Ad excreationem ulterius promovendam, spongiam, Aceto acerrimo calido, vel Aceto Scillitico madidam, aut Salium Volatilium parvam portionem naribus, vel ori, per vices admovere convenit, ut vapores inde emissi in pulmonem recipiantur, vel incumbat aeger pronus in largam pelvim aqua calida impletam, & cui Aceti simplicis vel scillitici parvam copiam admiscere oportet. At heu, omnes illi, qui tali spirandi angustia laborant, ab hujusmodi vaporibus, etiamsi multum boni secum afferre possint, obnixe abhorrent.

Pag. 62. l. 15. *Temperamenti aegrotantis, tum ipsius morbi naturae.*] Semper quidem in humoribus solvendis & corrigendis prospicere debemus, ad quod morbi genus prae caeteris inclinet & propendeat aegroti habitus, & remediis indoli maxime idoneis uti oportet, cujus rei unum saltem testimonium proferre libet, viz. Si asthmaticum calido corporis habitu praeditum calidis medicamentis sanare tentarem, nunquam ex voto succedet curatio, incrementum enim tum obstructions, tum acrimonia, & crassitudo liquidorum, his insuper & peri-

periculum est, ne vel periculosa dyspnoea vel mors inde producat, & sic de caeteris instituendum est iudicium.

Naturalis igitur corporis humani constitutio & fabrica singularis sedulo investigandae sunt, ut pro certo cognoscatur, an morbus fibris astrictis & siccis, an laxis & humidis comiteatur, quippe in priori casu, peripneumoniae, in posteriori autem, hydropis aut cachexiae adventus futurus maxime metuendus, & totis viribus arcendus est. Neque de spe aut conatu depelli debet medicus, quippe asthma plerumque symptomaticum se probat, & oritur fere ab omni causa, quâ coacervatio ad pulmonem, & suffocatio humorum ad circulos suos rite conficiendos periclitantur, quales sunt tussis diuturna, pulmonis scrophulae, scirrhi, cantus, & alia ejusmodi innumerabilia.



CAPUT VI.

De morbis cordis.

Pag. 64. l. 10. *Per exiguum temporis spatium.*] Motus cordis regularis non solum a palpitatione brevè interrumpi, sed aliquando per horas, imo per dies totos turbari potius dicatur. Cor enim, nervis suis aliquando distentione affectis, non more suo vi certâ æquabili costas ferit, sed ictu tremulo, debili, & quasi undulato celerrimè tamen repetito, sanguinem suis cavis contentum expellere nititur. Quicumque manus pectori & carpo miserì cujusdam sub hoc morbo vitam anxiam anhelam trahentis admovertit, rem prorsus sic se habere, dubitare nequeat.

Pag. ead. l. 11. *Ex causis admodum variis hæc ortum habet.*] Cum Cor palpitare inter omnes constat, quotiescunque ejus vasa majora & propinqua ad liberum sanguinis transitum conciliandum inepta reddita sint, omnes hæc causæ, utcunque variae, ad subsequentes referri debent. Etenim Cor propriis suis officiis, more naturali, fungi nequeat, vel quia ejus vasa dura & astricta, flaccida & resoluta nimis, vel spissis humoribus nimis farta, vel quia partium
G vici-

vicinarum tumoribus aut spasmis praeoccupata & impedita sint.

Haec autem investigare & dignoscere magno ex usu erit, quippe his cognitis, consentaneam medendi, seu mitigandi rationem postea instituere, haud ardua res erit.

Pag. 64. l. 14. *Interdum polypus.*] Ubi polypus hujusmodi locum habeat, hisce fere signis sese prodit. Plus aut minus adest cordis palpitatio, quae pulsu veloci, debilissimo, semper inaequali, saepe intermittente, respiratione anhelâ, continuâ, & post pastum aut exercitationes, ut ut mites, in deterius vergente, pro certo comitatur.

Pag. 65. l. penult. *Vix autem aliae quaevis exinanitiones.*] Cum in cordis palpitazione, sanguis ratione quantitatis aut spissitudinis in primis peccare solet, missio sanguinis vix & ne vix quidem a medico praetermittenda est; aliae autem, ut sapienter monuit autor, exinanitiones, veluti, quae ex vomitu, aut alvi subductione ortum habeant, prorsus vitandae sunt, & profecto rarissime cum aegroti salute in hoc morbo adhiberi queant, nisi cujusdam cibi ingurgitati, aut materiei acris, noxiae, venenosae, in ventriculo & intestinis hospitantis, indubia adsint indicia.

CAPUT VII.

De morbis ventriculi & intestinorum.

Pag. 67. l. 3. *In morbis Ventriculi.*] Morbi, qui Ventriculo injuriam inferunt, distinguuntur debent, primo in Acutos & Lentos, 2do in eos, qui primo loco hoc viscus laedunt & obsident, vel secundo afficiunt, ut Cachexia biliosa, hydropica, pituitosa, variarum febrium contagia, materies podagrica, ulcerosa, saniosa, aliunde nata, & huc delata, aut appulsa, & similia. Vel 3tio ratione eorum, quae devorari possint, uti sunt omnia propter duritiem vel tenacitatem concoctu difficillima, omnia acria, rodentia, & varii generis venena. 4to ratione Animalium, vel eorundem ovorum, quae cum cibo, potuve assumpta, Ventriculum, tanquam proprium hospitium occupant, ibi se alunt, & sustentant, atque vires omnes sibi inimicas prorsus eludentia, diu voraces, mordaces, & infracti manent hostes. Cujus rei indubium praebent testimonium plurima medicorum scripta, nec non & quae de vermibus, hirudinibus, serpentibus in actis regalis nostrae societatis habeantur. 5to ratione consensus & connexus cum aliis partibus & spasticis nervorum affectibus, aliisque similibus: Exempli gratia, percussio Capite, & praecipue

cipue vulnerato cerebro, cibaria in Ventriculo contenta vomitu rejicit aegrotus: similiter aeger passione illiacâ, nephritica, &c. affectus, saepe Ventriculo laborat.

Pari ratione Scirri, Cancri, ad Hepar, Lienem, Pancreatem, & seorsim vel communiter pertinentes, Vesiculam Biliariam comprimendo, corrodendo, vel irritando partes sibi ipsis proprias, multa & gravia mala Ventriculo inferre possunt, & dolorem & vomitum excitant.

Ex quibus perspectis, patet omnes causas particulatim persequi, quibus hoc viscus male afficiatur, nec non & curandi rationem singulis his propriam hoc loco minute proponere, à nostro instituto procul alienum esse. Nihilominus Auctoris brevitatem aliquo modo supplere, qui, ut mihi videtur, nimis perfunctorie munus suum implevit, quosdam Ventriculi affectus perstringam, qui, vel caeteris graviores vel crebriores occurrant, aut qui in aliis medendis facem praebeant.

Ventriculo igitur inflammato primas profectò dare convenit.

Atrox autem hic casus, nisi a rebus acerbis assumptis, venenis, translatione materiae podagricae, &c. raro accidit, & plerumque cito necat. Cognoscitur dolore ardente, lancinante, in ipso stomachi loco, insuper & ingravescente, ipso temporis puncto, quo aliquid devoratur, una cum vomitu acerbissimo, statim ab omni assumpto, & frequenti concutiente singultu.

gultu. Adfunt etiam Anxietas circa praecordia, summa, & perpetua, Febris acuta, aliaque Inflammationis periculosaе consimilia signa.

Internosci autem pro certo possit Inflammatio Ventriculi a dolore excitato ab acri materie in cavitate sua hospitante: Quippe in priore casu, febris acuta indubiis indiciis sese prodit, at in posteriore, vel nulla, vel saltem parva adest, in priore dein, praecipue augetur dolor eo tempore, quo aliquid ingeritur, etiamsi Aqua tepida vel Decoctum Hordei tantum fuerit, in posteriore autem, longe alia res est, protinus enim a liquore blando ingesto, acrique materie commisto, plerumque multum lenitur doloris sensus, saltem non exacerbatus adest.

Cum itaque ex dictis pateat, praeceptum exitium à Ventriculo inflammato imminere, non solum sanguinis missione statim occurrendum est, sed & pro Axiomate habendum, hanc exinanitionem aequè largam instituendam debere, ac in ipsa Pleuritide, eamque quam citissime repetendam.

Interea omnia simul, quae a Fotuum & Clysterum blandorum emollientium usu fere continuo derivari queant, adhibenda sunt auxilia; diligentissime ab omni acri cavendo, praecipue ab iis, quae vomitum eliciant.

In hoc autem praecavendo, prae caeteris profunt Clysteres, eo quod intestinorum motum deorsum tendere disponunt, qui in hoc casu haud raro se sursum invertere solet. Mi-

nime autem Catharticis ore hauriendis tentanda est hujus symptomatis sanatio, quippe horum stimulo augetur Vomitus.

Ad doloris etiam levationem aliquid certi afferre difficillima res est, quippe medicamenta, quibus Opii vis insit, vix tali copia assumenda aut retinenda sunt, ac Doloris atrocitati sedandae satis erunt.

Restat itaque tantum, ut vel Clysterum ope, vel Fotuum externorum hoc fieri potest. Ideoque Alvo, sicut praeceptum fuit, prius subductâ, injiciendum est hujusmodi Enema mane & vesperi; cui, si opus fuerit, addantur Opii grana duo vel tria, vel Tincturae Thebaicae guttae quadraginta vel quinquaginta; non tamen ita ut constipetur Alvus.

R. Decoct. pro Syrup. e Mecon. \mathfrak{z} iv. Ol. e Mucilag. \mathfrak{z} ii. Vitell. Ov. parum, m. pro Clystere.

Sub Fotuum intervallis applicetur Epithema, quale est infra scriptum, cum Panno laneo fortiter expresso, quod saepius, quam alternis horis vix repeti debet, ne ea res aegrotum nimis fatiget.

R. Decoct. pro Syrup. e Mecon. \mathfrak{z} v. Tinctur. Thebaic. \mathfrak{z} ss. Aquae Alexiter. spirituos. cum Acet. \mathfrak{z} iiiss. Misce.

Interea, ne aliquid se notitiae medici simul subtrahat, assiduo advertendum est, haec omnia ita fieri, ut non obstupescat aeger, sed tantum ut tolerabilis evadat dolor. Hoc enim consilio, parum licet repudiato, partem affectam
clam

clam Gangraenâ corripendam fuisse mihi detexisse contigit, & proinde augenda vel minuenda est Opii copia, ea ratione, ut Fetus frequenter applicari, simul & Clysteres injici possint, sine inferendo aegrum in stuporem, aut nimiam Alvi astrictiōnem. Ideoque Clysteres Alvum leniter solventes pro re nata, nonnunquam sine Opio, immittendi sunt, vel Electarium Lenitivum, aliudve simile priori Clysteri addendum est.

Victus in hoc morbo, non ultra bis vel ter in viginti quatuor horis exhiberi debet, & hic tantum ex Decocto Hordei, Sero Lactis, Decocto Oryzae, Jusculisve mollissimis.

Medicamenta vero, qualia sunt ea infra exposita, non ultra unciam unam una vice exhibenda sunt, sed singulis horis repeti debent; nulla quippe fieri potest Solutio Inflammationis, vel in hoc, aliove viscere, dum in majorem amplitudinem se extendi cogatur.

Si hac vel simili medendi ratione, & repetita Sanguinis Missione conjuncta, solvi nequeat Inflammatio, vel in Abscessum vel Gangraenam terminabit.

Huic proxime affinis est dolor ille molestus & mordax, qui sensum ardoris in Stomacho excitans, ab humoribus acribus ibidem genitis aut moratis oritur, & aegrotos non raro ad plures annos per intervalla excruciat.

Hi dolores febre immunes sunt, & cibis assumptis plerumque per aliquas horas leniuntur, donec factâ fere ciborum concoctione,

quod residuum sit, acrimoniam variam diverso suo generi conformem acquirit, ventriculum rodit, & dolores vomitumque creat.

His conducit Ventriculum medicamento emetico, & Intestina cathartico, aliquoties modice expurgare, & in horum intervallis exhibere medicamenta, quae Acrimoniae speciei contraria sint. Exemplo rem illustremus. Si ex Ructu, vel Vomitu, Acidum probabilem asferre doloris causam pateat, his aegris Magnesia alba, vel medicamenta testacea paucis Sale Alcalino & Rhabbarbo commista, & aquoso Haustu exhibita, maxima praebent auxilia.

Monendi etiam sunt hujusmodi aegri, ut Alimenta causae contraria, & levioris coctionis assumunt, qualia sunt Juscula ex carne animalium juniorum confecta, carnesque blandae ejusmodi, ut & cibi ex Farinis & Ovis compositi coctique, aliaque innumera.

Nec minus monendi sunt, ut fructus hortenses, crudos, parum maturos, acidos, aut cito acescentes fugiant, vinaque omnia vel omnino recusent, vel parca copia & multa aqua diluta hauriant. Vina enim omnia in Acetum calore Ventriculi brevi convertuntur.

Impetratis hoc modo per satis longum tempus symptomatum induciis, ad Fontes medicatos, praecipue Chalybeios amandandi sunt hujusmodi aegroti, interpositis simul Herbarum amarâ, astringenti, & aromaticâ virtute praeditarum infusionibus, eâ copiâ, quae ciborum

borum concoctionem juvent, & Ventriculum non aggravent.

De hoc malo satis dictum arbitror, sequitur ex instituti ratione, ut de doloribus Ventriculi ab acri bilioso ortum ducentibus, pauca notanda sint.

Sub hoc autem ordine comprehendere vellem omnia ista dolorum genera, quae ex humore acri & calido, seu alcalino, rancido, oleoso, seu aromatico, vel vere bilioso excitentur.

Distinguenda sunt more priori, scilicet ructu vel vomitu talis materiae, qualis in ignem injecta saepe flammam concipit, & quae acrimonia suâ amarâ & rancidâ stomachum mordet.

Sanandi sunt hujusmodi morbi, primas vias Emeticis & Catharticis prius expurgando, & dein acida multo liquore aquoso diluta exhibendo, qualia sunt Chrystallus Tartari, Sal Polychrestum, Tartarum Vitriolatum, Tamarindi, Fructus maturi subacidi, Succus Aurantiorum, Limonum, Acetum Vini albi, Elixir Vitrioli acidum, aliaque quam plurima; tandemque ad Aquas praedictas medicatas aegros amandando, ut tum diluatur humorum Acrimonia, tum roboretur Ventriculus.

Raro autem opus est, ut medicamentis amaris, vulgo dictis Stomachicis, tractentur hujusmodi aegri, plerumque enim plus justo calent, unde putrescunt assumpta, priusquam satis in Ventriculo solvantur.

Interdum equidem ob Ventriculi debilitatem, ita res fert, ut hujus generis remediis uti oporteat; quo casu vix fieri potest, quin Decoctum Corticis Peruviani cum paucis Elixiris Vitrioli acidi guttis praesertim conveniat, vel Infusum Amarum simplex iisdem sociatum, ejus vicem supplere potest, vel loco Elixiris Vitrioli exhibenda est mistura ex Salis Absinthii scrupulo uno Succi Limonum semuncia cum medicamentis praescriptis.

His aegris oleosa & pingua prae caeteris cibis molesta sunt.

Pag. 67. l. 19. *Ventriculo inhaeret pituita.*] Neque ab acribus solis, quin etiam ab omnibus concoctionem eludentibus, & Ventriculum onerantibus oritur dolor, à nulla autem re frequentius, quam à lentae, glutinosae pituitae acervo.

A caeteris Ventriculi vitiis dignoscitur hocce, ejus dolore gravi, & oneroso, satietate, & cibi fastidio, cum sensu farcturae, etiamsi nihil, vel parum cibi aut potionis ingesserint aegroti, & tandem vomitu glutinoso.

Infestat plerumque vel Virgines, quae aut Menstruorum Fluxu impedito laborent, aut Farracea non fermentata, cretacea, aliaque dura aut insolubilia devorasse se consuevere, de quibus suo loco dicam; vel Senes, qui otiose viventes, & Lautitiarum studiosissimi, largius aequo ederunt atque biberunt.

In hujus morbi curatione igitur aggredien-
da

da, id primum medico nitendum est, ut primae viae vomitu, & alvi subductione, pro renata, repetendis emundentur.

Huic fini consequendo, caeteris remediis praestant ea cum Aloë conjuncta, ut Tinctura Sacra, Pilulae Rufi & similia, nisi simul Haemorrhoides adsint, aut se certè futuras esse indicent, quo casu minime utenda sunt, at eorum vice exhiberi debet Tinctura Senae, aliudve simile.

Illud deinde omni conatu dignum est, ut medicamentis Amaris, Aromaticis, Chalybeis, Saponaceis, Abstinencia, & Exercitationibus aptis roboretur Ventriculus, tandemque, si his finitum malum non sit, ad Aquas Bathonienses, vel de Harrowgate, vel ad Aquas Grani, in hujusmodi morbis profligandis longe praestantissimas, aegrotum amandare optimum erit.

Vomitus immanis & pertinax, de quo nunc ordine quaedam ex propriis observationibus practicis deprompta subjungere impellit Animus, definitione non eget. Oritur tamen ut plurimum ab omnibus causis paulo ante expositis, tum a febrili materia nervos stimulante, ut & Affectiois Hystericae Oestris, & Morbi Hypochondriaci Paroxysmis.

In his omnibus, si plurimum ferveat Sanguis, vena secanda est, deinde lenis proritandus est vomitus, vel ope Radicis Ipecacoanae, vel Jusculi Pulli, Infusionis Cardui Benedicti, & similium; & tum interposita hora una vel altera

exhibendus est *Hauſtus Riverianus* dictus ex *Sale Absinthii* & *Succo Limonum* componendus, adjectis simul *Tincturae Thebaicae* guttis quindecim vel viginti, atque hac medendi ratione aliquando tollitur malum.

Si vero praedictis non cedat, *Alvusque* astricta sit, immittatur *Clyster laxans* mane & vespere, ut deorsum sollicitentur *Intestina*, frustra enim vomitum tollere conemur, dum *Alvus* astricta maneat, porro si hoc ita contigerit, validiori stimulo utendum est. Interea prodest singulis vel alternis horis hujusmodi *Hauſtum* in ipso actu fermentationis exhibere.

℞. *Sal. Absinth. Margarit. ppt. ana gr. x. Succ. Limon. recent. express. ℥ii. Aq. Menth. Simpl. ℥ss. Tinctur. Cardam. aut Spiritus Lavendul. c. gutt. xx. vel triginta; Syrup. e Cortic. Aurant. ℥ss. m. f. Hauſtus.*

Applicetur simul *Ventriculi* regioni *Fotus Aromaticus Anodynus* per horam dimidiam, & repetatur sextâ vel octavâ quâque horâ, superimponendo sub intervallis *Emplastrum* ex *Theriaca Andromachi*, adjectis *Olei Caryophyllorum* guttis paucis.

Sin autem admodum debiles sint aegri vires, vice *Emplastri* applicetur *Epithema* ad hunc modum praescribendum.

℞. *Philon. Londinens. ℥vi. Spirit. Vinos. Camphorat. ℥xii. Acet. Vin. optim. ℥ii. m. f. Epithema*, quod calidum applicandum ope *Panni lanei*, & quoties exsiccaverint, denuo ut prius admovendi sunt.

In

In nutrimento exhibendo conveniunt sola Juscula tenuia, eaque parcâ copiâ & saepe assumenda, sedulo evitando omne acre, & praecipue ejus generis, quo Ventriculus in vomitum cieri videatur, vel quod Nauseam excitet.

Medicamenta Opii vim habentia plerumque singulis noctibus, & nonnunquam saepius exhibenda sunt; cavendum est autem, ne tantâ copiâ simul ingerantur, ut inde fiat aegritudo, vel vomitus, quam ob rem ea, parca tantum portione, & frequenter exhibere melius & tutius est, quàm eandem copiam una vice ingerere, nisi adeo saeviat malum, ut inde vasorum ruptio timeatur. Exempli gratia.

℞. Theriac. Andromach. gr. x. Extract. Thebaici gr. unum; Syrup. e Mecon. q. s. m. f. Massa in tres Pilul. formanda, quarum una sumenda omni hora, vel hora dimidia, usquedum obrepat somnus. Nihilominus in vomitu enormi Opium simplex sine quovis liquore devorandum exhibere, & pro re nata repetere maxime convenit, tali quippe more assumptum difficiliter vomitu rejicitur.

Quamvis autem hujusmodi medendi ratione vel tollitur, vel plerumque levatur malum, sedulo tamen perpendenda est materies e Ventriculo rejecta, scilicet an acida, biliosa, vel glutinosa sit, quod partim conspectu materiae viridis, flavae, vel pituitosae, partimque narratione aegri dignoscendum est; & pro hujus ratione medicamenta exhibere oportet, qualia sunt

sunt iis consentanea, quae paulo ante ad Ventriculi dolores sanandos multum contulisse memoravimus.

Si humor igitur indolem biliosam participet, vel febre quadam putrida laboret aeger, detur Elixir Vitrioli acidum cum Tinctura Thebaica ad hunc modum.

℞ Tincturae Thebaicae drachmam unam, Elixiris Vitrioli acidi drachmas tres, f. mistura, cujus guttae quindecim aut viginti cum liquore quodam tenui dandae sunt; vel hujus vice exhibeantur grana quaedam ex Chrystallis Tartari, vel Sale Polychresto, & similibus, adjecto semper vesperi anodyno. Quamprimum autem vomitui finem facere liceat, Ventriculum roborare oportet modis, & remediis supra expositis.

Quamdiu urgeat vomitus, cathartica medicamenta exhibere raro convenit, quippe Ventriculum irritando Emetica fiunt, si vero talibus uti prorsus necesse sit; dentur ea, quae materiae irritanti maxime sunt adversa, eaque exiguâ copiâ & saepissime repetenda.

Si vomitus in pravam & assiduam consuetudinem cadat, dein non minus convenit Rhabbarum manducare, & sensim devorare, ut placide & leniter deorsum ducantur, & ex primis viis simul evehantur humores. Neque nihil ad sanationem confert Cochleare unum Tincturae Rhabbarum vinosae vel spirituosae omni nocte, seu quotiescunque opus sit, haurire.

Conqueruntur saepe Mulieres de Ventriculi dolore, os ejus superius circa Diaphragma vexante. Morbus hic haud raro ex Theae, & similibus potuum calidorum tenuium nimio usu oritur.

Quibus is vitae genus fuit, gradu quodam inflammatur haec Ventriculi pars, & exulceratur, raro autem sanatur.

Profunt multum testacea, humectantia, mollia, tepida assumpta, qualia sunt Pulv. e Chel. Cancr. comp. Julep. e Creta, Decoct. Chinae, Lac Asininum, &c.

SECTION I.

Alvi stuxus.

Pag. 68. l. 3. *Ventris fluxus.*] Cum quamplurima monita, quae tam ad Intestinorum, quam Ventriculi morbos rite curandos pertineant, a nostro Auctore simul praetermissa fuerunt, instituti ratio postulare videtur, ut de his quoque pauca proponerem.

Morbi autem, qui Intestina & Ventriculum afficiunt, maxime sunt congeneres & consentanei, & eandem fere patiuntur divisionem, scilicet in acutos & lentos. 2do. in proprios & sibi ipsis peculiares, vel symptomatricos, prout primo seu secundo loco horum tunicis injuriam inferant. 3tio ratione causae do-

lorem

lorem excitantis, qualia sunt acria, rodentia, dura, insolubilia & venena. 4to ratione animalium ibi hospitantium. 5to ratione connexus & consensus cum aliis partibus, seu ejus generis sint morbi, qui nervorum detentiones & artus convulsos gignant, ut in Colico aut Hysterico dolore saepe fit; seu qui intestinis nimis relaxatis pendeant, unde inertia evadant, & stimuli naturalis vel factitii haud satis sint sensibilia, ut in Paralyticis non raro videre est.

Ob similem fere rationem fieri interdum novi, ut Mesenterii, Lienis, Hepatis moles contra naturam aucta, nec non & Scirri & tumores omnigeni, per has partes plus aut minus sparsi & disseminati, comprimendo vel irritando Intestina, eorum tormina multum augere, vel sistere possint.

Huc etiam spectat materies purulenta, biliosa, acris, melancholica, ab Hepate, Pancreate, vel Liene expulsa, & in has partes inducta, quae dolores, Inflammationes, Diarrhoeas, Dysenterias excitando varios morbos efficiunt.

Ad primum ordinem proculdubio referendus est morbus acutus, qui Cholera nuncupatur, & dicitur adesse, quandocunque tum Intestina, tum Ventriculus ipse, adeo musculorum Abdominis & Intestinorum spasmis comprimuntur & irritantur, ut contenta sua sursum & deorsum valido & quasi perpetuo conamine necessario expellenda sint.

Quamvis a Sydenhamo summis laudibus dignis-

gnissimo, in mensem Augustum tantum hic morbus relegatur, idque praecipue propter fructus hortenses, hoc tempore & aestate praecedente, largâ manu ingestos; nihilominus pura puta hujus morbi constitutio & origo vix hisce causis, tribuenda videtur. Multos enim invadit hic morbus, qui carnes fere solas ederant, & rarissime hujusmodi gustaverant fructus, & hos, haud minus quam eos, qui tales fructus avide voraverant.

Neque huic mense peculiaris est Cholera, licet in hoc & Septembre prae caeteris oritur. Novi enim quamplurimos hoc morbo correptos fuisse in omnibus anni mensibus, maxime vero, quodocunque aëris ambientis temperies tepida, vel calida, subito in contrariam mutata fuerit.

Interea nemo hoc nescit, aërem Augusti & Septembris mensibus, respectu habito caeterorum tempore meridiano, plus incalescere, mane autem & vesperi, majori ratione plus frigescere, & proinde cum Ἐκπνοον & εἰσπνοὴν ἐστὶν ὅλον τὸ σῶμα, id quod divinum senem medicorum principem non latuit, & quod hodie inter omnes constat, fieri non possit, quin ex praedictae tempestatis affectionibus, quae quotidie adeo inter se diversae extant, tantamque in hac re agenda varietatem efficere valeant, creberrima & aptissima feбри excitandae detur occasio; cuius materies in ventriculum & musculos abdominales rejecta, enormes hos vomitus & intestinorum cruciatus gignit.

H

Quin-

Quinetiam ex singulari consensu, qui inter glandulas in cute & superficie corporis, atque eas in ventriculo, intestinis & abdomine sitas obtinet, haec omnia ulterius illustrata & satis confirmata habentur.

Utcunque autem res se habeat, omni rationatione seposita, symptomata & medendi ratio, quae Cholerae propria, haec sunt.

Ingruit enim hic morbus plerumque cum horrore, accedentibus simul vomitu enormi, torminibus, & gemebunda Alvi dejectione. Pulsus aliquando celer, aliquando parvus & inaequalis est. Haec symptomata tanta vi haud raro saeviunt, ut aegrum in viginti horarum spatio interimant.

Curatio postulat missionem sanguinis, & ut largis haustibus Decocti Pulli, Hordei, Avenae, iisque creberrime repetendis eluatur ventriculus; tum ut similia Clysterum frequentium ope, tam contra acrimoniam muniantur intestina, quam materies acris foras exeat, dato postea anodyno, seduloque evitando omne acre, tam sub morbi curatione, quam symptomatum triduo vel quatriddo inclinatione, aut prorsus decessione.

Neutiquam enim haec cautio negelctui est medico, aliter, & haud infrequenter hunc morbum novi adeo proclivem se recrudesce, ut sudoribus frigidis, animi deliquio, &c. equidem teneretur aegrotus: Solo Opio & Cardiacis moderatis in hujusmodi rerum tristi constitutione impetrandae sunt induciae, donec

nec vires aliquatenus reficiantur, & dein commoda Clysterum humectantium ope, caeteris omnibus posthabitis, sanandus est morbus.

Haec de Cholera iis sufficiant, qui magnam ejus affinitatem cum morbis ventriculi paulo ante enumeratis, & iis intestinorum jamjam successuris comparare non gravabunt.

Pag. 68. l. 4. *De illa loquor, qui sine febre est.*] *Ἡ δὲ γυμνασία ἀραιότης, ἡ κοιλία πυκνότης* cutis raritas, ventris densitas & vice versa inquit Hippocrates, quippe libere perspirare in omnibus ventris doloribus, exceptâ nimîâ alvi astrictione, plurimum confert, hoc autem in dejectionibus & spasmodicis intestinorum affectibus praecipue respiciendum est, utpote in priore, revulsionis more opem fert, in posteriore, tum fibrarum & vasorum compagem laxat, tum humores abunde derivat.

Pag. ead. l. 6. *Cum sola autem cita alvus exercet.*] In hujusmodi morbis convenit ventrem probe tectum, pedes, & crura tepide servare, aliter vix morbi reditum praecavere valebit medicus. Novi aliquos praesertim crassos, obesos & helluones quosdam concinnos, quibus cochleare unum tincturae rhabarbari singulis vel alternis noctibus assumptum, multum commodi attulit. Omne hoc genus hominum, nisi ciborum reliquiae, alvo quotidie respondente, extrudantur, male se habent, &

praecipue molesto ventris fluxu vexari solent.

Dysenteria.

Pag. 68. l. penult. *Primum sanguinem mittere expedit.*] Frustra curationis optatam metam contingere studebit medicus, qui in hujus morbi tentatione & rodente impetu, venam una vice tantum incidendam esse contentus imperabit. Etenim dum vires vitales eam sinant, deinceps repeti debet missio sanguinis, ratione diligenter habita torminum ventris, & ani, & duritici pulsus, quae hunc morbum insigni more comitantur, & veluti signa, quae pathognomonica nuncupantur, eum a quocunque alio per alvum fluxu clare distinguunt.

Pag. ead. l. ult. *Vomitus utilissimus est.*] Emeticum medicamentum lene, quale est Vinum Ippecacoanhae exhibere, & Jusculo avenaceo aut vitulino largiter dein ordine epoto ventriculum expurgare decet, & convenit; at hoc opus ter quaterve tam cito repetendum, plus damni, quam boni secum attulisse, ut plurimum expertus sum. Nunquam enim, me auspice, in hac via pertinaciter persistendum est, ne faeva haec intestinorum tormina, à quacunque demum causa oborta sint, in funestam inflammationem ruant.

Ideoque adversus haec admodum periculosa mala per longe tutius iter proficiscetur medicus, si Emeticis, Cardiacis, atque iis, quae ex
Anti-

Antimonio & Hydrargyro tanto studio & labore acquirenda sunt, nec non & Astringentibus sepositis, omnis in hoc sit, primò quidem, ut sanguis pro ratione virium & doloris detrahatur, dein ut Apozematum, nunc Enematum ope, quae ex medicamentis humectantibus, emollientibus, mucosis, atque oleosis, componi debent, nunc lenibus Catharticis & Anodynis, quae haud parca manu aut copia, prout symptomata postulent, interponenda sunt, Intestina eluantur, Alvus subducatur, & dolores sedentur. In his enim & Missione Sanguinis rite & sedulo administrandis tota prima Dysenteriae curatio vertitur.

Si opportuno horum auxilio, feliciter consequamur, ut per quatuor vel quinque dies, tormina tandem pacata persistent, Faecibus interea indolis melioris more naturali simul egestis, dein ne recurrant dira dysenterica mala, exhibere oportet levißima astringentia, amara, aromatica & balsamica, ea ratione, quâ praesenti virium conditioni & aegri corporis habitui maxime sint idonea, interposito debitis intervallis Cathartico lenissimo, & huic negotio peracto, semper succedere debet Anodynæ modica & tempestiva exhibitio. Inter hæc remedia, Electarium e Scordio, Pulvis e Bolo compositus cum vel sine Opio, Cinnamomum, Conessi, Simaruba, Cortex Peruvianus, Radix Columba, Radix Quassi, Rhabarbarum, Lignum Tinctorum Campechense, Balsamum

Gileadense, Balsamum Anodynum prae caeteris palmam praeripiunt.

Si quando haec aut similis medendi ratio, seu ex incitia, seu ex incuria praetermissa fuerit, non raro aegrotis, qui hoc molestissimo morbo imprimis correpti, & demum pro convalescentibus habiti fuerunt, contigisse novi, ut his ipsis Dysenteria chronica dicta furim supervenerit; malum vere dirissimum, & quod miserrimis suis tormina febrilia, maciem, & mortem, nec non & medico opprobrium saevum, ut plurimum adfert.

Nec meliora, dum res sic se habeant, sperare liceat, utpote intestina speluncis innumeris minutissimis oculorum aciem fere effugientibus, sanie tamen refertis semper inquinata extitisse, militum in Nosocomiis castrensibus hoc morbo peremptorum sectio mihi abunde comprobavit.

Pag. 70. l. i. *Quae membranas exulceratas conglutinont.*] Quidquid boni ominis ex hujusmodi medicamentis praesagiat Auctor, nihilominus sanare Abscessum in Ventrículo genitum, dictu quam factu facilius est. Etenim tot & tanta metuenda mala inde minari, haud infrequenter expertus sum, & quae etiam ex ore aegri, quasi expulsa, & oculis subjecta fidelibus, sese palam facerent, ut medicum in hujus morbi curatione prosequenda, oleum atque operam demum perdidisse, ne mihi mirum foret.

Cu-

Curatio autem, quae mea vota nonnunquam in hoc tristi casu feliciter explevit, haec est.

℞. Terebinth. Chiaë ℥i. Sperm. Cet. ℥ss. Vitell. Ov. q. f. Ol. Amygdal. dulc. recent. expres. ℥i. Syrup. Balsam. ℥ss. Conterantur in mortario ad perfectam unionem, & dein gradatim affund. Aq. Calc. ℥xii. & simul terantur ut f. Emulsio, cujus dandum est Cochleare unum omni hora.

Interea maxime quidem ad rem pertinet, ut Jusculis solis mollissimis sustentetur aegrotus. Hoc insuper in casu Lac saepissime malo nomine notandum, quod in omnibus fere aliis morbis ulcerosis internis quam maximè prodest. Aliquando Infusum leve Radicis Consolidae ex Aqua bulliente sat bene fungi queat vice & officio Aquae Calcis, quocum adjectis caeteris, eodem modo fiat Emulsio.

Sin autem, seu aderit multum Caloris haectici, seu balsamica & oleosa more praescripto exhiberi non poterunt, dein fiant Pilulae ex Balsamicis lenissimis, quae simul cum Infuso praedicto sint devorandae. Exempli gratia.

℞. Terebinth. Chiaë ℥ss. Sperm. Cet. ℥i. Pulv. Oliban. ℥i. Myrrh. pulv. gr. x. Syrup. Balsam. q. f. m. f. massa, cujus ℥i. assumendus est ter die idoneis intervallis.

Pari etiam medendi ratione curandus est Abscessus, qui supernas Intestinorum partes occupet, atheu rarissime convalescunt hujusmodi morbi. Sin vero in inferioribus fieret suppuratio, ita ut Clysteribus eluenda & pur-

ganda esset pars affecta, talem abscessum ad sanitatem perductum novi, scilicet.

℞. Terebinth. commun. ℥ss. Ol. Lini ℥ii. Vitell. Ov. recent. ℥ii. Conterantur in mortario, dein gradatim affunde simul terendo S. A. Aquae Calcis ℥vi. f. mistura, bis in viginti quatuor horis, Syringis Clysterifantis ope, in Anum injicienda.

Hoc forsan sufficiat, si indolis benignae sit Pus, si vero tenue sit & mali moris, addendum est Balsamum Sulphuris Terebinthinatum ab drachmis duabus ad unciam dimidiam, & immittendum est hujusmodi Enema more praescripto.

SECTION. II.

De ileo.

Pag. 70. l. 8. *Vehemens intestini inflammatio.*] Inter notas hujus morbi certissimas praefertim numerari debent tormina cum dolore acutissimo ardente, fixo, rodente, pulsu duro & febre acutâ consociata, alvus clausa, vomitus assumptorum citius vel tardius, prout superius vel inferius haereat malum. Dignoscitur autem pars intestinorum affecta partim situ doloris, partimque vomitu, si enim prope pylorum fiat inflammatio, hora dimidia, aut circiter redduntur ingesta, si ileon occupet, dolore

lore acerbissimo, fixo, ad umbilicum excruciantur aegri, ingesta diutius retinentur, & alvus nihil reddit. Si vero torminibus laboret colon, paulo post, vel faeces deponit vel crepitum reddit alvus, & sic de caeteris dignoscitur. Evenit autem tam in hoc morbo, quam in omnibus intestinorum doloribus, ut a quolibet deglutito protinus fere increfcit, dolor, quippe ab assumptis in motum cientur intestina, dolor autem nephriticus post liquoris blandi assumptionem ut plurimum potius mitescit.

Pag. 70. l. 11. *Et larga copia sanguinem detrudere.*] Pulsus, ut jam notavi, perpetuo durus est, missio tamen sanguinis non semper pro hujus duritiae est moderanda, efficit enim hic morbus debilitatem citam, qua falluntur ignari, & saepe calefacientia iis aegris exhibent, quibus imprimis sanguinem mittere omnino interest, & proinde mittendus est saeviente dolore, etiamsi arteriae pulsus ulteriorem exinanitionem vetare videatur, nisi adfuerint signa praesentis Gangraenae, quo casu morbus desperatus est, & frigida mors instat crebris ut plurimum singultibus Ilia pulsans.

Tali quidem aegro nec prodesse nec obstare potest sanguinis missio, sed cum recens ab illa peracta morietur aeger, eumque a medico fuisse jugulatum credent spectatum admissi.

De sanguinis igitur copia detrahenda nil certi statui potest, nisi quod hic morbus aequae largam citamque hujusmodi exinanitionem postulat, ut alii morbi inflammatione periculosa con-

juncti, ne Pleuritide & ipsa Cynanche exceptis.

Pag. 70. l. 15. *Et vomitionibus rejiciuntur.*]
Si una cum dolore adsit Vomitus, nunquam promovendus est Emeticis, inde enim augetur malum, nisi fiat ab acri quadam materie statim assumpta, cujus pars aliqua in ventriculo adhuc manere merito judicetur: Hoc autem casu, Jusculo Pulli, similive liquore ejus expulsionem tantum leniter adjuvare oportet, & dein si Alvus astricta sit, omni arte molendum est, ut laxata fiat. Sicut enim in Vomitu, si Alvus clausa sit, Vomitus nunquam sanabis, ita & hoc etiam in casu dum perstet Vomitus, Alvus fere semper occluditur, eaque occlusa, vel Vomitus, vel Intestinorum Inflammationem tollere, frustra laborem suscipies.

Pag. ead. l. 20. *Anodyna etiam necessaria sunt.*]
Revera omnino necessarium est ut anodyna, non solum semel, sed etiam bis, terve quaterve in die, prout postulet doloris saevities repetantur. Fibris enim prius tensis, nunc horum ope laxatis, multo magis certi votis respondebunt clysteres. Hoc enim a me usu compertum habeo, clysteres, interposita saltem horâ unâ vel alterâ post assumptum anodynum injectos, suscepta sua munera blande perficere potuisse, quos paulo ante immisos, anodynâ autem ope destitutos, ne minimum quidem

dem retentos; atque operâ infectâ extemplò redditos sæpissime vidi.

Pag. 70. l. 20. *Cum Purgantibus mista.*] Non incongruum est sane, medicamenta, quae somnum conciliant, ipsumque Opium purgantibus mista exhibere, ut sub alvi subductione leniatur dolor.

Hic tamen medendi modus, nisi maxima cum cautione, nequaquam adhibendus est, sæpe enim ex ejus usu adeo exacerbantur symptomata, ut multos aegrotos inde ad mortem trufos fuisse mihi profecto persuasum est.

Pag. 71. l. 1. *Usque dum dejectionum satis fuerit.*] Huic medendi rationi, si non prima vice, saltem aliquoties pro re nata repetendae, ut plurimum spes optima adest, unum aut alterum quidem novi aegrotum, qui, irritis omnibus praedictis ad hanc rem remediis, alvum ex toto suppressam habebat, nihilominus arte & opera, quae ad sequentem modum institutae erant, faeces exoneravit.

Primum ope Syringis idoneae immittebatur Clyster ex Vini Antimonialis unciiis tribus, dein mihi proxima fuit cura, ut inferior Abdominis pars, praecipue circa umbilicum, linimento, quale est infra scriptum, simul inungenda esset.

R. Medull. Colocynth. \mathfrak{z} i. Ol. Olivar. \mathfrak{z} i. m. & coque leni igne, donec medulla crispari videatur; dein, massa adhuc calente, cola.

Uni-

Unitis horum viribus tam interne quam externe largitis, paulo post successit faulta alvi dejectio. Interdum & pari virtute fumum Tabaci in Clysteris vicem, per aliquod tempus, in Anum injecisse, mihi in usu fuit.

Illud denique hoc loco haud improprie adjungendum videtur, quod in Ileo desperato minime praetermitti debet Praxis apud de Haen in ejus rationis medendi parte Octava memorata, utpote hujus ope, usuque simul Machinae Clysterisantis nuper in Italia excogitatae Ilicos aegrotos, praesente jam Vomitu Stercoraceo, integrae sanitati brevi restitutos fuisse non dubitare licet.

Pag. 71. l. 3. *Argentum vivum bibendum praebere opportunum erit.*] Hydrargyrum, idque largâ copiâ assumendum laudant medici, & aliquando datum novi, nunquam tamen me praesente votis respondebat, sed moriente aegro transivit sine faecibus hydrargyrum.

Pag. ead. l. 14. *Inflammationi subveniat Gangraena.*] Signa imminētis Gangraenae, imo & jam praesentis sunt dolosa symptomatum remissio, herclè certò nulla, sudores frigidi cum delirio, pulsus debilis, frequens, intermittens, dejectiones foetidae, fibrarum & strigmentorum speciem exhibentes, sanguinolentae instar Loturae Carnium, vel nigrae & cadaverosae, quae cum imminētis mortis signa sunt, opem medicam non admittunt.

Nar-

Narratur autem, ni fallor, in Aëtis Regalis nostrae Societatis de quodam Pecudum Medico, qui Bovem Sphacelo Intestinorum laborantem, curatione ad hunc modum adhibita, morbo eripuit. Abdomen scilicet in Latere subter Costas nothas cultro aperuit, ita ut manum inter intestina immittere, atque totum eorum tractum perscrutare potuerit, paulatim partem, qua fixum reperiiebatur malum, extraxit, porro simul ac eam Sphacelatam esse ad cubiti longitudinem invenit, hanc statim exsecuit, & adductis finibus sanis in siccum Cicutae Stamen, (Anglice loqui a Kex) cujus cavitas flatibus transeuntibus viam praeberet, consuebat. Paucis horis dein elapsis, ex eadem narratione patet Bovem Stercora ejecisse, posteroque die caulem cicutae expulisse, & cito postea integre convaluisse; ita quidem, ut non tantum labores usitatos sufferre valeret, quin longo post tempore pinguis factus Lanio consignatus esset.

Refert etiam iisdem Aëtis Simpson Chirurgus Londinensis, se ex cane quodam partem Intestinorum aliquas Pollices longam exsecuisse, iterumque consuisse, & hoc non obstante, ex toto convaluisse canem.

Haec opera seu Ars excisoria vix in usum humanum adduci queat, utpote crudelitatem nimiam redolere videatur; at saevitie non magis pollet, quam quae, secta vesica a Lithotomi manu experienda est, eamque haud minus tutam fieri posse arbitror.

Pag. 71. l. 17. *Neque nihil denique juvant Fomenta.*] Ad hanc rem laudat Hoffmannus vesicam fuillam fotu calido impletam abdomini imponendam. Haec enim constantem & regularem calorem inde emanentem servat, ideoque in balnei vel fatus intervallo sat commode ejus usum explorare confert.

Cum autem Sydenhamus etiam propter Catulum & Pannum laneum adhuc memorabili est in honore, jure quis fortasse quaerat, cur de Hippocrate nulla mentio fiat; qui in hoc morbo curando, medendi rationem admodum singularem adhibere solebat; hanc autem hoc in loco subungere, nec inutile, nec alienum erit.

Medendi autem ratio Hippocratica hunc in modum instituta fuit: scilicet, glandem longam ex melle cocto paratam & felle taurino illinitam in anum immittendam, dein clysterem ad alvum liquandam injiciendum esse jussit. Si vero in his auxilii parum esset, ex ejus consilio dein est, ventrem follis ope adeo aëre inflandum & distendendum esse, ut Rectum & Colon, inde facta magis larga & capacia, faciliorem faecibus prabeant descensum, & demum extracto folle clysterem statim immittendum, anumque spongiâ, cui affigitur filum, ne is nimis cito reddatur, obturandam esse praecipit. His peractis, aegrum in aqua calidâ desidere, & paulisper commorare opus esse, inquit, & postremo expectandum & sinendum est, ut redderetur clyster.

Haec quidem curatio, praemissâ sanguinis
mis-

missione laudem meretur, modò antequam nimis praevaluerit morbus, adhibeatur. — Interea nullus dubito, quin medicus, qui hodie hujusmodi medendi rationem, ut ut morbo congruam, praescribendi periculum facere auderet, se ludibrio protervo ubique habendum exponeret.

Pag. 71. l. 21. *Plus adjuvat balneo tepido.*] Balnea tepida totum corpus laxando, in hoc morbo egregii sunt usus; atque ea repetere convenit mane & vesperi per horam dimidiam, vel horam integram, si res sinant.

Pag. ead. l. 26. *Colicam pictonum.*] Non erit a propositio alienum adnotare, me hunc morbum, rebus nondum plane desperatis, feliciter depulisse, medendi scilicet rationem, ejus omnimode consimilem, adhibendo, quam in nott. ad P. 68. l. 3. & l. ult. P. 70. l. 15. l. 20. P. 71. l. 10. l. 14. fuse lateque exposui.

Illud insuper adjiciendum habeo, lectu dignissima esse, quae de hujus morbi historia, causis, & curatione, deditâ operâ, scripserunt celebres illi medicinae professores, Antonius de Haen, Michaël Philippus Bouvart, & Georgius Baker.

S E C T I O I I I .

De lumbricis.

Pag. 72. l. 3. *Non raro lumbrici occupant alvum.*] Lumbrici, qui ventriculo, aut primis viis lateant, insideantque; his, si non omninò pathognomonicis, saltem signis haudaequivocis sese produnt. Adsunt enim salivae tenuis copia nimia & sputum frequens, narium pruritus molestus, orisque halitus foetidus sine causa manifesta, vultus pallidus, oculi cavi, hebetes, notabili pupillarum amplificatione comitati, appetitus inordinatus, cardialgia aut nausea jejuno ventriculo, abdominis inflatio dura, tympanitica, ventris tormina, praecipue circa umbilicum, alvus nunc pertinaciter obstructa, nunc nimis liquida, & faeces mali moris & coloris aliquando simul cum tenesmo egerens.

Praeterea observatu dignum est, omnes istos morbos magna ex parte deesse, qui plerisque, ex hujusmodi symptomatibus, plus aut minus communiter stipari solent.

Pag. 73. l. ult. *Stannum rasum cum aequali portione coralli rubri.*] Ex hujus remedii usu, effectus tam salutiferi continuò consequi videntur, ut credulum aegrum sperare, se vacuis inde frui intestinis, & a sordibus verminosis libe-

liberari, non mirum est: eheu, miseret me illius adhuc nescii prolis futurae & novae progeniei; quae, & tanta cum celeritate se repullulare queant, ut veterum de Hydra scripta nec admiranda nec amplius inter fabulosa numeranda sint.

His ita se habentibus, & permultis ex laudatissimis remediis Anthelminticis diu incassum adhibitis, ut huic intestinorum incommodo occurrere possem; curationem ex curatione excogitare & prosequi coepi, quae ad hosce vermes cucurbitinos exterminandos & delendos, nec non ad colluvies incolarum, progeniem novam non minus vitiosam mox daturas, penitus expurgandas, valeret, ex quo demum fit, me experientiâ didicisse, ut spes esset aegro omnia optime cessura, modò curatio ad hanc normam instituenda foret.

℞. Extract. Fol. Rutae, Æthiop. mineral. ana ʒiss. Ol. Amygdal. dulc. ʒss. Elix. Aloë. ʒj. Pulv. Radic. Helleb. nigri ʒss. Mell. despum. q. s. ut f. Electar. cujus tertia pars sumenda est 8vâ quâque horâ, superbibendo Apozematis infra praescripti partem tertiam singulis vicibus.

℞. Flor. Sulph. lot. ʒij. Sal. Cathart. amar. ʒj. Aq. Calc. simpl. ℥iiss. Decoque ad ʒxij. dein colandus est liquor, & additis Tincturae Amaræ ʒiij. m. f. Apozema.

Haec peragenda sunt per quatuor dies, postridie autem primo mane devorandae sunt pilulae quatuor ex hujusmodi massâ scilicet:

I

℞,

℞. Saponis Iberici grana duodecim, Gummi Gambogiae grana sex. Olei Rutae guttas quatuor, Mercurii dulcis sublimati grana tria, Tincturae Thebaicae guttas quindecim, Syrupi e spina cervina q. s. m. f. massa, in sex pilulas formanda.

Sin autem alvus non fatis copiose intra sex horas se exoneraverit, dein pilulae residuae duae assumendae sint.

Interea cavendum est, ut aeger usque ad alvi purgationem prorsus inceptam se religiose in lecto teneat. Die crastino repeti & continuari debent per tres vel quatuor dies electarium & apozoma; & dein more praescripto iterandae sunt pilulae, augendo vel diminuendo portionem Gambogiae & Mercurii dulcis sublimati, prout postulent vires & alvi subductio.

Hoc medendi modo, si opus fuerit, per tres septimanas sedulo persistendum est: at rarissime comperi tam longam desiderari curationem. Quid enim? Concurritur, verminosae genti cita mors venit, & aegroto victoria laeta.



CAPUT VIII.

De hydropē.

Pag. 76. l. 17. *Sedes Leucophlegmatiae.*] Haec Leucophlegmatiae species plerumque tamdiu sanationem obtinet, quamdiu sana sint viscera, & formam naturalem retineant vasa: Si vero adeo distendantur, ut inde formetur Saccus, aut vix aut nullo modo sanari potest, nisi facto emissario educatur humor.

Oritur autem hic morbus ab omni causa, quae feri aquosi reditum in venas impedit. Hanc autem sententiam ultra dubium ponere videtur experimentum Lowerianum. Compressis enim partis alicujus venis, ea pars dimidiata hora fiet hydropica.

Se innotescit autem Leucophlegmatia, seu *αἰνὰ σάπνα* tumore partium, maxime inferiorum, albo, levi, splendente, ex compressione foveam relincente, & hoc praecipue vesperi, propter situm corporis die à nocte diversum; in illo enim, omni momento descendunt humores, in hac autem, per superiora vasa iterum disperguntur, unde primo mane prorsus evanuisse videntur hujusmodi tumores, qui rursus vesperi reversuri sunt.

Adsunt etiam plerumque sitis, spirandi difficultas & anhelatio ad motum, urina rubra,

crassa, & copia diminuta, perspiratio naturali minor, sudor nullus praecipue partium inferiorum.

Pag. 76. l. 22. *Tympanites non est unius generis.*] Tumor, qui abdominis regionem occupans, sonitum ex percussione dare dicitur, tympanites nuncupatur, interea tamen confitendum puto, hanc rem meas aures semper fefellisse. Hic morbus vix & ne vix quidem per se existit, & fere semper cum ascite conjunctus invenitur.

Pag. 77. l. 18. *Haec non in cavo ventre, sed in ipsis intestinis.*] Datur & tumor uteri ab eadem causa in ejus cavitate inclusa, at aliquando ob fallacia graviditatis signa, non parva medicis occurrit difficultas in distinguendis hujusmodi tumoribus. Uteri autem graviditas ab ejusdem tumoribus, seu de vapore, seu de aquâ ortis, gradu quodam dignoscuntur mulieris cacochymiâ praegressâ, aetate foeminae, menstruis tarde & irregulariter diu ante fluentibus. Sed nihilo secius, semper vel caute & lente procedendum est, vel prorsus procrastinanda est sanatio, donec certiores fiamus de graviditate, quae medicis non raro fallaciam imposuit.

Pag. ead. l. 21. *Capacitate.*] De hac re simul consuli velim doctissimi Halleri opuscul. Pathol. observat. xxvi.

Pag.

Pag. 78. l. 4. *Colluvies aquosa in amplo imi ventris spatio.*] Hic morbus tactu & levi percussione, admotis scilicet lateri opposito digitorum apicibus, & sensu aquae fluctuantis dignoscitur, modo aqua libere fluat in abdomine; si vero in tunicis aut vesiculis includatur, tali modo distingui nequeat. Cujus generis est ovariorum hydrops. Hoc tamen boni ex hac distinctione habeatur, quod inde cognosci possit, quid secundum, quid adversum morbi levamen faciat paracentesis.

Pag. ead. l. 9. *Disruptorum canalium quibus lymphæ circumfertur.*] Ut Anasarca indies crescens canaliculorum rupturam, qui Lympham ferunt, non raro efficit, & tandem in Ascitem delinit; simili prorsus ratione, humores extravasati & abdomine conclusi, mole & acrimonia sensim crescunt, & sanguifera vasa demum ita ultra modum opprimunt & rodunt, ut hæmorrhagias pessimi ominis huic causæ solummodo adscribendas, ex diversis partibus, præsertim autem e naribus sponte ruere, nemo sit, qui ignoret.

Pag. ead. l. 14. *Qui in foeminis ovarum conceptacula occupat.*] Hydrops ovariorum dignosci potest ab ascite & tympanitide, duritie & inæqualitate tumoris inferiorem abdominis regionem occupantis, quippe in aliis tumor æqualis est.

Pag. 78. l. 15. *Mox inflammantur & corrumpuntur.*] Non his solum, sed aliis etiam hydropicis non raro accidit inflammatio. Etenim ex generali habitus laxitate, vasa serosa robore & resiliendi vi magna ex parte orbantur, unde sanguis rarefcere incipit, & quaquaversum premendo facillime in hujusmodi debilia vasa intrare, maculasque purpureas efficere solet, quae in morbis chronicis fere semper malum portendunt; utpote habitus corporis laxi simul & inflammati indicia evadunt certissima.

Pag. 79. l. 23. *Alias etiam corporis sedes inundat.*] Nemo in morbo languido moritur, quin secta cadavera, cerebrum, pericardium, peritonaeum, abdomen, aut viscera nonnulla & vasa adiposa, &c. aquâ redundare monstrarunt; si vero aliquis, telo vel vulnere nuper adacto perierit, iis partibus aqua non deprehenditur. Quae res, ut mihi videtur hanc suspicionem importat, in hujusmodi morbis medendis non prorsus inutilem, nempe quod vires exhalantes vix ac ne vix quidem in culpa vocandae sint, vires vero absorbentes more gravi & prorsus periculoso deficere, & faepissime, solent.

Pag. ead. l. 25. *Testiculi lymphæ nimia.*] In lue venerea adest aliquando tumor similis ad scrotum, nec non & ad vasa seminalia prope annulum, hic tamen tumor inaequalis est. In Hydrocele vero tumor durus & aequalis est, nul-

nullusque adest tumor aut durities apud vasa feminalia.

Pag. 80. l. 13. *Incisio Tibiae parte interiore.*] Non raro id auxilii in hac parte magnam remedium est, licet aliquid incerti semper secum ferat, videlicet, ne sequatur Gangraena; cui praecavendae Fodus discutientes, & Remedia digestiva calida imprimis valent.

Idcirco hujusmodi Plagae partibus tumentibus non infligendae, nisi praesens sit expertus Chirurgus; manu vero prudenti factae & curatae, non solum in Leucophlegmatia, sed ubi unà cum Anasarca jungatur Ascites, juvant maxime.

Vesicatoria ad eundem finem profecisse notum est, at meo judicio plagae, aut scarificationes crurum inferiorum tutiores videntur, eo quod inflammationem aut nullam, aut levem & tractabilem excitant.

Pag. 82. l. 23. *Qui autem ex aura.*] Tumor ventris tympanites cictus ex hac causa proveniens, aliquando sine ullis ambagibus cathartici aut vesicatorii, facillime puncturâ abdominis instrumento idoneo facta levatur.

Pag. ead. l. 28. *At corporis exercitatio non negligi debet.*] Profunt in omnibus hydropis speciebus valida exercitatio, si vero his uti nequeat aeger, pannis vapore accensi Thuris, Succini, Mastiches, Benzoini, &c. calidissime

redditis ter quaterve quotidie corpus fortiter fricare convenit. Valde enim prodest hujusmodi fricatio, si diebus a purgatione cathartica liberis & aëre calido instituat.

Pag. 83. l. 10. *Ubi enim fractae sunt vires.*] Ad hujus morbi durationem omnino respiciendum est, quippe in Hydrope recenti, plerumque conducunt acria, quae stimulant, aromatica, quae vires vitales intendunt, & ista medendi ratio, quae, ex medicamentorum alcalinorum ordine & usu, auxilium petit, nisi clare appareat contrarium.

In morbo autem diuturno plus proficiunt acida, tunc enim ex humorum stagnantium putredine pulsus fit frequens, licet in morbi accessu tardus fuisset.

Effectus hujus Putredinis non raro Haemorrhagiam inducit, cujus vi saepe extinguuntur Hydropici. Quo enim diutius durat morbus, eo aqua magis putrescit, & acrior evadit.

Hinc oriuntur multiplex Gangraena, nec non & Haemorrhagia narium; ex his vero postrema vix unquam prius locum habet quam Abdomen aqua plenissimum sursum premitur, & acer Sanguis rodit & rumpit Vasa.

Hoc in loco aliam subungere cautionem, quasi ex eodem fonte derivatam, non alienum erit; scilicet, Tumores Crurum morbos longos comitantes, aegrosque in nil miserantis Orci fauces deducere proclives (ut Phthisicis,
Iste.

Ictericis, &c. frequenter accidit) nunquam curandos esse more Hydropis veri, quin more morbi primigenii.

His forsan lenis Alvi Purgatio iis temporibus utilis foret, quibus scilicet ob humores turgescentes, simulque ad nimiam plenitudinem crescentes, plurimum augeatur Dyspnoea, aliudve ejusmodi symptoma.

Crurum autem tumores oedematosi à laxitate fibrarum & Lymphae lentore orti, ab Emetico leni, quod semel in hebdomada exhiberi debet, multum juvantur, datis in intervallis iis remediis, quae compagem laxam intendere valent, quippe horum ope sursum revelluntur humores, & circuitui generali simul celerius remittuntur.

Sedulo autem curandum est, ne multum urgeat Dyspnoea, aliudve symptoma simile. Ideoque si aliquid horum timeatur, die proximo à vomitu liquanda est alvus, caeterisque diebus incidentia & roborantia remedia exhibenda sunt.

Hujusmodi tumores Virginibus cachecticis, & Menstruis inordinatis laborantibus non raro accidunt, nunc hectica nunc lenta humorum Cacochymia comitati, & sanantur medicamentis ferrugineis, & leniter expurgantibus, ratione habita ad pravam corporis constitutionem.

Pag. 87. l. 10. *Ab omni potu per longum tempus.*] Procul a nobis absit omnis alienae sen-

tentiae suspicio, utpote meo consilio nunquam aliud hydropici aegri auribus adeo strenuo inculcari curarem, quam quod obstinate à potu se cohibere manente curatione necesse sit. Interea mihi annotare liceat, quod in ascite ex vasis lymphaticis ruptis solummodo ortâ, sine cachexiâ notabili, non aequè a liquidis prohibendi sunt aegri, ac in anasarca. Ex s r i enim defectu siccatur sanguis, satiusque est paracentesim citius repeti, quam sanguinem nimis exsiccari, unde putris corruptio & cita mors.

Pag. 87. l. 11. *Cum sitis plerumque vehementer premit.*] Sitis ingens in hoc morbo mali admodum est ominis, quippe tam sanguinem circumstantem aquosâ parte privatum, quam humorum stagnantium putredinem denotat; nec unquam sanatur aeger, dum hoc symptoma maneat.

Pag. 94. l. 17. *Valentissimis catharticiis usus brevi post exhaustis viribus consumptus est*] Adeo noxia est in hydropicis intempestiva per alvum purgatio, ut in fine hujus morbi diarrhoea spontanea summopere suspicanda sit, quippe ut plurimum putredinem humorum colliquefactam ponit, de qua brevi moriuntur aegroti.

C A P U T IX.

De jecinoris morbis.

S E C T I O I.

Icterus.

Pag. 96. l. 13. *Mistura ex oleo, aqua, & sale tam volatili quam fixo.*] Immittatur enim Bilis in vas destillandis succis accommodatum, & igne leni dein subjecto, paulo post educetur Phlegma, remanente in fundo massa densa, ad flammam concipiendam proclivi, licet Bilem flammae ire contrariam bene notum est. Aucto dein igne ascendit sal acre volatile, ossa in fundo relicta coloris est obscuri, saporis verò acerrimi, magnamque copiam Salis Lixivii & magis fixi, quam generis prioris, non tamen absolute fixi in se continet.

Bilis etiam calore leni ad crassitudinem exhalata, odore volatili late sparso Nares percutit, unde patet dari etiam Sal Volatile praeter id, quod compage adeo fixa praeditum est, ut multò majorem ignis vim, priusquam ascenderet, profecto adhibere opus sit.

Pag. 96. l. 14. *Ad varios fabricae animalis usus.*] Bilis enim coagula & ingelta glutinosa, ventriculi vires eludentia solvit, acidaque destruit, chylumque sanguini reficiendo idoneum reddit. Detur quippe vitulo lac, & paulo post mactetur, omnia in ventriculo caseosa & coagulata videntur ad duodenum usque, hoc vero aperto, admistione bilis, omnia iterum fluida inveniuntur,

Pag. ead. l. 16. *Sanguis ipse modis quam plurimis corrumpi possit.*] Bilis e contrario licet diu asservata non eo more putrescit, quo reliqui corporis humores corrumpi solent.

Pag. ead. l. 18. *Peccat autem non raro lentore.*] Cognoscitur quidem hujusmodi Bilis status in multis ita se habere, ex vita aegri, & signis lentae pituitae praegressae ante adventum morbi, qualia sunt pulsus tardus & segnis, appetitus prostratus cum sensu quasi ponderosae fatietatis, & compressionis astrictae sub scrobiculo cordis, vomitus pituitae, color cutis primo pallidus, dein pallido-flavus, et in morbo diuturno subfuscus, faeces alvi albae, oculi flavi, urina crocea cum sedimento crasso, viscido, flavo, sensus gravitatis & doloris onerosi in Regione Hepatis, durities ejusdem, praesertim si multum infarciatur Jecur, vel exteriorem partem occupet morbus; si vero cavam internam infestet, tactu saepe non deprehenditur, etiamsi adsit Scirrhus, hoc in omnibus Icteri speciebus verum est. Pag.

Pag. 96. l. 19. *Nonnunquam etiam nimia raritate.*] Haec Bilis conditio acrimonia calida plerumque est comitata, eosque prae caeteris invadit, quibus opipare se curare, spiritus vinosos Baccho litare, aut cerevisias larga copia ingurgitare, quotidiana & pulcherrima erat cura.

Dignoscitur haec Icteri species à priore, calore paulo majori, urina rubro-flava cum sedimento simili, viscoso, pulsu crebro, atque siti & febricula levi conjuncto.

Pag. 97. l. 17. *Corporis humoris accendunt.*] Sunt quamplurimi hujusmodi generis homines, quibus semel in mense subito exoritur immanis capitis dolor, nec non febre quadam conjunctus, at postquam haec symptomata aliquot horis perpeffi fuerunt, magnam copiam bilis vomunt, & illico se optime habent. Lenis vomitio, aut alvi solutio semel vel bis in mense instituta, cujus ope, bilis jam accumulari incipiens ex corpore ejici queat, antequam turgeat, tollere haec mala raro fallit.

Pag. ead. l. 19. *Sed & alia est Icteri species.*] Haec Icteri species dolores Intestinorum frequenter insequitur aut comitatur, & à ductu hepatico tum temporis praeter aequum constrieto oriri pro vero habetur, eo quod amoto dolore saepe sponte cessat.

Hujusmodi Icterus hisce signis ut plurimum comitatur, scilicet adsunt urinae aquosae copia
larga,

larga, alvus simul nunc resoluta & aperta, nunc astricta & clausa nimis, sensus tensionis sub scrobiculo cordis, febre interea nulla se comitem exhibente.

Veruntamen mihi fas sit suspicari hanc Icteri speciem, multo saepius originem suam trahere a calculo transitum per ductum cysticum aut cholodochum moliente; quippe sub tali rerum statu, plerumque fixus & acutissimus circa eam regionem, qua dictus cholodocus duodeno inferitur, dolor adest, cum molestissimo vomendi conatu, colore cutis valde flavo, alvo saepe dura admodum, & astricta sociatus; quae symptomata extemplò & ex toto solent remittere, excretis per Anum Calculis pondere ut plurimum levissimis.

Pag. 97. l. 27. *Tale quid cruciatibus colicis.*] Adeo hos Intestinatorum cruciatus mentiuntur dolores illi, qui ductibus biliariis obstructis, aut concretionibus calculosis debentur, quae vel in his vel vesica fellea adesse solent, ut saepe de his longe opinione falluntur Medici, dum torminum speciem prae se ferentes, non solum pro variis doloribus Colicis habendos, sed quod pejus est, pro verissima comitantis aut instantis Icteri causa se agnoscendos faciunt. Quid igitur inde mirum? cum medendi ratio principiis falsis omnino innitatur, sanatio hujus Icteri speciei vel frustra speranda, vel saltem difficillime ad votum perducenda sit.

Hujusmodi Ictericis plerumque Vomitus &
An-

Anxietates, pervices quasdam, Paroxysmorum more, longiore licet intervallo, quam in acutis morbis, recurrentes, atque horum succussu, gradu quodam aut solvitur obstructio in meatu communi biliario, & in intestina fluit Bilis, vel recurrente in venam cavam Bile evacuatur vesica, & meliores se habent aegri, nisi quod flavi maneant, donec repleta iterum vesica redeant symptomata.

A proposito autem non alienum erit, alteram, priori, perquam affinem, hoc loco subjungere observationem, cujus veritatis me testem oculatum iterum atque iterum reddidit Cadaverum Ictericorum examen anatomicum, nempe, qui, simul ac cibum capefferant, nausea & vomitu, anxietate & dolore ventriculi laboraverant, & paulo post se Ictero inquinatos fenserant, hujusmodi omnes lapidem vel in Vesica Biliaria, Hepate, vel partibus annexis certè habuisse mihi compertum est.

Pag. 99. l. 20. *Quinetiam vomitus plerumque eliciendus.*] In emeticis exhibendis summa requiritur cautio, omnia in hepatis regione libero circuitu frui posse, aliter non raro ruptis vasis male cedunt. Praeterea si nimio motu vel calore in obesitas liquefcat pinguedo, & per vasa epiploica ruit in venam portarum, aut si hypochondriacis, ex iisdem causis, solvatur humor atrobiliarius, & per coeliaca ad hepar deferitur, ex quibus tandem fit icterus; his ambobus exhibitio emeticorum multum periculi alit,

alit, adest quippe ut plurimum jecoris inflammatio.

Pag. 100. l. 6. *Ex iis denique, quae bilem ipsam emendant.*] Alia autem non sentiunt icterici auxilia certiora, quam quae ipsi praebentur ex usu libero feri lactis, & succorum vegetabilium lactescentium, tempore verno cum sapone veneto aut amygdalino aptâ copiâ simul assumptorum.

S E C T I O I I .

Diabetes.

Pag. ead. l. 19. *Diabetem dictam.*] Hujus morbi certa & propria symptomata sunt mingendi crebra cupiditas, Lotio multo, eoque non falso, sed subdulci, simul profluente, siti ingente & inexplebili, pulsu celeri & debili, linguae siccitate & ardore, & virium debilitate comitata.

His igitur signis, & iis, quae malo hypochondriaco, aut affectioni hystericae prorsus propria sunt, simul comparatis, facile distinguere potest Diabetes à fluxu urinae dilutae, quae nervorum spasmis ortum ducit.

Multi tamen Hypochondriaci viri, (nec non & hystericae mulieres) se Aqua Bristolienſi diu hausta sanatos fuisse crediderunt, qui hoc morbo

morbo nunquam laboraverunt; at pauci sanantur, qui reverà Diabete affecti sunt. Consumptis enim quotidie viribus, ex tam ingenti urinae profluentis copia, ut plurimum confestim moritur aeger.

Pag. 100. l. antep. *Sed Jecinoris morbum.*] Diabetem Jecinoris esse morbum se alibi demonstrasse credidit noster Auctor, unde cramben bis coctam apponere recte recusavit, at argumentis his certissimis non obstantibus, aliam de hac re sententiam proponere haud metuam.

Cum enim apud omnes in confesso est, hunc morbum, eos prae caeteris invasisse, quibus, spiritus vinosos vacuo praesertim ventriculo perpetuo fere forbillasse, pulchrum fuit, etiamsi inde non ebrii fierent, etiamsi nec frigidis potionibus intempestive suum restinguerent; etiamsi nunquid Jecori soboluerit, se ne minima ex parte, quidpiam morbosae indolis suo hospitio exceperit, sitne licitum suspicari veram hujus mali sedem, non in Hepate, quin potius ponendam posse in vitiata imprimis Chyli, dein & sanguinis compage, qua renum canaliculi ita repleti, extensi, & demum resoluti evaserunt, ut sub lotii specie profluxerit indies serosus quidam humor, consimilem cum Chylo naturam nimis participans, idque rivo tam copioso, ut exsiccato cruore, aegrum atrophiae citatae & immedicabili succubuisse necesse fuerit.

Pag. 101. l. 7. *Ad profluvium illud sistendum plurimum valet.*] Remedio & curationi jam memoratis adjicienda sunt ea, quae de quibusdam, vomitu saepe iterato, sanatis tradita sunt. Haec enim medendi ratio haud incongrua videtur, sed mihi adhuc defuit tentandi opportunitas; interea suggerere mihi in animo est, an hoc vomendi proposito prius rite peracto, camphora iis medicamentis sociata, quasi fibras roborarent, & ventriculi concoctionem juvent, atque eâ copiâ cum aqua calcis simplicis vel magis compositae exhibita, sicut ante in mania exposui, scilicet, ut libera fiat perspiratio, aliquod non praebeat auxilii?



CAPUT IX.

De morbis renum & vesicae.

Pag. 103. l. 16. *Primum mali fundamentum.*] Cum a nostro instituto prorsus alienum esset, varias Calculi renalis causas explicare, quas tanquam efficientes proposuerunt Scriptores Medici, Theoriam igitur auctoris, ut ut in verba magistri jurare nimis promptus videatur, impugnare nolo. Interea illud scire oportet, calculum humanum arte chymica rite tractatum, doctrinae adeo ingeniose excogitatae parum favere; utpote se naturam a Salina-tartarea vinosa perquam dissimilem possidere liquet. Nam dato quovis calculo humano, licet ejus pars maxima ex aëre constet, tamen altera portio residua ex materia terrestri Phlegmate, Sale volatili urinali, & Oleo confecta est.

Mihi autem probabile videtur calculum renalem saepe, si non semper, ex rupta arteriola guttas aliquas sanguinis emittente, quibus materia urinae lapidea aut terrena evadit agglutinata & concreta, imprimis oriri; eo quod fracto omni calculo apparet in ejus centro macula rubra aut fusca.

Hoc ulterius confirmatur ab extraneis quibuscunque materiis in corpore humano diu manentibus, quales sunt Globi plumbei in miltum

corporibus haerentes, quos omnes materia calculosa incrustatos frequenter vidi, in quacunque corporis parte detenti fuissent. Nec minus patet ab experimento Nuckiano. Hic enim globum eburneum, ligneumque in canis vesicam sectione immisit, vulnusque consolidavit; post aliquod autem tempus canem dissecans, ambos crusta calculosa obteptos invenit.

Pag. 104. l. 24. *Ut venienti morbo occurratur.*] Ut idonea possint adhiberi auxilia, in primis cognoscenda sunt calculi renalis signa. Calculus autem renum, perinde ut scriptorum de hac re opinio est, indicatur ex dolore partis gravi, & obtuso, stupore cruris & femoris, & regressu testiculi lateris affecti, plerumque etiam & vomitu ingestorum, comitatis.

Cum vero haec omnia ab alia aliqua causa oriri possint, quae Renem gravet, & comprimant, indubiam calculi praesentiam non indicant.

Certissimum autem hujus signum, quantum assequi potui, est doloris & symptomatum praedictorum constans incrementum, unà cum mictu sanguinis a corporis exercitatione super viarum strata lapidea, quoties iter, seu curru, seu equo conficiendum, in aegroto experiendum sit, quippe a novo calculi attritu fit ad vasa sanguinea novus & nimius cruoris appulsus.

Hujusmodi autem mictus vix ab aliis causis adeo constanter fieri potest, quippe irritato
ul-

ulcere fit inflammatio, & puris vel saniei major expurgatio, raro autem puri sanguinis.

Cum autem hoc modo exploratum sit, ita se habere aegri statum & conditionem, certissimum signum praebetur, ipsam morbi causam calculo attribuendam esse.

Dari tamen potest calculus sine hoc symptomate, quoties vel admodum laevis est Calculus, vel Reni adeo arcte adhaeret, ut non omnino moveatur, & Renem affricet. Et proinde datis symptomatibus primo expositis, de calculo, qui se in rene infederit, semper suspicari fas erit.

Pag. 105. l. 3. *Expellenda sit per ureteres moles concreta.*] In primis igitur animadvertendum est, corpus humanum, ita a natura esse comparatum, ut Renum calculi raro in unam magnam molem (quod in Vesica secus est) accrescant, quin potius lapillorum congeriem ultimis arteriis adhaerentem repraesentant, unde in Ureteres delapsi, dolores, inflammationes, urinae difficultates, retentiones efficiunt, & mortem ultimam suam sobolem, tandem producant.

Incipit autem ut plurimum paroxysmus cum horrore, oscitatione, pandiculatione & nausea, quibus confestim succedit dolor Renis vel Ureterum gravis, vel acutus, pro ratione magnitudinis & formae lapilli, plani scilicet & laevis, vel scabri & angulati. His succedunt aegritudo ventriculi, vomitus, alvus nunc astricta, nunc

lubrica, & torminosa, urina nunc intercepta, aut parca copia reddita, nunc aquosa & tenuis, praecipue manente doloris saevitie, nunc crassa, fabulosa, cruenta, &c. maxime post doloris remissionem: Cedente enim tum temporis Nervorum & Ureterum distentione descendit fabulosa vel calculosa materies, raro vero dum ingens urgeat dolor.

Calculus autem in Ureterem se descendisse indicat, tum per situm, tum augmentum doloris, eumque summe acutum & lancinantem ad regionem ossis Ilii excurrentem, quippe dum Ren solus laboret, obtusior & gravior est doloris sensibilitas.

Pag. 105. l. 13. *Numquam enim dum in magno cruciatu aeger est.*] Etenim perpetuum est, & ad hoc dirigi debet omne consilium, quod quo major sit dolor, eo mitiora & minus propellentia adhibenda sunt diuretica, & vice versa.

Pag. ead. l. 23. *Sedato jam angore diureticis etiam valentioribus pugnare liceat.*] Periculosa valde nihilominus est eorum fors, quibus nullo accedente dolore, penitus sistitur urinae ex Renibus descensus ad vesicam, eo quod quamdiu manet dolor, manet etiam vis propellens tam liquidorum, quam solidorum.

Si itaque remediis jam dictis & ordinariis minime proficientibus, eo usque processerit malum, extemplo larga copia sanguinem detrahendum oportet. Dein exhibendus est Haustus Emeticus

cus ex Oxymellis Scillitici unciis duabus vel tribus, ut concutiatur universa corporis compages, quod optime in balneo tepido fit, nimirum ut eodem tempore laxentur Ureteres, & deorsum derivetur humorum impetus.

His inceptis peractis, immittendus est clyster stimulan, nisi ab Emetico profluat alvus, & dein si post aliquas horas, videlicet decem vel sedecim, nullum adsit aegro doloris revertentis, vel urinae effluxurae indicium, vesperi nuchae & carpis applicentur vesicatoria, & liquorem aliquem propellentem & lubricantem largiter hauriat, atque in eadem curatione usque ad noctem proxime futuram perseverandum est.

Si vero circa hoc tempus nil urinae effluerit, haud quicquam sit morae, quin exhibeatur Bolus ex Electarii e Baccis Lauri scrupulo uno, & Mercurii dulcis sublimati granis octo vel decem confectus, & crastino mane devoranda est hujusmodi massa, nimirum.

℞. Extract. Cathartic. 3ss. Sal. Succin. Mercur. dulc. sublimat. ana gr. v. Syrup. Ros. solut. q. s. m. Interea repetendum debet tum mane, tum vesperi balneum tepidum.

His nequaquam urinam cientibus, postridie, si vires ferant, iterato prius balneo, aegri corpus magna gestatione in Rheda, super vias aut salebrosas, aut lapidibus stratas, per aliquas horas, vehendum & concutiendum est, vesperi autem iteranda est Immersio in aqua tepida, & applicatis postea tibiis & femoribus vesica-

toriis, eodem tempore libere & largiter medicamenta dare oportet, quae ad urinam propellendam vim habeant.

Si his pro re nata factis, nil boni aegro afferatur, quin potius stupidus & comatosus evadat cum pulsu pleno & tardo, mors ipsa, ut brevi post adveniat, exspectanda est.

Alia tamen non videtur melior medendi ratio, quam persistere in usu praescriptorum, maxime in haustu largo Diureticorum, praecipue Lixivialium, simul & missione sanguinis, & medicamentis catharticis nuper dictis, pro ratione virium repetendis. Obturatis autem Ureteribus, rarissime ultra diem decimum hujusmodi aegris vita superest, plerumque enim citius, tanquam e Comate morientes; in aeternam clauduntur lumina noctem.

Nonnunquam autem accidit aegroto, qui hujusmodi urinae retentionis obstinatae patiens fuit, ut tandem sanguinem sincerum minxerit, quodcumque autem res sic se habeat, vix ulla est convalescendi spes; tanta enim fuit vis vitae, ut destructa sint vasa.

Hoc equidem in loco insuper adjungenda est cautio, Catheterem, integra urinae suppressione se palam faciente, in vesicam urinariam immittendum debere, priusquam fortia dentur diuretica; ne forsan ab inflammatione levi Sphincteris, vel ejus affectione paralytica, vel ingressu lapilli in collum vesicae, retineatur urina.

In aegris hujusmodi a retenta urina plurimum
tumet

tumet vesica, ita ut aliquando externe dignosci possit. In his sanandis, Catheteris ope pro re nata educenda est urina, donec morbus primigenius pro suo genere sanari potest.

Nonnunquam etiam accidit, quod adeo inflammetur vesicae sphincter, olivæ tumore comprimatur, ut catheterem in vesicam introducere profecto impossibile sit, quo casu ad Perinaei puncturam confugiendum est.

Pag. 106. l. 8. *Extra illum autem saluti conducunt.*] Hujus morbi integra sanatio vix expectanda est, quippe lapillorum omnium expulsionem & praecautioem, ne generentur novi, postulat. Sufficit itaque dolorem lenire, tutam lapilli expulsionem promovere, talemque vivendi morem instituere, ut inde non incre scat malum, & rariores & mitiores evadant paroxysmi.

Pag. ead. l. 10. *Cibus ex media materia.*] Si aegrotus huic morbo renali obnoxius bibat ferum lactis, & per longum tempus se jusculis tenuibus nutriat, ita ut inde in diarrhoeam incadat; raro sub tali regimine laborabit calculo. Hinc etiam fit, ut quibus mos est, cerevisias praecipue novas & lubricantes larga copia ingurgitare, longe minus calculo obnoxii sunt hujusmodi homines, quam qui vinum praecipue tenue & austerum potare solent.

Pag. 109. l. 23. *Calculos ex vesica exscinden-*

di adinvenerunt] Si vero, vel ob aegri fenectutem, valetudinem infirmam, lithotomomunere suo fungi non concessum est. Victu tenui, blando, leni, humectante, emulsioni-
bus largiter haustis, pro re nata cum aqua calcis paratis, fotu, & linimento anodyno, medicamentis, quibus insit opium, simul devoratis, quiete corporis, aliisque similibus, tentanda est morbi extenuatio, quam ultra spem feliciter successisse novi, modò ab attritu calculi non adhuc erosa fuerit vesica.



C A P U T X.

De morbis oculorum.

S E C T I O I.

De gutta serena.

Pag. III. l. 8. *Guttam serenam appellant.*
Cognoscitur gutta serena non ex morbo se ipsum palam & aperte faciente, sed ex visu, inopinato & praeter naturam plus aut minus deperdito, si vero quis attente in oculum inspiciat, naturali largiorem semper pupillam percipiet, quod cum visus privatione, aut insigni ejus diminutione, certissimum est hujus morbi signum.

Pag. II3. l. 5. *Quibus autem modis curationem aggredi.*] Valde difficilis est hujus mali medicina, variae ejus causae iterum atque iterum ad examen vocandae sunt, prae caeteris autem distinguendum est, an Plethorae, causaeque calidae, vel frigidae & pituitosae, tribuenda sit ejus origo.

Si enim juvenibus, sanguinis aut humorum plenitudine, calidove corporis habitu praeditis
acci-

accidat, missio sanguinis larga, etiam & idoneis vicibus repetenda, alvus potionibus catharticis iterum atque iterum subducenda, omnium certissima praebebunt auxilia; quibus ex magno usu erit, adjungere remedia, quae humorum calorem & spissitudinem temperant & attenuant; qualia sunt medicamenta ex salibus refrigerantibus, nitrosis & neutralibus dictis, atque Gummi Guiaco; ea ratione conjuncta & commista, qua symptomatum status atque gradus postulare videantur.

Etenim quosdam ex hujusmodi hominibus novi, qui post exercitationes violentas, Ingluviem, Crapulam, aliaque similia, subito caecitate perculsi fuere, accedente nunc saevo, nunc ne minimo, nec praegresso nec comitante Capitis dolore, quibus haec medendi ratio ad Amussim facta, visum integre restituit.

Plerumque vero sensim inducitur hoc malum, visu nunc fere extincto, nunc iterum reviviscente, dum subinde ante oculos volitare videantur radiantia lumina Solis, aut Muscae, Capilli, Nebulae, aliaque simulacra innumerable, quae aegrum vanis imaginibus & inani spe ludere, & lactare misere solent.

Cum autem eo usque invaluerit morbus, Therapeutice, quam Auctor hac sectione instituit, sedulo prosequenda est.

Pag. 113. l. 14. *Factis profundis incisuris.*]
Mihi in usu fuit, ut locis pone aures maxime commodis, caustico medicamento inuratur cutis,

tis, quod in quamplurimis oculorum morbis insignem usum secum attulisse comprobavi: quippe transit hac via ramus arteriae carotidis ad ipsum oculi globum, unde in hujus organi fluxionibus morbidis, obstructionibus variis, imo & in gutta serena, primi ordinis est remedium. In his autem apertis servandis cavendum est, ne ob nimiam humorum affluentiam diu in musculorum interstitiis stagnantem, fiant sinus, fistulae, aliaque similia, nec non & inde gangraena in cachecticis, quae, ob musculorum exiguorum cursum intortum, ignaris pharmacopoeis & chirurgis aliquando accidisse novi.

Pag. 113. l. antepen. *Factam salivae irritationem.*] Ut plurimum ad tres vel quatuor septimanas protrahi ptyalismum necesse est, eo-que finito, diu insistendum est in usu pilularum, quales erunt, quae ad hanc normam dirigantur.

℞. Mercurii dulcis sublimat. ʒss. Cinnabar. Antimon. ʒiss. Balsam. Peruv. q. s. m. f. massa, cujus pars octava bis quotidie sumenda est, superbibendo aquae calcis magis compositae, seu decoct. e lignis apud pharmacopoeiam Fullerii uncias quatuor. Interea, singulis vel alternis hebdomadis, alvi purgationem modicam instituere oportet, sedulo autem cavendo, ut a nimia ejus subductione, non debilitetur aeger; sin autem per haec malum finitum non fuerit, profecto ad id auxilii genus confugiendum erit quod in strumarum curatione descriptum habetur,

bitur, ejus enim remedii vires in hujusmodi morboſis reliquiis exterminandis, caeteris omnibus longe antecellere, mihi uſu ſat frequenti, penitus notae & expertae ſunt.

SECTION. III.


De albugine oculi.

Pag. 117. l. 18. *Anceps remedium experiri quam nullum.*] De ſingulari prorsus virtute liquoris hepatis piſcis, qui muſtelae fluviatilis nomen gerit, in oculorum maculis & albugine ſanandis; conſulendae imprimis ſunt hiftoriae experimentis repetitis confirmatae, quas celebris Antonius de Haen medicus Vindobonenſis ſcriptis ſuis publicae utilitatis cauſa editis communicavit.

Odorum vires.

Pag. 118. l. 1. *Spiritu attractum ſanum habitum inficere.*] Ut aliquod de nocentibus odorum viribus utile habeatur iudicium, hujusmodi effluvia ad tria genera praefertim referri poſſe puto; nempe ad eam rem pertineant ea, quae imprimis ex vegetabilium fermentatione aut corruptione, vel 2do, quae ex animalium putredine, vel tandem tertio quae ex quorundam mineralium exhalatione ortum ducant. Veriſimillimum enim videtur, quam plurimas fe-
bres

bres epidemice grassantes, sicut miliares, petechiales, putridas & pestilenciales, nec non & permultos morbos colicae, hypochondriacae, hystericae & scorbuticae naturae, quibusdam ex praedictis causis, nunc seorsim nunc conjunctim agentibus, omnino adscribi debere.



CAPUT XI.

De podagra.

Pag. 120. l. 5. *Quod sibi inimicum est.*] Huic sententiae cum nostro auctore insistent permulti medici, sanguinem ex faeculentis quibusdam, hujus morbi auxilio, depurari; eo quod finito paroxysmo melius se habent podagrici, jucundiores sunt, & magis hilares, cum autem more assueto non redit, torpidi, sunt & ad negotia inhabiles. Hoc autem, si quod ipse sentio, proferre liceat, a vivendi cacoëthe potius pendet, ex quo fit, ut vasa & viscera cibo & vino onusta & infarcta evadant, eadem autem, manente paroxysmo, per fortiores humorum circuitum, & frequentiores resilientium fibrarum ictus, simulque ob victum potumque magis modicum, salubrem, & abstemium, ab adhaerente viscidâ colluvie liberentur. Quin & eandem sententiam confirmant, ea, quae ex observationibus propriis didici. Novi enim quosdam à divitiis ad penuriam redactos, qui carcere tenuiter viventes, & aquam fere solam bibentes à podagra immunes existiterunt, laute autem & molliter se postea curantes, iterum fiebant podagrici.

Pag. ead. l. 6. *In Articulos protrudere nitur.*]

sur.] Dum Pedes, aut Articulorum vincula. Ossiumve Juncturas solum invadit hic morbus, Podagrici se medico nequaquam carere credent, neque ullis praeceptis obtemperabunt. Male itaque suo nomini consulit, qui iis alia medicamenta, praeter lenissima cathartica, subinde exhibet, quae colluviem onerosam ab alimentis assumptis & inconfectis generatam ex primis viis eliminant, cujus generis sunt Tinctura Rhabbarbari vinosa aut spirituosa, Tinctura Sacra, Pil. Rufi, & similia, atque parce, frugaliter & convenienter naturae vivere ipsis imperat. Multo autem pejus, qui remedia aliqua singularia parti hoc morbo afflictae extrinsecus applicat. Si enim ex causa qualibet, à medicamento toto caelo diversa, imo post plures annos accideret materiem podagricam alio atque alio loco exoriri, de inscitia & injuriis certissime damnabitur medicus.

Pag. 120. l. 19. *Ut in partem, quam prius occupaverat, revertatur.*] Nonnunquam enim dolor Podagricus Juncturas Ossium relinquens, Cerebrum, Pulmones, & Viscera Abdomen occupantia, petit, praecipue in Senibus, & iis, quibus, a frequentibus morbi tentationibus, multum debilitentur vires, quo casu Apoplexiam, Lethargum, Pleuritidem, saevamque Pulmonis, Ventriculi, Intestinorum & Viscerum Inflammationem mentitur.

Dignoscitur autem constitutione aegri ad hunc morbum gignendum propensa, & cor-
L poris

poris membris aut partibus assueti doloris vel propè vel prorsus immunibus.

His aegris uno ore laudant medici spirituo-
sa, aromatica, summaque calefacientia, Alexi-
pharmaca dicta, quibus materiam morbificam
ad extrema expellere proponunt, sperantque.

Hic autem distinguendum est, an morbus
ex debilitate sola, vel ex vi febris oriatur,
quae materiam quaquaversum agitatam in alie-
na loca trumat.

Statum priorem adesse docent senectus, pul-
sus debilis, aegritudo ventriculi, spirituum lan-
guor tum praesens, tum praegressus cum pulsu
praedicto, tremor, morbi omnes praegressi
debilitantes, exinanitiones omnes nimiae, alia-
que similia.

Posteriorem denotant febris acuta, pulsus
durus, dolor ingens, calor magnus, sitis, aetas
juvenilis, vel media.

In casu priori profunt inprimis balnea aquosa
tepidam crurum tenuis, quae vesperi quotidie re-
petenda, his vero non juvantibus admoveatur
Plantis Pedum Emplastrum Cephalicum cum
Euphorbio, aut paucis Pulvere Cantharidum
inspersum, & si debilitas magna adfuerit, Ve-
sicatoria partibus dolere assuetis imponenda,
caeteraque ab Auctore hoc loco praescripta se-
dulo peragenda sunt.

Pag. 120. l. 21. *Id efficiunt sanguinis missio.*
Haec exinanitio propter insigne podagricorum
praejudicium, saepe de die in diem adeo pro-
rogatur,

rogatur, ut tandem fiat vera partis dolentis inflammatio, & exinde cita mors. At nisi adfit summa debilitas, sanguinem imprimis mitti debere (ratione habitâ ad aegri naturam, vires & aetatem) indubie credo, eâque celebratâ, more praescripto curationem absolvere conveniat.

Pag. 123. l. 4. *Ut morbus locum quem jam tenet, deferat.*] Medicum attente in memoria servare hoc monitum oportet. Si enim caput, pulmones vel pleuram petat morbus, adfintque dolor magnus, stupor, respiratio difficilis, aliave ejusmodi symptomata, mitti debet sanguis, imo & repeti ea ratione, quâ effrenato morbi impetu opprimi videantur aegri, etiamsi debiles esse appareant; aliter periculosa equidem partium affectarum inflammatio nascetur, praemissâ autem hac exinanitione, exhibendum est medicamentum catharticum, quod etiam, prout postulet malorum symptomatum status repeti debet. Eodem tempore derivantia & stimulantia praedicta sedulo applicanda sunt, ut horum ope in partibus assuetis excite-
tur dolor, sine quo vix convalescant podagrici.

Pag. ead. l. 6. *Quanto cum commodo multis in casibus.*] Hoc in nullo casu magis manifestum est, quam illo, quo juvenes, vel viri athletice valentes, aut habitu corporis plethorico gaudentes, ex intemperantia, exercitationibus violentis, aliisque similibus causis prae-

gressis, quae sanguinem exaestuarè faciunt, non solum se in repentinum Podagrae paroxysmum intulerunt, quin haud raro in primis praeter caeteris partibus ad ipsum Cerebrum, Pleuram, aut Ventriculum confestim & atrociter hoc malum deduxerunt.

De hujusmodi Podagricis promptissime & larga copia detrahendus est sanguis, & morbus more inflammationis verae, quae partem affectam infestavit, est curandus.

Etenim hac medendi ratione, sublata quamprimum nimia febris vehementia, profecto paulo post, naturalis & tutior multo subsequitur Podagrae paroxysmus, atque hanc rem ita se hisce morbidis prospere evenisse, ne uno quidem excepto, observavi.

Novi etiam juvenes aliquos, qui labe podagrica a parentum vel saepius suorum culpa multati, primo ejus impetu quasi Epileptici & Apoplectici cecidere, at tamen praemissae curationis ratione habita, & exinanitionibus idoneis institutis, illico ferè pedibus laborabant, & fiebant Podagrici.

Pag. 124. l. 10. *Temperanter aetatem agere.*] Vitare igitur omnino debent huic morbo obnoxii, vinum, venerem & crapulam, & praeter caeteris cibos aromaticos, acidos, acres, salinos, pingues & glutinosos; instar omnium autem prorsus exulendae sunt corporis desidia, mentisque curae & inquietudines, sic enim vult, sic jubet medicorum chorus omnis à gra-

vi & perspicaci Hippocrate usque ad Cadogan
seria facetiis mista quàm tempestive scribentem.
Apprime igitur in vita utile esset consilium il-
lud vere aureum, quod ab omnibus in perpe-
tua observantia habendum praecepit Seneca.
Bene & beate vivere, inquit, circumcidenda
duo sunt. „ Et futuri timor, & veteris in-
commodi memoria. ”



C A P U T XII.

De doloribus articularum.

P^{ag. 125. l. 3.} *Illi dolores qui cum inflammatione & tumore articulos invadunt.*] Hujusmodi morbi nunc Articularum Inflammatione, & dolore acri, pungente, nunc magis obtuso & oneroso, eoque vago vel fixo comitantur; quibus omnibus mirum in modum variantur, tam pro ratione acrimoniae, aut lentae spissitudinis, quibus materia praedita sit, quam pro natura vasorum, quae se propriis suis indiciis plus minusve relaxata, dura & tensa patefiant.

Distingui itaque potest commode, licet non accurate morbus, qui Articulos invadit, in eum inflammatione & febre acuta sociatum, eumque, qui harum expertus est.

Oritur prior, ut plurimum, a frigore contracto, cui succedit horror, rigor, aliaeque febris ineuntis symptomata: Haec insequuntur calor, sitis, dolor Articularum sensim auctus, cum pulsu forti & duro plus minusve pro ratione inflammationis. Interea dum dies alter & alter procedat, membrum affectum gradatim tumet, & paulo post mitescit dolor, mox tamen aliud atque aliud occupat, novam quotidie excitans tragoediam.

Oritur autem secunda species a causis quam-
plu-

plurimis, maxime autem ab acribus & spissis humoribus, eo statu vasorum accedente, quo difficulter per vasa assueta transire possunt. Cujus generis sunt tumores, obstructions, contractiones & distentiones vasorum & nervorum undecunque natae, aliaque similia.

Pag. 125. l. 5. *His sanguinis missionibus.*] In Articularum dolore, febre acuta & pulsu duro comitato, quae symptomata sunt Rheumatismi inflammati vera signa diagnostica, frequentes sanguinis missiones, nunc Lanceolae, nunc Cucurbitularum, cum scarificatione admotarum ope, omnino instituendae sunt, praesertim in juvenibus validis & sanguineis.

Cum enim in his omnibus cruor missus crustam inflammata ut plurimum eructat, pro hujus lentore & crassitudine plus minusve exinanitiones generales, ut & medicamenta, quae obstructions referant, & aestum sanguinis & humorum refrigerant, & compescunt, adeo de industria postulantur, ut in hac medendi ratione solum & totum ponatur hujus morbi sanandi arcanum.

Novi autem nonnullos ob malam curationem, & praecipue ubi in morbi initio defuerunt idoneae exinanitiones, tam sanguinis detractio, quam alvi purgatione; quibus per plures menses manserunt hujusmodi dolores, qui tandem eousque aegros debilitarant, ut febre hectica laboraverint, cum cruribus quasi Leucophlegmatiam perpeffis, & fere hydropicis, seu potius talibus, quales phthificis contingere solent.

His multum profunt Chalybeia medicamenta, quae cum lacte asinino assumenda debent, adjectis omni Lactis Potioni Spiritus Cornu Cervi guttis quibusdam, interpositoque semel in Hebdomada cathartico leni ex Rhabbarbo, aut similibus.

Illud autem animadvertere oportet, hujusmodi dolores foeminas plerumque frequentius quam viros obsidere, easque praecipue, quibus, ob menstrua retenta, aut suppressa, adveniat morbus, & ad quem tollendum perperam exhibita fuerint medicamenta calida, aut quae menses cieant maxime.

Interea minime praetereundum est, me novisse etiam non paucos viros, artuumque dolore acuto correptos, qui medicamentis calefacientibus, sudatoriis & vesicatoriis tractati, gravia juncturarum immobilium mala, seu Anchyloses nulla arte sanabiles, toto quod vitae miserae superstit, passi sunt.

Fugienda itaque saltem in prima hujus morbi accessione talis curandi ratio,

Pag. 125. l. 7. *Si nulla.*] In his scilicet distinguendum est, an cum vel sine tumore, existat dolor. Si tumor adsit, cujus sit generis, & pro ejus ratione curandus est morbus.

Nam si ex tactu sese innotescat Pus, aut Ichor, aut aliquid simile, educendum est, si fieri possit; & pars affecta, aperta, vulneris ritu, servanda & medenda, donec materies penitus exhausta sit, totumque, quicquid sit duri
&

& callosi, penitus abeat. Sanato autem vulnere, paulo infra fiat fonticulus latus & profundus.

Convenit quoque partem affectam contra frigus munire cum emplastro ex Cymino & similibus, praesertim tempore hyberno, aestivo autem, si multum debilitetur membrum, Aqua frigida lavare, praecipue Aqua marina non alienum est.

Quamvis de Articularum doloribus, qui sine tumore saepe accidunt, nulla apud Auctorem facta est mentio, de his verbum unum aut alterum hoc loco addere, mihi aequum videtur.

Hujusmodi dolores ideoque ad vagos & fixos satis apte referendos posse arbitror.

Priores ab humorum acrimonia plerumque oriuntur, & leni Alvi subductione subinde repetenda, & remediis, quae ad particularum mobilium & movendarum conjunctiones minus tutas solvendas, & liberiores circuitum promovendum vim habeant, larga simul humectantium & demulcentium copia exhibendis, ratione habita ad corporis constitutionem calidam, scilicet an frigidam, plerumque sanantur.

His etiam aegris, si acuti urgeant dolores, multum commodi adfert sanguinis detractio, modica tamen copia eam fieri necesse est; raro quippe crustam inflammata eructat cruor, & proinde ad symptomata praesentia gradu quodam allevanda, (scilicet acrium irritationem tollendo, & fibrarum tensionem nimiam laxando) potius quam ad ea directò sananda instituitur hæc exinanitio.

Hanc morbi speciem plerumque pulsus creber & debilis, cutis sicca & aspera, calor modum naturalem parum transiens comitantur, nisi forsan vel vesperi exacerbetur aestus, vel vehementiâ doloris aliquando extrudantur sudores. Hoc vero rarius, atque hystericis, scorbuticis, eorumque consimilibus, aliis magis familiares sunt hujusmodi dolores.

Hoc loco non ab re erit monere, dolores, qui a lue venerea saepissime oriuntur, jam expositis prorsus contendere, ita quidem, ut difficulter a se invicem dignoscendi sint, nisi vel medico nota sit aegri vita, vel ingenue ex ore suo peccati condemnatus sit. Quisquis ille est, qui hoc morbo laboraverit, licet plures anni intercesserint, de eo suspicari fas est.

Hi autem dolores plerumque ossis medium occupant, membra torpida & gravia reddunt, & a vesperi ad mediam noctem plerumque ingravescent, & mane abeunt. Dolores autem scorbutici, licet vesperi & nocte exacerbentur, per diem etiam manent, & ossium juncturas praeter caeteris infestant.

Posteriores autem, scilicet articulorum sine tumore dolores fixi, ab istis causis praecipuam originem ducunt, quibus vel arctius justo constringantur partes quaedam, vel plus aequo dilatentur, & resiliendi vim debitam amittant, & poinde vel fit resistentia nimia liquidis transmissuris, vel nimia in articulos humorum derivatio.

Dignoscuntur priores crassitie membri in articu-

ticuli vicinia siti, pituitosa, molli, alba, aequali, parum vel nihil ad tactum dolente, non tamen cum tumore prominente aut inflammato, quo plerumque comitantur illi, qui in not. ad Pag. 125. l. 3. definite designantur.

Medicamenta, quae Alvum fortiter ducunt, his aegrotis plurimum proficiunt, praecipue ea, quibus Hydrargyrum inest: Viribus interea prospicere oportet; ut certe repetenda sit iterum atque iterum talis copiosa Alvi purgatio, prout illae hujusmodi exinanitiones ferre poterunt.

Inter rem hanc agendam, per idoneas vices, Electarium e Cinnabere & herbis amaris & aromaticis compositum, una cum Haustu ex Decocto Ligni Guiaci, vel ex Aqua Calcis m. c. exhibere commodum erit.

Quin etiam ulcera, vel manu Chirurgi, vel medicamentis exedentibus, paulo infra partem morbo affectam excitare oportet; juvat simul & frictiones calidas, siccas, aromaticas, & similia omnia adhibere, quae humores pituitosos, crassos solvere, & discutere valeant.

Quum hoc modo inducias aliquot dierum cum dolore pacisci potuerimus, omni ope molendum est, ut pars violata ereptam sanitatem reciperet, huic autem fini consequendo optime conducunt balnea frigida, nequaquam tamen exsiccanda sunt ulcera, quae prius, ut supra praecipi, instituenda deberent.

His etiam aegrotis insigniter profunt vesicatoria, aut cucurbitulae cum scarificatione, modo parti dolenti imponentur; nec non & eam
ure-

urere Lino, Moxa & Causticis, singulari opere, artificioque perfectis, vel ipso Ferro candenti.

Dolores denique fixi, ex nimis astricta & tensa partis compage & naturâ nati, sese produnt ejusdem duritie, & dolore majori, acriori, ad minimam juncturae flexionem.

Sanantur hujusmodi dolores, detracto, primum quantum opus sit, sanguine, moderata alvi purgatione pro re nata repetenda, frictionibus cum medicamentis oleosis, laxantibus, dissolventibus & humectantibus dictis; balneo tepido, victu humido, molli, motu partis ipsius sensim aucto, & fonticulis juxta positis.

Caeteris autem externis adhibendis, meliora sunt balnea tepida, quae, vel toto corpori, vel ipsi parti applicanda sint; & cum plus emollit vapor, quam balneariis aquis se proluere, vapores molles, tepidos adhibere praecipue convenit.

Licet in dolentibus hisce fixis curandis, parum de fluidis, seu humoribus, fui sollicitus; quippe in parte affecta plerumque latet causa, cur in hanc prae caeteris fiant humorum derivatio, partis tumor & inde dolor; nihilominus tamen nunc acrimoniâ quadam, nunc crassitudine, & non raro ambobus peccatur.

Prior status pro vario ejus genere contrariis corrigendus est, modo satis pateat humoris indoles, sin aliter, humectantia & obtundentia generalia exhibere oportet; eo quod singularis acrimoniae diagnostica non raro obscura sunt,
&

& cognitu difficilia, iisque facile falli potest medicus. Medendi autem ratio generalis semper tuta & utilis, & praecipue si medicamentis, quae plus minusve sanguinis motum & attritum promovendi, vel ejus crassitudinem nimiam attenuandi & diluendi vi polleant, conjuncta fuerit.



C A P U T XIII.

*De morbis cutis.**De scabie.*

Pag. 128. l. penult. *Qui animalculis ortum suum debeat.*] Hac data morbi causa, anxia veterum medicorum sollicitudo de humoribus praeparandis, purificandis, & expurgandis prorsus supervacanea videatur, attamen experientiâ frequentissime edoctus, quasdam cautiones in scabiei curatione prosequendâ adeo ex usu observandas esse comprobavi, ut de iis paulo plura obiter memorare mihi in animo est. Inprimis igitur certae fidei res est, laudatissima remedia, qualia ab autore nostro praescripta, vix tutò extrinsecus administrari unquam posse, nisi praecesserit modica alvi subductio, porrò & apta sanguinis missio, si mala equidem fortunâ turpis haec & contagiosa lues (vermium quasi agmine factò) multum aut diu in corpore pleno saevierit. Praeterea per totum morbi curationem, non solum laxam servare alvum, sed finito penitus remediorum externe admotorum usu, potiones catharticas, quales morbis inflammatione comitatis conveniunt, ter quaterve per idonea intervalla exhibere oportet, corpusque totum tandem balneo aquoso tepido lavari omnino necesse erit.

C A-

CAPUT XIV.

De strumis.

Pag. 131. l. 22. *Pertinacis itaque & periculoso huic morbo omnibus modis occurrendum est.*] In curatione hujus morbi aggredienda, id primum totis viribus moliuntur chirurgi, ut medicamentorum ex argento vivo compositorum auxilio, hujusmodi aegros salivandos reddant, quod ignare, & nulla habita corporis, constitutionis, & naturae ratione, omnibus laudant. His quidem aegris, irritis aliis remediis, modo sana sint viscera, haec medendi ratio nonnunquam utilis esse potest; hecticis autem & debilibus, aut diuturna cachexiâ laborantibus, saepe certe & cito exitialis evadit.

Pag. 132. l. 7. *Qui a viscidis humoribus nascuntur.*] Hae glandularum farturae & oppilationes raro tanto dolore comitantur, ac si vera inflammatio iis simul adfit; sin vero ita fieret, inprimis curatione idoneâ maxima ex parte minuenda est inflammatio: dein medicamenta ex Hydrargyro parata, caeteraque remedia ipsi malo propria, pro re nata exhibere omnino convenit.

Morbis enim his diuturnis non tantum peccant vasa partis, quin etiam humores per ea con-

continuo permeantes, acrimoniam, pro diversa liquorum naturâ, diversam induunt; & proinde decoctis e lignis calidis scilicet, seu temperatis, salibus acidis, aut alcalinis commistis, aliisque similibus, corrigendi & emendandi sunt. Spissi enim simplices humores omni acrimoniâ carentes rarissime quidem occurrunt, aut investigari nequeunt.

Lentam autem & acrem hanc humorum praevitatem designant glandularum tumores, parum vel non dolentes, Leucophlegmatiâ comitati, pulsus non multum a naturali aberrans, urina crassa cito putrescens, sitis, membrorum lassitudo, dolores tam fixi, quam vagi sine signis inflammationis.

Sanatur haec strumarum species mercurio dulci sublimato, parva copia, debitis intervallicis per os sumpto; adjunctis decoctis humectantibus & sedantibus, quae pro gradu caloris ex radicibus Chinae, Sarsaparillae, Safafras, Guaiaci, & similibus, paranda sunt.

Ex usu simul erit, ut Cathartica lenia subinde interponantur; & diebus a purgatione liberis, balneo, tepido aut fotu emolliente, cum commoda partis frictione, uti oportet; ut ibi derivetur vis mercurii dulcis, ubi maxima est vasorum oppilatio.

Hisce enim adjumentis, quae ruptura sunt, laxantur; adeo, ut non solum partis e loco cedere liceat; sed praecavetur simul nimia globulorum sanguineorum in se mutuo attritus, ex quo hectica habitudo induci possit.

His

His ad fatis longum tempus perductis, Aquae minerales, pro vario gradu dominantis mali, optima praebebunt auxilia.

Morbo denique maxima de parte subacto, & cum jam convaluiffe videatur aeger; generalem corporis habitum cortice Peruviano, & Chalybeis medicamentis, quae caute & prudenter assumenda sunt, roborare nunquam non expedit.

Quamplurimis autem aegris, qui hujusmodi morbis, porro & saevis articularum doloribus, ex humorum crassa, strumosa, aut venerea indole & natura ortis laborent, mihi jamdudum in frequenti fuit usu, medicamentum infra praescriptum exhibere; quod, praemissis idoneis exinanitionibus, se singulari prorsus modo, exoptatissimis viribus esse praeditum, mihi extra dubium posuit experientia non temerè & fallaciter, sed cautè & verè instituta.

℞ *Mercurii calcinati* granum unum, *Florum Sulphuris lotorum*, grana quinque, conterantur simul s. a. addendo *Confectionis Damocratis* grana decem, *Conservae Florum Lavendulae*, seu *Rorismarini* scrupulum unum, *Syrupi Croci*, q. s. m. f. Bolus; qui singulis noctibus, hora somni, sumendus est, unà cum *Infusi amari simplicis* unciis duabus, aut *Fulepi e Camphora* unciâ unâ, vel cyatho *decocti e Lignis & Radicibus* ex aqua, quale antea saepe memoravi. Haec continuanda sunt spatio decem dierum, alvus ope *Rhabarbàri* vel *Infusi Senae communis*, tantùm laxanda est; & quies vesperi, si res postulet,

let, leni anodyno concilianda. Interposito autem die uno vel altero, eandem medendi & purgandi rationem renovare, eâque, per sex vel octo hebdomadas, perseverare convenit; seu usque quo pateat, num morbo sanando aut levando par sit curandi modus.

Si aegroti intestina boli usum malè ferentia, nimis irritata & laxa evadant, *Electarium e Scordio*, aut *Theriaca Andromachi*, satis apte fungetur vice *Confectionis Damocratis*. Rarissime autem tale quid accidisse comperi, nullas enim turbas excitat hujusmodi Bolus, qui omnes interiores corporis meatus placide ingreditur, vasorum & glandularum obstructiones referat, simulque, ut verbo quasi dicam, eas, caeteris omnibus remediis ferè innumerabilibus, quae expertus sum, citius & tutius depurat.

Pag. 132. l. 25. *Sin autem corpus macilentum sit.*] Acrimoniae species, quae in hujusmodi aegris, ut plurimum praepollet, pravitati hecticae affinis est, eodemque fere modo curari debet, nisi quod macilentis hisce praeclaram opem non raro adferre solent aquae acidulae dictae, ut Pyrmontanae, Spadanae, Scarboroughenses, interpositis nonnunquam medicamentis, quae humores diluunt, refrigerant, & alvum leniter solvunt, cujus generis sunt succi Taraxaci, Endiviae Lujulae, & id genus alii. Haec autem medendi ratio tabidis verâ febre hecticâ laborantibus funesta evadit.

Pag. 134. l. antepen. *Reges autem Galliae.*] Quando nihil quidem est, quod credere de se
non

non possit princeps, cum laudatur diis aequa potestas, minime mirum est, ut Galliae rex credulus dolosâ juris divini larvâ superbe donatus, non opinione solum, sed etiam ad veritatem sibi hoc persuadeat, se morbum strumosum in fugam prorsus conjicere posse, modò manum aegro imponere, atque ex ore magna haec sonantia verba simul proferre vellet, *Rex te tangit, Deus te sanat.*



CAPUT XV.

De scorbuto.

Pag. 135. l. 12. *A foedis in ore cruribusque ulceribus.*] Haud bene sapere dicatur ille medicus, qui, morbo jam ad medium prope-
rante, tum primum advenientis signa suspicari se fatagit. Certò nimis sero est sapere, cum per moras adeo invaluerit malum; ut jam lippis & tonforibus notum se palam fecerit.

Scorbutica autem humani corporis constitutio multo citius adesse indicatur, & proditur habitu corporis, qui calorem, naturali paulò sed certo majorem, exhibet; atque variationes Caeli, quoad calorem & frigus, aliis citius percipit, iisque magis afficitur; pulsu frequenti, & saepissime debili, & cutis, siccitate plerumque conjuncto; membrorum quasi defatigatorum, & musculorum quasi lassatorum gravitate, sine ulla patenti ratione; impotentiâ, spontaneâ, artuum doloribus, lancinantibus, nunc vagis, nunc veluti a contusione fixis; & nisi alia etiam adfuerit causa, ut plurimum sine tumore; somno difficili, inquieto, qui ad vires vitales & animales reficiendas parum conducit.

His autem, ingravescente adhuc morbo, se accedunt linguae sorditïes, orisque faetor, gin-
giva-

givarum laxitas cruenta, saniosa, urina cito putrescens, sanguis ex venis missus floridus, tenuis, minus cohaerens, maculae rosei, flavi, fusci, lividique coloris circa artus praecipue erumpentes.


Pro horum symptomatum varietate & gradu, humorum acrimonia calida, frigidave, simul & crassitudo sese innotescunt; & proinde prava ex hoc morbo provenientia mala remediis humectantibus, aperientibus, plus minusve refrigerantibus, non uno atque constanti modo, sed copiâ alia atque aliâ sociandis depellere oportet.

Attamen verbum amplius addere, ut mihi videtur, vix aut ne vix quidem locus est. Quicunque enim intima hujus morbi proteiformis penetralia adire optet; consulat inprimis admirandi illius viri, olim medicinae professoris Hermanni Boerhaave Aphorismos, nunquam factis in honore habendos; nec non & Commentaria eruditissima quadripartita à celeberrimo & fidissimo eorum Interprete Barono Van Swieten (*) edita; utpote doctissimis his scriptis omnia, quae ad hujus morbi historiam, denique

(*) Ne Lectori ex iis, quae hic scripta inveniuntur in cujusdam culpae suspicionem venirent; hoc loco aequo jure admonendum est, mensum jam secundum actum fuisse ex illo, quo hasce notationes in typographi potestatem tradideram, cum primum ad Brittannos de Baroni van Swieten morte, nec non & ejus commentariorum tomo quinto, tum demum in publicum emissuro; perlata erat fama. *Additam. Auct.*

que causas, indolem, symptomata, denique & medendi rationem, variis suis gradibus maxime accomodatam, pertinere queant, adeo perspicue, adeo accurate recensentur; ut ea decies legisse, imo & decies adhuc renovasse opus, non minus utile quam dulce Lectori fore, expertus affirmare in me suscipiam,

Pag. 138. l. 26. *Dissolverentur.*] Omnes enim humani corporis humores postquam putridi evadunt, ad alcalinorum classem referri possunt & debent; unde inflammationes, suppurationes, dolores acerrimos, imo gangraenas & sphacelos inducendo, hujusmodi aegris exitiale tandem nascitur malum.



CAPUT XVI.

De malo hypochondriaco.

Pig. 141. l. 17. *Ad hepatis usus immittat.*]
Nemini quidem dubium esse potest, qui
Lienis fabricam ex se, & ex sua naturâ secum
in animo contemplari & considerare queat, Bi-
li praeeparandae & fecernendae praesertim in-
servire hoc viscus.

Situs enim est lien in hypochondrio sinistro
diaphragmate pendulus, a cujus motu, & com-
pressione musculorum abdominis, perpetuas a-
gitationes, & omnis generis pressus sustinet,
Arterias à Coeliaca, nonnunquam ab ipsa Aor-
tâ, ideoque & purum sanguinem spiritibus ani-
malibus dictis divitem, recipit. Harum arte-
riarum nonnullae mirum in modum convolutae
sibi ipsis fines & terminos, seu compages glan-
dulis non absimiles, constituunt; dum aliae,
praemonstrantibus Glisson, Malpighi, &
Ruyfch, suos sanguinis rivos in infinitum cel-
lularum numerum distribuunt.

Illud insuper singulare habet hoc viscus, quod
nervi, qui ad lienem transeunt, una sumpti,
longe majores sunt, quam vel ejus sensus vel
motus se desiderare testantur: quippe sentiendi
facultate admodum obtusa fruitur, & motum
nullum habet, nisi quem ab agitatione Diaphrag-

matis, & renixu & relaxatione muscutorum abdominis reciproce agentium recipit; atque ideo necesse est ad aliud quoddam perficiendum, fieri hunc insolitum nervorum dispersum & donationem.

Quisquis autem hanc corporis humani & Lienis conformationem secum perpenderit, is sanè facile perspiciet, istam ita designatam fuisse scilicet, ut una cum liquore tenui a glandulis praedictis secreto, laticem suum subtilissimum in cellulas deponere possent hujus visceris nervi; ubi ob frequentem Lienis agitationem, & infinitam compressionis varietatem, intime cum sanguine commisceantur, & tandem in venam Portarum deferantur ea, quae bili conficiendae idoneum praebeant liquorem.

Hoc ulterius patet ex eo, quod Lieni non datur emissarium secretion destinatum, prout in aliis visceribus res sese habet; sed omnia simul commista per venam splenicam in Portam feruntur, exitque sanguis ab hoc viscere tenuis, lymphâ & spiritibus abundans, vix concreescens, aut in crassam serosamque partem secedens, quod caeteris venis familiare; sed contra; rubore purpureo splendens ex hac venâ, longe secus quam ullis aliis emissus, in venam Portarum defertur.

Clarissimus Keil hujus visceris fabricam perpendens, sanguinisque velocitatem ibi ita diminutam inveniens, ut vix ducentessimam velocitatis partem haberet, qua per splenicam arteriam transit; hanc velocitatis diminu-

tio-

tionem eo fieri contendit, ut attractione suâ fortius adunatae essent sanguinis particulae, & facilius se mutuo attraherent glutinosae & tenaces.

Recte quidem de velocitate diminutâ sensit vir ingeniosissimus, de materiâ autem ad morem glutinis cujusdam inde formandâ res aliter se habet; quippe sanguis tenuis, admodumque fluxus in venam splenicam immittitur, & hoc majori ratione quam in reliquis, quod ex praedictâ hypothese nequaquam eveniret.

Rectius certo conjecturam assecutus esset iste medicus, si seposita attractionis hypothese, hujus visceris munera & potestates, quibus sanguinis crassitudo redditur naturali multo tenuior, diligentius observasset. Quamvis enim bilis, quae a sanguine secernitur, humor est fere omnium inde separatorum tenacissimus, in se tamen nihilominus amaras, acres, & saponaceas qualitates possidet; quas induere non potuisset, nisi diu calore blando fota fuisset haec humorum admixtio, adeoque ei conservata fuisset fluida natura, ut particulae in se mutuo agentes vires suas exerere valuissent, quod in statu admodum viscido vix faciendum videretur.

Neque hoc tantum inde fieret incommodum, quin glandularum hepaticarum ope separanda non potuisset bilis; nisi naturâ adeo in primis fluidâ in eas propulsa fuisset, ut tandem sepositis particulis bili conficiendae minus idoneis, coirent illae vere biliosae. Cum autem liquida glutinosa, tam inter se, quam ad contactum

canalium, fortius cohaerent prope emissaria angustissima, qualia sunt ea in hoc viscere; occidui ejus vasa necesse est, eo quod vis occludendi non pendet a solo pressu canalium continentium & liquidi superne incumbentis; sed componitur ex momentis harum ipsarum Facultatum, & momento lentoris, quo illae partes ad contactum haereant.

Graviter ideo errasse, seu potius desipuisse dicantur ex veteribus quamplurimi, qui bilem, ut excrementum noxium, & inutile judicârunt; cum ad hanc formandam & secernendam plus Artificii, (*) quam ad alium quemvis humorem, imo fere quam ad omnes alios à sanguine separandos requiritur. Nonne multo rectius de hoc liquore affirmare possumus, quod sana bile sana plerumque erunt omnia?

Pag. 141. l. 19. *Molle viscus tumore distenditur.*] Exsecto liene animal salacius est, adestque mictus frequentissimus cum ingenti voracitate; quorum omnium rationem docent arteriae spermaticae, renalis, & coeliacae situs, & connexio.

Nec minus adsunt in primis diebus vagi ventris crepitus insueti, nausea & vomitus; quae ex prioribus, & nervorum, stomacho & lieni inservientium, situ, comparatis simul, satis patent. Temporis autem progressu fit tumor in op-

(*) Vide, An Experimental Enquiry on some parts of the animal Structure. P. 229.

opposito Hypochondrio ob incrementum hepatis.

Cum igitur satis notum est hypochondriacos his symptomatibus, gradu licet minori, unâ cum vultus pallore affici, eos Lienis obstructionem quodammodo pati, verisimillimum est.

Pag. 141. l. 19. *Pancreas ubi male habet.*] Qui pancreatem & lienem infarctos habent, iis copiosum edere sputum perpetua consuetudo est. Serosi enim latices in circuitu suo per haec vasa impediti facili via ad glandulas superiores transeant, & ibi magnâ copiâ more salivae excernuntur.

Pag. 142. l. 5. *Sanguis in vena portarum neque pro more solutus.*] Statum adeo fluidum, quem liquor possidet, qui in sinu venae portarum continetur, oleosis hisce particulis huc delatis & admistis aliquantulum deberi in confesso est: attamen haec ejus conditio adeo necessaria est mechanismi multo magis artificiosi & subtilioris totum fere opus; & quod, hac data occasione, paucis explicare haud alienum erit; praesertim cum ab omnibus Anatomicis, quantum scio, vel omnino praetermitti, vel parum intelligi videtur.

Cum sanguinis habilitas ad fluendum a motu suo progressivo praesertim pendet, eo quod hoc cessante, brevi in grumos concrevit, & in circulis suis & secretionibus conficiendis prorsus impar fit. Providens itaque natura liquoris
uti-

utilissimi, bilis scilicet, separationem moliens, summâ cum sapientiâ intempestivam globulorum conjunctionem prohibet.

Quamvis ex insigni & plane admirandâ motus diminutione, quâ sanguis ad hepar defertur, clare patet, illum inde necessario fieri crassiores, motuique minus idoneum: hic tamen singulare quoddam obtinet, quo nil minus fluidus admodum ejus status conservatur, quam si velociori cursu sine tali mechanismo propulsus fuisset.

Hoc docent anastomoses innumerae tam majorum quam minorum ramorum mesentericorum se invicem rectos ad angulos plerumque decussantium: Hoc perspicuis suffragiis ulterius confirmant varii celeritatis gradus, variaeque loci, situs, & cursus mutationes, quibus tales particulae prae caeteris subjectae sunt; utpote hâc consummatâ arte ad exitum perducitur, innumeras fieri hujusmodi globulorum in se mutuo percussiones & repulsus, sanguinemque & humores per haec vasa circuitus suos facientes, validas in intimis eorum partibus agitationes, triturasque pati, atque ex alio tenuitatis gradu in alium & tenuiorem perpetuo incidere.

Talis autem fabrica, quae tam progressum sanguinis retardare, quam ejus fluorem conservare posset, absolute esset necessaria; eo quod cum per longas ambages, diuturnum caloris forum, & tandem non immediate ab arteriae sed venae portarum ramis, separandus erat biliosus humor; maximâ opus erat cautione, ne
ido-

idoneum fluorem amitteret sanguis, neve in grumos coiret, & inde secretioni impar fieret, priusquam particulae biliosae, debitam acrimoniam, debitamque coagumentationem acquisivisse potuerint.

En igitur mira naturae solertia, ut & ipsa motus progressivi diminutio, quae caeteris corporis partibus sanguinis & humorum crassitudinem adauget, nunc peculiari artificio, eorundem, qui per anfractus admodum difficiles & intortos mox transiture sunt, habilitatem fluidam conservare destinatur.

Pag. 142. l. 11. *Isthaec omnia morbi hujusce naturam patefaciunt.*] Peccantibus hoc modo in functionibus peragendis praecipuis visceribus, observatu non est indignum, hypochondriacos pomeridiano tempore plerumque anhelos fieri.

Pag. ead. l. 16. *Causae autem multiples hujus mali.*] Hic morbus inprimis eos prae caeteris mortalibus invadit, qui desidis otia vitae coluerunt, aut curis, moestitiae, studiisque se maxime dedere; unde deficit apta humorum mistura, exhauriuntur spiritus, & vel stagnat, vel justo tardius it sanguis per ramos exiliores. Cum autem in vasis mesentericis & hepaticis prae caeteris debiliior est motus, in hisce inprimis obtinent hujusmodi mala.

Tales aegri, ut plurimum ad negotia quae libet inhabiles sunt, & praesertim conqueruntur

tur de ventriculi inflatione, cibi fastidio, rûctu acido, amaro, bilioso, prout assumptorum natura propendeat, lassitudine, spirituum inopia, & frigore extremorum; thalamis se componentes, subinde se suffocatu-ros fore credunt, & terrore quasi attoniti expergiscunt, & vel erecti sedent, vel in cubiculo per tempus aliquod perambulant. In somniis etiam molestis saepe in terrores aguntur. Vigiles interea, quamvis acri polleant iudicio, irresoluti tamen sunt & instabiles, nunc torvi & morosi, nunc & laeti, hilares, & jucundi sine datâ causâ aliqua sensili.

In hac autem sententia fere solâ sibi constantes sunt, quod morbo quodam insanabili & calamitoso se laborare arbitrantur, ita ut frustra contra hanc phantasiam adducuntur argumenta, nunquam enim ita sentient, medicumque porro, qui ipsis rationes ostendere conabitur, quibus mala allatis leviora, aut his longe diversa, adesse inferre liceat, omnino ignarum & causae & calamitatis censebunt.

His ante omnia conducunt Aquae minerales, quae alvum leniter cieant, datis simul, horis maxime commodis, scilicet post prandium, & vesperi, medicamentis, quae ex Gummi Ammoniaco, Sagapeno, Asafoetida, & Sapone Amygdalino, aut similibus commiscenda & componenda sint.

Sin vero tales Aquae in promptu non sint, subinde leniter subducenda est Alvus, interpositis praedictis, per satis apta intervalla, &
po-

potu morbi naturae maxime congruo, fociatis.

Ad hoc etiam propositum pertinent remedia, quibus Hydrargyrum inest, ut Cinnabar, Mercurius Alcalifatus, Mercurius ducis sublimatus, vel Argentum vivum quocunque modo extinctum, ut facile iterum solvatur, Gummi Guaiacum, aliaque similia.

Eodem tempore victu salubri & humido aeger alendus est, nec ultra semel in die carnem, eamque teneram ex animalibus junioribus comedat, cum paucio vino, eoque multâ aquâ diluto, pro potu communi.

In medicamentis autem, aliisque cujuscunque generis remediis exhibendis, ad indolem praedominantis acrimoniae respicere debemus; exempli gratia: si sola humorum crassitudo peccet, vel si adsint etiam pallor, frigus, &c. ex quibus unâ cum lentore acidum conjungi suspicari fas sit. Utrisque his profunt praescripta, sed si simul adjungatur calor, alia res est, peccat quippe alcali glutinosum; ideoque lenibus subacidis & nitrosis tractandi sunt aegroti, additis dilutissimis & paucio melle miscendis.

Interim curandum est, ut equitatione & delectamentis, quasi fortuito utantur, aliter non obtemperabunt.

Resolutis horum ope crassis primi ordinis humoribus, adhibenda sunt Chalybeia, vel etiam in initio exhibenda, modo non nimis infarciantur vasa.

Si nolit aeger uti aquis mineralibus unâ cum
me-

medicamentis, quae vasa & viscera deonerent; exhibere oportet succos antiscorbuticos temperatos, vel calidiores, prout postulant vivendimos & constitutionis indoles.

Tempore autem hyberno danda sunt Gummi praedicta cum infuso amaro simplici vel solutivo, ea ratione, quâ petat alvus; porro & aquas destillatas spirituosas dictas Infulis hisce, vel Succis jam memoratis, tantâ copiâ adjiciendas esse, ut ventriculo congruant, haud alienum erit; de his autem illud insuper monendum habeo, ut portione perrara & quam modica exhibeantur.

Oritur secundo & hic morbus ab omni causâ, quâ vasa, viscera, & nervorum compages plus justo relaxentur, & debilitentur; quales sunt vigiliae, morbi omnes chronici, febres continuæ diuturnae, maxime intermittentes, quartanae autumnales, diu aegros infestantes, diarrhoeae longae, fluxus sanguinis nimius per vasa uterina, hoemorrhoidalia, fluor albus, & similia.

In hac specie curandus est morbus primitivus, interpositis remediis antihystericis dictis, modo primæ intentioni non repugnent. Deinde danda opera est, quantum fieri potest, ut habitâ ratione & virium & morbi, roborentur aegroti corporis compages & fabrica; videlicet, si ex causa frigida, aut labe simili proveniat morbus, amaris calefacientibus, maxime autem Chalybe & Cortice Peruviano, aquis Batho-

thoniensibus cum equitatione forti et diuturna tractandus est.

Sin vero a causa calidâ, ab humorum acrimoniâ, morbo acuto praegresso oriatur hujusmodi malum, adsitve febris hectica cum calore sicco, pulsu frequenti, &c. obtudentibus & lenientibus, lacte asinino, aquis mineralibus acidulis dictis, equitatione modica, in aëre subfrigido, ut calorem non augeat, curandum est, adhibitis perparce medicamentis antihystercis, quoties vel hujusmodi adsint paroxysmi, vel languor, aegritudinis nimis frequens tentatio, spirituum moeror, vera virium debilitas, alia-ve consimilia symptomata urgeant.

Haec morbi species foeminas teneras delicatas, quibus rari & acres sunt humores, praeter caeteris obsidet.

Levatis autem hoc modo humorum calore & acrimonia, his etiam ad fibrarum habitum roborandum profunt medicamenta ex cortice Peruviano, radice Quassii, & Chalybe confecta, at his tamen minori copia quam prioribus exhiberi debent; simulque eodem tempore in dieta tenui & levi, lacte asinino fociata, ad humores ulterius demulcendos & leniendos persistendum est.

Oritur & tertio morbus hic hypochondriacus ab exinanitionibus assuetis suppressis, vel copia diminutis, praesertim cum iis foeminis muliebrium fluxum subito clausum pati contigerit, quibus, menstruis abundare & effluere, in consuetudinem cadebat.

N

In

In hac specie bene consideranda sunt tum copia & natura humoris suppressi aut retenti, tum ipsius habitus, an scilicet calidus vel frigidus, astrictus vel laxus, & an debilitate & languore, vel febre & dolore conjunctus sit morbus.

Illud autem insuper scire oportet, quod foeminae, quibus validae sint vires, a mensibus acrive aliquo humore inopinatò retentis, saepe vel miris nervorum distentionibus torquentur, vel doloribus saevis excruciantur; etiam atque his praesentibus, novi & non raro, simul adesse febriculam.

Haec autem symptomata missione sanguinis ex brachio vel saphaena pro ratione virium, moderata alvi subductione, scilicet ope Salium refrigerantium cum pulvere Rhabbarbari aut infuso Senae commistorum, nec non & interpositis pro re nata anodynis, aliisque feбри necessariis, tractanda sunt.

His demum morbi causis subactis, aut satis domitis, ad principem tollendam respiciendum est, ut in statum naturalem reducantur exinanitiones suppressae, nisi plane perniciosae sint; tunc enim vel moderandae sunt, vel aliae, eorum vice ex arte instituendae: sin vero eadem res foeminis laxo & frigido corporis habitu praeditis accadat; seu materia parvâ copiâ retenta, indolisque lenis sit; raro hujusmodi malis percelluntur & affliguntur tales aegrotae; de torpore autem & membrorum segnitie, dolore gravi, & debilitate, &c. plerumque conqueruntur.

His

His nunquam non adest pallor vultus cum carne molli, fibris laxis, & tumore livido & flaccido sub oculis, unâ cum pulsu tardo, humili, & depresso.

His quam maxime profunt remedia amara, aromatica, Gummi acria, medicamenta ex Cinnabere composita, & similia omnia, quae humorum vitalium cursum promoveant, & diluendi & attenuandi vi polleant.

Dein roborandae sunt fibrae more prius praescripto, Chalybe scilicet & cortice Peruviano, amaris & calefacientibus sociato; datis, quoties opus fuerit, lenibus catharticis, ex tinctura sacra, & similibus, ut & anodynis, & aromaticis, pro symptomatum varietate & exigentia.

Pag. 142. l. 20. *Nunc consistit fere sanguis, nunc vehementius incitatur.*] Cum in hoc morbo circuitus sanguinis per vasa majora satis bonus manet, pulsus minus a statu sano aberrat, quam a symptomatum saevitiae expectare fas sit: ut plurimum fere paulo tardior est pulsus, & in ipsâ paroxysmi accessione adhuc segnior, at in *ἀνμῇ* paulo major, frequentior, & inaequalior, nec non & laboriosior invenitur.

Hinc itaque Diagnosticon maximi momenti habemus, quod hunc affectum ab aliis morbis longe periculosioribus distinguit: aliter ob ingentes aegrorum querelas, languores, & timores, qui cum pulsu laudabili se brevi morituros credunt, quotidie turpiter falleretur medicus.

Hoc equidem fundamento nituntur omnia ista signa, diagnostica dicta, quibus mala hypochondriaca ab aliis omnibus distinguenda sunt; comparando scilicet symptomata, quae obviam veniant, praecipue arteriarum pulsus, cum veris morbi simulati signis: exempli gratia, morbus hic saepissime indicatur adesse per largum urinae tenuissimae, insipidae, & aquosae profluvium, & hoc cum pulsu satis bono; nisi forsan à dolore quodam atroci, gradu aliquo paulum turbatur; comparatis autem inter se diagnosticis, a diabetico urinae profluvio sat commodè distinguì possit; quippe in posteriore adsunt pulsus creber & debilis, sitis ingens & inexplebilis, linguae siccitas & ardor, aliaque similia: Urina etiam quamvis limpida saporis subdulcis est & melliti.

Conqueruntur alii aegroti de Dyspnoea, oppresse, & gravitate pulmonum; imo & his symptomatibus, aliquando adjungitur Tussis, nunc cum, nunc sine sputo: quae symptomata non paucos fefellerunt medicos; qui morbos pectoris, praesertim phthisin pulmonariam, inde brevi subsecuturos expectaverunt.

Verum enimvero si hisce ex inscitiâ errasse contigerit, proh pudor, non defuit omni aevo genus quoddam hominum, quibus ex hac morbi insidiosâ larvâ occasionem captantibus, sese de tabidorum sanatione primos apud nimis credulum vulgus ubique semper gloriari mos fuit; magno equidem cum aegrorum incommodo sua comparant commoda.

At

At ridentem dicere verum quid vetat? Nonne hi medicamentorum quondam tritiores, se per orbem huc & illuc palantes *Opiferos* exhibuerunt? Nonne in patriam tandem reversi, se omnia posse, omnia, praeter seipfos, noscere, speciem prae se tulerunt? Quid istuc tam mirum sit, si medicum agere, si calamum rapiente dextra, quidlibet curandi aut audendi in se susciperent potestatem? sibilent licet omnes noti atque vicini, sibi ipsis tamen plaudunt, simul ac nnnmos contemplantur in arca.

Caeterum si res ipsa rite perpendatur, omnibus ad visendum patebunt symptomata, quae paulo ante exposita fuerunt, atque aegris quibusdam aliquando familiaria sunt; ut ut ipsum pulmonis habitum respicere videantur, spasticis causis saepissime tribuenda esse: Haec enim sese a propriis pulmonariorum morborum, & tussis vere hecticae indiciis distinguenda & secernenda reddunt; eo quod abest febris tam hectica, quam inflammata: nec minus eandem rem demonstrat ipsius pulmonis habitus; eo quod vel penitus deest Sputum, vel tenue est, & larga copia fere sponte profluit; & hoc non raro, tusse non antegressâ, quin potius aegritudine,

Pag. 142. l. 21. *Neque tamen violentiora cathartica.*] Alvi subductionem fere semper petunt hypochondriaci, valida tamen purgatio semper nocet. Petunt tamen strenuò, quia alvi exinanitione ordinatim tantum factâ se meliores & alacriores sentiunt.

CAPUT XVII.


De animi affectibus.

Pag. 145. l. 10. *Plus minusve nos movent affectus.*] Animi pathemata, praesertim iracundia, & terror, humorum congestum versus cor, caput, praecordia & viscera abdomine sita, adeo repentinum adeo inimicum efficere valent, ut ea non solum morbos numero fere infinitos, nunc leniores, nunc graviores, sed ipsam mortem subitanam induxisse notissima res est.

Pag. 148. l. 5. *Et hac quidem via venientibus his malis occurritur.*] In hisce morbis curandis oleum & operam perdes, nisi vel sublata vel saltem diminuta sit causa primigenia. seu moestitia, cogitatio, aliudve simile sit, ideoque semper delectandi sunt aegri, praecipue equitatione, venatione, &c.

Pag. ead. l. 7. *Singula sibi convenientia postulant.*] Si enim ex vigiliis assiduus, tristitia, acris studio, aut similibus ortus sit morbus, ad contraria sensim deducendus est aeger, atque ea simul exhibenda sunt remedia, quae humores diluant & resolvant, alvum laxent, somnumque inducant. Denique si ab immodico animi aestu
diu

diu perseverante, & humores inspissante, ortum sit malum, aperientibus blandis, fero lactis vaccini, lacte asinino, aquis mineralibus, balneis tepidis emollientibus, atque aliis ejusmodi, diluendi & emendandi sunt humores, interpositis pro re nata simul salibus nitrosis & subacidis.



C A P U T XVIII.

De morbis mulierum.

S E C T I O I.

Menstruorum suppressio.

Pag. 149. l. ult. *Vultus color vividus in viridem mutatus.*] Hic morbus virgines eo tempore praecipue obsidet, quo ad incrementum perveniat corpus, & plus sanguinis conficiatur, quam ad solum nutritum requiratur.

Cognoscitur adesse ab aetate sexus hanc exonerationem postulante; unâ cum pallore, fibrarum plerumque laxitate, spirandi difficultate, praecipue ad motum, membrorum gravitate & tarditate, dorsi & inguinum dolore, aliisque ejusmodi consimilibus signis.

Friend, celebris ille medicinae professor, sententiam suam de pulsu, qui hunc morbum comitatur, promulgans; illum segnem seu tardum esse pronunciavit, cui rei medici uno quasi ore assenserunt: at eam procul a verâ abesse perpetuo inveni. Ictu autem debili & crebro digitum ferit arteria, quippe putrescant & acres fiunt humores omnes retenti; unde febre
qua-

quadam languidâ afficiuntur hujusmodi foeminae aegrotæ, & cor ob spirituum inopiam ad circuitum licet imbecillem procurandum solito frequentius vires suas exerere cogitur; & hac fortasse ratione inducti, febrem albam seu virginæam veterum nonnulli vocârunt hunc morbum.

Observavit etiam Sanctorius virorum corpora, singulis mensibus, gradu quodam ponderosiora fieri; idque incrementum ad nihilum, & corpus ad statum priorem redire certis temporum intervallis: quod fit, quolibet scilicet mense, vel diarrhoeâ, vel auctâ materiae per cutis meatus expellendæ copia, vel majori urinae profluvio, aliisve similibus exinanitionibus quasi sponte abortis.

Hanc autem exinanitionem in foeminis, per vasa uterina facile aperienda, fieri destinavit natura; tam ob foetus nutrimentum, quam quod harum vasa virilibus debiliora sunt & laxiora; quo circa non tantum major humorum retinetur copia, quin etiam ea ipsa, propter debiliores cordis vires, nisi difficulter aut aegre, circuitum suum per varia vasa conficere non potest; & proinde hac exonerationis consuetudine, quacunque de causa perturbatâ, vel prorsus impeditâ, varios supervenire morbos prorsus necesse est.

Praeterea rebus sic se male habentibus, & muliebri tempore praefinito reversuro, saepe per vias praeternaturales fit sanguinis eruptio, ex quacunque fere corporis parte, maxime

vero è naribus, pulmone, ventriculo, intestinis, viisve urinariis.

Hinc itaque innumeri fere morbi ex hoc fonte profluunt, ita quidem, ut vix detur morbus, qui ex eo emanare nequeat; dum vel obstruatur, vel disrumpatur hoc vel illud corporis viscus.

Pag. 150. l. 3. *Huic malo illa remedia conveniunt.*] Si virgini vel mulieri laxum & pallidum corporis habitum possidentibus, & quibus per aetatem muliebria possent, aliud, quod natura cupiebat, contingat, scilicet, vel ut non omnino erumpant menses, vel parcâ nimis copiâ, aut longo interposito intervallo non satis fluant, vel ex aliâ quacunque causâ (praeter sanguinis inopiam solam ab exinanitionibus largis inductam) supprimuntur, canales clausos referare, & inclusis aperire fugam tentandum est. Hoc optime fit 1^o. solvendo humores crassos aut nimis cohaerentes, & pro re nata eos expurgando. 2^{do}, Laxando vasa obstructa. 3^{tio}. Derivando liquida impetu majori in vasa uterina, & denique totum corpus medicamentis amaris & praesertim chalybeis stimulando & roborando.

Pag. ead. l. 7. *Quae ferrum suppeditat.*] Novi quasdam virgines & mulieres, quibus, partim ex remediorum idoneorum negligentia, partimque ex nimio ferrugineorum usu, vasa uterina adeo adstricta & valde obstructa reddita fue-

fuerunt, ut insolita duritie affecta fuerit haec corporis regio; quarum aliquas ope fotuum emollientium mane, & eorundem, unâ cum cataplasmatibus, vesperi, nec non & exhibendo interna saponacea Cinnabere & Emenagogis conjuncta; in statum muliebrium naturalem reduxi. His insuper per reliquum diei convenit, abdomen pannis laneis, vel emplastro ex Theriaca Andromachi probe tectum servare.

Priusquam autem dictis his, de sanguine menstruo, nunc aliquatenus retento, nunc penitus suppresso, quae res virginibus prae caeteris accidunt, finem imponere aequum sit; liceat mihi, hocce monitum solummodo subjungere: nempe quibus senectutis adventus cursui menstruo ex toto attulit finem, his, singulis annis per paucos, bis terve sanguinem detrahere oportet; aliter in morbos graves incidere solent.

Sanguinis autem detrahendi quantitas & repetitio determinari debent, non solum ab habitu corporis plus vel minus pleno; sed à copia & frequentia sanguinis singulis mensibus jampridem emissi; quippe calida & acri humorum constitutione urgente, nulla interea accedente Plethora, saepe nimis emittitur: proinde etiamsi considerationem primam semper mereatur copia excreta, tamen ad salvam hujusmodi fluxus quantitatem aestimandam & stabiliendam, certa & unica regula ab ejus copia sola profecto non est petenda.

Pag. 150. l. 8. *Antecedere debet sanguinis detra-*

tractio.] Appropinquante plena Luna vel nova, sanguis ex Saphaena mitti debet; his enim temporibus prae caeteris se patefacere solent menses. Interim nullo modo mane & vesperi negligendae sunt crurum, pedum, & abdominis fricationes; cui negotio plurimum proficere & valere possunt panni lanei calidi fatis fortiter admovendi; simulque idoneae corporis exercitationes, (praesertim equitatio) pro virium ratione adhibendae sunt.

Sin autem his non cedat malum, vix aliud ad menses ciendos magis conducet, quam balnea tepida ad lumbos porrigentia, interpositis subinde catharticis attenuantibus, adjuncta simul prius Mercurii dulcis sexies sublimati parva portione, quam Emenagoga dicta assumenda sunt.

Ad hunc finem etiam in diuturnis & obstinatis obstructionibus conducunt fonticuli in femoribus; quippe tum humores deorsum derivant, tum plethoram minuendo, mala inde futura gradu aliquo praecavent.

Neque id praetermitti debet, quantum ad felicem exitum adducendum praestent Emplastra leniter stimulantia & attenuantia, quae abdomini imponi debent.

Si vero in aliquo morbi tempore & statu, propter impetum sanguinis auctum, & vasa uterina obstructa ac contumaciter resistentia, supervenerint dolores laterum, capitis &c. praeter eos, qui menstruos cursus confestim erupturos denunciant; ut sunt Dorsi, Inguinum,
Pu-

Pubis, & similibus cruciatus; mittendus est sanguis vel ex brachii venis, venis, vel ex vena Saphaena, maxime autem ex ea, quam proximè nominavi, prout res postulat.

Si vero immanes dolores has partes obsiderent, ad hos levandos ex brachio imprimis mitti sanguis debet; ne simplex obstructio ex humorum nimio impetu in veram inflammationem convertatur. His demum sedatis & interposito die uno vel altero, menstruis non erumpentibus, incidenda est saphaena.

Hoc vero non faciendum, nisi cogente necessitate, hi enim dolores mensium eruptionem praecedere solent; & proinde fomento humido & calido, vel hujusmodi balneo, sine sanguinis missione, optime ut plurimum lavari possint.

Si vero foeminae, penes quam plenus & sanguineus est habitus, ex frigore contracto, aliâve simili causâ contigerit subita mensium retentio, nec non & urgentibus symptomatibus aggrediens; qualia sunt Cephalaea, Pleuritis, Convulsiones, &c. unâ cum signis quae febrem vel comitantem, vel brevi adfuturam indicent. Curandus dein est morbus pro ratione symptomatum, quae tum temporis adsint, plerumque vero larga copiâ, scilicet ad uncias decem vel duodecim e brachio seu saphaena, detrahendus est sanguis; & exhibenda sunt nitrosa Borace Veneto, & pauco Castoreo, aliove simili attenuante & parum calefaciente medicamento conjuncta; & dein impetratis induciis à symptomatibus

tibus multa ac metuenda minantibus, fomentis idoneis, balneis, & missione sanguinis, ex venis inferioribus, profligandus est morbus.

Hoc autem casu non simpliciter considerandus est morbus, ut ordinaria mensium obstructio; sed ut febris inde proveniens, & ideo pro ejus more & natura, tractanda; habita semper ratione ad causam primigeniam. Quamobrem si non obstante sanguinis detractio, gravia adhuc urgeant symptomata; pro re nata repeti debet haec exinanitio.

Si vero ex minima frigoris, sub dio licet tolerantia; vel virgini, vel foeminae hecticæ & imbecilli; de cutis ficcitate, de palmarum manus aut plantarum pedum calore acri, maxime post prandium, aut in lecto, conquerentibus, subito fieret menstruorum suppressio; hoc casu, detracto imprimis sanguine ex saphaena ad uncias quatuor vel sex, moderanda est stimulantium & emenagogorum portio pro gradu acrimoniae & caloris; ita quidem, ut si parva adfuerit febris, vix aestimanda est; erumpentibus enim mensibus sponte cessabit: sin autem magna, ex toto omittere convenit calida emenagoga & Chalybeia medicamenta, usque eo dum domari possit calor hecticus.

Ad hanc rem pertinet etiam observare, quod hujusmodi foeminae imbecilles & hecticæ medicamenta, quibus ferrum insit, licet male tolerantes, Aquis Chalybeis tamen saepe multum levantur; atque eorum usum per longum tempus
bene

bene ferunt, quippe tum humores diluunt, & attemperant, tum corpus corroborant.

SECTION II.

Immodicus mensium fluxus.

Pag. 150. l. ult. *Non raro nimis magna copia fluunt menses.*] Cognoscitur hic morbus praecipue narratione aegrotae, quae haec symptomata plerumque comitantia habet, qualia sunt pallor cum calore, sanguis licet venae sectione detractus, rutilus, vividus, minus aequo cohaerens, pulsus frequens, debilis, dolor dorsi & lumborum fere perpetuus, mensibus autem mox erupturis magnopere exacerbatus, membrorum impotentia, praecipue genuum & lumborum, lei-
pothymiae, aut saltem spirituum languor & defectus frequens.

Pag. 151. l. 3. *Cum ea, quae sanguinem co-
gunt & inspissant; tum quae fervorem ejus mi-
nuunt.*] Hinc patet, quod etiam si theoretice in plurimas classes distingui possit immodicus mensium fluxus; quoad praxim autem, revera referri debet tantum in duas: scilicet, ratione caliditatis, quae hecticam ponit intemperiem; vel tenuitatis; ex humoris aquosi frigidi abundantia, quae aegrotam ad hydropem pronam indicet. Nimius enim sanguinis fluxus fibras nimis laxas vasaque uterina nimis hiantia & aperta semper relinquet. Id.

Ideo in prima humorum constitutione, detracto è brachio, paucò sanguine, exhibere convenit remedia, quae humores acres emendant, & obtundunt; interpositis pro re nata inspissantibus & astringentibus; una cum diaeta levissimâ, demulcente, & sanguinis aestum refrigerante. Decoctum etiam Corticis Peruviani, Elixire Vitrioli conjunctum in hoc casu saepe multum prodest.

Hic autem omnino distinguere debet medicus inter mensium fluxum naturali majorem, debitis temporibus & intervallis solum occurrentem, & eum; qui ingenti copia, & perpetuâ ejus fere praesentiâ vires insigniter debilitat.

Prior curatione praedictâ, usuque balnei frigidi, ut primùm occasio data sit, plerumque sanatur.

Posterior autem valentiora petit remedia. Ideoque si detur fluxus nimius, ingens, & assiduus; exhiberi debent astringentia, qualia praecipua sunt Alumen, Terra Japonica, Crocus Martis Astringens, Sanguis Draconis, aliaque innumera in Pharmacopoeis promulgata.

Interea abdomini inferiori & pudendis applicentur spongiae, vel Panni lintei, Epithemate, ex aceto destillato & Alumine communi, confecto imbuti; cavendo simul, ut per vices citò successivas frigidissimi imponantur.

Haec medendi ratio convenit tam mulieribus quam virginibus. Frustra enim virginibus medicamenta injectu administranda proponimus,

nun-

nunquam enim auscultabunt: & revera mulieres, nisi summa urgente necessitate, talia immittenda non finent.

Praeterea si nimis fluant menses, cucurbitulas ingentes simplices mammis apponito, inquit Hippocrates, quod rationi valde congruum est; forti enim ab utero derivandi vi pollent mammae, ut in mulieribus lactantibus facile videre est; quibus, nisi valde sint plethoricae, vel ingenti acrimoniâ inquinati sunt humores, raro fluunt menses.

Secunda species feri sanguinis abundantiam nimiam ponens, oritur ut plurimum a globulis sanguineis non satis valide cum fero agitat; unde lente putrescunt humores, laxantur fibrae, & debiles fiunt; per saepe simul obstruuntur quaedam vasa & viscera, dum ruptis aliis variae fiunt haemorrhagiae; ut ictericis, hydropticis, scorbuticis, & hypochondriacis frequenter accidisse compertum fuit.

Haemorrhagiae autem uterinae hinc productae, eodem fere modo quo priores sanantur, nisi quod astringentia paulo calidiora hic ex usu sunt: & si his non cedat malum, tum profecto tutissimae & utilissimae mixturae ex astringentibus praedictis petendae; & dein accommodae syringis ope injiciendae sunt.



S E C T I O I I I .

Fluores albi mulierum.

Pag. 151. l. 15. *Foedus morbus est tetra ista colluvies.*] Foedus hic morbus tam virgines quam mulieres occupat, maxime autem eas, quae morbis diuturnis debilitatae fuerunt. Hunc morbum comitatur mucosa materia e vaginae glandulis excreta aut profluens, cui ut plurimum se conjungit dolor dorsi & lumborum.

Pag. ead. l. 16. *Quae colore albo.*] In cachecticis autem haec colluvies non prorsus alba est, sed flavescit, & haud raro viridem colorem etiam induit, adeoque acris nonnunquam fieri solet, ut vicina corrodat, inflammet & dysuriam inferat.

Pag. ead. l. antepen. *Habitus praecipue habenda est ratio.*] An scilicet hecticis corporis habitu & acrimoniâ congeneri laboret aegrotâ, vel an adeo pinguis & flaccidae sit temperationis & naturae, ut fibrarum laxitati, & humorum crassitudini potius tribuendum sit malum.

Pag. 152. l. 3. *Vomitum igitur plerumque primo ciere oportet.*] Si nil obstet, alternis septimanis repetendum est emeticum, saepe etiam, si ingens sit fluxus, & in singulis id fieri con-

ve-

venit, denique pro certo habendum est, omnes hujusmodi aegras aquâ frigidâ & praesertim mari sese immergere, atque aquas acidulas chalybeas dictas pro potu assatim bibere debere.

Pag. 152. l. 19. *Aut aquam aluminosam Bateanam aut, &c.*] Irritis his omnibus, mulieres aliquas emeticis, & misturis balsamicis injectis, & ad hunc modum praescriptis sanavi.

℞. Terebinth. Venet. ℥ss. Vitell. Ov. recent. No. 1. conterantur simul f. a. in mortario, dein add. Aq. Calcis simplic. vel Aq. Aluminos. Batean. vel Aq. Ferrar. ℔j. f. Mistura, cujus cochlearia quaedam ter quaterve de die in diem ope Syringis idoneae in Vaginam immitenda sunt.

Hoc loco aliud etiam monitum subungere non alienum fore puto: nempe quod in curatione fluoris albi, licet moestas dolentesque extremis medullis querelas proferant hujusmodi aegrotae, vitandum est de industria opium; neque ullo modo adhibenda sunt ejus generis remedia, nisi nimis dura doloris saevities, aliis vinci nescia, opii usum reddunt omnino necessarium.

Anodyna enim ex opio confecta, proprias vires, quibus ad sese constringendas & contrahendas à natura praeditae sunt fibrae, & quibus denuo excitandis inservirent auxilia praedicta, maxima ex parte destruunt; totamque meden-

di rationem revellendi disciplina fundatam incassum reddunt.

S E C T I O I V.

De morbo hysterico.

Pag. 153. l. 4. *Haec puellarum, nuptarum, viduarumque communis est.*] Affectio hysterica morbo hypochondriaco valde affinis est, plurima cum eo symptomata communia habet; easdem fere causas similemque medendi rationem agnoscit. Differentia equidem inter haec mala, qualis sit, potius sexus constitutioni & fabricae, quam morbi naturae & generi attribuenda videtur.

Foeminas enim, quae otium segne aut desidiam lautam coluerunt, prae caeteris invadit haec affectio; & cum a dapibus opimis, aut victu pleno simul orta sit; nunc acrimoniam, nunc crassitudinem inertem, nunc summam pravitatem ex ambobus genitam, humoribus inducens; ventriculum, digestionem, concoctionem, & secretionem omnes perturbat, fibras vellicat, dolores, tremores & motus convulsos cujuscunque fere generis in medium affert.

Morbi interea fomes nunc in primis viis; nunc visceribus stagnando & putrefaciendo, vasa & viscera distendit, vicina comprimit; & vel in corporis receptaculis coacervatur, vel
exci-

excitato, à vi sua stimulante, aestu intestino, tandem quasi factâ crisi, per varios corporis meatus, pro varia partis fabrica, foras expellitur; atque vomitus biliosos, porraceos, diarrhoeas virides, tormina, & infinita alia producit: aut denique nervorum actiones turbando, imaginationibus absurdis & ridiculis, vel phantasiis horrendiis, & terroribus molestissimis sexum amabilem vexat.

Ex praemissa hujus morbi descriptione, haud quisquam a vero aberrabit; qui propriam & particularem humorum acrimoniam eorundem crassitudine quadem & fibrarum laxitate conjunctam, inter primas ejus causas numerandam judicabit.

Talem autem corporis habitum indicant pulsus frequens & debilis, calore & siti comitatus; unâ cum vultus pallore & laxa fibrarum compage, aliisque ejusmodi signis antea passim recensitis.

Expositis hujus affectionis causis & signis, animadvertere liceat; quod in hujus curatione; parce omnino procedendum est ratione medicamentorum, quae attenuandi & incidendi vim habeant; aut quae sanguinem multum exagitare & incallescere solent; qualia sunt quamplurima antihysterica dicta; haec ipsa autem demulcentibus & humectantibus sociata, inter quae lac asininum primum locum tenet, concordi & quasi unanimo nisu aptissima praebebunt auxilia.

Postremo id nequaquam praetermittendum, est, quod simul ac morbus his modis se quies-

cat; ea remedia dein exhibenda sunt, quae calorem corporis haud ultra aequum augendo, ejus fibras etiam interea roborare valeant. Cortex Peruvianus, Radix Quassii vel simpliciter vel conjunctim, adjecta Chalybis perparva portione, aliis omnibus ut plurimum palmam praeripient,

Pag. 153. l. 5. *Et si non magnum periculum.*] Pulsus in affectione hysterica, eandem fere, ac in morbo hypochondriaco, rationem servat; in diversum enim a statu naturali vix abducitur, nisi in causa sint importunus dolor, spirandi operosus labor, aut similia; quae functiones vitales & animales misere turbent.

In his ipsis autem doloribus & angustis longe minus inde mutatur pulsus, quam quod ex symptomatibus expectandum est; si medico per haec tantummodo judicium facere licitum esset.

Quamplurimas enim foeminas videre fors mihi sortem objecit, quae hoc morbo laborantes, & conquerentes de constricto faucium strangu latu, pro musculorum spasmis commeante, misere sese plorare: attamen cum iis deessent febris, tumoris & inflammationis signa, inter hanc affectionem & veram anginam dijudicare haud ardua res foret.

Conqueruntur etiam aliae ex hujusmodi agrotis, de respiratione difficili, anghela, fere ad suffocationem usque: haec autem a pulmonis gravitate, quae ex vasorum inflammatione, aut humo-

humorum coacervatione opprimente orta sit, profecto satis distingui queat; eo quod in utrumque latus, sine tussis augmento in paroxysmorum intervallis, pari facilitate decumbunt tales aegrotae; nisi in quantum ad dormiendi habitum pertineat: haec consuetudo autem, paucis noctibus, lateri minus assueto aequae ac alteri familiaris fit; dum posterioribus morborum in latus sanum decumbentibus, perpetuo increfcit malum, utcunque diu id superare contendant.

Hystericae etiam foeminae, nec non & viri hypochondriaci, opio parva tantum copia exhibito, a Dyspnoea non parum levantur; dum posteriores ab exigua portione molestias mox ingravescentes sentiunt.

In his tamen morbis, ubi pulmo, partesque contiguae vinciri & constringi videantur, semper ad veram Phthisin praecavendam satis opportuno tempore spectare, aegrosque medicamentis lenioribus & magis humidis tractare, debet medicus: eo quod a fibris frequenter constrictis perturbatur sanguinis circuitus, & gradu quodam sistitur; ita quidem ut vasa humoribus farcta reddi, & obstructiones periculosissimas nasci non raro compertum fuit.

Hoc autem loco passim annotare non alienum erit, quod quamplurimae foeminae hystericae mihi obviam venerint, quae quamlibet opii particulam strenuo refugere solebant, licet iis, ex usu haud parvo, esset hoc remedium; quo casu fallendae sunt.

His igitur, quoties opus fuerit, anodyna an-

ti hystericiis conjuncta perquam modice exhibenda sunt. Proinde ut id, quod vellem, consequar, ejus generis remedia adeo certe horis quibusdam, antequam se in lectum reciperent hujusmodi aegrae, assumenda curavi; ut se quiddam opii devorasse, ne minima iis infideret suspicio.

Interea multis exemplis constat quantacunque prudentia exhibeatur opium, id genus remedii quibusdam foeminis nullo modo conciliaffe somnum; iisque prae caeteris, quibus sunt animi, qui ad irregulares & tumultuosos musculorum motus excitandos facillime aguntur.

His autem, adhibita praediecta cautione, ipsum opium non raro dedi, summo cum ipfarum bono. Praestat autem Diacodion dictum imprimis praescribere; hoc vero non ex voto respondente, opium parca copia addendum est; sin vero hoc modo assumpta noceant Anodyna, prorsus repudianda sunt; & lenibus & demulcentibus, aëre libero & sereno, cum levi defatigatione (modo finit aegrae status) inducendus est somnus.

Conqueruntur similiter hujusmodi aegrotae de dolore quodam nunc oneroso, nunc magis acri & acuto, totum caput aut tempora occupante, quasi clavus ibidem esset infixus: nunc de dolore, quasi frigore glaciali occiput, aut capitis verticem obsidente, praesertim cum lenissime vellicentur capilli, vel retrorsum tantum moveantur: nunc, & non raro, de crudeli temporum pulsatione cum strepitu murmurantis aquae,

aquae, aliisque innumeris; quae in hujusmodi aegris ejusdem sunt generis; & absentibus febris & symptomatum indiciis quae caput specialiter & primo affici ostendunt, a gravibus & acutis ipsius capitis morbis dignoscenda sunt.

Pari modo, de caeteris hujus morbi symptomatibus speciosis habendum est examen; ea scilicet diligenter comparando cum propriis morbi simulati signis: vix enim ullum datur morbi genus, cujus formam non induit affectio haec hysterica, malorum & morborum pessimorum nec stulta nec ignava imitatrix.

Pag. 153. l. 10. *Ubi incidit in eam mulier.*] Sanatio generalis hujus affectionis, ut mihi videtur, in paroxysmis, nullis regulis satis indicari potest, quippe cum symptomatum diversitate, diversa medendi ratio necessario proseguenda est.

Interea certissima constat experientiâ, ipsa symptomata numero esse fere infinita, ideoque infiniti fere requirerentur labores & distinctiones. In hujusmodi igitur paroxysmis medicus suum sat fecerit officium, si non tam morbi sanationis, quam malorum urgentium leniminis, revera se fategerit.

Verum enimvero ut morbi curatio interea recte instituenda sit, regulas subsequentes mihi semper bene cessisse comperi.

Si adsint dolores immanes, vel nervorum distractiones morbo comitiali maxime similes, praesertim si iis antea non prona aut proclivis fue-

rit aegrotā; semper mittendus est sanguis pro gradu mali & viribus aegrae, minori tamen copia, quam in aliis morbis, iisdem symptomatibus comitatis, nisi a praegressis nimis exinanitionibus oriantur, tunc enim refocillandae sunt vires, & anodynīs cardiacis, antihysterics, aliisque causae adversis tractandus est morbus.

Sin autem post idoneas, in primo casu, exinanitiones factas non remittant spasmi; carpis & cruribus, partibus scilicet a mali fonte remotis, applicanda sunt vesicatoria, ut alio derivetur irritatio; his vero incassum peractis, ipsi parti admoveantur.

In paroxysmis, diarrhoea, vomitu, aut dolore intestinorum comitatis, iterato haustu demulcentium & humectantium, vel clysteribus ex iisdem, pro mali indole & gradu repetendis; diluendi & expurgandi sunt humores; & dein dato anodyno cardiaco, conciliandus est somnus.

Si vero in his auxilii parum est, experiri oportet, si fotu anodyno, aromatico, adjecto spiritus vini pauillo, vel cataplasmate simili, (demulcentibus anodynīs simul interne sumptis) potuerit quies symptomatibus & parti dolenti impertiri, necne? Finito autem paroxysmo, medicamentis, principi morbo adversis, curanda est huiusmodi affectio hysterica; habita semper ratione tam ad viscera roboranda, quam ad debitam recrudescentis materiae lenem expulsionem; ne vel a subitanea
nimis

nimis exinanitione, vel acris materiae retentione, novus excitetur paroxysmus.

Pag. 153. l. 10. *Si satis virium est.*] In omnibus affectionis hystericae speciebus, eâ solâ exceptâ, quae a subita vasorum expletione orta sit, exinanitiones largae, vel repente, vel acri stimulo productae, fugiendae sunt, etiam & in hac specie, nisi ex suppressis, quae prius largè excernendae debuerunt, recens fiat foeminae morbus, aegraque dolore ingenti, nervosis distentionibus, aliisque affectionibus spasmodicis correpta sit.

SECTION V.

De partu difficili.

Pag. 154. l. 5. *Mulieribus difficulter parientibus.*] Plurima dantur partus impedimenta, tam ratione mulieris, quam infantis; horum praecipua, quae matri competunt, sunt 1°. virium defectio. 2°. Internum os uteri nimis durum & angustum, quod linimentis laxantibus scilicet unguento *altheae*, &c. compositis, subveniendum est. 3°. Tumor in vagina natus, cui arte chirurgicâ pro variâ ejus specie opitulandum est. 4°. Labia coalescentia, quae, si cognita ante partum, discindenda & sananda arte chirurgica, sin minus, similiter
jam

jam tractanda est. 5°. Ossium nimis stric-
ta compages, cui manu chirurgi, & linimen-
tis mollibus succurratur. Cum autem prima
species medico praecipue incumbat, de ea pau-
ca hoc loco dicenda sunt. Vires ideoque pa-
rientis excitandae sunt cardiacis uterinis dictis
pro ratione debilitatis urgentis, interpositâ in-
ter suam cujusque vicem, horâ unâ vel alterâ,
ut inde cognoscatur, quod ex prior^o remedio
expectare debemus. Etenim illud & semper &
ubique servandum est, ut hujusmodi medica-
menta neque frequentius quam par sit, exhi-
beantur, ne finito partu ingens sequeretur pro-
fluvium, neque prius quam foetus expulsio in
promptu sit, aliter nihil efficiendo, nisi nimium
sanguinis fluxum post partum inducendo, pes-
sime sui ipsius famae & existimationi & partu-
rientis saluti consulat medicus.

Pag. 154. l. 15. *Cum irritis conatibus.*] Dum
inani matris conatu partum plus justo accelerant
obstetrices ignarae, accidisse nonnunquam no-
vi, ut cum immineat ipse partus, defecerunt
omnino vires.

His vero re ipsa deficientibus, haec praeci-
pua sunt, de quibus quam diligentissime ab ob-
stetrice se certum facere debet medicus: scili-
cet, quot horis, modo in partu fuerit mulier,
an mater antea bonus vigor, an dolores antea
acuti & validi fuere & jam prorsus cessaverint,
& quamdiu? An uterus apertus, an aqua ef-
fluxerit, an in ore uteri positus sit infans, an
frons

frons ad os corcygis versus? Quae omnia si ita sint, promovendus est partus medicamentis cardiacis, anodynis debita copia sociatis.

Neque tamen ex solo vitio matris, quin etiam infantis impeditur partus; praecipue vel per situm ejus non naturalem, quo casu per pedes maxime educendus est; propter ejus statum immobilem, formamve monstrosam, hydropicam, aliamve naturae contrarietatem, de quibus videantur Mauriceau & Deventer; vel tandem ob ejus mortem.

Signa autem foetus mortui haec sunt; si instar ponderis ingentis premat, si arteriae umbilicales prope ejus corpus non pulsant, si mulier laboret tenesmo, syncope, horrore, halitu graveolente, & vultus colore livido; si, dein elapsis aquis, nondum peperit; si saniosa & foetida ab utero defluant, si epidermis cutis prompte a foetus cute secedat, tum etiam si cutis ejus flaccida & facile separanda reperiat. Horum autem quaedam ex primis signis foetum mortuum at adhuc incorruptum ut plurimum denunciant; quaedam vero ex iis quae deinde recensui, eum jam corruptum esse indicant.

Nulla autem ad foetum mortuum extrahendum mora facienda est. Hoc fit operatione manuali, vel medicamentis emenagogis dictis. Prior curandi modus anteferendus est, posterior sine periculo vix fieri potest.

C A P U T X I X .

De morbis venereis.

Pag. 155. l. 19. *Humoris mucosi destillatio.*]
 Profluvium hoc indecorum ac debilitans diu durare, summasque medicorum ac chirurgorum artes viresque eludere ac contemnere notissima res est: & nil mirum, cum glandularum Cowperianarum, prostratarum, & vesicularum feminalium sphincteribus laesis aut erosis, humoribus inde effluxuris quaquaversum panduntur portae.

Hoc opprobrio autem non obstante, operae pretium semper erit; liquoris excreti indolem & naturam probe examinare; priusquam vel auctoris medicamentum efficacissimum dictum, vel remedia balsamica astringentia, quibusdum aliis scriptoribus adeo decantata, in usum vocanda sint; quippe post validissima cathartica, imo post longam salivae proritationem peractam; virus venereum in hoc profluvio adhuc latere, saepissime novi; cui, incongruis his artificijs, nunc aliquo modo cohibito, & intro suscepto, pessima mala denuo excitandi, novaeque tragoedias exhibendi, ampla & haud aequa data fuerat potestas.

Aliquid hujusmodi indolis huic fluxui adesse, suspicari semper fas erit, si quando humor, qui
 ex

ex genitalibus destillaverit, nec pellucidus, nec recentis ovi albumen referens, sed e contrario flavescens, viridescens, saniosa, foetens, nunc dysuria, nunc membrorum partiumque contiguarum doloribus, nunc inflammationibus, ro-
sionibus & exulcerationibus comitatus exierit. Hanc autem querelam gemitu commistam, indubio equidem jure, edat hujusmodi aegrotus, „ Pol me occidistis amici, non servastis.” cui sic reservata lues, & demptus impurus per nociva pharmaca fluxus.

Pag. 155. l. 21. *Tam ex vesiculis seminalibus quam ex glandulis prostratis.*] Illud autem hoc loco animadvertere ex usu erit, quod hoc malum non solum partibus hisce sedem habeat, sed inquisitione rite institutâ compertum fuit, profluvium hocce urethrae aut vaginae glandulis, prope fraenum in illâ, aut collum in hâc, fitis & ulceratis, multo saepius, quam vulgaris fert opinio, deberi; ideoque cum res sic se habere pateat, quis non videat istam medendi rationem, quam medicis, chirurgisque adeo commendavit auctor, non solum sine ullo levâmine posse exhibendam, utpote huic proposito omnino imparem, quin quod pejus est, necesse esse, ut progressu temporis exinde consequantur effectus prorsus exitiales. Huic malo cum spe felici sanationis integrae occurrendum solummodo est medicamentis hydrargyri vires possidentibus, nunc balsamicis, nunc detergenti-

tibus, fociatis, & in urethram aut vaginam injiciendis; interdum & externe partis affectae ambitum iisdem fricare, quantum fieri queat, magnopere convenit. Dum haec fiunt, victu tenui, caeterisque remediis luis venereae sanationi specialiter inservientibus, simul sedulò perseverandum est.

Pag. 156. l. 29. *Pustulae per corpus.*] Ulcera enim venerea sunt ut plurimum in initio superficialia, & in membranâ adiposâ tantum sita. Ablatâ quippe squamâ à tali pustulâ statim fundus se cinerei coloris visui offert, parum profundus, inaequalis, & fungosus mucum pinguem, subflavescentem aut subviridifcentem stillans.



C A P U T X X .

*De morbis , qui aliis superveniunt ,
aut in alios mutantur.*

Pag. 158. l. 21. *Capitis & ventriculi consensus.*] Ut dolor capitis vomitum non raro ciet, ita ventriculus male se habens, sive a flatibus, sive ab acribus humoribus, imo & jejuni-
nio, diuturnam saepe cepheam excitare solet. Interea notatu dignum est, licet hoc, saepe sic se habere inveniatur, ventriculi ipsius tamen male affecti non est signum certum & definitum.

Pag. 159. l. 7. *Συμπελας instrumenta sunt.*] Tristissima hujus veritatis exempla prae-
buerunt globi ictus ex sclopeto expulsi, & plurium animalium morsus venenati; at instar omnium morsus canis rabidi, ubi a vulnere admodum levi inflicto, summâ licet peritiâ curato, & demum fanato, nunc ocysus, nunc ferius, horrenda plane mala supervenisse, nemo est, qui ignorat.

Pari etiam ratione patet, quod si circa ganglionem haereat acre aliquod malum, omnes rami inde nati, & forsan multi alii convelluntur, & hoc quam citissime. Si vero Ramulus

P

tan-

tantum singularis afficiatur, more aurae frigidae, secundum nervi progressum, ad ganglionem tendit iste ipse de hac re sensus, & statim omnes muscoli, qui ad eum pertineant, se convulsos exhibent; & dein ab horum spasmodis, irritata stirpe nervosa, per totum corpus diffunditur malum, & hoc tam celeriter, ut vix nisi ex aegri ore cognoscendum potuerit.

Pag. 159. l. 12. *Partium autem vicinia.*] Quocirca in gravi ophthalmia licet unus tantum oculus afficiatur, convenit ambos obtenebrare, motus enim sani dolentem turbat. Similiter ex anatomicis scriptoribus patet arterias phrenicas multos ramos ad hepar dimittere, unde inflammato hepate laborat diaphragma, cui nisi cito succurratur, cito fit paraphrenitis; & vice versa diaphragmate inflammato, aut spasmodis graviter affecto, hepatis morbos modo acutos, modo longos supervenire satis notum est.

Pag. ead. l. 21. *Qui aliis superveniunt, aut in alios mutantur.*] Huc spectat materies purulenta, biliosa, acris, melancholica ab Hepate, Pancreate, vel Liene in alias partes expulsa; quae dolores, inflammationes, diarrhoeas, dysenterias inducendo, varios morbos excitat.

Interea nec id praeterire oportet, quod vix ullae in tota arte medendi majores difficultates sese medico obviam praebuerint, quam quae nonnunquam aut symptomatibus, per vices omnino inexpectatas, in alia & diversa quidem mu-

mutatis, tribuendae sunt, aut quae nonnunquam a morborum metamorphosi, quasi novas species atque formas prae se ferentium, ortum suum habuerunt.

Horum unum aut alterum exemplum hoc loco memorasse non alienum erit. In mali moris variolis, quae perpetuis vigiliis, delirio, aliisque ejusmodi symptomatibus comitatae erant; si post idoneas exinanitiones, quae ad haec mala allevanda necessario institutae fuerant, placide & diu dormiat aegrotus, tandemque expergiscens ad se redeat; res in vado poni videtur: at acutissimi hic opus est judicii; etenim, si aeger ille per plures horas placido somno fruens, & demum, vigil ad somnolentiam videatur proclivis, simulque largi, licet calidi adfuerint sudores; talis symptomatum mutatio, ut ut fausti ominis spes alat, admodum anceps est & lubrica; eo quod hujusmodi aeger, nisi jusculis idoneis, temperatis cardiacis, aut, si opus sit, & fortioribus stimulantibus, atque impositis vesicatoriis, illico succurratur, circa tempus abscessus persaepe autem citius, morietur.

Porro nec minus falli viros quosdam, medicamentariorum potius quam medicorum nomine dignos, mihi vidisse contigit: qui sub pleuritidis vigore crediderant morbum leniri, quia lenior evasit dolor; fiebat autem interea malum priori pejus: utpote pleuritis nunc in peripneumoniam transierat: quae per signa sibi propria cognoscatur; qualia sunt respiratio frequens & difficilis, thoracis gravitas anxia, pulsus mol-

lis, creber, & debilis cum genis rubentibus; quae omnia sanguinem in pulmone sisti clare docent.

Pari etiam ratione, si quando symptomata testentur morbi cujusdam inflammati causam materiale[m] se in fauces transtulisse posse, nullo tumore externo apparente, nullisque interea praesentibus signis suppurationis benignae in his aut vicinis locis brevi futurae; anginam periculosissimam & plerumque lethalem instare; periti est medici officium, sine mora, pro certo annuntiare.

Pag. 159. l. 27. *Liberationem morbi promittunt.*] Similiter jecinore & ejus vesicâ seu bile nimiâ oneratis, seu alia ratione modoque obstructis, lien fit tumidus & hebes; restituto autem fortè fortuna humorum fluxu, obtuse dolet. Bonum itaque hoc ictericis signum praecipue iis specie inflammata laborantibus. Neque alio modo evenit in phrenitide, ubi stupor, gravitas, vel dolor in brachiis repentinò orti, materiam fluxam reddi, eamque ad cor per venas ferri indicant, & proinde felicem mali terminationem praesagiunt.



C O N C L U S I O.

De vitae regimine.

Pag. 162. l. 20. *Sensim igitur quaecunque mutationes faciendae sunt.*] Hanc regulam perpetuo in honore & memoria servare debet medicus, & praesertim quando ex apta medendi ratione institutâ, pateat remedia sensim & lente actura, alterantia dicta, in usum necessario vocanda esse. His enim in exhibendis nunquam non devitanda est festinatio, quippe summâ cum curâ, diligentiaque ad singularem humorum crasin habendus est respectus, & ad contrariam sensim & quasi furtim deducendus est aeger; nam quemquem suo modulo metiri oportet, & officio suo turpissimè deesset, iste medicus, qui hujusmodi morbidis, nisi cautè & gradatim, medicamenta directò specialia exhibere auderet.

Pag. ead. l. penult. *Commodissima est equitatio.*] Super insigni autem hac medendi ratione, illud porro monendum habeo; persaepe errasse medicos, perpetuam fere per mare per terras peregrinationem aegris, praesertim phthisicis, indiscriminatim imperando.

Hujusmodi enim exercitationes eo tantum valent, quo fibris corporis concussis, ita roboretur ejus habitus; vel ut congesta quaedam one-


rosa excutiantur, & expurgentur; vel ut excernenda omnia eum fervent modum, quem ultra, citraque nequit consistere vera sanitas.

Ubicunque igitur acrimonia calida & putris humoribus inhaereat, atque correctioni & emendationi inprimis sese obviam offert, noxiae ut plurimum sunt pleraeque ex propositis hisce equitationibus & exercitationibus, ut ut laudatis; praesertim eae, quae aut corpus fatigent, aut ejus calorem adaugeant. Cum autem dura haec rerum & humorum conditio, prae caeteris omnibus aegris, phthificos premit, medico perattenta cautio esset, ne hujusmodi morbidis quaelibet data sit occasio, quae, se specie recti deceptos, plus plusque in dies, in immedicabile malum inducat.

Pag. 163. l. 8. *Verriculis.*] Cum de rebus ipsis a nostro auctore traditis, non de verbis sollicitus fui, sat admodum habeo, si de *verriculo* admoneam tantum, hoc vocabulum apud bonos Latinitatis scriptores nusquam eo in usu fuisse, quo ei hic tributum est. Sensus sane vocem quandam, qualis est scopula in *verriculi* locum substituendum postulare videtur. Quibuscunque autem aegris talis adsit infirma valetudo, quâ idoneae exercitationes fieri nequeant, illud insuper scire oportet, quod caeteris succedaneis longe praestantius & tutius remedium aut praesidium in parcâ semper, ac pro rei ratione nonnunquam curtâ victus copia habendum est.

Pag. 163. l. 23. *Aliquid tamen consuetudini dandum est.*] In alimentis enim exhibendis bene perpendendus est ventriculi & primarum viarum status, eaque licet minus efficacia, prae caeteris eligenda sunt, quae iis minime repugnent, exempli gratiâ, si mulier gulae dedita, dapiumque appetens, caenaeque desurgere dubiâ gaudens, se iteratis doloris colici paroxysmis obnoxiam reddiderit, non statim hujusmodi aegrotae, acrimoniâ humorum calidâ haud raro & putri simul laboranti; cibis atque potibus maxime refrigerantibus aut succo limonum, vel acidis fortioribus admistis aggredienda est curatio, acriter etenim dolebit ventriculus; sed blandis & insulsis, lacte asinino, & similibus, cum pauco aromate sociatis tractanda est; nec non & aquas Bathonienses pro varia ventriculi constitutione exhibere, ex indubio & incolumi usu erit; denique ex his sensim ad magis refrigerantia progrediendum est. Neutiquam autem haec cautio neglectui est medico, ne novo & insanabili ut plurimum morbo exinde oborto, ipse tanquam magni hujus mali aut forsan ipsius mortis citò futurae opifer, non caecis & vitiosis, ut promiscue & communiter fieri solet, sed perspicacibus & verissimis vicinorum suffragiis damnatus, tota vituperabitur urbe.

F I N I S.



MEDICA SACRA:
SIVE, DE
MORBIS
INSIGNIORIBUS,
QUI IN
BIBLIIS
MEMORANTUR,
COMMENTARIUS.

AUCTORE

RICHARDO MEAD,

*Colleg. Medicor. Londin. & Edinburg. Socio,
Reg. Societat. Sodali, & Medico Regio.*

Editio nova Correctior.



LUGDUNI BATAVORUM,
Apud THEODORUM HAAR,
MDCCLIX.

Πάντα δοκιμάζετε τὸ καλὸν κατέχετε.

D. Paul. 1 Ep. ad Theſſal. V. 21.

V I R O

CLARISSIMO AC EXPERIENTISSIMO

RUDOLPHO SCHOM-
BERG,

MEDICINAE DOCTORI.

S. D.

PETRUS MORTIER.




UM illustrissimi Viri R. Mead
musteum libellum, qui Medi-
ca sacra ab eo inscriptus est,
typis mandare constituissem,
ac circumspicerem, cuinam
illum rite nuncuparem: Tu mihi primus
occurrebas Vir Experientissime, cujus no-
mini illum dicandum esse rebar. Debetur
autem id Tibi a me, tum quod Tua mu-
nificentia eum nactus sim, cum pauca vel
potius nulla ad nos essent adlata exempla,
tum etiam quod summi Viri praeclara in
rem medicam merita Tu optime nosti &
jure maximi facis, unde haud vane collige-
bam me Tibi rem non ingratham esse factu-
rum, si hanc occasionem arriperem, qua
tibi pro Tua comitate gratias agerem ani-


DEDICATIO.

mumque meum gratum testarer. Verum cum tanta sit nominis Meadii celebritas, ut illud solum pro omni commendatione sufficiat; reprehendes Tu forte ipse, quae est Tua modestia, quod libello huic Te patronum quaerere adlaboraverim. Verum nolui officio meo deesse aut pati temere mihi ingrati notam inuri, in primis cum non haberem, cui rectius eum obferrem, & huic meo facinori aequitas satis patrocinetur. Constare etiam hac ratione volui nostratibus, quam praeclare Tu eorum commodis inservire studeas, nec satis fuisse arbitreris, quod Doctissimi Barkeri librum, qui duorum splendidissimorum inter veteres medicae artis luminum medendi morbis acutis methodum, cum illa quam bini ejusdem artis antistites recentiores nobis tradiderunt, comparat, feliciter ac culte in Gallicam linguam transtuleris; sed praeterea iis invidere nolis, quae Anglia Tua, magnorum ingeniorum ferax, ad artis salutaris incrementum indies profert, atque sic ejus thesauros his in oris mire amplificare. Accipe igitur hilari fronte hancce animi mei grati testificationem ac mihi insignium Tuarum dotium cultori observantissimo fave. Dabam Amstelædami ipsis Calendis Septembr. MDCCXLIX.

PRAE-



P R A E F A T I O.

UM aetas ingravescens missionem jam fere mihi dederit a medicis laboribus, in quibus bono publico, uti saltem spero, quinquaginta circiter annos memet exercui; tantillum, quod mihi restare poterit, in vita temporis ita in otio transigere decrevi, ut nec mihi gravis, nec aliis inutilis videar. Otii enim sui etiam reddendam esse rationem viri boni putant, & id semper honestum esse volunt.

A PRIMA pueritia literarum amore captus, postquam ad artem medendi animum appuleram, nunquam tamen intermisi doctrinae studia, assiduorum negotiorum taedium hisce oblectamentis, quasi curarum dulcibus alloquiis, subinde levans. Inter haec dum Scripta Sacra, ut hominem Christianum decet, frequentius evolvi, secundum ea, quae ad vitam aeternam & pietatis praecepta spectant, historias morborum & variarum aegritudinum, quae in illis traduntur, in primis perpendere solebam; has cum iis conferens, quae aut ex libris medicorum, aut propria experientia di-

P R A E F A T I O.

diceram. Et id quidem eo feci libentius ; quod animadverterem theologos super his, rerum medicarum inscitia, saepe in diversas sententias abire; praesertim cum daemoniaci, Jesu Christi, Servatoris nostri, potentia sanati, quaestioni locum praebeant. Hos enim multi revera a daemonibus obsessos fuisse volunt, & in illis expellendis quam maxime eluxisse divinam ejus virtutem. Mihi profecto longe alia mens est, quam ut doctrinae Christianae fundamenta diruere; aut prava Oraculorum Sacrorum interpretatione Dei Filium divinitate sua, tot tantisque operibus contra naturae leges peractis comprobata, privare studeam. Erroris autem patrocini non indiget veritas, uti nec vultus natura nitidus fucum requirit. Et certum est opinionem istam, quae jam per multa saecula invaluit, de potentia ad corpora mentesque humanas vexandas daemonibus adhuc permessa, variis astutorum hominum praestigiis, cum maximo rei Christianae damno & opprobrio, ansam praebuisse.

Quis non merito irridet solennes istos Romae pontificum ritus, quibus exorcizantur, ut loqui amant, daemoniaci; dum homines gestus quosdam & furores, quales a malis geniis provenire putantur, simulare docti, aqua lustrali & precibus quibusdam, quasi incantamentis, sui compotes fieri, & a cacodaemonibus liberari sese fingant? Verum istae praestigiae, quantumvis oculis & mentibus ignarae plebis illudant; paulo tamen sagaciores non modo offendunt, sed & revera ipsis nocent.

Hi

P R A E F A T I O.

Hi enim, dolo perspecto, ad impietatem proni ducuntur; & omnia sacra eodem loco habentes, postquam didicerint

Religionibus atque minis obfistere vatum (a), plus ultra pergunt, & ausu nefando omnem Supremi Numinis sensum, ac metum, ex animis suis radicitus evellere satagunt. Qua in re haud aliter faciunt, ac si quis de Indis, an revera sint, eo dubitare velit, quod multa de iis ficta & falsa a peregrinantibus narrentur. Hinc evenit, ut apud gentes nimis superstitionibus deditas plurimi occurrant athei, etiam inter literatos; quos hoc mentis errore doctrina, & rerum scientia, immunes praestare debuit. Hac igitur stultitia caruisse sapientia prima est; huic proxima, res veras opinionum commentis non contaminare.

ET saepe quidem mirari soleo, cur fidei nostrae antistites daemones in scenam producere tantopere contendant, quo scilicet divinum Christi numen de victis hisce infernis hostibus triumphos agat. An divinam Christi virtutem gravissimorum morborum sanationes, jussu illius momento temporis peractae, minus patefaciunt, quam malorum geniorum ex hominum corporibus expulsionem? Omnia profecto miracula in humani generis commodum ab illo facta, dum caecis visum dedit, nervis resolutis robur, contractis flexilitatem suam reddidit, mortuos in vitam revocavit, elementorum proprietates aliis mutavit, & caetera id genus ope-

[a] *Lucret. Lib. I. vers. 110.*

P R A E F A T I O.

opera, mundi Conditoris omnipotentiam testata sunt, praesentemque Deum demonstrant: qui solus universae naturae imperat, & fixum a se rerum ordinem pro arbitrio immutat & invertit. Qui haec igitur praestitit, quin daemones etiam, ne benignum ejus propositum in Patris voluntate hominibus declaranda, pravisque eorum moribus corrigendis, impedirent, subiectos sibi habuerit, nemo certe dubitare potest.

UT redeam autem ad daemoniacos, non mea est profecto, sed aliorum ante me pietate & doctrina praestantium virorum sententia, quam hic propono. Et proximo quidem saeculo inter nostrates etiam Josephus Meadus, theologus rerum saerarum cognitione nulli secundus, luculenta Dissertatione eam propugnavit (*a*). Cum ex eadem igitur ac ille familia, quod honori mihi duco, sum oriundus; patreque etiam Matthaeo Meado, summo theologo, natus: studia haec, jure quasi gentilitio, me quodammodo vindicare posse semper existimavi.

Non sum autem nescius, quam sit res ardua communes errores, illos in primis, qui ad religiones spectant, depellere. Novimus enim omnes, quantam vim ad mentem opinionibus imbuendam primae vitae habeat institutio; quas adulta jam aetate delere est difficile. Pueri in tenebris nocturnos lemures & larvas metuunt, hinc per omne saepe vitam eadem formidine trepidant. Cur ergo miramur, si falsa quaedam dediscere, atque animis excutere,

(*a*) *Works of Jos. Mede, Lond. 1677. Disc. 6.*

P R A E F A T I O.

re, etiam senescentes aegre possimus? Neque parvi fane momenti hanc rem esse is existimabit, qui secum reputet, in quam seria mala levia haec, utpote puerorum tantum & muliercularum terribilamenta, ut nonnullis videantur, haud raro ducunt. Horret enim animus meminisse, quot hominum innocentium myriadas post Christum natum varias apud gentes flammis damnaverit veneficiorum suspicio: dum ipsi forsitan iudices, aut vanis opinionibus caecarentur; aut ab irata plebe sibi metuerent, si, quos illa reos praejudicaverat, sententiis suis absolvissent. Ecquis credat quemquam sanae mentis voluisse, id sibi laudi ducere, quod nongentos circiter veneficii reos, intra annos quindecim, in unica Lotharingiae provincia, ipse capitis damnasset (a)? Et tamen ex permultis, quas idem narravit, historiis illorum, qui poenas dederunt, manifestissime apparet eos omnes non, ut ipsi imaginabantur, cum daemonibus pacta habuisse, sed revera fuisse mente captos; adeo ut palam confiterentur ea se facinora perpetrasse, quae ipsa rerum natura fieri non patitur. Sed ita fit, ut error superstitionem, superstitio saevitiam plerumque pariat. Magno igitur gaudio afficior, quod jam ab aliquot annis leges de sagis & veneficis morte plectendis apud nos prorsus sint abolitae; quum barbaram hanc crudelitatem exteri adhuc retinent, eoque pertinacius, quo minus rerum veras causas intelligant. Et certum est profecto ita a vulgo accipi doctrinam

(a) Vid. Nic. Remigii *Daemonolatream*,

P R A E F A T I O.

nam de daemonibus, quasi pro numine quodam habendus sit diabolus; aut saltem, seposito illius metu, nullus satis constare possit cultus divinus: cum tamen diserte dixerit Apostolus, *Ideo patefactum esse Dei Filium, ut diaboli opera aboleret* (a).

ATTAMEN non ab re erit lectorem semel admonere, interpretationem *Bibliorum* a Sebastiano Castalione factam me ubique fere adhibuisse; quippe quam, habita multis in locis collatione, non modo Latinissimam, sed etiam accuratissimam, & ad sensum mentemque dictorum, tam in Hebraeis quam Graecis, maxime accommodatam deprehendi.

ΒΕΒΗΛΟΙΣ autem haec non scripsi; sed iis tantum, qui aut sacris theologicis, aut medicis, initiati sint & eruditi. Eaque de causa Latino potissimum sermone in lucem edere placuit; quem per multa jam saecula docti homines ad ea inter se communicanda, quae aut nova, aut praeter vulgarem opinionem dicta viderentur, ubique fere adhibuerunt. Si quis igitur libri hujusce Anglicam versionem suscipiat, non tantum, me invito, id se facturum sciat; sed etiam contra jus illud acquabile, quod de re sua, prout libeat, statuere unicuique conceditur.

SED ut finem praefandi faciam, fidem Christianam ab omnibus suis cultoribus id in primis exigere liquet, ut quaevis humanitatis ac benevolentiae officia sibi invicem praestent. Quapropter omnino cavendum est, ne tam benefi-


P R A E F A T I O.

ca animi affectio modis quibusvis corrumpatur; quod opiniones de bonitate divina minus consentaneae maxime faciunt. Proinde, cum ea sit temporum nostrorum calamitas, ut non tantum licitum, sed & laudabile multis habeatur, fidem & auctoritatem Christianae Religionis oppugnare, modisque omnibus elevare; nulli mirabilium narrationum explicatus, modo sint verisimiles, rerumque, de quibus agitur, naturae convenient, intempestivi cenferi debent.

CAETERUM non in animo habui singulos morbos, qui in Sacris Literis occurrunt, describere: sed illos praesertim, quorum natura vulgo minus cognita videbatur, vel saltem contra quos singularem aliquam medicinam ipse proponendam haberem; idque eodem ordine, quo illic traduntur, Jobi calamitate solum excepta, cui ob summam antiquitatem primum tribui locum. Multa autem tam corporis quam animi mala, praeter ea, de quibus hic meminerim, ut divinam suam virtutem hominibus manifestam faceret, sanavit ὁ τῶ κόσμου Σωτήρ; quorum omnium naturam & causas si quis scrutari vellet, rei medicae corpus necesse esset conscribere, quod quia non praesentis erat instituti, olim fortasse, nisi mihi

Frigidus obstiterit circum praecordia sanguis,
plura ad hanc rem spectantia, reipublicae medicae causa, in medium proferre non pigebit. Tu interim, Lector, haec candide accipias. Mihi autem satis erit bene collocatae operae, rectique animi conscientia frui. Vale.

CAPIT.



CAPITUM ARGUMENTA.

CAP.	PAG.
I. <i>Jobi morbus.</i>	I
II. <i>Lepra morbus.</i>	8
III. <i>Regis Sauli morbus.</i>	17
IV. <i>Jorami regis morbus.</i>	20
V. <i>Ezechiae regis morbus.</i>	21
VI. <i>Senectus morbus.</i>	22
VII. <i>Nabuchodonosoris regis morbus.</i>	32
VIII. <i>Paralysis.</i>	35
IX. <i>De daemoniis.</i>	41
X. <i>De lunaticis.</i>	52
XI. <i>Sanguinis muliebris profluvium.</i>	58
XII. <i>Debilitas dorsi cum spina rigida.</i>	59
XIII. <i>Christi sanguineus sudor.</i>	60
XIV. <i>Morbus Judae.</i>	61
XV. <i>Regis Herodis morbus.</i>	64

MEDI.



M E D I C A S A C R A.



C A P U T I.

Jobi morbus.



MEMORABLEM faciunt Jobi morbum res nonnullae praeter solitum circumstantes & consequentes; cujusmodi sunt viri dignitas, subitanea status immutatio, res supra modum adversae, incredibilis in his patientia, restitutio in felicitatem priori longe majorem, aegritudinis denique, qua percitus fuit, singularis natura.

SEDEM is habuit in regione Husa, quam in Arabiae Desertae parte septentrionali, versus Euphratem & Mesopotamiam, collocatam
A fuisse

fuisse censet eruditissimus Fridericus Spanhemius (a). Vir admodum fuit illustris, omnium Orientalium locupletissimus, filiis filiabusque beatissimus, vitae integerrimus, & cultus Dei observantissimus. Ad probandam autem integritatem ejus, ut Satanas illum modis omnibus, salva tamen ipsius vita, affligeret, Jova permisisse dicitur. „ Hic itaque dirissimas illi „ calamitates intulit; captis primum a Sa- „ baëis bobus omnibus, & asinis, deinde ba- „ lantibus & servis, lapso de coelo fulmine, „ incensis; camelis abactis; filiis filiabusque „ a vento in domum, in qua epulabantur, im- „ pingente, ea collapsa, mortuis; affecto „ denique scabie foedisque ulceribus toto ipsius „ corpore, ita ut, sumpta testa, sedens in „ medio pulvere sese scaberet. ” Hinc ex ditissimo pauperrimus, ex fortunatissimo miserimus evasit. Neque tamen haec omnia mala illum ab animi sui constantia, & pietate erga Deum, vel minimum dimoverunt (b); quapropter Jova ab eo supplicante exoratus calamitatem omnem depulit, omnia, quae habuerat, conduplicavit, & fortunatiorem fecit (c).

ANTIQUISSIMUS autem omnium, quos quidem extitisse novimus, jure merito censetur liber Jobi; quem nonnulli etiam patriarcharum temporibus, plurimi circa Moysis aetatem, & quidem ab ipso Mose, pauci post illum

(a) *Histor. Jobi, cap. IV.*

(b) Vide *Jobi Cap. I. & II.*

(c) *Ibid. Cap. XIII.*

lum scriptum esse volunt (*a*). Mihi vero per-
placet doctissimi Lightfooti conjectura, qui
illum ab ipso Elihu, collocutorum uno, con-
fectum esse opinatur; hac praecipue ratione
adductus, quod hic vir de se, ceu historiae
hujus scriptore, loquitur (*b*): Id si ita sit,
ante Mosi aetatem exaratus fuisse videbitur.
Caeterum utcunque haec se habeant, manifesta
summae vetustatis librum hunc prae se ferre
indicia certissimum est; ex quibus, quae ma-
ximi momenti esse videntur, hic breviter at-
tingam. Nusquam in eo de exitu Israëliitarum
ex Aegypto, de Mose, aut lege Mosaica,
quidquam dicitur. Patriarcharum more, tan-
quam familiae princeps, privatis in aedibus
pro peccatis liberorum suorum expiandis ho-
stias Jobus immolabat (*c*). Cum integritatem
suam declararet, illius fere solum idololatriae
meminit, quae fuerat antiquissima, solis nimi-
rum lunaeque cultus (*d*); quem apud vicinos
Chaldaeos & Phoenices primum obtinuisse, &
vetustissimum fuisse scimus. Aetas denique
ipsius longe supra eam provecta, quae Mosi
tempore statuta fuit mortalibus, fidem facit
antiquitatis. Vixit enim a tempore restitu-
tionis suae annos centum quadraginta, ita ut
ad annos plus quam ducentos vitam protraxisse
facile credi possit. Seniores enim fuisse, cum
cala-

(*a*) Lege de his docte more suo differentem laudatum
Spanhemium, *Lib. citat. Cap. VIII. & IX.*

(*b*) *Oper. Tom. I. p. 24.*

(*c*) *Job. Cap. I. vs. 5.*

(*d*) *Ibid. Cap. XXI. vs. 26, 27.*

calamitates eum oppresserunt, inde colligere licet; quod, quanquam senes dicantur tres ipsius amici (a), ipse tamen inter argumentandum nullum, ut Elihu, ob aetatem honorem iis deferre videtur. Ne longior sim, cum Spanhemio statuendum censeo, Jobi tempora incidisse in servitutem Israëliticam in Aegypto, ita ut neque posteriora populi illius ἐξόδῳ, neque εἰσόδῳ anteriora fuerint.

DISPUTANT autem gravissimi auctores, fabula sit, an vera historia, haec narratio. Si mihi sententiam meam hic interponere liceret, dicerem non παραβολὴν per ὑποτύπωσιν fictam, sed ex vera historia concinnatum esse dramaticum poëma; & eum fortasse in finem, ut exemplo viri illustris & integritate clari, afflicti tamen & miserrimi, omnia ista mala, quae in captivitate sua Aegyptiaca perpetiebatur populus Israëliticus, aequo animo ferre condisceret. Metricum sane esse hunc librum, pariter ac Davidis *Psalms*, *Proverbia*, *Ecclesiasten*, *Canticum Canticorum*, confessa res est. Personae autem in scenam productae & interloquentes sunt, Deus, Satan, Jobus, cum uxore, tres ipsius amici, & Elihu. *Est ergo*, inquit Hugo Grotius, *res vere gesta, sed poëtice tractata* (b). Antiquissimum certe scribendi genus erat poësis, & historias veras suo modo ornare solebant poëtae, ut in vetustissimis apud Graecos & Romanos videmus. Et
inter

(a) *Job. Cap. XXXII. vs. 6.*

(b) *In loc.*

inter Hebraeos quoque longe post haec tempora Ezechiël historiam educationis ex Aegypto carmine dramatico complexus est, unde *Judaicarum tragoediarum poëta* a Clemente Alexandrino appellatur (a). Neque sane, ut mea fert opinio, styli sublimitate & elegantia, sermonum gravitate & sapientia, rerum naturae descriptionibus, morum denique singulis personis convenientium proprietate (quae quidem omnia sunt in fabula maximi momenti) quidquam in hoc scribendi genere potest esse admirabilius, & ad animos commovendos accommodatius.

*Quo propius stes,
Te capiet magis.*

SED finem hisce imponam, postquam de viri hujus illustris morbo conjecturam fecero. Illud autem in antecessum observare convenit, non Jobum, aut Jobi amicos; sed ipsum libri hujus auctorem, calamitatem hanc Sata-nae acceptam referre. Mundum nempe Supremi Numinis providentia regi, & sicut angeli sancti, quorum ministerio in largiendis beneficiis suis Deus utitur, ipsius imperio omnia procurant; ita Satanam ipsum cum ministris suis sub Dei potestate esse, neque sine permisso divino quaevis mala hominibus infligere posse, egregio exemplo ostendere voluit.

Hinc

(a) Ὁ ἑ Ἰσθαίρων τραγωδιῶν ποιητής. *Stromat. Lib. 1.*
p. 414. ed. Oxon. 1715.

Hinc cum angeli convenirent ; & apud Jovam adstarent Satanas una cum iis adesse dicitur. Astare autem, ut observat Rabbi Moses Majemonides (a), est accingi ad mandata Jovae accipienda, Satanas vero injussus, & sponte sua, se illis immiscuit.

VERUMTAMEN quod ad morbum attinet, cutis vitium fuisse liquet. Certum est autem, ut foedis in summa pelle ulcerationibus ab omni aevo quam maxime patuerunt Hebraeorum corpora, unde carnis suillae esu illis interdictum fuisse putant eruditi, (quippe quae crassum, & aegre perspirabile nutrimentum sanguini subministrans, istiusmodi corporis constitutionibus minime convenit) ita eo gravius saeviisse haec incommoda, quo calidiores regiones incolebantur, qualis est Arabia Deserta. Atque ob hanc causam auctores exteri, quibus despectui & invisus erat populus Judaeus, illum ex Aegypto pulsum fuisse tradunt; nimirum ne scabies & vitiligo, morbus illis communis, lepraque dictus, ad plures ferperet (b). At vero alius est morbus isto longe deterior, in Aegypto adeo frequens, ut illic vernaculus esse dicatur (c), qui in torrida hac terra etiam nasci facile potuit, elephantiam

(a) More Nevochim, Par. III. cap. XXII.

(b) Justin. Hist. Lib. XXXVI. C. 2. & Tacit. Hist. Lib. V. ab initio.

(c) Lucret. Lib. VI. vs. 1112.

Est elephas morbus, qui propter flumina Nilī
Gignitur Aegypto in media.

tiam intelligo. **I**s, leprae fere congener, viri hujus integerrimi corpus forsitan corruperat, de quo in capite proxime sequenti plura dicemus.

Ad summam igitur Deus, beneficus semper & misericors, cultoris sui constantiam animi, & patientiam in adversis, auctis in immensum ejus facultatibus, cum felicis etiam familiae incremento, tandem remuneravit.





CAPUT II.

Lepra morbus.

ATROCISIMUS erat, qui Judaeorum corpora frequenter foedabat morbus, lepra dictus. Ejus signa in sacris literis exposita hujusmodi erant (a). „ In cute oriebantur papulae; pili in album colorem mutabantur; affectus facies cute erat depressior; cum morbus inveteraverat, tumor albus fiebat in cute, cui inerat caro viva; crescebat indies haec labes, & per corpus serpebat. ” Proinde non tantum corpora, sed & vestes, imo (quod mirum videatur) utensilia pellicea, quin & ipsos aedium parietes, occupare dicitur hoc malum. ” Idcirco de his etiam purificandis praecepta traduntur.

DE contagione hujus morbi dissentiunt auctores medici. Et, quoniam de tam pestifera illius vi, quae vestes atque aedium parietes occupare posset, nec Arabes nec Graeci medici, qui multa de illo scripserunt, memoriae aliquid tradiderint; num ea, quae Judaeos infestabat, a communi lepra diversa plane fuerit, disputant doctores Hebraei; omnes.

(a) Vid. Levitic. Cap. XIII. & XIV.

nesque affirmant, *nunquam in universo mundo inventam esse lepram vestium & domorum, nisi in sola Judaea, & solo populo Israëlitico (a).*

Ego super hac re, quae veri mihi simillima videntur, proponam. Contagium aliud alio est subtilius. Est enim, quod halitu solo in corpus recipitur; quale in peste, variolis, aliisque febribus malignis, observamus. Est etiam, quod non nisi tactu contaminat; aut interno, ut luis venereae virus; aut externo, ut scabiei noxa, quae pannorum laneorum vel linteorum fricatione immittitur. Potuit ergo lepra, quae scabiei species est, hoc modo in hominem sanum transire. Fortasse etiam vitae consuetudine, pariter ac tabem, contagiosam esse, & convictu cum phthisico contrahi, corruptis putrefactisque pituitis in pulmonem hominis sani delabentibus, notavit Fracastorius (b). Neque aliter de elephantia, leprae congeneri morbo, sententiam dicit Aretaeus; qui cum morbo hoc affectis versari atque vitam agere, non minus, quam cum pestilentia contaminatis, metuendum esse monet, contagionem, enim per inspiratum aërem communicari (c).

At nodus difficilis hic solvendus est. Dicit enim Moses, *Si in leprae affectu animadvertatur tumor albus in cute, factaque sit pilorum in illa in album mutatio, & insit in cute caro viva;*
le-

(a) I.eg. Critic. Sac. ad Levit. Cap. XII.

(b) De morbis contagiosis, Lib. II. Cap. IX.

(c) De causis diuturnorum morborum, & de curationibus eorundem, Lib. II. Cap. XIII.

lepram esse in corporis cute inveteratam. Sin autem lepra effloruerit in cute, & totam morbiditatem a capite ad pedes occupaverit; tum morbidus purus judicandus erit (a) Manifestum est igitur, ut opinor, duas hic designari morbi hujusce species; unam, in qua cutis erosa exulcerabatur, ita ut caro viva subtus appareret; alteram, quae in summa cute tantum efflorescebat, quae & ipsa quasi squamis quibusdam exasperabatur. Ab isto igitur discrimine evenit, ut ille morbus contagiosus esset, hic non item. Squamae enim furfuris instar, aridae & leves, in cutem non penetrant; at materia purulenta, ex ulceribus ejus effluens, corpus summum corrumpit. Sed de morborum differentiis, qui cutem foedant, operae pretium erit legere, quae congeffit vir rei medicae & linguae Romanae studiosissimus, Joannes Marnardus (b).

Nullo non tempore notus fuit hic morbus; saevior vero semper erat in Syria & Aegypto, utpote regionibus calidioribus, quam in Graecia & aliis Europae locis; quin etiam hodie frequens est in iis nationibus. In Damasco enim, ut a viatoribus accepi, duo sunt nosocomia leprosis sanandis destinata. Et Edeffa fontem habet, in quo lavantur quotidie, ut antiquitus in more fuit, magno numero hac cutis foeditate affecti.

Quinimo praecipuas, quae in leprae Mo-

fai-

(a) *Levit. Cap. XIII. vs. 10. &c.*

(b) *Epist. Medicinal. Lib. VII. Epist. 2.*

saicae descriptione occurrunt, notas, exceptis duntaxat vestium & aedium inquinamentis (de quibus mox dicam) a medicis Graecis memoratas legimus. Ipse Hippocrates λεύκην appellat Φοινικίην νόσον, morbum Phoenicium (a). Φοινικίη enim pro φθινική legendum esse ex Galeni *explicatione linguarum Hippocratis* manifesto apparet; apud quem Φοινικίη νόσος est morbus, qui in Phoenicia & aliis orientalibus regionibus frequens est (b). Congeneres autem morbos esse leucen & elephantiam in capite praecedente dixi (c); unde, ut idem observat, alter altero interdum mutatur (d). Caeterum qualis sit uterque affectus, ex nullo auctore melius discemus, quam ex Celso. Is circa imperatoris Augusti tempora praecipua omnia, quae Graeci, tam medici quam chirurgi, ad artem medendi spectantia scripserant, collecta & in ordinem digesta, in suum, hoc est, in Latinum sermonem elegantissime & sapientissime convertit. De leuce autem verbo ejus ita se habent. *Vitiliginis*, inquit, *tres species sunt.* Ἄλφος vocatur, ubi color albus est, fere subasper, & non continuus, ut quaedam quasi guttae dispersae videantur; interdum etiam latius, & cum quibusdam intermissionibus serpit. Μέλας colore ab hoc differt, quia niger est, & umbrae similis, caetera eadem sunt. Λεύ-

κη

(a) *Prorrhetic. Lib. II. sub finem.*

(b) Ἡ κατὰ Φοινίαν, καὶ κατὰ τὰ ἄλλα ἀνατολικά μέρη πλεονάζουσα.

(c) *Pag. 10.*

(d) *De simpl. medicam. facult. Lib. XI.*

αη habet quiddam simile ἀλωη, sed magis albida est, & altius descendit; in eaque albi pili sunt, & lanugini similes. Omnia haec serpunt, sed in aliis celerius, in aliis tardius. Alphos & melas in quibusdam variis temporibus oriuntur & desinunt. Leuce, quem occupavit, non facile dimittit (a). In elephantia vero, ut scribit, totum corpus afficitur ita, ut ossa quoque vitari dicantur. Summa pars corporis crebras maculas, crebrosque tumores habet; rubor paulatim in atrum colorem convertitur. Summa cutis inaequaliter crasso, tenuis, dura, mollisque quasi squamis quibusdam exasperatur; corpus emacrescit; os, surae, pedes intumescunt. Ubi vetus morbus est, digiti in manibus pedibusque sub tumore conduntur (b). Hisce congruentia sunt, quae apud Arabas medicos leguntur. Avicenna, horum princeps, lepram esse dicit, quasi cancerum communem toti corpori (c). Ex his igitur omnibus manifestum fit, lepram in Syria non natura, sed gradu tantum, ab illa in Graecia, quae λεύκη ibi vocabatur, diversam fuisse; & ipsum hunc morbum interdum apud Graecos, maxime vero inter Arabas, elephantiae affinem fuisse. Caelum enim, & victus ratio, morbos omnes in cute prorumpentes in pejus evehant.

Quod ad vestium autem contagia attinet, certissimis experimentis compertum est non, tan-

(a) De medecina, Lib. v. Cap. xxviii. §. 19.

(b) Lib. i. c. xxv.

(c) Canon. Lib. iv. Fen. 3. Cap. i.

tantum in peste, & aliis nonnullis febribus; in quibus per cutem pustulae malignae protruduntur, ut in variolis & morbillis, sed & in ipsa vulgari scabie morbidam vim in rebus quibuscumque pelliceis, laneis, linteis, & sericis exceptam diu haerere, & hinc in sana corpora transire. Potuit igitur facile per talia leprosum virus in illos, qui haec gestabant, aut contrectabant, feminis ad instar spargi, & cutem labe sibi propria corrumpere. Summa enim corporis, pars quantumvis mollis & laevis videatur, foraminibus tamen pervia, & sulcis aspera, nidum praebet particulis ex tabo spirantibus, minutissimis quidem illis, sed maxime actuosis. Sed haec in libro *De peste* fusius exposui (a). Contagiosum autem istud seminum humore acri & falso, a sanguine derivato, commiscetur; qui, cum natura partim in nutrimentum cedere, partim per cutem exsudare debuisset, hujus squamulas corrumpit; quae aridae factae, & albae, interdum etiam niveae, a cute resolvuntur, ac furfuris ritu decidunt. Et licet morbus hic apud nos, quibus caelum est frigidius, rarus admodum & insolitus sit; vidi tamen ipse rusticum quendam ita miserabiliter toto corpore illo occupatum, ut cutis quasi nive cooperta splenderet; squamae vero furfuraceae assidue defricabantur, subtus apparente carne viva. Miser iste in loco uliginoso vitam omnem transegerat, pravo victu & aqua corrupta sordidum corpus sustentans.

At

(a) Cap. I.

At difficilior multo est de domibus pollutis quaestio. Vix enim natura fieri posse videtur, ut in parietibus siccis, & ex dura materia coagmentatis, nasci & se diffundere potuissent maculae leprosaе. Subiit tamen aliquando mentem meam evenire potuisse, ut in muris aedium, qui ex materie admodum varia, calce fortasse, lapidibus, terra bituminosa, pilis animalium, & similibus commistis, constructi erant, exaestuando *scrobes virides aut rufos intra superficiem* parerent (a); qui, cum leprosam in corpore humano scabiem quodammodo referrent, *lepra in domo* vocabantur. Facillime enim effervescent corpora natura diversa, cum permiscuntur & coeunt. Humor igitur istiusmodi prorumpens paulatim in pariete serpsisse, & licet non esset contagiosus, foetido tamen & insalubri halitu incolis noxam & perniciem adtulisse consecatur. Nec dissimile quiddam haud raro nostris in domiciliis observare licet, ubi in muris, gypso parum idoneo obductis, sales calcarii & nitrosi niveo fere colore propullulant. Sacerdotibus autem domus eorum data fuit invisendi potestas; qui, ubi hanc foeditatem animadverterent, muros primum circumradere; deinde, si perstitisset adhuc vitium, etiam domum diruere, & totam extra oppidum in locum immundum exportare jubebantur.

Scio hoc ita enunciari, quasi Deus ipse domum hac peste affecisset. At notum est in
Ju-

(a) *Levit. Cap. xiv. vs. 37.*


Judaica historia istum loquendi morem haud inusitatum esse ; ut in calamitatibus & rebus malis, quae nec opinato eveniunt, & terrorem incutiunt, illa interdum a Deo fieri dicantur, quae a causis naturalibus proveniant. Nec id facile credam, quod tamen nonnullis videtur, Deum ipsum, qui populum suum omnibus immunditiis immunem semper esse jussit, foedissima hac poena, edito miraculo, quenquam multare voluisse. Illud extra dubium est, ita constituta fuisse legis Mosaicae praecepta, ut populum ab idololatria & vanis religionibus averterent, simulque ab omnibus immunditiis purum praestarent (a). Huc spectabant sanguinis in cibo, morticinorum, carnis suum, & aliorum quorundam animalium interdictio (b). Haec enim omnia nutrimentum crassum, quod in morbis, qui cutem occupant, incommodum est & noxium, corpori suppeditant.


UT theologicis autem hisce medicum aliquid adjiciam, experientia compertum habeo, non aliud dari adversus foedum hunc morbum praestantius remedium *tinctura cantharidum*, qualis in *Pharmacopoeia Londinensi* proponitur. Haec ejus vis insigni illi virtuti urinam movendi, qua pollent illa insecta, debetur. Magnus enim renes inter & cutis glandulas consensus, ita ut humores in has delati per illos
fa-

(a) *Mos. Majemonid. More Nevachim, Part. III. Cap. XXXIII. XLVIII.*

(b) *Lev. Cap. XI. & XVII.*

facile viam inveniant, & urinae profluvio expurgentur; contra vero, ubi renes diutius officio suo quacunque de causa defuerint urinosus liquor per cutis meatus interdum transudat. Interponenda tamen per vices erunt medicamenta ejus generis cathartica, quae crassis & acris humoribus foras ejiciendis sunt maxime accommodata.





CAPUT III.

Regis Sauli morbus.

CUM „ Saulus rex Jovae spiritu destitutus „ à malo spiritu, auctore Jova, vexa- „ batur; suaferunt ejus affectatores, ut suis „ famulis negotium daret, ut aliquem tan- „ gendae citharae peritum conquirerent, qui „ eum malo Dei spiritu correptum pulsandis „ fidibus mitigaret. ” Quod cum, accersito Davide, factum esset, „ quandocunque ac- „ cidebat Saulum divino illo spiritu corripì, „ David correptam citharam manu pulsabat; „ atque ita respirabat Saulus, &, facessente „ ab eo malo illo spiritu, mitigabatur (a). ”

MANIFESTUM mihi videtur regis hujus morbum veram insaniam fuisse, ex eo scilicet genere, quae in tristitia consistit, & quam atram bilem contrahere dixerunt medici veteres. Haec autem incertis vicibus illum occupabat, ut saepe fit in istiusmodi generis malis. Neque latere poterat aegrimoniae illius causa, utpote qui Jovae mandato regno suo nuper erat exutus. Aptissimum autem erat, quod adhibebatur remedium, citharae nimirum pulsatio. Jam olim enim medici ad discutiendas tristes

(a) Vid. *Regum Lib. I. Cap. XVI.*

tristes cogitationes symphonias, cymbala, strepitusque proficere docuerunt (a); quorum virtutem juxta leges geometricas nos alibi exposuimus (b) Hinc etiam clarius patet causas naturales habuisse istum affectum, qui enim alias posset citharae cantus illum depellere? Consilium autem in homine & prudentia Dei spiritus, eis vero destitutus a malo spiritu vexari, hoc est, mente capi, ex Hebraicae linguae usu dicebatur.

NON sum nescius Judaeos loquendi modo sibi familiari ad angelorum malorum, Jovae ministrorum, potentiam hujusmodi morbos referre solitos esse; quin & nunc dierum viros quosdam doctissimos eandem sententiam tueri. Mihi vero, si libere id, quod cenfeo, profari liceat, non recte videntur ad iram divinam referri morbi, quos causas naturales habere ostendi potest; nisi diserte denuncietur illos divinitus immitti. Cum enim in delictorum poenam proveniant, frustra esset Summi Legislatoris propositum, nullo dato documento, quo vindicta ejus ab eventibus vulgaribus distingueretur; quoniam insontes etiam funesti ejusmodi casus incessere possunt. Porro rationi consentaneum videtur, ut inflicta ab Omnipotenti Judice damna aut immedicabilia sint, aut ab ipso solo tollantur; quo clarius elucescat ejus cum aequitate juncta potentia. Tali discrimine ea, quae miraculo fiunt,

(a) Vid. *Celsum*, Lib. III. Cap. XVIII.

(b) *Mechan. Acc. of Poisons*, Essay II. 4. ed.

sunt, ab iis, quae contingunt natura, dignoscuntur. Neque enim credere par est, id velle rerum Opificem ter Optimum Maximum, ut irrita sint opera sua. Idcirco notatu dignum est, caveri semper in sacris historiis, ut in istiusmodi casibus divina vis manifestissima sit, & omnibus compareat. Ita cum Jova ob peccatum commissum Mariam lepra contaminavit, & illam, Mose veniam deprecante, sanam reddere voluit, post septem demum dies id factum est (a) Gihezis lepra in ipso suaque progenie perpetuo haesit (b). Azarias rex, quod facella non demolitus esset, lepra ad mortem usque adfectus est (c). Ananias & conjux ejus, Petro miraculum id edente, examinati subito corruerunt (d). Elymas magus, in poenam fraudis suae & sceleris, a Paulo caecitate ad tempus percussus est (e) Cum ergo comminationes & indicia morborum, insolito modo inferendorum, nunquam non proferantur; quidni, ubi illa desunt, nihil supra naturam evenisse dicamus? Et hoc quidem de aliis etiam calamitatibus semel in universum dictum velim.


(a) *Numer. Cap. xii. vs. 14.*

(b) *Regum Lib. iv. Cap. v. vs. 27.*

(c) *Regum Lib. iv. Cap. xv. vs. 5.*

(d) *Act. Apost. Cap. v.*

(e) *Ib. Cap. xiii. vs. 11.*



CAPUT IV.

Jorami regis morbus.

DE Joramo Judaeae rege narratur, quod, cum is Jovam ostendisset, „ Jova eum „ tam insanabili intestinorum morbo affecit, „ ut continuatis diebus, peracto biennii spatio, ejectis cum morbo intestinis, mortuus „ sit morbo gravissimo (a). ” Hunc eundem interitum habuisse perhibentur impii reges duo, Antiochus Illustris & Agrippa, de quibus id dictum fuit: Εἰς τὶ τὰ σπλάγχνα τοῖς ἐσπλάγχνιζομένοις (b).

Non alius autem, ut mihi videtur, fuit hic morbus, quam gravis dysenteria. In hac enim intestina exculcerantur, ex quibus cruor manat, cum stercore aliquo semper liquido, & quibusdam quasi mucosis; nonnunquam etiam carnosae quaedam ramenta simul descendunt, ita ut ipsa intestina ejici videantur.

(a) Paralipomen. Lib. II. Cap. XXI. vs. 18.

(b) Vid. Grotii notas ad hunc locum.






CAPUT V.

Ezechiae regis morbus.

„ CUM Jovae mandato Ezechiae lethaliter
 „ aegrotanti nunciaffet Esaias vates, il-
 „ lum moriturum esse, neque reviviturum;
 „ Jova, precibus ipsius exauditis, Esaiam re-
 „ verti jussit, & dicere, se illum sanaturum
 „ post triduum. Jussit autem Esaias *massam*
 „ *ficuum*-sumi, eamque ulceri imponi; quo
 „ facto, ille convaluit (a). ”

Id mihi verisimillimum videtur, febre la-
 borasse regem, quae in abscessum desinebat.
 In hujusmodi autem casibus ea semper conve-
 niunt, quae suppurationem promovent, cata-
 plasmata in primis, quae digerunt & resol-
 vunt; neque aliud fere praestantius est illo,
 quod ex *ficubus aridis* conficitur. Ita, cum
 verbo solo poterat, maluit Omnipotens reme-
 diorum naturalium efficientia morbum hunc
 depellere. Quo certe docemur in rebus ad-
 versis, adjunctis ad Deum precibus ut incepta
 secundet, usum illorum, quae beneficis no-
 bis indulgit, non negligere.

(a) *Regum Lib. IV. Cap. xx.*



CAPUT VI.

Senectus morbus.

SENECTUS ipsa est morbus, sicut recte dixit poëta (a). Cum itaque elegantissimam ejus descriptionem, a regum sapientissimo Salomone factam, cum voluptate saepe perlegerim; non alienum esse puto a proposito meo, si dilucidius illam, prout potero, exponam atque illustrem. Sunt enim quaedam intellectu non adeo facilia, quod ἀλληγορικῶς omnia exprimere voluit facundus concionator. Primum autem ipsam orationem lectoris oculis subjiciam, quae ita se habet.

„ MEMENTO Creatoris tui, dum juvenis
 „ es, antequam veniant mala tempora, accedantque anni, quibus te delectari neges:
 „ antequam tenebrescat sol atque lux & luna
 „ & sidera, redeantque post pluviam nubes;
 „ tum quum domus custodes tremant, & nutabunt milites, & cessabunt imminutae molae;
 „ & caligabunt spectantes per meatus;
 „ & claudentur fores extrinsecus, cum exili sonitu molae, & surgetur ad avis vocem;
 „ & cassae erunt omnes musicae puellae:
 „ quum etiam alta & illis in via timebuntur;
 „ & florebit amygdalus; & convenient cicadae;

(a) Terent. Phorm. Act. IV. Sc. I. vs. 9.

„ dae; & peribit appetitus, discedente homi-
 „ ne in aeternam domum suam & circumeun-
 „ tibus in vico lugentibus: antequam abrum-
 „ patur argentea catena; & quassetur guttus
 „ aureus; & urna frangatur ad scatebram; &
 „ conquassetur ad foveam currus; redeatque
 „ pulvis in terram, qualis fuerat; & spiritus
 „ ad Deum redeat, qui eum dedit (a). ”

A MENTIS erroribus incipit enumeratio ma-
 lorum. *Tenebrescit*, inquit. *sol atque lux &*
luna & sidera. Perceptiones animi in senibus
 sunt minus vividae, rerumque ideae & ima-
 gines confunduntur, ac memoria deperditur,
 unde intellectum vim suam paulatim amittere
 necesse est. Sapientia & intelligentia *lumen*
 saepe in sacris literis vocantur (b); contra
 vero *tenebris obduci*, & caecutire dicuntur,
 quibus rerum notitia eripitur (c). Recte ci-
 nim Cicero, *Ratio*, inquit, *est quasi quaedam lux*
lumenque vitae (d). Hinc Deus Optimus Ma-
 ximus *Pater luminum* appellatur (e). Defi-
 cientes igitur animi virtutes sunt quasi obum-
 brata mundi lumina. Scio hæc cum complu-
 rium doctissimorum interpretum sententiis pu-
 gnare, qui *luminum obscuritatem* ad nativum
 & proprium verborum sensum explicant, &
visus defectum intelligi putant. Miror autem
 illos non advertisse, omnia in hoc capite,
 etiam

(a) *Eccles. XII. 1-7.*

(b) *Job. XVIII. vs. 5, 6, 7.*

(c) *Matth. Cap. VI. vs. 23. I Job. Cap. II. vs. II.*

(d) *Academ. IV. 8.*

(e) *Jacob. Epist. I. 17.*

etiam minima quaeque, verbis translatis efferi. Etenim ut in depingendis senum calamitatibus actionum mentis laesiones, quae sunt omnium gravissimae, non erant praetermittendae; ita non poterant hae clarius exprimi, quam per lucidorum caeli corporum obscuracionem, quae orbem regunt, & temporum vicissitudines faciunt. Quod praecipue autem hic observandum venit, *visus vitia* in numerum malorum mox refert, neque eandem rem certe iterare voluit.

At pergit interim, proximeque adjungit, quae cum jam dictis bene convenire videntur. *Redeunt post pluviam nubes.* Curae nimirum & molestiae aliae alias insequuntur, & assidue senio confectos premunt. Sicut in humidis regionibus & tempestatibus obnoxiiis, etiamsi exhaustae videantur nubes, succedunt mox aliae, & pluviae recentes perpetuo fere ingruunt. Haec autem incommoda eo fiunt graviora, quo vires animi ad ea sustentanda aut depellenda minus nunc, quam olim, idoneae reddantur.

SED a mente ad corpus jam rex transit. *Domus, inquit, custodes tremunt, & nutabunt milites, & cessabunt imminutae molae.* Membris etiam, ac firmissimis corporis partibus sua dies adfert damna. Nervorum scilicet resolutio manus ac genua infestat. Hinc illae injuriis propulsandis, & innumeris vitae usibus, ad quos natura sunt instructae, inhabiles evadunt; haec vero oneri suo sustinendo imparia agilitatem suam amittunt; flexuque vacillant.

Den.

Dentes item molares aut excidunt, aut corrupti pereunt; ita ut pauci ad cibos duriores conficiendos amplius restent. In vocis Hebraicae interpretatione, quam hic *dentes molares* reddidi, Ariam Montanum secutus sum, qui recte, ut opinor, ita transtulit. Numero enim plurali hic ab auctore usurpatur, qui postea in singulari, sed diverso plane sensu, adhibet, ubi de gustandi sensu agit; ut mox ostendam, cum ad locum istum deveniam. Singularum enim sensuum defectus, qui senectuti fere obrepunt, quin Solomon hic describere voluisse, nequaquam mihi dubium esse videtur.

Ad hos itaque jam progrediens a *visu* initium capit. *Caligabunt*, inquit, *spectantes per meatus*. His autem verbis deficientem oculorum aciem designari manifestum est, quam plerique omnes affecta aetate experientia sua percipiunt.

SEQUITUR *gustatus*, quem ita describit: *Claudentur fores extrinsecus, cum exili sonitu molae*. Sicut senes propter appetitus imminutionem labra sua rarius, quam olim, aperiunt: ita ob dentium ad cibos comminuendos defectum sonitu etiam minori id faciunt. Horum autem posterius incommodum eleganter admodum verbis *exili sonitu molae* designari videtur. Etenim voce *mola*, quae Hebraice hic numero singulari adhibetur, ciborum confectio denotari potest; quae cum a senibus non dentium, qui jam perierunt, sed gingivarum fiat opera, sonitu leniori peragitur.

DULCE laborum lenimen, viriumque fractarum reparatio, somnus est. Appetitus autem imminutio, cibique fastidium, plerumque hunc aufert. Hinc damnum illud senilis aetatis priori subjungens ait: *Surget ad avis vocem*, hoc est, ad primum galli cantum senex expergiscitur. Quare cum imbecillum corpus longiorem desideret quietem, brevior & interrupta ei contingit.

SED redit ad sensus, inter quos tertio loco *auditum* memorat; ad cuius beneficia percipienda aurium usum nobis praebuit Creator. Hunc autem aufert interdum, raro non minuit, aetas ingravescens, quod verbis sequentibus rex indicare voluit: *Cassae erunt omnes musicae puellae*. Sic enim auriculas appellare placuit, quibus tunc temporis non tantum sonorum oblectamentum frustra quaeritur; sed, quod multo est molestius, voces etiam alloquentium haud facile percipiuntur: quo cum jucunditas, tum maxima simul vitae commoditas, sensim perit. Hinc in *Historia Judaica* Berzellaeus, octoginta annos natus, conqueritur se *fidicinum fidicinarumque cantus audire amplius non potuisse* (a).

HAEC aurium damna, quae tangendi sensus patitur, proxime excipiunt. *Tactus* autem, ut ait Cicero, *in toto corpore aequabiter fusus est, ut omnes ictus rerumque appulsus sentire possimus* (b). Ad corporis igitur, tutamen, &
com-

(a) Reg. Lib. II. Cap. XIX. vs. 35.

(b) Nat. Deor. II. 56.

complurium malorum, quibus perpetuo fere objectatur, depulsionem, hic sensus inter alios ejus usus plurimum confert. Id quod auctor sagacissimus hoc loco potissimum respicere censeatur, cum dicit: *Alta & illius in via timebuntur*. Etenim ut senes, in via plana & aequali ambulantes, membrorum imbecillitate instabiles agunt gressus; ita in asperam & fragosam incidentes, sensus hujus torpore haud tempestive satis praesentiant, quin si depressior sit titubandi, sin altior celsitandi ac pedem offendendi, periculum adeant. Non immerito, ut timore isto perculsi, hic repraesentari videntur.

E SENSUUM numero restat *olfactus*, ad quem postremo deveniens, imminutionem ejus in senibus non minus eleganter, quam breviter, hoc pacto describit: *Florebit amygdalus*. Quibus verbis indicare videtur, senes tanquam in perpetua hieme constitutos, verni & aestivi temporis gratissimos odores, ex plantis ac floribus emissos, haud amplius percipere. Hieme autem florere hanc arborem ex Plinio discimus, qui de illa tractans, *Floret*, inquit, *prima omnium amygdala, mense Januario (a)*. De canitie haec a plerisque interpretibus explicari haud ignoro, quam, ut certissimum fere senectutis signum, per albos amygdali flores denotari volunt. At enim, cum quatuor sensuum defectus per indicia tam clara & perspicua scriptor prudentissimus depinxerit, quin-

(a) *Lih. XVI. §. 42.*

quintum silentio penitus praeterire voluisse quis credat? Quid, quod crines albi pro certo & indubitato senectae indicio minime cenferi debent; cum non paucos, qui vel in media aetate, viribus corporis nondum affectis, canescunt, repetire liceat? Praeterea, quod de amygdali floribus ajunt, huic rei minime convenire videtur, qui non album sed purpureum colorem exhibent. Sed haecenus de sensibus, ad reliqua pergamus.

LONGA aetate provectis commune malum est *hernia*, tam illa, quae devoluto in scrotum intestino, aut omento fit; quam quae, distrahente eam humore, nascitur. In utraque autem tumor exoritur. Infestum hunc morbum cum locusta comparare voluit concionator. Oneri, inquit, erit locusta. Sic enim melius, quam *convenient cicadae* (ut vertit eruditissimus Castalio) verbum verbo redditur phrasis Hebraea. Et versio quidem vulgata habet *impinguabitur locusta*. Septuaginta interpretes Παχυνθήσεται ὁ ἀχρὶς. Versio etiam Arabica, Latine reddita, *pinguescit locusta*. Nostra vero Anglicana, *The grasshopper shall be a burden*. Scimus linguam Hebraicam semper esse verecundam, & scriptores sacros in iis exprimendis, quae ad partes naturales pertinent, inhonestis & obscaenis vocibus abstinentes alias mutuari, atque a rebus quibuscumque, ne castas aures offendant, similitudines ducere. Quod in regis hujuscæ *Cantico Canticorum* quam maxime observare licet. Deforme autem animalculum est locusta, ex solo fere abdomine

stans; quam, in primis cum ovulis suis gravescit, scrotum, hernia tum efactum, cum parte virili referre quodammodo dici potest.

PARTIBUS hisce tali modo affectis, *appetitus perire* addit vir scientissimus; non tam ad cibos hic respiciens, quam ad illa, quae vigenti congruunt aetati. Nam, ut dixit *artis amandi* magister: *Turpe senilis amor* (a).

TANTO igitur malorum cumulo senes oneratos ad mortem deprimi; & suorum luctu *aeternam domum suam*, qua corpora conduntur, *discedere*, nemini mirum esse potest. Caeterum intra hos fines aerumnas eorum, dum vivunt, haud semper consistere, sed alias quoque nonnumquam accedere, in reliqua orationis parte monemur.

NON enim membris tantum atque artubus decrescit per aetatem suum robur, sed & spina dorsi, imminuta indies musculorum & ligamentorum vi, aliquid de sua stabilitate deperdit: hinc senex erectus stare nequit, & pronum in terram, qua brevi tegendum erit, corpus inclinat. Haec *catenae argenteae* assimilatur, quae *abrumpi* dicitur. Vertebrae enim, ex quibus constat, quasi annuli sunt, & in posteriorem partem, incurvato corpore, prominent. Quin etiam medulla, quae per has fertur, *argentei* sive albidi coloris reperitur.

QUAE haecenus dicta sunt, difficillimos explicatus non habent. Tria autem, quae conclusionem concludunt, incommoda revera sunt
ae.

(a) Ovid. *Amorum Lib. 1. Eleg. ix. vs. 4.*

aenigmata, & Oedipi conjectoris indigent; qui tamen cum, saltem me iudice, nondum repertus sit, ipse pro viribus ea solvere conabor. *Quassatur*, inquit, *guttus aureus: urna frangitur ad scatebram: & conquassatur ad foveam currus.*

DESTILLATIONES humoris ex capite in nares, fauces, & pulmonem senes vexant; quae profluenti ex quassata ampulla, vel *gutto*, aquae assimilantur. Propter dignitatem vero capitis *aureus* dicitur *guttus*.

NEQUE a capite tantum defluit pituita, sed & aliae partes liquorem suum ordinate effundunt. A renibus enim (quorum cavitas etiam nunc ab anatomicis *pelvis* dicitur) quod in iis secernitur ex sanguine, in vesicam profluit; quae ad debitum tempus propter resolutum suum sphincterem, quasi *fracta ad fontem urna*, id retinere nequit. Hinc foedum urinae stellucidum assidue molestiam creat.

ET hae quidem noxae singulas partes premunt; postrema vero, cum in hac oratione, tum in senibus calamitas, est universi corporis afflictio. Sanguinis ipsius cursus interrumpitur; hinc spiritus difficultas, apoplexia, aut lethargus misellos occupat. Cor etiam, vitae principium & fons, vi sua defectum jam concidit, & *in foveam labitur quassatus currus*. Ignorabant quidem veteres sanguinis circuitum; at vitalem hunc humorem huc illuc per corpus aliquo modo moveri, viscera & membra calore suo fovere, frigidum denique circum praecordia in morte concreescere, nescire non poterant.

NOTATU autem maxime dignum est effectum illud, quo res sapientissimus concionem suam concludit. *Redit, inquit, pulvis in terram, qualis fuerat; & spiritus ad Deum redit, qui illum dedit.* Quibus verbis, ut videtur, ignorantiae illorum, qui animum simul cum corpore interire putarunt, occurrere, & immortalitatem ejus asserere voluit.





CAPUT VII.

Nabuchodonosoris regis morbus.

ADEO mirabilia & praeter naturam videntur ea, quae de Nabuchodonosore Babiloniae rege narrantur, ut illum in bestiam revera transformatum fuisse somniarint nonnulli interpretes. Haec autem illi contigerunt: „ Ab hominibus per annos septem de-
 „ pulsus inter bestias versabatur, herbis more bouum pastus; corpus rore caelesti tingebatur; pili, & ungues ut alitibus, incrementum verunt. Exacto tandem illo temporis spatium, ad se rediit, regnique sui majestas, aucta etiam dignitate, ipsi restituta est. Crimen autem ejus fuerat superbia, & Dei contemptus (a). ”

HAEC omnia ita homini infano & melancholico conveniunt, ut certum mihi videatur regem hunc mente captum in agros migrasse; cumque se in bovem mutatum esse imaginaretur, pecudum ritu herbas comedisse. Est enim, ut infra expositurus sum (b), laesae imaginationis morbus omnis insania, qua ille la-

(a) Vid. *Dan. Prophet. cap. iv. & v.*

(b) Vid. *infra, cap. ix. De Daemoniacis.*

laborans septem annos vitam infelix transegit. Cultus autem corporis negligentia pili & ungues in longitudinem ultra modum creverunt, unde hi crassiores facti & incurvati avium ungues referebant. Hanc antequam insaniam *lupinam*, aut *caninam*, appellarunt medici veteres; eaque affectos *λυκανθρώπως*, aut *κυνανθρώπως*. Quos noctu exire dicebant, imitantes in omnibus lupos, aut canes; monumenta etiam mortuorum praecipue aperire; tibiasque habere penitus exulceratas propter casus assiduos, & caninos morsus (a). Simili modo insani-
visse Proeti filiae narrantur; quae, ut ait Virgilius:

Implerunt falsis mugitibus agros (b).

Nam, ut Servius notat, *Juno hunc furorem earum immisit mentibus*, ut putantes se vaccas in saltus abirent, & plerumque mugirent, & timerent aratra. Has autem, teste Ovidio, Melampus medicus.

Per carmen & herbas.
Eripuit furiis (c).

Neque nostris temporibus ignotus fuit hujusmodi affectus. Cujus insigne exemplum in agri-

(a) Vide *Actium*, *Libr. medicin. Lib. vi. cap. 11.* & *Paul. Aeginet. Lib. 111. cap. xvi.*

(b) *Eclog. vi. 48.*

(c) *Metam. xv. 325.*

agricola Patavino memorat Schenckius; qui sibi lupus videbatur, multosque in agris insiluit trucidavitque, tandemque captus constanter asseveravit se verum esse lupum, discrimen solum existere in pelle cum pilis inversa (a).

NOSTRAE autem sententiae illud forsan obstare videbitur, quod regi praedictum fuerat hoc infortunium, ita ut mores suos corrigendo id praecavere potuisset; ideoque secundum naturam contigisse non sit verisimile. Scimus autem tum ea, quae per vindictam exequitur Deus, saepe causarum naturalium adjuventis peragi. Sic Ezechiae mortem comminatus; precibus ejus victus, vitam illi reddidit, & ficibus tumori superimpositis, fecit morbo medicinam (b). Herodem regem propter superbiam vermium erosionibus consumi iussit (c). Pestes denique, quae ad iram divinam ab omnibus fere referuntur, corrupti aëris vitio plerumque originem debere nemo dubitat.

(a) *Observat. med. rar. de Lycanthrop. Obs. 1.*

(b) Vide supra cap. v. p. 24.

(c) Vide infra cap. xv.





CAPUT VIII.

Paralyfis.

TRES in sacris Evangeliiis memorantur paralytici à Christo fanati (a). Ex his unus, qui tertio loco recensetur, morbum, quoniam in eo singularia quaedam occurrunt, speciatim referam. Narrat itaque Divus Johannes, „ Hierosolymis apud oviaricam piscinam jacuisse ingentem aegrotantium multitudinem, caecorum, claudorum, tabidorum, aquae motionem expectantium. „ Angelus enim certo tempore descendebat in piscinam, aquamque turbabat; postquam „ turbationem qui primus descendebat, sanus evadebat, quocunque tandem morbo „ teneretur. Erat autem illic homo quidam „ annum agens in morbo duodequadragesimum. „ tunc ut vidit Jesus decumbentem, „ & jam diu decubuisse cognovit, dicit ei, „ *Vis sanus fieri?* Cui aegrotus, *Domine, inquit respondens, hominem non habeo, qui me, dum turbata est aqua, conjiciat in piscinam; interim vero dum eo eo, alius ante me descendit.* Tum Jesus, *Surge*, inquit ei, *& ambula.* „ du-

(a) Vide Matth. cap. viii. & ix. & Johan. cap. v.

„ *bula.* Atque homo confestim sanus evasit,
 „ & sublato suo grabato ambulabat.

STAGNUM hoc, vel quoddam certe ejus loco, religiosi incolae etiam hodie viatoribus ostendunt (*a*). Sed &, quod magis ad rem facit, Eusebius suo adhuc tempore extitisse eam piscinam, & geminas paludes habuisse testatur, quarum utraque, ut ait, anniversariis imbribus replebatur, altera vero mire rubentem praebebat aquam (*b*). Causam hujus coloris refert juxta vulgarem opinionem ad sacrificia, quae olim in ea mundabantur. At minime dubito, quin a terra miniata, sive ochra, quae in balneis frequens est, a pluviis certis temporibus decidentibus e fundo sursum lata, & cum aqua commista, ortum habuerit.

NON una res hic torquet interpretes. Disquirunt enim primo, qualis esset ista aqua; deinde cur non sine turbatione vim suam exercere poterat; tum quaenam esset ista turbatio; denique de angelo, quisnam ille foret, inter se dissident. Ego, quae de hisce singulis dicenda habeo, breviter exponam.

PRIMUM igitur utilissimae habebantur ad multos morbos usu tam externo, quam interno, apud veteres aquae naturam metallicam secum ferentes; quae pro varia indole venarum metallicarum,

(*a*) Vide *Cotovici Itinerarium Hierosolymitanum*, Lib. II. cap. II. & *Maundrell's Journey from Aleppo to Jerusalem*, pag. m. 107.

(*b*) *Onomasticon urbium & locorum Sacrae Scripturae*, in voce *Beṣatha*.

li, per quas fluebant, aliis atque aliis morbis accommodabantur. Hinc in resolutione nervorum *natationes [in aqua] marina, vel salsa, potissimum si quo loco eae naturales, vel etiam manufactae sint*, commendat Celsus (a) Et Plinius, *Est autem, inquit, utilis aqua sulphurata nervis, aluminata paralyticis, vel simili modo solutis*. Quin & subjungit, *Utuntur coeno fontium illorum utiliter; sed ita, si illitum sole inarescat* (b). Idem auctor de fontium quorundam scaturigine mira tradit. *In Boeotia, ut ait, duo sunt fontes, quorum alter memoriam, alter oblivionem affert* (c). *In Macedonia duo rivi confluunt, alter saluberrimi potus, alter mortiferi* (d). Et alia consimilia. His addi potest, quod de fluvio Adonide in terra Bybliorum refert testis oculatus Lucianus. *Ille quotannis colorem amittit, & quasi cruore infectus ipsum pelagus; in quod infuit, purpureum efficit; cuius rei hanc causam addit, quod per montem Libanum, cujus terra miniata est, deferatur* (e). Neque alienum est observare, in regionibus quibusdam reperire miras aquarum eruptiones. Connachiae in Hibernia fons est dulcis aquae, in vertice montis excelsi, qui marinos aestus imitatur, bis die deficiens, bisque exundans (f). Lunarem virtutem sen-

tit

(a) Lib. III. cap. XXVII.

(b) Lib. XXXI. §. 32.

(c) Ibid. §. II.

(d) Lib. XXXI. §. 19.

(e) De Dea Syria.

(f) Vide Ortelii Theatr. orbis terrarum.

tit fons quidam Hungariae, in Comitatus a-
ros; quem crescente luna augeri, deficiente
minui, & in interlunio prorsus deficere com-
pertum est (a). Denique haud rari erant in
Palaestina fontes medicamentosi, quorum hi-
storias collegit vir literis orientalibus doctissi-
mus, Hadrianus Relandus (b).

ATTAMEN qui pro miraculo hic conten-
dunt, nulla balnea reperiri ajunt, qui omni-
bus quiscunque morbis medeantur, nec quae
unico tantum singulis annis mense virtutem
suam exerant; addunt etiam hanc aquam, ab
angelo demum turbatam, salutarem fuisse.
Qui aliter autem sentiant, plurimas aquas,
quae salibus metallicis gravidae certis anni
temporibus sunt, memorant, quarum limus
a fundo sursum evectus multis morbis fuit au-
xilio. Quae natura igitur per se efficere po-
test, ad vires supra eam positas haud recte
referri dicunt. Quantum autem de contrariis
his sententiis dijudicare valeam, media quae-
dam inter utramque mihi vero proxima esse
videtur.

CENSEO enim piscinae hujus aquam vim
medicatam a coeno, in fundo suo haerente,
acquisivisse; quod salibus metallicis ex sulphu-
re forsan, alumine, aut nitro, gravidum e-
rat. Haec autem, quum aqua causa aliqua
na-

(a) Vide Geo. Vuernberum *De admirandis Hungariae aquis.*

(b) *Palestina ex monument. vet. illustrata pag. 300. &c.*

naturali , calore forſan ſubterraneo , aut im-
bribus , turbaretur , ſurſum elevata ei miſce-
bantur , illis profutura , qui , antequam ſubſe-
diſſent particulae metallicae , in piſcinam de-
ſcenderent. Minime ergo mirum eſt in por-
ticibus , quas quinque habuiſſe dicitur hoc la-
vacrum , conveniſſe ſemper *ingentem aegro-
tantium multitudinem , aquae motionem expectan-
tium* ; iisque praecipue morbis laborantium ,
ad quos illa utilis erat , caecitate nimirum ,
nervorum reſolutione , & tabe. Neque aliter
fieri potuit , quin omni ope contenderent
quamprimum immitti ; ne forte , limo deor-
ſum lato , de ſpe ſua deciderent. Qui *primus*
itaque *deſcendit* , aquae virtutem experieba-
tur.


ILLUD autem proxime notandum venit ;
Cum eſſet feſtum Judaeorum , Pentecoſte nimi-
rum , contigſſe id , quod dicitur. Et anni-
verſariam tantum fuiſſe hanc ſanationem ex
Eusebio diſcimus (a). Notum vero eſt feſtum
illud menſe Majo , vel circa initium menſis
Junii , celebratum fuiſſe ; quod tempus aqua-
rum ſalubrium virtutibus opportunum eſt. Id-
circo eo majori ſtudio conſluebant huc aegro-
tantes , ut medicamen arriperent , quo ſemel
omnino quotannis uti licebat.

DENIQUE quod ad angelum ſpectat , qui
certis temporibus aquam turbaviſſe dicitur ; ſaluta-
rem hanc ſtagni virtutem ei tribuunt , qui pro
miraculo contendunt. Judaeos autem , ſi
quid

(a) Loca citato.

quid rarum & stupendum accideret, cujus causam investigare nequibant, id ab *angelo Dei* factum esse dicere solitos, antea observavimus. Verumtamen iis, quae a natura proveniunt, miraculum istud addere potuit Deus; ut certo solummodo anni tempore, eoque praesertim, quo ad festum solenne celebrandum gens universa conveniebat, salutare esset hoc itagnum; eique tantum, qui primus ingrederetur. Cujus rei (si de consiliis divinis conjectari liceat) ea forsân causa fuisset; quod signo adeo manifesto electum sibi populum Deus, ut promiserat, antequam Messias advenisset, se non prorsus deserturum, testari dignaretur.

Ad summam igitur, salutaris haec aquae vis, quae natura sua esset medicinalis, a Deo ita disposita fuisse videtur, ut simul praesentiae suae populo Judaico tesseram praeberet. Sed clarius illa remedium, verbum suum *ἀλεξίμακον*, huic infirmo subministravit Christi potentia. Quae eo tunc erat opportunior, quoniam malum id, quod tot annis inveteraverat, naturali remedio vinci non poterat; unde clarius effulsit divina ipsius virtus.





CAPUT IX.

De Daemoniacis.

DAEMONIACOS, *δαυμονιζόμενος*, in Evangeliiis memoratos morbo revera naturali, & illo quidem difficili laborasse, ex descriptis eorum historiis mihi verisimillimum esse videtur. Varie quidem afficiebantur. Nunc enim „ laceratis vestibus nudi incedebant, obviis „ quibusque terrorem incutientes, sua etiam „ corpora sauciantes; ita furiosi, ut catenis „ licet compedibusque vincti, ruptis vinculis, „ in locis maxime desertis, & inter sepulchra „ mortuorum vagabundi errarent. Quinetiam „ a multis daemonibus obsessos se esse interdum clamabant, quos etiam ex se in alia „ corpora posse migrare credebant (a).” Alias „ ingenti cum clamore „ aut lacerabantur (b); „ aut ex prostratis, at illaesis, daemonium „ exivit (c).

INSANORUM sunt haec omnia; utrum vero a daemoniis, an vi morbi provenerint, discepta-

(a) Vide *Matth. Cap. VIII. vs. 28. Marc. Cap. v. vs. 2. & Luc. Cap. VIII. vs. 27.*

(b) *Marc. Cap. I. vs. 23-26.*

(c) *Luc. cap. IV. vs. 33-35.*

sceptatnr. Id certum est, Judaeorum animis iis temporibus vulgo infedisse opinionem, occupare saepe homines malos genios, illosque miris modis excruciare, & quasi furiis agitare. Neque enim alius quisquam inter omnes, qui humanum genus infestant, morbus tam naturae vim excedere videtur; utpote qui commotionibus animi efferatis, motibusque corporis validissimis simul & non voluntariis, miserabiliter divexat. At nihil profecto hic facrum, nihil, quod ex male affecta corporis sanitate oriri non possit, reperimus. Illud ut liquido pateat, de insania quaedam breviter dicenda sunt; non ea quidem, quae febri acutae conjuncta est, illaque remittente desinit, quam *ὑπερίσθια* vocant, & brevis semper est; sed illa, quae corpori inhaeret, & morbum facit diuturnum.

Est igitur omnis insania laesae imaginationis morbus, qui a mente primum una aliqua in re nimis diu defixa originem trahit. Hinc enim sequuntur sollicitudines, & de futurorum eventu animi angores. Et quo majoris in vita momenti sint illa, in quibus imagines versantur, eo vehementius homines conturbant; ut in amore & religione fieri videmus, ubi spes, metus, desperatio, aliaeque contrariae animi commotiones, sibi invicem succedentes, diverse pertrahunt. Hoc ita se habere nemini dubium erit, qui insanientem saepe memoria constare; res suas, nisi quatenus vanae species mentem percellunt, satis prudenter agere, quin & interdum etiam cum astu-

astutia quadam solito majori; depulsis denique medicamentorum vi imaginationibus, sui compotem vitam transigere, animadverterit. In hac igitur aegritudine terrificae primum imagines hominem opprimunt, quas ira & furor anxietatem comitantes insequuntur; unde appropinquantibus dira omnia minatur & intonat, sibi etiam prae angore non raro manus inferens; subinde iterum moestus agit, & invicem se excipiunt rabies animique demissio; multoties vero, praesertim cum morbus fuerit diuturnus, in loca deserta & sola migrat procul ab hominum consuetudine.

Ipse suum cor edens, hominum vestigia vitans (a). Qui morbo isto afficiuntur, vitam diutissime haud raro protrahunt. Omnibus enim insanis commune est, ut inedia, frigus, caeli inclementiam, quascunque denique noxas facillime sustineant, ultra quam facile credi possit, corporis robore pollentes. Saepe etiam evenit, ut post longum tempus demenciae superveniat epilepsia. Sunt enim affines hi morbi, neque in hoc casu spes ulla salutis affulget, ut usu compertum habemus. Denique observare oportet, prout corpus huic vel illi noxae magis sit opportunum; ita vel furiosi, vel melancholici, speciem praebere illum, qui hoc morbo laborat.

DAEMONIORUM autem ejectiones esse solum-

(a) Cicero *Tuscul. Disp. Lib. III. 26.* Qui ex illo Homeri vertit, Ὁν θυμὸν κατέδων, πάτον ἀνθρώπων ἀλεείνων. Il. Z. vs. 202.

lummodo insaniae depulsiões multi ideo non credunt; quod ea, quae hominibus ita affectis contingunt, vi naturae fieri posse nequaquam videantur. At illi sane in re medica nimis hospites sunt; neque animum satis ad ea attendunt, quae in aliis aegritudinibus non minus mirabilia quotidie occurrunt. Annon hominem pessundare vehementes animi affectiões saepe experimur? Subitus terror multos interemit, & ipsa quandoque supra modum exultans laetitia fuit exitio. Morbus periculosus ex una corporis sede in aliam ictu oculi citius interdum transit. A morsu canis rabidi venenum humoribus instillatum aliquandiu delitescit; & post aliquot hebdomadas, interdum & menses, vim suam exerens, mala iis vix minus gravia progignit, quae daemones inferre perhibentur. Quid mirabilius iis, quae in graviditatibus non raro contingere videmus? Foemina in utero gestans, si forte quid appetiverit, & frustra sit, interdum rei concupitae figuram quandam, aut similitudinem, in hac aut illa corporis parte, foetui suo imprimit. Imo, quod majus est, & prodigii instar, subita partis alicujus laesione perterrita matre, ipsa illa pars in infante noxam sentit, & nutrimenti defectu marcescit. Scio hujusmodi omnes historias a medicis nonnullis, quoniam, qui talia fieri possint, laud percipiunt, in dubium vocari. At multa, quae ipse vidi, exempla mihi hac in re scrupulum omnem ademerunt. Tam stupenda autem est facultatis imaginandi vis, ut non minus falsae quam verae imagines afficiant, ubi mens iis affi-

assidue sit addicta. Id enim in mulieribus, quae sagae dicuntur, usu comperimus, quae consimili mentis errore captae, cum daemonibus non tantum consuetudinem habere, sed & pacta cum iis se inivisse, saepe imaginantur; idque animo adeo obstinato, ut etiam in iudicium vocatae se facinorum, quae nunquam pepertraverint, reas confiteantur, cum ob ea ipsa jam mortis supplicium subiturae sint. Proinde omnibus notum est, quam mirabilibus modis in melancholicis mens perturbatur. Hic ex vitro caput sibi fictum putat, &, ne frangatur, foras prodire metuit. Ille se mortuum esse credit, & cum mortuis sine cibo debere versari. Talia sexcenta memorantur. Memini me novisse virum literatum, qui se in ventre infantem gestare affirmaret, de quo in lucem edendo valde sollicitus erat. Duos etiam vidi, qui, cum soli essent, voces sibi in aures loquentium audire putabant. Neque alia, ut opinor, conditio est illorum, qui larvas & spectra oculis cernere sibi persuadent. Sunt enim deliria quasi somnia vigilantium, & in utrisque pariter mens, pro natura specierum objectarum, diversimode corpus agit.

QUAM diversis igitur modis laesiones imaginationis, ubi diu inhaeserint, hominem afficere, totumque calamitose admodum pervertere possint; ex iis, quae diximus, manifesto apparet. Nulla autem re tantum perturbari humanas mentes, quantum formidine, nemo ignorat; cujus causa est amor sui ipsius omnibus ingenuus. Quare cum, ut rectissime animad-

advertit Cicero, *Nulla gens tam fera, nemini omnium tam sit immanis, cujus mentem non imbuert deorum opinio* (a); nil mirum est, si homines scelerum conscii numinum timore percellerentur, quorum imperium in res omnes mundanas agnoscebant. Etenim ut bona omnia, & vitae beneficia, diis accepta referebantur; ita mala, & calamitates, in criminum poenam putabantur ab iis immitti. Idololatria autem, ut supra dixi (b), apud Chaldaeos ortum habuit, quae primum quidem in solis lunaeque cultu, deinde vero & in daemonum adoratione consistebat (c). Hi autem ministri divini credebantur; & erant primitus animae heroum & magnorum virorum, qui ob collata in genus humanum aut patriam suam beneficia colebantur. Et a Chaldaeis quidem ad Phoenices, postea ad Aegyptios propagata, ad Graecos deinde, hinc ad Romanos, aliasque demum gentes temporis progressu daemoniaca ista religio pervenit.

JUDAEI autem, si quid miri faceret natura, ad angelorum supremi Dei ministrorum operam referre soliti, facile in animum sibi inducere poterant, ut diras quasdam crederent aegritudines, quae mentem simul & corpus laederent, & quarum causas cognoscere nequirent, ab angelorum malorum *egyptiacis* exoriri. Discimus enim ex Philone Judaeo
cui

(a) *Tusc. Quaest. Lib. 1. 13.*

(b) *Cap. 1. p. 3.*

(c) *Vide Is. Newton. Chronolog. pag. 160.*

(a), cui etiam consentit Fl. Iosephus, credidisse illos tam malos quam bonos esse angelos; bonos Dei ministeriis fungi erga homines, irreprehensibiles & beneficos; malos autem execrabiles, & modis omnibus noxios (b). At illustrius hujus rei testimonium dari nequit narratione morbi, quo correptus est Saulus (c), de quo superius egi (d). Neque maniam tantum & epilepsin, sed & alios etiam morbos nonnullos ad daemonas pariter illi referebant. Ita cum Iesus hominem mutum furiosum liberasset ejecto daemonio, id fecisse dicitur (e). Cumque alium furiosum, caecum, & mutum sanasset, calumniantes dixerunt Pharisei, eum non nisi per Beelzebulem daemoniorum principem, ejicere daemonia (f). Et Christus ipse, cum mulierem quandam spiritum habentem debilitatis jam annos duodeviginti, eamque sic incurvam, ut se erigere non posset, ab illa infirmitate solvisset, more loquendi tum communi dicit, Satanam illam annos duodeviginti vinctam habuisse. (g)

At non Judaeis tantum, sed & aliis etiam gentibus, in usu fuit insanos pro daemoniacis habere. Hinc apud Herodotum rex Cleomenes dicitur non ab ullo daemonio ad insaniam reductus, sed consuetudine cum Scythis ebriosus fuisse,

(a) Lib. De gigantibus.

(b) De bello Judaic. Lib. VII. cap. 6.

(c) Vide Regum Lib. I. cap. XVI.

(d) Cap. III. pag. 19.

(e) Matth. cap. IX. vs. 32.

(f) Matth. cap. XII. vs. 22.

(g) Luc. cap. XIII. vs. 16.

fuisse, & inde furiosus (a). Cumque δαίμονα idem significet ac δαίμόνιον ἔχειν, hoc verbo profurere utitur Xenophon (b). Quin & Aristophanes de eodem morbo gravius urgente vocem κακοδαίμονα usurpat, & deterrimum insaniae gradum non μανία, sed κακοδαίμονία esse pronunciat (c). Hinc etiam, ut notat Aretaeus, sacer apud illos dictus est hic morbus, quoniam daemon aliquis in hominem ingressus esse putabatur (d). Medici igitur falsae isti opinioni fortiter obsistere necesse habuerunt. Morbos enim a malis geniis inferri sacris ritibus & ceremoniis, non arte medica, depellendos esse vulgo persuasum fuit. Idcirco princeps medicorum Hippocrates, aut aliquis certe ex ejus discipulis, scripto perutili libello (e), nullos morbos divinitus accidere docuit; magorum ac praestigiatorum loco habendos esse monens, qui talia in populum spargendo inscitiam suam specie sanctitatis obvelarent.

CAETERUM quod ad daemonum hanc in corpora humana potentiam, a Judaeis pariter ac aliis gentibus creditam, spectat, vim divinam in morbis inferendis, ubi causas naturales habere possint, ad partes trahi non debere, nisi diserte denunciatur eos divinitus immitti, jam

(a) Lib. VI. cap. 84.

(b) Memorabil. Lib. I.

(c) Vide Plutium, Aët. II. Scen. 3. vñ. 38, & Aët. II. Scen. 5. vñ. 15.

(d) Διὰ τὸ δοξῆς δαίμονος εἶναι τὸ ἄνθρωπον ηἰσῶν. De causis morbor. diuturn. Lib. I. cap. 4.

(e) De morbo sacro.

jam antea dixi (a). Nulli enim, quibus miseri mortales cruciantur, tam miri sunt & visu terribiles, quin ex corporis male affecti vitiis ortum habeant. Proinde Deus ipse, si velit, tam causarum naturalium, quam bonorum angelorum, virtute ad mala cujuscunque generis hominibus infligenda uti potest. Et nemo, opinor, existimabit daemonibus concessum esse, ut homines pro libitu suo furiis exagitent. Sed plura de hac re dicere eo minus necessarium videtur, quod duo apud nos doctissimi theologi tam plene & copiose illam jam antea tractaverint (b).

UT finem igitur morbis his daemoniacis imponam, quibus modis eos tractare oporteat, nunc breviter ostendam. Et illud quidem ante omnia est agendum, ut mens cogitationibus iis, quae antea occupaverant, contrariis exerceatur; aliae enim imagines aliis locum cedunt, & mutatione facta, animus ab eo statu, in quo fuerat, abducitur; ad quod non satis attendunt plerique medici. Ubi id fieri potest, prompte interdum succurritur. Cum autem propter moram diuturnam, quam traxit aegritudo, aut aliam aliquam ob causam, hoc non conceditur; idearum saltem, quae in praesentia sollicitant, vis omnibus modis minui ac frangi debet. Quorundam vani metus sunt levandi, tristesque cogitationes discutien-
dae.

(a) Cap. III. pag. 19.

(b) Vide *Works of Jos. Mede*, edit. 1677. *Discourse VI. & Enquiry into the meaning of Demoniacs*, &c.

dae. Aliorum vero audacia est coërcenda , in quem finem objurgationibus & minis haud raro opus est. Subiti etiam terrores , qui mentem diverso modo , quam quo agitata est , vehementer perturbent , pro tempore saltem interdum profuerunt. Veteres tormenta quaedam , ut vincula & plagas , praecipiebant (a). Et vincere quidem eos interdum oportet , qui violentius se gerunt , ne vel sibi vel alteri noceant. Tormenta vero & plagae ideo minus sunt necessaria , quod animi tam pusilli , & imbelles sunt omnes insani ; ut etiam acerrime furentes , semel aut iterum vincti , quasi victi se dedant , & in posterum meticulosi ab injuriis inferendis desistant.

Ad medicinam quod attinet , humores crassi attenuari , & spirituum animalium motus inordinati compesci debent. Sanguinis igitur detractionibus , vomitionibus , purgationibus , vesicatoriis , & fetaceis dictis , capitis interdum refrigerationibus , uti oportet. His adjungenda sunt ea , quae foetido odore nares feriunt ; in primis vero *asa foetida* , *myrrha* , & *galbanum*. Neque raro *camphora* in efferatis ultra modum motibus , & vigiliis , auxilio fuit. Plus autem prodest , praesertim si calor febrilis urgeat , *nitrum* , quantum stomachus ferre poterit , frequenter adhibitum. Victu denique tenui , & corporis exercitiis , pugnandum est. Ea vero moderatio in omnibus exinanitionibus tenenda est , ut ne in morbum , quem , insaniae

(a) Vid. *Celsum* . *Lib. III. Cap. XVIII.*

niae contrarium, *cardiacum* dixere veteres (a), hoc est, corporis imbecillitatem, incidat aeger. Id enim cum fit, resolutis viribus, nullus deinceps medicinae locus est; sed homo in perpetuum moestus vitam protrahit, heu! nimis plerumque longam.

(a) *Cels. Lib. III. Cap. XIX.*





C A P U T X.

De lunaticis.

UT medici quidam veteres morbum comitiam ad divinam quandam potentiam, ita insaniam ad lunae vim retulerunt. Lunaticus tamen, hoc est, *σεληνιαζόμενος*, cujus morbus in Evangeliiis describitur, morbo comitiali afficiebatur (a). Is igitur (nam unus tantum disertim memoratur) aut insanus simul erat & epilepticus, quod non raro fit; aut epilepsia ad lunae circuitus revertente, quod frequentissimum est, laborabat. Breviter enim de eo narratur, quod *saepe in ignem, saepe in aquam cadebat*. In hac autem aegritudine homo subito concidit, & quasi mortuus aliquandiu jacet; aut distentis totius corporis nervis, oculis distortis, motisque ex ore spumis, agitatur. Tempore vero interposito ad se redit, mali, quod passus fuit, ne minimum quidem sentiens, perinde ac si nihil sibi accidisset. Sed enim *Jesus increpuisse daemonium* dicitur, *quod exiit, & puer sanatus est*. Clarius autem epilepsiam passum fuisse hunc puerum ex eadem historia, ab evangelista medico de-

. (a) *Matth. Cap. XVII. vs. 15. & 18.*

depicta, apparet; qui aegrum, simul ac corripuit spiritus, clamare, spumasque agentem lacerari & dilaniari, tradit (a).

CAETERUM quod ad illos spectat *σεληνιαζόμενοι*, quos cum daemoniacis conjunctos, quasi morbo diverso laborantes, Jesus etiam sanasse dicitur (b); ii aut insani erant, aut insani simul & epileptici, quod, ut modo diximus, non raro contingit. De daemoniis autem jam satis dictum est. Ad lunam vero quod attinet, minime dubium est, quin accessus ejusmodi, ad certa mensis tempora recurrentes, homines impulerint, ut lunarem esse hanc aegritudinem crederent. Revera enim tantam virtutem in eo morbo habet hoc astrum, ut saepe non alio tempore, quam nova vel plena luna, homines illo corripiantur; planeta nimirum vim suam iis causis adjiciente, quae ad noxam hanc inferendam sunt aptae. Id autem qua fiat ratione, alias explicui; ubi aetherem nostrum, pariter ac mare in aestus suos, iisdem vicibus intumescere manifesto ostendi (c).

ET causas quidem naturales habere, minimeque divinum esse hunc morbum, jam olim docuit magnus Hippocrates (d). Quamquam enim illis temporibus nondum satis pate-

(a) *Luc. Cap. ix. vs. 39. & seqq.*

(b) *Matth. Cap. iv. vs. 24.*

(c) *Vid. Lib. De imperio solis & lunae, Cap. i. &*

II.

(d) *Lib. de morbo sacro.*

refactae essent animalis corporis sedes interiores, neque bene perspectae sanguinis & humorum, liquoris praesertim, quem nervi ferunt, proprietates; sagaci tamen ingenio & usu instructus plurima, tam ad naturam gravis hujusce mali cognoscendam, quam ad ejus sanationem pertinentia, recte proposuit. Hanc enim aegritudinem in cerebro ab humorum copia oriri, sapientissimus ille senex monstravit; ideoque sine incantamentis & magicis artibus, quae ad eam depellendam tunc in usu erant, illa, quae exsiccant, & exuperantem materiam minuunt, in primis ei mederi docuit.

POSTQUAM autem saeculis frequentibus crebrior medicamentorum usus invaluerat, contra terribilem hunc morbum excogitata sunt remedia, & nonnulla quidem foeda nimis & horrida; qualia sunt jugulati gladiatoris epotus calidus sanguis, carnes humanae vel equinae, animalium quorundam testes & veretra, aliaque his similia (a); quasi, quae naturae sunt adversa, tanto ejus vitio contraria esse debeant. Ita enim saepe fit, ut, ubi deest rationalis medicina, inepta quaevis & temeraria tentetur. At circumforaneis tantum medicis, & aniculis, istiusmodi experimenta conveniunt. Quanquam ne nostris quidem temporibus a sordibus in hisce casibus
ars

(a) Vid. *Cels. Lib. III. Cap. XXII.* & *Cael. Aureliani. Lib. I. Cap. 4.*

ars nostra satis abhorrere videtur; cum sterco-
ra adhuc avium quarundam, & ungulae qua-
drupedum, aegrotis saepe devoranda prae-
beantur. Mirari autem subit, cum chemia
jam ex corporibus salia & principia sua maxi-
me actiosa elicere docuit; cur pura haec po-
tius in usum adhibere, quam crassam simul &
saeculentam, cui inhaerent, materiam, sto-
macho semper ingratam, nonnunquam & no-
xiam, in os ingerere medici nolint. At ma-
jora his auxilia expetit difficillimus iste mor-
bus, nec eadem ubique, sed pro temperamen-
torum corporis diversitate alia atque alia. Ea
autem, quae plerumque conferunt, breviter
hic tradam.

SANGUIS, prout vires ferent, iteratis vi-
cibus mittendus est, quo impetus ejus coër-
ceatur. Vomitu interdum, purgatione per
alvum crebrius, uti decet. In primis autem
superantem materiam a capite subtrahere o-
portet, quod praestant *emplastra vesicatoria*.
Commodius vero idem fiet, si cutis medica-
mento caustico prope occipitium ita aduratur,
ut per fonticulum perniciosus humor assidue
prorumpat.

ET haec quidem accessuum vim frangunt;
ad ipsam vero causam tollendam, ubi id fieri
potest (non enim semper conceditur) alia
praesidia requiruntur. Hanc enim in humore
isto, qui nervos corporis irrigat, quem spiri-
tus animales vulgo appellant, sedem praeci-
puam habere manifestum est. Quibus autem
modis in hujusmodi aegritudinibus is afficia-


tur, investigare irritus, ut opinor, foret labor. Sed enim cum, ut alias docui (a), ex partibus constet tenuissimis, quae ex sanguine in cerebrum derivantur, magnamque elasticae istius materiae, per orbem universum diffusae, portionem in se recipiunt, & implicitam tenent; quin corporis vel animi quodam vitio ita corrumpatur, ut officiis vitae exequendis jam minus idoneus, motus animales omnes non ad imperium voluntatis, sed effraenato quodam impetu & inordinato peragat, nequit sane dubitari. Remedia autem, quae pravae huic spirituum animalium conditioni emendandae conducunt, ea sunt praecipua, quae humores attenuandi, & per sudores e corpore propellendi, vi maxima pollent. Haec inter excellunt *radix valerianae sylvestris*, *castoreum Russicum*, *gummi graveolentia*, & *cinnabaris nativa*, non parce, sed larga satis copia, quotidie assumpta; ita tamen, ut medicamenti purgantis usus aliquando iis interponatur, ex quibus haud aliud praestantius est antidoto *hiera picra*, facta nimirum ex hac; vino affuso, tinctura. Celebratum enim a longo tempore *viscum quercinum* inutile lignum esse, jamdudum experientia compertum habeo. Neque id mirum, cum gustatu vel odoratu vix quicquam virtutis in eo deprehendatur, & Druidarum veterum religioni commendationis suae originem unice debeat. Quocirca inter frivolas res illas numerari oportet, quas vana

(a) *Account of poisons, third ed. the Introduction.*

na superstitio in artem medendi invexit; nisi forte falcem auream, qua demetebatur, candidam sacerdotis vestem, taurorum candidi coloris sacrificia, & alia id genus inania, ad sanandum conferre aliquid, sibi quis persuasum habeat (a).

(a) *Plin. Hist. Nat. Lib. XVI. §. ult.*





CAPUT XI.

Sanguinis muliebris profluvium.

„ **M**EMORAT Divus Matthaeus, Christum
 „ mulierem quandam, quae sanguinis
 „ profluvio duodecimum laborabat annum,
 „ verbo sanasse (a). ”

QUAERITUR itaque, cujusmodi foret iste
 morbus. Cum dicitur autem γυνή αιμορροῖσα,
 sanguinis fluxum ex partibus naturalibus fuisse
 opinor, quem ῥόον αιματώδη appellat Hippocra-
 tes (b), & longum necessario esse observat.
 Unde duodecim jam annos misella haec eo la-
 borans, nulla arte sanabilis jure censeretur.

(a) Cap. IX. vñ. 20.

(b) De morb. Lib. I. Sect. 3.



C A P U T XII.

Debilitas dorsi cum spina rigida.


„ **E** RAT mulier quaedam spiritum habens
 „ debilitatis jam annos duodeviginti ,
 „ eaque sic incurva , ut se erigere prorsus
 „ non posset ; cui manus imposuit Jesus , &
 „ soluta est ab infirmitate , atque protinus
 „ correcta (a). ”

Συγκύπτισσα erat haec mulier , sive cernua ;
 non valens ἀνακλῦσαι , sive caput attollere. Spi-
 ritus autem iste , pro more loquendi Judaeis
 usitato , erat ipse *Satanas*. Nam ita mox ad
 collegii magistrum , indignantem illam sabbato
 sanctam esse , Christus ipse loquens ait , hanc
Satanam annos jam duodeviginti vincam habuisse.
 Et eodem plane sensu πνεύμα ἄλλοιον vocat Mar-
 cus evangelista spiritum , qui loquendi faculta-
 tem impediret (b).

Hoc malum saepe iis contingit , quibus lum-
 borum vitio nimis diu vexatis musculorum fi-
 brae illic contrahuntur , & rigidae fiunt. Ve-
 risimile est igitur ab hac ipsa causa diuturnum
 hunc morbum , non alia quam divina ope sa-
 nabilem , provenisse.

(a) *Luc. cap. XIII. vs. II. & seqq.*

(b) *Cap. IX. vs. 17.*



CAPUT XIII.

Christi sanguineus sudor.


„ **D**E Christo ipso narrat Divus Lucas, quod
 „ cum esset in aestu contentius orans,
 „ sudore manabat simili sanguineis guttis ad
 „ terram delabentibus (a). ”

Hoc vulgo ita accipitur, ut si ipso sanguine sudasset Servator mundi. Id autem non dicitur. Erat solummodo sudor *ὡσεὶ θρόμβοι αἵματος*, sicut sanguinis guttae; hoc est, guttae sudoris adeo magnae erant, crassae, ac viscidae, ut instar guttarum sanguinis caderent in terram. Ita verba haec intellexerunt Justinus Martyr, Theophylactus, & Euthymius. Observavit tamen Galenus, *Contingere interdum, poros ex multo aut fervido spiritu usque adeo dilatari, ut etiam exeat sanguis per eos, fiatque sudor sanguineus* (b).

(a) Cap. XXII. vs. 44.

(b) Lib. De utilitate respirationis.





CAPUT XIV.

Morbus Judae.

INTER morbos refero nefarii proditoris Christi, Judae scilicet, mortem; de qua eo libentius aliquid dicam, quoniam in diversas super illa sententias abierunt etiam doctissimi facrarum literarum interpretes. Et quinquaginta circiter abhinc annis duo in academia Lugduno batava celeberrimi historiarum professores, Jacobus Gronovius & Jacobus Perizonius, nimia cum iracundia, editis libellis, controversiam hanc agitarunt. Non enim semper & usquequaque cultores suos humanos reddunt literae humaniores.

Lis illa hinc orta est. Ediderat Perizonius *Aeliani varias historias* cum notis suis & aliorum, ubi arrepta occasione ab eo, quod de Polagro tradit Aelianus (a), significationem verbi ἀπαγχνεσθαι, quo mortem Judae commemorans utitur Divus Matthaeus (b), diligenter excutit; eamque vocem non tantum strangulationem, quae laqueo fit, sed etiam summum animi dolorem, quo quis ad mortem fere premittitur,

(a) *Lib. v. Cap. 8.*(b) *Cap. xxvii. vs. 3.*

mitur, & quo confecti necem sibi saepe consciscunt, nonnunquam denotare contendit. Hoc aegre ferens Gronovius, qui jam ante libellum *De morte Judae* vulgaverat, quo hominem miserimum suspendio voluntario vitam suam finivisse dixerat, stylum mox strinxit, adversarii rationes convellens, suasque confirmans. Quin & de locutione *πρηνὴς γινόμενος* a Perizonio dissentit, quam non de moriente, sed de jam mortuo tantum, sive de projecto cadavere, intelligi debere fidenter asserit. Divus enim Matthaeus simpliciter dicit *ἀπὴνγξατο* (a); Lucas autem plenius, *πρηνὴς γινόμενος ἐλάκησε μέσος, καὶ ἐξεχύθη πάντα τὰ σπλάγχνα αὐτῆ* (b) hoc est, *praeceps factus crepuit medius, & effusa sunt ejus omnia viscera*. Satis igitur liquet, si verbum *ἀπὴνγχεσθαι* non aliud significet quam *strangulationem*, quae laqueo fit, minime secum concordare duos evangelistas, nisi cum doctissimo Casaubono dicere velimus; Judam se suspendisse, sed, laqueo rupto, decidisse in praeceps. At hoc non mortis modum exponit, id quod manifeste videtur voluisse Divus Lucas; sed rem tantum levis momenti adjicit, quae post illam, aut certe in illa acciderat. Manifestum est autem per vocem hanc non tantum *suffocationem suspendio factam* denotari, sed etiam *summum animi dolorem*, quo vehementer oppressi mortem sibi haud raro consciscunt. *Strangulat* enim, ut ait Ovidius, *inclusus dolor*.

Et

(a) *Ibid.*(b) *Act. Apost. cap. I. vs. 18.*

Et hoc quidem quamplurimis exemplis, ex auctoribus antiquis allatis, liquido demonstravit Perizonius (a). Neque minus dubium est, quin locutio ista *πρηνὲς γενόμενος*, tam de illo, qui sponte sua se praecipitem dat, quam qui casu aliquo pronus decedit, adhiberi possit, id quod idem ille prolixè ostendit.

NON una dissertatione stetit illa rixa. Expensis autem argumentorum, quae ab utraque parte prolata sunt, ponderibus, quod dixit Mattheus cum eis, quae Lucas, aut apud eum Divus Petrus, exposuit, hoc pacto conciliari posse existimo. Proditor iste miserrimus, postquam Christum morti damnatum vidit, facti sui poenitentiam agere coepit; hinc mox moerore animique desperatione correptus, aut vertigine captus (quod in ejusmodi aegritudine saepe evenit) ex alto cecidit pronus; aut, quod probabilius videtur, ultro se praecipitavit, & illiso forte ad saxum aliquod, vel arboris truncum, corpore, effusis visceribus, mortuus jacuit. Matthaëus itaque animi angorem, qui ipsum ad mortem sibi inferendam adegerat, declaravit; Lucas vero diserte ac proprie necis illius modum definivit. Non immerito igitur hoc mortis genus in numero morborum (aegrotabat enim animus) censerì debet.

(a) Vid. *Dissert. De morte Judae, & Responsiones duas ad Gronovium*, Lugd. Bat. 1702. § 3.



CAPUT XV.

Regis Herodis morbus.

INSIGNIS est morbus, quo iusto Dei iudicio in poenam superbiae correptus Herodes Agrippa exspirasse dicitur. Is enim σκωληκόερωτος hoc est, *a vermibus erosus*, miseram vitam finivit, ut sacer tradit historicus, cujus verba sic se habent: „ Certo die Herodes regali veste indutus, in solio sedens, ad illos orationem habebat; & populus divinam esse, non humanam vocem acclamabat. Ille vero confestim a Domini angelo ictus (quod Deo gloriam non tribuisset) & a vermibus erosus expiravit (a) ”. At Iosephus eandem rem narrans *vermes* non memorat; sed torminibus maximis subito correptum, continuisque per quinque dies ventris cruciatibus confectum, periisse scribit (b). Vermes autem, a quibus viscera erodebantur, torminum fuisse causam Divus Lucas nos docuit.

ILLUD igitur singulare in se habuit regis hujusce morbus, quod repente ipsi divinitus fuit immissus (idque illum agnovisse testatur

Jo-

(a) *Act. Apost. cap. XII. vs. 23.*

(b) *Antiq. Jud. Lib. XIX. cap. VIII. §. 2.*

Josephus (a)) caeteroquin alia non desunt verminosi putroris in vivis exempla. Hoc enim morbo avus ejus Herodes, Magni cognomine insignitus, diu laborasse, tandemque consumptus fuisse dicitur (b). Herodotus etiam de Pheretima, Arcesilai Cyrenensium regis matre, meminit, quod vivens vermibus computruerit (c). Atque eodem foedo morbo, exesis genitalibus, periisse traditur imperator Romanorum, Galerius Maximianus (d). Funestos igitur hujusmodi casus non observasse aliqui saltem ex medicis Græcis non poterant. Idcirco ad ulcera σκώληκας ἔχοντα, h. e. vermibus scatentia, remedia proposuit Galenus (e). In abscessibus enim, inquit, multoties inveniuntur animalia, ζῶα, illis quae ex putredine generantur, simillima (f). Et Philoxenus apud Aëtium se aliquando reperisse dicit in atheromatum humore animalia, culicibus, aut muscis parvis similia (g). Denique Paulus Aegineta haec pellendi etiam rationem docet (h).

PLURA autem veteres testimonia in re factis manifesta adducere non est necesse, cum recentiores etiam medici complures haec eadem

(a) Ubi supra.

(b) Joseph. A. J. Lib. xvii. Cap. vi. §. 5. & De B. J. Lib. i. Cap. xxxiii. §. 5.

(c) Hist. Lib. iv. in fine, Ζῶα ἐν λείαν ἐξέζισσι.

(d) Sext. Aurel. Victor. Epitom. & Pompon. Laeti Rom. Hist. compend.

(e) De compos. medic. per genera, L. iv. Cap. 10.

(f) Lib. De tumorib. praeternatur. Cap. 4.

(g) Lib. xv. cap. 7.

(h) Lib. iv. cap. 42.

dem observarunt. Marcellus enim Donatus virum quendam illustrissimum memorat, cujus ventrem obesissimum ad mortem usque eroserunt, atque corruerunt, in cute, pinguedine & humoribus ultra modum distenta, nati vermiculi, iis haud dissimiles, quos in corrupto vetustate caseo occultari videmus (a). Simillima his animalcula, simul cum urina ex corpore medici cujusdam eximii exeuntia, vidit Nicolaus Tulpus, vir non minus arte quam doctrina insignis (b). Doctissimi etiam *Ephemeridum mediophysicarum Germanicarum* scriptores atrocem nobilis cujusdam Gallici casum enarrant, cui ex corrupto sanguine dies noctesque cum horrendis cruciatibus, per universos fere cutis meatus, oculos nimirum, nares, os, & vesicam urinae, minutissima rufi coloris animalcula eruperunt, quorum carnificina miserrime periit (c). Apud eosdem quoque ex abscessu in sura puellae orto vermes nigri, scarabaeis haud absimiles, prorepisse memorantur (d). Ex mammis denique puerperae minutissimos & candidissimos vermiculos cum lacte exivisse iidem auctores testantur (e). Nec omitti hic debent duae consimiles narrationes, quarum alteram Poterius, alteram, qui scripta ejus illustravit commentario, tradidit Fridericus Hoffmannus. Ille

(a) *De hist. medic. mirab. Lib. 1. cap. 5.*

(b) *Observ. medic. Lib. II. cap. 50.*

(c) *Decur. 2. ann. 5. Append. Artic. 38.*

(d) *Ibid. Artic. 52.*

(e) *Ibid. Artic. 109.*

le colonum curabat, cui ex aperto in genu dextro tumore vermes exiles vivi prodierunt, qui morfibus suis dolorem atrocissimum hac in parte concitarunt. Hic autem artificem quendam vidit, quem cum tumor durus, magnam afferens molestiam, circa venas ane exortus infestaret, hunc iterum atque iterum scalpello chirurgus nullo cum levamine incidit; donec tandem ex ulcere facto vermiculos nigris, aculeis instructos, magno copia foras exemisset (a).

HISTORIIS istis, licet mirae videntur, non est tamen cur quis fidem deneget. Animata est enim, supra quam credi facile possit, omnis rerum natura. Aër, quem spiramus; cibi, quibus vescimur; liquida potissimum omnia, diversissimi generis animalculis abundant. Ex quibus fieri potest, ut nonnulla corporibus nostris recepta, & in exiguos partium mollissimarum meatus, veluti in nidos, delata, more lumbricorum in intestinis, crescant, & magnitudinem eorum acquirant. Hinc, obstructis minimis humorum canaliculis, tumores oriuntur; qui calore suppurati & rupti foedam prolem inclusam, vermiculorum specie, effundunt.

NEQUAQUAM igitur interpretibus accedo, qui phthiriasi, hoc est, morbo pediculari, consumptum interiisse Herodem autumant. Aliud animal est, σκώληξ aliud φθίς: haec summam

(a) Poterii Opera cum annotat. Frid. Hoffmanni, edita Francof. 1668. pag. 72.

mam cutem , ille corporis interiora depascitur. Neque dubium esse potest, quin Divus Lucas, & ipse medicus, vim utriusque vocis recte intellexerit. Scio tamen morbum ὑπὸ τῶν φθειρῶν, cum eo ὑπο τῶν σκωλήκων oriundo, a viris doctissimis confundi; quorum illo periiſſe dicitur Pherecydes Syrius (a), ut etiam Lucius Sylla (b). Unde eruditissimus Kühnius (c), *tantundem*, inquit, *mibi valet apud S. Lucam σκωληκόερωτος, ac apud Hesychium (d) φθειρόερωτος*: ideo nimirum, quod pediculi veri sint vermes.

(a) *Aelian. Var. Hist. Lib. iv. cap. 28.*

(b) *Plutarch. in ejus vita.*

(c) *Not. ad Aelianum.*

(d) *Lib. De vit. philos.*

F I N I S.







